

Gadsup Ayugam: Bible for 1 John, 1 Peter, 1 Thessalonians, 2 John, 2 Thessalonians, 3 John, Acts, Colossians, Ephesians, Galatians, John, Jude, Mark, Matthew, Philemon, Romans, Titus

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



## Matthew

### Chapter 1

<sup>1</sup>Mana yo kimi Abrahami agac Daviti Jisasin afoi yeycin akunkunuc yivic i. <sup>2</sup>Abrahami Aisaikin afoi, Asaiki i Jekopi afoi. Jekopi i Judam ben afacava unan yifoi. <sup>3</sup>Judai Peres nuc Zera nuc yifoi yenyinoi Tamar, Peresi i Hesronin afoi, Hesroni i Rami afoi.<sup>4</sup>Rami i Aminadapin afoi, Abinadapi Nasonin afoi, Nasoni Salmonin afoi.<sup>5</sup>Salmoni Boasin afoi, ben anoi Reapi i. Boasi Obedin afoi, ben ano Ruti i, Obedi i Jesin afoi.<sup>6</sup> Jesi kin Devitin afoi, Deviti Solomonin afoi, ben anoi Uraian anaci.<sup>7</sup>Solomoni Reoboamin afoi, Reoboami Abijan afoi, Abija i Asan afoi.<sup>8</sup> Asa i Jeosafetin afoi, Jeosafeti Joramin afoi, Jorami Ussain anacui.<sup>9</sup>Ussai i Jotamin afoi, Jotami Ahasin afoi, Ahasi Esakaian afoi.<sup>10</sup>Esakaia i Manesen afoi, Manese i Amonin afoi, Amoni Josaian afoi.<sup>11</sup>Josaia i Jeonai untava yinacui Bebilonic mini kinkaci yerere beno.<sup>12</sup>Bebiloni yerere bonkimi Jeonai Seltali afoi emi. Seltali Jerubabelin anacui emi. <sup>13</sup>Jerubabel i Abiudin afoi, Abiudi i Eliakimin afoi, Eliakimi Azon afoi.<sup>14</sup> Azo i Zadokin afoi, Zadoki i Akimin afoi, Akimi i Eluidin afoi.<sup>15</sup>Eluidi Elisa afoi. Elisa i Matteni afoi, Matteni i Jekopi afoi.<sup>16</sup> Jekopi i Josepi afo Maria avafui, Jisasi ma magenim inim.<sup>17</sup> Masidem akunkunu Abraami kake Jisasi ka i sigankare eriyebam akunkun.<sup>18</sup>Jisasi ni apamini mani asac pake apamemi. Jisasi ano Maria beni Josepi iye madukam mi Gotini Ayu Inta Maria arakim am baduakem.<sup>19</sup> Ben avafu Josepi antekam bainta bemi sefo ben ana bantagim sinam ajorina ninani sefo opac yekadayic bayim simam ukadarani indemi.<sup>20</sup>Mini vaya omarem inde vami, Koctini anjori kainkim yere sem," Josepi o, Deviti aga ko, Maria madam eyana ki inonavani i yeve fekano. Ne varafino, Maria arakim dukam inta i Koctini Ayo Inta mano demi.<sup>21</sup> Maria afonita macdanai eni Jisasi ne sire avi dano, ne varafino beni banta anasi yeyi mada kinke yivikantem. "<sup>22</sup>Masidem aindada ma fabarinimi, Kocti beyicavam bvainta ka siru kake nimi, manim sikem,<sup>23</sup> Ake, banta iye mandukam inin mano amuc bagi urem am makatemi, Afo ben avi deni Emmuerine sinteno." Mini avic anui, "Kocti mayau mana bemi,"<sup>24</sup>Josepi beyic barantinke ukekum Kocti ni enjori ma sirani ureme avagundem mi Maria beyana ki urem maremi.<sup>25</sup> Minuke mifo Maria banta namac iye rugemi an demi. Afo Josepi mini inta avic Jisasi ne sirem avic dem.

## Chapter 2

<sup>1</sup>Eroti Kiniugani yamuci Jisasi Betlemie Judia magenoyoc indim baintauc ac urintapate Jeru saremic yereni seno,  
<sup>2</sup>Jiusiayic Kimi inkem pagac madugaga? Mayauni benic bayo ac uritapata ic onareci bem mansiankarani  
yecumpe." <sup>3</sup>Kin Eroti mini indiremi amuna indiric eno Jerusarepac beyouyabaci amuna indiriceno.<sup>4</sup>Eroti banta  
anasiuyic yicoyum Prisiuc namac lo siyimeyom baintauc yaramandemi,"inkepaci Jisasimi magateyafono," <sup>5</sup>Yeni  
bemi sameno," Betlemic magusi Judia siren Profetiuci sandugamino," <sup>6</sup>Eni Betlemio, Juda macagimic Judauyic  
yicnonkac kipa iyem uganamino. Enkinke mana dafisinic yeremi senti anasi bantaca Israiric bausac  
dafisintemino."<sup>7</sup>"Erotic emamic indim baintauc yaremi bayo afotaci enina yindaemi. <sup>8</sup>"Beni Betlemi sicinkaremi  
semi," oraekaci anufare anitac afaka recac seyanda maro bemi mantiankano. <sup>9</sup>Kimic siyimicdani Indideni yerere  
beno, beni aci urintapaten oneyom bayo yivigemi acnaricemi bemi aninta bankaci okapinemi. <sup>10</sup>Bayo onarenano  
yimayicamieno. <sup>11</sup>Naumpa undaeni onamic aninta ben ano Marianmac bani onareni yicon noyan ankareni  
mantiankeno yeyi unacike uvandenik kori nama ayocu undaenim adadauc ameno. <sup>12</sup>Eroti beyimpa yebaegi iye  
bokobani Kocti kayinka siyimerani ena asapate yen yimapai beno. <sup>13</sup>Yerere boni Kocticic ensoro kainka yeremi  
josepim samemi," Ucuke aninta namac ben anaonama yibece Isipic iyayono. Erotic aninta afakarem arirani  
indemino, mifac banaka samena obaeke yeno. <sup>14</sup>Mini ayufomi, Josepi ukukemi aninta namac ben anon namc  
yivimaremi Isipic iyayemi. <sup>15</sup>Mifa banimi Eroti fucimi. Iyeno Profetiuka siranim afotaemi. Isipic macusi sentika a  
reuc. <sup>16</sup>Erotic onanini indim baintauc bemi makasirayomi, anom arami kecmi. Bantau syickani Betlemic beyo,  
anintauc kanta orande mandeyoucni indibaintau yerae umaseyom kafani umacdem yirumanifucgem. <sup>17</sup>Mini  
bacya andac Profeti Jeremaia senim bayacni afotacicem. <sup>18</sup>Ramake mana amani ifidemi kunisaceno indego. Reseli  
ben aga fandauc igem bami, mini bami ifidebani arac nanayuakam eicdem. <sup>19</sup>Eroti fucimi ensoro Josepi Isipi bami  
kayinkac yeremi samemi, <sup>20</sup>Ucuke aninta namac ben anon namac yivimareva Israili magafac bono, aninta  
aruman pukirani indeyouni aci fukeyo." <sup>21</sup>Josepi ukukemi aninta namac ben anon namac yivinaremic Israilic  
magafac bemi. <sup>22</sup>Josepi indiremi Akelosi beyafom Erotnic macu kadem kini uicemi indiremi mifac binaninanic  
fedem Galili macafac bemi. <sup>23</sup>Nasaretice seyom anom macusim obamino.

## Chapter 3

<sup>1</sup>Judia banta iyebac bam makafa Yoni nom manyin kevayi siyimemi semi, <sup>2</sup>"Yindum baigako inarum maku adekai yiteno." <sup>3</sup>Mi benani Koctin avam bainta Asaiya baya siyimemi semi, "Maya nic aranic banta iye bam makafate aremi, Iyenamic ani uwic ancano, ayuc mandan antekano."<sup>4</sup>Joni kemori ayoka uwantan anene uremi arac nanki nan dumemi. Beni yunami findom nama afasam Bonkafumi.<sup>5</sup>Afo Jeruslemiuc nama maside Judia mini makusinkake Jodeni nom benipate bevapaci yeno. <sup>6</sup>Yeyic manda andau kar sinkune semi, Jodeni nonkim nom manyinkemi.<sup>7</sup>Afo amuno Farasiva Sadusic yonani nom mararani be benipaci yeno, beni yenani semi, "Yikeni manda memamo, iye emi samina yerere iyayintefe. <sup>8</sup>Yidum baedana ayoku yayakam ira. <sup>9</sup>Iyevaka bayani seko yikena bana konkim, 'yikeunama sifo Abrami bemi,' afo seni seci eni Kocti amakai Abrami agakuc manadan fabaritemi meyam onabaka.<sup>10</sup>Bani sasumen yayanukimi bemi, afo masiden yana ayoku akama iye iranimi akeyaremi ikakimi acnintemi. <sup>11</sup>Eyandum baedanai seni nomarakanteuc, sentinaim yinanim semmai siruremi anom erarugami dukemi, amankac akantikena su iyen seni maranteu. Beni yikemi ayoitanamac ikafoyaba ic nom manyinkantemi. <sup>12</sup>Beni ataya foko fo ic ondaremi maku mandan amandaremi masidem witiuc mandan asawaun manakim demi iyevac kipevar ikakimi yunkatemi.<sup>13</sup>Afo Jisasi Galili ken Jordani nompa ic yeraimi Yoni nom marankemi. <sup>14</sup>Afo Yoni semi, "Eni semi nom mantikanonami suna mi eni se baunafa ic yena mino." <sup>15</sup>Jisasi benani semi, ece anam mini make bano, macni faten yikeunamac uwandan mi Kocti sirukenimi antekantem. Afo Yoni eyo semi.<sup>16</sup>Afo beni nom mandemi, Jisasi agen ukam nonkike ukuken onami, inarun ona diyimi. Beni onevami Gotinic Ayointa nun kacna ci akem kumemi benkac kundo femi.<sup>17</sup>Onami, inarumpate mana arani yemi semi, "Mana sentikac kukami. Semi anon simoyini emi benani."

## Chapter 4

<sup>1</sup>Afo, ban anom Jisasim makasino vani Ayo Inta afapaci avigem bemi. <sup>2</sup>Foti (40) nuram bac ayufum baci beni yunan orarem bakenimi, arani fugemi. <sup>3</sup>Ban anom yeraemi benani macnin siremi samemino, "Ena Kotin Aka bante mana oyuc sinanaci kamanic ino." <sup>4</sup>Afo Jisasi bemi macnin siremi yeraegem samemini, afantim macnin siremi santemino, banta yunankac ana eran manden iyem bantemino, afo umacdem baya Kotin ofenke yenim foni eran mandem bantemino."<sup>5</sup>Afo, ban anom bemi avikemi antekara ukam maku kimi maron demi mam mac amuntapac yani ukana naropaci maron ankaremi, <sup>6</sup>macnin siremi bemi samemini, "Ena Kotin aka bante makapac indac ono, nevaraino afantimi macnin siremi santemino, 'Beni beyic enjorouc siyinkanani enkac dafisintenone', 'yiyankimi kundondan yanic uraya onkac akar iyen arinonamino."<sup>7</sup>Jisasi bemi macnin siremi samemino, "Enayac bac macnin siremi afan yokim santemino, 'eyic Iyena Kotinic erar onaran iyevac amam makano.'" <sup>8</sup>Enayac bac, ban anom bemi avikem yanic ukara ukam makusapac maron demi mana magagekena maguyuci yocagemi, minikim ayoguguc banuc baci yocagemi. <sup>9</sup>Beni macnin siremi samemini, "Ena akon noyankac kundae senkac mam sinaci umacden anecne emi amenteumpe."<sup>10</sup>Jisasi macnin siremi bemi samemini, "Magake ec-e bono ban anono! Nevaraino, "afan yokim macnin sigemino Eyic Iyeno Kotinkac anavaci, mam sianke vaci benic yokaric ana ono."

<sup>11</sup>Afo ban anom yere ankemi, afo ensorouc yeraeni ofa eno.<sup>12</sup>Afo Jisasi indimi Jonimi fakaman dumeno, Jisasi yere ec-emi Gariri makusimi bemi. <sup>13</sup>Nasareti maku yere ec-emi Kapenamic ovami, Gariri un non anakac, Seburuni magafac bac Naptari uytic iyierna maka abanapaci. <sup>14</sup>Mini ampamim fani Asaia sirunka kaci yo kademi, <sup>15</sup>"Seburuni makafac bac Naptari makafac un nom benimpac oraekem Jodani non yankakemi, Gariri mapac ankum!"

<sup>16</sup>Ayufunkim kumandu ka keyon inin bainta iyierna omi oneno, mini amampac kumante you yacbac, fuke you yimam benimpac, yenkim baci on kemi."<sup>17</sup>Mini yamuken Jisasi kotin avaya kugadem siyimemi semi, "Yindun baekago, nevaraino, inarum maku adekaci yevemino."<sup>18</sup>Micnemi Gariri, un non avafaci bemi kar untava, Saimoni ena avic Pitai, ben afac ava, Endru base un nonkimi karuc dami yonemi, yenyi noyac amaram baintauc one.

<sup>19</sup>Yenani Jisasi macnin semi, "Sen, sivakure, yikaci noyac fakeyon urec banta yivigannagon yocyikano."<sup>20</sup>Ese kugami mini baseuc yere reni bemi avakure benone.<sup>21</sup>Afo Jisasi migake bemi Jemsi nuc Joni nuc untava, Sebedi aka kanda yonemi, yeyic boti kimi yekanda yenyifo Sebedi namac base andukevan none. Yemi yarani,<sup>22</sup>ese kugami mini boti vac ye yifom bac yere ec-eni bemi avakure benone.<sup>23</sup>Jisasi umacden Gariri, makafa yeukemi anom makukinka, kotin avaya inarum maku van sikam yiyimemi, ena ena yikuc kipa yinkemi.<sup>24</sup>Benic baya Siria maku kinka boni mi, banta anasi umacden ena ena yikuc baka manda ayo inta yenkem ben yokeninuc Jisasi kipa yinkemi.<sup>25</sup>Anon imin bainta Gariri keva Dekaporisi, Jerusaremi, Judia, baka Jodani meyan ofac bukenim maku kinka bemi avakure benone.

## Chapter 5

<sup>1</sup>Jisasi onami amuna inimbainta yemi anufa i uremi. Jisasi ukumadimi beni yokam baintac bevapa yeno. <sup>2</sup>Beni beavantike mani sirem seyime, <sup>3</sup>Ayokuku uakano Ayo Inta kima amakaki iyeukano, innarum makui minakau yinda i. <sup>4</sup>Ayokuku uakano iyefi akuanene beniyi, nevara fino avabac uyikantem. <sup>5</sup>Ayokuku uakano iyenafi arac ayokuku ukam, yeni mana makakac yeyi kafanda amuna inteno. <sup>6</sup>Ayokuku uakano iye aran pukem bac nokanac atekam abuava kam ayenafi, yeni uwekanteno. <sup>7</sup>Ayokuku uakemi anom agunanene beni, nevarafino agunanene maranteno. <sup>8</sup>Ayokuku uakemi, iye anduntim umari iyeuke, yeni Koctin onanteno. <sup>9</sup>Ayokuku uakemi avoku kumadinano, nevarafino Koctini agafandave ve sinteno. <sup>10</sup>Avokuku uakeme iyenafi antekam avuava kana manda uginkeyom, inarum magui yegindai. <sup>11</sup>Eni ayokuku uakantem manda bayma siankare na manda uakem, afo sentivickima umac sirenna manda bayma mac siankeni. <sup>12</sup>Amoyevac i anon amusin ono inarumpa i eni anon andada bemi. Mini asapake Koctini yogam baintau ma fena bageyouni umammi maren. <sup>13</sup>Eni mana maka i sorim banami ikeni urena sori yebekem ase intenafi? Iyeva aseintem minu kame banta yikantim kaudareni yigam daman yosisic nateno. <sup>14</sup>Eni mana magac oni banami. Anon makuma anukac uwantam iye mana opac bantem. <sup>15</sup>Minnukami banta anasi yeyi oni umumam iyen ayofateno, mandanni afotagic uranami naukimi masidem kika i kagatem. <sup>16</sup>Eanana eni oni mini asa pake kakanayac eni avokuc oneyec enafo inarum makukim bam avic yanioc. <sup>17</sup>Yikeni macni indiri iyeva oc seni mana makakac lo siman manda irara yekau. Iye ukane, afo simam lo erairani yeko. <sup>18</sup>Fuga ugami seni sego inarum bac mana maga kipantem mifo sentibaya iye vac i kipantem fanana bantem. <sup>19</sup>Iyefi Kocti abaya manaukam yumandam pasademi ben avic bac inarum makufake mandam pasacdantem. Afo iyefi dafidem ma sirukakemi inarum makuka yenyibi anoni intem. <sup>20</sup>Seni sec yikeyic antekam anda ma magkacdafitau bac farasi yic abuabac mandam iye antekem iyevac mana inarum makufac urinonami. <sup>21</sup>Ahi idiru kanami feyukam ma sigam, Iye vac bainta arumam pukuno nevara fino iye fi banta arumam fuke i anom kokimmi binonami. <sup>22</sup>Afo seni masideugam nani mani seko, iyefi be afac avau namac ma aran marankemi anom kokini item, eyi bec afac avanami manda ve sinte eni anom umani lo baintau yiyanki afakanonami, afo iyefio oene sinono igac makusimi umantim banonam. <sup>23</sup>Minugami eyandun tapake agouke ino maro agouke kandandakac iye duke eyafac ava namac umam dukei. <sup>24</sup>mikakac agouke kandandakac yere e-eva maro sikuno sianka. Acnani eyafacava maro sikuno sire va eyi agouke maro agouka kandandakac da. <sup>25</sup>Eyic namuko namac ma kotiran fa asapac bebac akake benamac simam mana arakakio, minake eni namuko avimam lo bainta yiyam kim dana lo bainta avimam wada ayankim danam, beni emi mandam dumitem. <sup>26</sup>Fukaukami eni eko dumim makike iye ukami mapac yino nami, eyi umadem sito oyui kipamam aninonami. <sup>27</sup>Eni idirukanamino minima sikam, 'iyebac ena avafu marano. <sup>28</sup>Afo seni sec iyefi ena ana onadema beyandun tinke onagarae i mini eni kumianda onam. <sup>29</sup>Afo ayanukampake na okama kumianda uvarana yomandam pasacde manda anono. Aboku manaino nami manapekena bunam mandam fasada micnake masidem bunam ikakim binagani. <sup>30</sup>En ayan ukama manda ina ake yere anono micnake masidem bunam mande ikakim ani fo. <sup>31</sup>Macniva i sikeno iyefi be ana sasackarem bayiim kipam afam mandar amenafi. <sup>32</sup>Seni macni siruke u iye fi be yana sasakena fi beni be ana mandani banta umorin inini em. Iye fi bema maranani yi beni ena ana i umori intem. <sup>33</sup>bani aci indi rukami, feyukama sikami, Eye umam ran iye bac simam fabaro masidem umam mare yanaroni akanti na marera. <sup>34</sup>Afo macni sikem iyeva inarumpa ke sire eyavaya madam kunkuyo, inarum makui Koctini anom eram bakimi, <sup>35</sup>makakake sire iyeva eavaya mandam kunkuyo; mana maka i Kocti be agam damam kunku evam naroj; Jerusaremi be sire iye bac eavaya mandam kunkuyo; Jerusaremi i Koctini anom magui. <sup>36</sup>Iye bac anom inkande eyavaya simam kunkuyo, eni amagac mana kasi kafi efam acnoyo iye uwaranonami. <sup>37</sup>Minuke mifo maniva ise, eyo eyo iyeve iyeve bac ise. Ne ara-ara baya masei, mini bayauc i bananom kinke yintem. <sup>38</sup>Eni indiganamino, 'Ogani ogan inda i abakuni abakun inda i. <sup>39</sup>Afo seni mani sec, iyefi mandas uakana bem iyeva manda uanka. Afo iyefi manapa apa rufamina, ena avatifakena yobegana nac dufami. <sup>40</sup>Iyec enamac kopac avakurem birar indema eni sota dayudem marenafi eanana mamekena sota vac mara. <sup>41</sup>Iye benama adeka bono bam erarurem sintenafi, mandara eyaka kiure bemanac bo. <sup>42</sup>Iye fi andada vana indaina faya ame, iye fi andada vandema indaina acnaim iyeva ame. <sup>43</sup>Indika nami mam bayakim macni sikem, en anakac bayina avaba evac. Eye namuko mandac uanka. <sup>44</sup>Afo seni se, eni namuko emma mandac uankevayina avaba ureva beni mandauc earankare okam mukuanka. <sup>45</sup>Minuremi enafo inarumpa bayin agakic inonami. Beni ac i manda ba abogu ininabasi naro dami kemi, ac i manda ba abogu ininabasi kimi dami remi. <sup>46</sup>Ena iyefi ema avaba evayima avaba eve ne meyanac marante? Gabmani ni yokam baintau ma banta anasi uc oma umatire marau yacbaka avaba uyinka?

<sup>48</sup>Miniukame eni antekaiga enafo inarumpa bayi i antem

## Chapter 6

<sup>1</sup>Oukure yeukure vaci enic antekan abuavac anasi banta onakobam yen yugankac uwara, mini ayac inarumpa eyafo bampate iyem maranonami. <sup>2</sup>Andada iyeruke yuo yimirani, kam bofem dukam baintauc mam mackinkac namac ayana anasi banta yem manam yanic ogobam ufen areyonic ure bac iyevacdo. Fugan emi siankego, yeni aci yeyi ayac maren. <sup>3</sup>Afo andada iyeruke you yimirante ec anam en ayan opatena ayan mano iyeva onano, nec en ayan ukam mano uwarenafi? <sup>4</sup>Micnuinama enou yiminona emampac yimiranami afo enafo emampac onemi ayac amintemino. <sup>5</sup>Inantinte, iyevagac kam bofem dukam baintauc kege ogo. Yeni mam mackinka namac ayanafatac ukukage inantirani yiymeno, micneva anasi banta yonakovare. Fugan emi siankego, yeni yeyic ayac aci maren. <sup>6</sup>Afo ikeye, yikena inantirani yike yimakin umpecka, ona munkurekac yiken yifo emampac bemifo inantego. Afo ikem yifo emampac bem onaremi ayac yimintemino. <sup>7</sup>Yikena inantirani, amucna bayayuc mapac baintauc seyonic iyevac o, yeni indiekeni mayau amucna bayayuc sevanauc ic inditemino seno. <sup>8</sup>Mini ifo, yekacna iyevagac ogo, iken yifo onankemino, ne anenec bara inde eni ben indae. <sup>9</sup>Macni inantirika ogo: Mayau sifo inarunkimpa, ecanan en avic antekano. <sup>10</sup>Ecanan enic kindomi yino. Ecanan enic ayim bano mana magagac inarumpac beninic urene. <sup>11</sup>Mayau simeno mana nurankena yunane. <sup>12</sup>Mayausic manda andauc ukic sinkano, mayau mandai usinkeyo uyic manda andauc ukic yinkeguna ureve. <sup>13</sup>Mayau sivic eke yimam makantin iye devac ic mayau sivikano manda kinkeve. <sup>14</sup>Yikena anasi bantau yic mandauc ukic yinkami, inarunpate iken yifo yikembac ukic yinkantemino. <sup>15</sup>Yikena enoyic manda andauc iyevac ukic yinkarami, yikembac iken yifo iyen ukic yinkantemino. <sup>16</sup>Minic namac yikena yunan ece inansintec ic iyevagac ific bundic ec, kam bofem dukam baintauc kege eno. Fugan igemi sinyinkego, yeni aci yeyic ayac maren. <sup>17</sup>Afo ikeye, yikena yunan ece inansinteg, yicnonkim basafem acdekac ic ike yun sesec uregac, <sup>18</sup>ic enoyic onantac yunan ece inanteyoni iye egac ic yigen yifo mana emampac bem, emampate yonemi ayac yimintemino. <sup>19</sup>Mana magagac onda anda iyevac ucyefano, bamina konkonuc ire banami umom baintauc ukac dare umorinteno. <sup>20</sup>Inarumpatena ond anda vac ucyefago, bamina konkon mano iyen anankayintemi, umom baintauc bac ukac dare iyen umorinteno. <sup>21</sup>Nafagac eni onda anda bantenafi, mifa ic en anduni bantemino. <sup>22</sup>Ogamano okingena omino, en organ ayogugic uganami en okingac kagantemino. <sup>23</sup>Afo en ogam mandai uganami, umacdrem bunam ayufumi kantemino. Afo on enkim bagem ayufum kanam, anon ayufumi kantemino. <sup>24</sup>Maya kantan dafisintac iyen yongantemi, mana afogaremi enan ayintemino, mayam pagic emi ena eci rantemino. Eni amanka Gotinic yokan namac mana magagagena yogan namac iyeu maran nonami. <sup>25</sup>Micnuga ic samego, eyic baru gar anon indiric iye ono, ne yunanamac nonamaga ne ey age ne unambacdo inte. <sup>26</sup>Nunuc onano. Yeni yocde kore manan iyen ucyefenone, unan deyompa inarumpatena enafo yemi dafisemino. Eni yembac ic yesan kaga namino. <sup>27</sup>Iye eni eyic baru manan anomic irar anon indiric ec. <sup>28</sup>Eni nevarac unambacdo var anon indiric ec. Atauc maga yana ba nar indeno, inkecnikac ure ampame yafo. Yeni iyen yokeno, yeni unambacdo iyen eno. <sup>29</sup>Emi samego, Solomoni beyic anom bic namac micnagenkam unambacdouc iyen emino. <sup>30</sup>Goti atauc unambacdo uyinkaranami, mage ayum bagem saganami igagimi mandan acnintemino, nadde yaca emi unambacdo uankatenafino, ece kipa yokaric ono. <sup>31</sup>Mini ifo, anon indiric iye ono, ne yunanac nec ne nona narec inken unambacdo ontekafuno? <sup>32</sup>Mapac baintauc mini vani afakeno, en afo inarumpate onankemino minic dukar indanau ge. <sup>33</sup>Afo Goctini kindomi namac benic antekam anda namac afakaranami mini anecneuc emi amintamino. <sup>34</sup>Mini ifo, sakanankena var anon indiric iye ono. Ena nuram mano beyarani anon indiric intemino mana mana nurami bey amankaci beyic umani dukemino.

## Chapter 7

<sup>1</sup>Ena iyeva daime, embac iye daimantemi. <sup>2</sup>Mini daminto ena daindanami embaci, minifoni emi umarugami arintec emi. <sup>3</sup>Fayaci sito pompom agagukam benim enafa abam okapenkena oneba, anon yaki en okampem baya iye onanagakeve? <sup>4</sup>Ikenurec ena afa abanan seci,eana sito pomppom aga okampem benim uyenkaman ankano; embac anon yaki okampem bayave? <sup>5</sup>Eye kantam aban dukanobe! Enare eyokampenkena yaki uyenkarebac,mikake abokuc onaric uremi eyafa abam okampenkena uyenkanonami.<sup>6</sup>Iyeba abogu yunam benim madam iyanuc yeme, eyic ba abogu ankararo mandam foruc yontapac ano, minageya yinkanto akaravareya dakaman sitosito ifo. <sup>7</sup>Indaurananaci, emi ami. afaganono eni onanonami. Ona arinami diankatemi. <sup>8</sup>Iyeucyac indae yafo, marenco, afaka noyou oneno, iyem bainta eni ona inkamintefem emi diankatemi. <sup>9</sup>O iyec enkike, en akac sikoni aravan inantina onabam mandan aminteve? <sup>10</sup>O noyakan inantina meman mandeke aminteve?  
<sup>11</sup>Minic ugemifo, iye eni mandauc oneci abogu mandan anintauc yimefe, Enafo inarumpa beni avogu aneneuc benga inante youc yemenafi?<sup>12</sup>Minic mugemifo, ne anene bantauc uwarr- ankakobara indefe, eyabac yemi minuc bac uyinka, mini bayani Kotinic yokam baintaci sirukami.<sup>13</sup>Sito onakim beyon asacka umpeka. iyena ona benim ani anamukemi abigemi mandakimi bintemi, afo amuna iniya bainta mini asa beno. <sup>14</sup>Afo kipa ona benim ani, aniyocde afakare oremi bananabani maranonami.<sup>15</sup>Mibe uma yokam baintabare, sipisipi aka kana uemi mini unambadokimi uremi yemi, fukaukane afasam iyammi bemino. <sup>16</sup>Yenyic yunam akankaci yonanonami. Afo amankakaci bantauc avi yasankena akami maranateyafono,o ena avi yayakam bake? <sup>17</sup>Miniasapate aboguc akami irintemi, manda yani manda akami iremi.<sup>18</sup>Awokuc yani manda akami iye irantemi, mandayani awokuc akam iye irintemino. <sup>19</sup>Umacden yayuc awokuc akam iye irinanimi akefamani ikakimi acninteno. <sup>20</sup>Yenyic yunan akami mikaci yonaman afotaci danonami.<sup>21</sup>Madeukana senani Iyeno o, iyeno o, seyou inarumpac urinteyau, iye ino, sentifo inarumpa beniyi, benic ayintac beni manaino. <sup>22</sup>Amucna baintauci mini yamuc senani seni, Iyeno o, Iyeno o, en avickimi ano yokani marewacumpe, en avickimi ocemi sankevacupe. <sup>23</sup>Mikaci yemi mandan afotac deci, emi iye onakecumpe, sicnaempac yankakano, eni manda uwaranon banamino sentecumpe.  
<sup>24</sup>Minicmukemifo, sentibaya indere abukukureyo yenyima onaroc i uwareno. <sup>25</sup>Aci rem kumenimi nomi sayemi, iyena sisoba emi mac iyen pafasemi, nebarafi, onabam naro i uwantemi.<sup>26</sup>Afo amunoukam sentibaya indire, iye abukiranayou yeni oembaintake eyu naroc uwareno. <sup>27</sup>Anon ac dem nom sayem,sisobanama emi mini mac abekaranami manda pafasintemi.<sup>28</sup>Jisasi mini baya siman kiparanic, banta anasi ano indirimeno, siyimentinukare.<sup>29</sup>Anon eran dukeni kanaci siyimemi, iyen yenyic indim baintakanac semi.

## Chapter 8

<sup>1</sup>Jisasi ayafate gumini, amuna iniyabainta anaem abakureno. <sup>2</sup>Namon okagakabam bainta, ben okampa akonoyandem semi, Iyeno, eni ayimbanabe, sofaono simi ofaem. <sup>3</sup>Jisasi ayan akudemi okaemi,semi, seni ofaerare. ofaimi kipemi.<sup>4</sup>Jisasi bem samemi,maro iye siyimeba, oreba, Gotini yokam baintaka sususin dano.Mosesi mini adabani sirami bemi.<sup>5</sup>Jisasi Kapenium kundemi,Romani yokambanta ofaeino bani Jisasimpa indaemi,<sup>6</sup> semi,Iyeno senti yokarinta, akarayam ukukam manda anbisi marem naumpa bako? <sup>7</sup>Jisasi samemi, orei ofa onteu,<sup>8</sup>Romani yokambahinta semi, Iyeno,iye antekaunobe umpe, sentima iye binonami,pa makabe sinaka sofaem marano. <sup>9</sup>Seyabake,Iyena dafisiriukano beumpe,Aminukandae sei bono,yeno marasunani maren. <sup>10</sup>Jisasi indiremi,amoyurem siyimemi semi, pukabe Isarariku iye sam sirima namino semi.<sup>11</sup>Emi sameko, amuno ukami auritapate, akumintapate Abramiba, Isakiba Jekopi unama inarumpa nananteno. <sup>12</sup>Inarumpa barare seuni, ayufunkimi karudani, ifideni yibakur arafinteno. <sup>13</sup>Jisasi Romani yokam baintabani semi, bono, anduni munkeona andabani, ofaini Mara nonamino.<sup>14</sup>Jisasi Pita ama oremi,Pita akon inini, umondam arebami o onemi. <sup>15</sup>Jisasi ogaimi kakipami, ukukemi nani yofaemi.<sup>16</sup>Ayinkaki imi, Jisasimpa banama beyom baintau yeromi,bayasoni abamar anemi, yibainta bai asofeno.<sup>17</sup>Miniasapate,Isaiysa mani sirami, beni oma aka anabisi maranteno, siram bakemi.<sup>18</sup>Jisasi onanimi, amuno ubikami, meya ena ofa Garari birani siyime moni. <sup>19</sup>Siyangkan baya indi ukemi siyimeni, semi, yoyikam baintao inkempaka binteba, seyanda i bonteu. <sup>20</sup>Jisasi bem samemi, afasam iyami masi i dukemi, numi madukemi, minukami banta aga ma iyan dukemi.<sup>21</sup>Ena Yokarinta semi, Iyeno eyosina sesifom maro masi fareka ono. <sup>22</sup>Jisasi semi, sinaem yeno, eanam pukeni beya masifano.<sup>23</sup>Jisasi boutikim urini, beni yokarintau abakureni mikimi ureno.<sup>24</sup>Iyena sisoba nama,anama non amuka adimi, bouti nom dabaemi.Jisasi mikim onkai dukami.<sup>25</sup>Yokarintau bempa yereni,seni, mayau sofaono, Iyeno o pukonu nabare. <sup>26</sup>Jisasi yena semi, nebara fekefono,yinduni munke yomi kapa dukam siremi, ukukemi sisobanama anama sankami maro kakipemi. <sup>27</sup>Mini baintau amuna indiri eni seni, inkenukam bainta sera sina sisobaya nomba benabaya indeyafo?<sup>28</sup>Jisasi ena opa, ena makafa Gadarenesi oraimi, kambainta kimi bami bakemi, Jisasi nama mana kaki eno.Yeni bamasipate yeno, iyena eranamai yeno, mana asa iye binakomino seno. <sup>29</sup>Yeni badureni seni, enama neka onuno, Gotin akako? mayau uman simirara maka yefono?<sup>30</sup>Mikai amuna forui mika nanineni, adekai bano. <sup>31</sup>Bami abankemi semi, sisinkatebe, sisinkaeke forukina dano. <sup>32</sup>Jisasi siyinkemi semi, yanka ono simi, bami ademi, forukimi ofekemi onami yayeni ayafa undeni, nompi indaeni fukeno.<sup>33</sup>Yena foruka dafisakeyo, yayeni makusapai,maro uma bayani siyimeni, kambainta kimi bami sankeninani iyena siriure indeno. <sup>34</sup>uma makuni, Jisasi onareni yeno. ye onareye sameni, mana maku e ebano.

## Chapter 9

<sup>1</sup>Jisasi kanukim acdemi mecyan ofac oremi beyic magufa bemi. <sup>2</sup>Yeni o fukam bainta yubasikac dukani abike yeno. Yengic indim onaremi, Jisasi mini ofuka bainta samemi," Sentikako, amoyono, enic manda anda kipa ankecumpe." <sup>3</sup>Manaca afan akereyou baintauc yereni yeyirani sire indireni seno, "Mana bainta Iyenomi madaic siankemi." <sup>4</sup>Jisasi yenyic indim yonaremi semi, "Nevara yiken yinduntim manda indiri eka fono? <sup>5</sup>Afo neve senu, enic manda anda kipemino ukuke bono senuno?/ <sup>6</sup>Micnugami yikeni indinonami banta akaci erani dukemi manda andauc mandani anintemi, beni mini ofukam bainta samemi, "Ukuke eyic yuwasic mandare, eyamapa bono." <sup>7</sup>Micnurami mini bainta ukukemi beyamapac bemi. <sup>8</sup>Amucno mini onareni yindudureni Koctin avici yanic eno, beyic erani banta anasi yimeninani. <sup>9</sup>Mini kake Jisasi yankakem bemi onanimi mana bainta ben avici Matiu, moni mareyouyic seri mackimi kumantami. Beni samemi, "Sen sibakurono." Beni ukukemi abakuremi. <sup>10</sup>Jisasi mini makin yunan naran kumantani, takisi mareyou namac manda anda bareyouni amucno Jisasin namac benic yokar baintaunamaci ye kumandeno. <sup>11</sup>Farisiuc onareni, seno, "Nevarac yikeyic tisa takisi mareyou namac manda anda eyou namac yunam nenafigo?"<sup>12</sup>Jisasi mini indiremi, macni semi, "Banta anasi aci iye dukanani yotam iye onantemi ac dukayi mana onantemi. <sup>13</sup>Mana neve sikenafi eni bebaci onano, 'Semi siyenimi agun anecneino akonke bayaino.' Seni antekeyou yarana yere yindum baekakobara yekauno, manda ando eyou yindum bae kakobani yecumpe." <sup>14</sup>Jonini yogam baintauc be bampa yereni seno, "Nevara mayauni Farasiuc namac masicde nuram yunam ece ka sukamukega funo, afo enic yokam baintauc yunam ece yukam iyem mukeno?" <sup>15</sup>Jisasi macni siremi siyimemi, "Bayic eyouni amankakac bayika yebau akun anecne bantenafi? Afo mana nuram yintemi, bayic inanim bainta yenkinke binani yuyam eceni yukam munkinteno. <sup>16</sup>Mana bainta oyam unambadoni iyebac feyam unabagoda dantemino minurami dakagatemi iyenagaci dakakemi anaintemino. <sup>17</sup>Mini amakankaci anasi banta oyam waini feyam anamuntimi iyebaci danteno. Minurami mini anamuni fotinami waini bacyinami mini anamuni anaem kayintemino, micnugani oyam waini mandeni oyan anamuntimi dami waini namaci abogukac bantemino. <sup>18</sup>Jisasi fa mini andaugan siyimebani mana dafisim bainta yeremi agon noyam ankaremi semi, "Sentiramumi mageuami fugemifo mare ye oreva e ayam benka danana uguckano." <sup>19</sup>Afo Jisasi beni ye ukukemi abakuremi bimi, benic yakam baintauc baci acnaem beno. <sup>20</sup>Onago, mana ininano 12 orandegaci anasiuyic aci dukayi Jisasin acnaempa yeremi beni bacdo arani ayogac emi. <sup>21</sup>Mini ininano beyani semi, "Sena benic bacdo ara ayogacureci seni asofantecumpe." <sup>22</sup>Afo Jisasi mini ininano yobaicemi onaremi semi, "Siramuno, sadake bano, en andum munkinano ofa ini maranamino." Mini yamukukami mini inini ofa ini maremi. <sup>23</sup>Jisasi mini dafisim amakim undem yonani, amucna inim baintauc namac ufencu areyom baintauc namaci beni kunicebano. <sup>24</sup>Afo Jisasi semi, "Marecbogo, mana aginta iyebaci fukemino, fani oni dukemino." Minic seninani amaruankarenim imi siankeno. <sup>25</sup>Yeni mapa kumeno, beni naumpac undaemi mini akinta ayam um pakarami mini aginta ukukemi. <sup>26</sup>Mini baya mano made kika ben yemi. <sup>27</sup>Afo Jisasi mikake bemi, kantan yukam avakam bainta abakureni beno, bacdeni seno, "Devitin akako, akun anecne matikano." <sup>28</sup>Jisasi naumkimi umpekemi, mini bainta kada be bapac yeno, Jisasi sigimemi, "Yikeni indemi seni amakaka uvaratekafu?" Yeni sameno, "Eyo iyeno." <sup>29</sup>Jisasi yen yukam ayogac uremi siyimemi, "Yiken yindun munkinagon andakaci mini andandac ampamintemino," <sup>30</sup>micnimi yen yukam diyemi. Jisasi yemi eram bayakikem siyimemi, "Onarec maya iyebagac indino." <sup>31</sup>Afo mini bainta kada umacdepac mini bam siyime beno. <sup>32</sup>Fa mini bainta kada bami, afo, mana manda banuc upekam bainta avike Jisasi bapac yeno. <sup>33</sup>Manda banuc mini bainta okike yankackami beni ani semi. 'Umacde yiduc duren seno, "Manai Isralici micnugan abuc abac iye bakimi." <sup>34</sup>Afo Farasiuc ano seni, "Manda banucyic iyeno bemi manda banuc acnemino." <sup>35</sup>Jisasi umacden anom maguva sito magu kika novami. Beni yenyic mam makikac bayayuc siyimevami, mam bayaic kindomi siyimevami, ara ara yic anene dukau kipayinkemi. <sup>36</sup>Beni amuno yonarem bey arac yime, nevarai, yenyic umantibac ayokukac iyem bami. Yeni sipisipigac dafitan bainta iyen yenkarayayic urem dafisemi. <sup>37</sup>Beni beyic yokam baintauc siyimemi, "Yunam akami amucna ugami bemono, yogam baintauc kantan ugami be none. <sup>38</sup>Era okamuke bananac, yunan Iyeno siyinkanayac maro unafoko."

## Chapter 10

<sup>1</sup>Jisasi beyic yokar intauc yicviamam demi beyic eran yimiremi bega ci manda ocenuc yivamam acnekai manda yikac anecne benim kipa yinkago.<sup>2</sup>Afo mini yogam baintauc yivickuc i maya Saimoni, (avic Pita), Andrun ben afaci, Jemisi Zebedin akac Joni ben afac ena<sup>3</sup>Pilipi ba Batalamu ba, Tomasi ba takisi mareni bainta Matiu; Jemisi Alpasiunin akac ka Tadaeus,. <sup>4</sup>Saimon sealoti bac kutanugi im bainta Judas Iskariot<sup>5</sup>Siyankare afapate kar omademi Jisasi siyinkem. Beni indem yimiremi semi, "Iyevakaci ena magufac bogo mapac baintauc beyompac, ena Samaria magufa bac iyebaga umpegago . <sup>6</sup>Bogo Isaraliuc beyom makim dompirugam sipsipiu benone ; <sup>7</sup>af o bintevai maro siyime sevai, aci Inarum makuni acdekai yintemino.<sup>8</sup>Yiku kipayinkare,fukeyou ukukayinkare, yikar ayam antecyinkare, mandac ocenuc benin yomandar acnure, eni fayugam mande fayugam yime. <sup>9</sup>Iyevaga ci goli, silva, kopa, iyevakac unankim badec bo. <sup>10</sup>Mandenoyom unam iyevakac iyapac mare bo, o aba anecneuu, akatinkenau, yunana mana ca anecneuc.<sup>11</sup>Inken anom imagu ya sito magusina sec urintefe, antekanayo uyac minikim yifaka, afo yenama bake baci yere yinka. <sup>12</sup>Afo yen yimac urinte, ayayinda. <sup>13</sup>Afo mini makim ma ayoguc bana, eyic ayokuc mikina da, onanom ayokuc iyevana, eyi ayoguc oveke bac mara. <sup>14</sup>Ema avicmar iye raya, ena avaya eye indiya, mini maguyac yerere binte, agantakena kayo yere dunduyare bac i bo. <sup>15</sup>Fugabe emi sameko, Sodom, Gomora ma mareyon umare, mini baci arugen inayem koc nurama yinanine . <sup>16</sup>Onano, eni sipisipi ken banaci sankaege i afasam iyanuc bapac i rego, afo eyogaga ci memageva ci daviseno nukev ci fegano. <sup>17</sup>Banta anasi jigara ci fegano! Avigeni kansorouc bampa ci binte none! Avicmam maro mam makindeni yafin arintenone. <sup>18</sup>Senarontireni emi avigeni iyena iyena davisiruc bapaci maro uguka yinkanteno, bayna mapac baintauc siyimin nona amankai yemi siyimi nonami.<sup>19</sup>En avicmam marondaya, eyevaga feke se nevec sentekafu. Mini yamu sinona bayani amintemi. <sup>20</sup>Eya sinonanai, enafon ni ayointa enkinke sintem.<sup>21</sup>En afagaba avigem bintemini afagaba fugonovare, benafo beyaga minitemi. Anucbaci ukukeni mininteno yenyino yifouanamac fugogovare. <sup>22</sup>Amucna iniyabaintan emi mandai uankanteno sen tivickim, afo iye arar intefe arasa yamu, miyi pabantem. <sup>23</sup>Ema mini magusima ariyave, enafagac iyayono, fugabe enani sego, iyevac Isarailic magusim ovananami Banta Agac yintemi. <sup>24</sup>Mana abakurim bainta beyic iyenon iyen yeankagemi, yogan bainta vac beyic davisim bac iyen yean kagemi. <sup>25</sup>Amacnkai abakurim bainta bac beyic iyeno ke intemi yokam bainta ba amankaci davisim yokam bainta ke intem. Yena banano ma ofo na se umade uyani siman mandai minteno.<sup>26</sup>Micni mugaci iyevac yengigam fegago. Iye vac ic mana opa bananum afotagic mintemi, opatena anecne iye onanteno. <sup>27</sup>Ne ayufumi samegafu, bayakom samegafu, dandake akam pem samekuna, nanamuntake sameno.<sup>28</sup>Iye vagaci fegano eno en arumam pukinani nare. Iyeva fegano enou arumar iyem pukintem ben agarai fegano o nama amugu namac i igamagufaci danayin ac gara fega. <sup>29</sup>Sito monikac kantan nun kanda iyen yeminteno micnimugam magapac maya iyen pafasintemi. Eyafoni ayintim. <sup>30</sup>Afo en acnoyo baci umactisi kinaf. Seyando baci sesifon okangaci ayofan ankanteuc inarumpac. <sup>31</sup>Iye indeko seni avacbagaa marec mana magagac kumegaunie abacbagaa marec kumegaune, avaiyandadam mare kumeupe. <sup>32</sup>Afo seni kumeguna bantauc beyafom mandauan kanovani kumeuc, akinta beyanom mandac uankantemi, benanafuc ano beyanafuc mandac ungantem. <sup>33</sup>Mabeyon kinge banta namugoc mintenone. <sup>34</sup>Iye beyano afom abacba kukanenafi semi iyen abacba usikeno, iye beyagac aramum abacbagugan enafi, semi iye ayokufi usinkeno. <sup>35</sup>Iye beyic kekac ya mandarenac sivakurin tenafi, sen tivakurintim ayogufi iyen ugemi. <sup>36</sup>Iye beyandum fakantenafi maro dopini intemi; afo iye beyandum senti siyinta maro dopirintenafi beni marari mana intemi. <sup>37</sup>Iye avikantenafi semi sivikantem, iye semi sivikantenafi semi sisinkenimi avimikantem. <sup>38</sup>Iye Kotin abam bainta avikenafi benkikena ayac i maranonami afo ayokuc baintac avikantenafi, bangingena ayac maranonami. <sup>39</sup>Iye mana sitoguc yimintegafe. Mana iyonnnon ana amintefe mini senti yokam bainta i, fogan sirc samego, mini asapate beyic ayokuc iyen dopirintemi.

## Chapter 112

<sup>1</sup>Jisasi avakuro noyom baintauc siyankan afac kankumade baintau siyim micdemi yerere yeyi sitifac maro baya siyimirani bemi.<sup>2</sup> Nom manyinkevan Yoni karavusigim bemi, Jisasi bayayuc siyimem nonim indiremi , baintauc siyin karani Jisasi onarani beno.<sup>3</sup> Jisasi oman onareni indaeno. Eya mini bainta bec yeva? a a ena bainta fi.<sup>4</sup>Jisasi siyimem , nommayinkeni Yoni yevege begai maro samego nenecke one indegafe. <sup>5</sup>Yogam puntinkeyo mage yugan oneno,yigan manda ugexo mage yigan anteini ani nono, namon aga ana ugexo mage yenyi namon sese emi , yagam iyeindeyo iniya bainta mage yagam indeno .fukan iniya baintauc yevege fugintinke ukukeno, andanda iye dukeyo yeni avogu bayan indeno .<sup>6</sup>Sema mandac iyeusinkatege avokui maranagomi.<sup>7</sup>Mini baintauc ankapac bami , Jisasi Yoni nani anasi banta siyimem. neonararagac eyu magufa begafono? sisowani yani kasava evan onararaga begafono ?<sup>8</sup>Nenecke uganac onararaga begafono? nanayugan unam bacdo urukam baintan onararagac? fugauganai, miyu nana yuga unambacd urem kin amakim beno.<sup>9</sup>Afo iyen onararaga bega-Profetina?<sup>10</sup> eyo, seni siyimego Profetim baci arugemi.Benani sire agan dukami bemi.ona,sesi yogam bainta nare sasankanami yigen yugam pac nare yemi.<sup>11</sup>Seni fuga ugane sire siyimego, anasiuc mageyon intauc kinkeve, nom mayin kevan Joni keva beyaone. Inarum bantimac kpa ugam beve, Jonim baci aruganami. <sup>12</sup>Nom manyin kevan Joni baninkake mage magac yerami inarumpatena kindami anon umani maremi. Banta beyic erantoni mandauc maren yemi.<sup>13</sup>Feyukami frofetivac lo gimbac sirukage yom mage Jonibac semi; <sup>14</sup>ena eyomsiana indevanteve? Elaisa yintemi. <sup>15</sup>Iye agan dukenafi, ecanana indi.<sup>16</sup>Mage beyon iniya baintauc, yeni negagac sire senu, againtauc ke mageti magufac iyarare, kumanduke bem, ben aram ben aram e bem <sup>17</sup>Semi, Mayauni, ufemi aruanke vanimi eni agon iye maganami. Mayauni sigun anecke mare vana, ific iyen danami.<sup>18</sup>Joni yerem yunam iye nem, waini nom iye nani, yeni seni, bani bekim bemi. <sup>19</sup>Banta aga yeremi yunan nem nom nani yeni seni, oago, yunan nagarac emi dipaki emi, takisi mareyo baintauc namac manda anda uwareyom yiganda bemi! Avoku indim bana duke uwarana mini avokucino.<sup>20</sup>Jisasi mini siti yeukukaegen manaic siankemi, nevarafi anon avogu andanda uwandani, yindur iyem baigeno.<sup>21</sup> Sigune siyinkeko Korasini, Sigune siyinkeko Betsaida,era andandama Tairic namac Sidoni kemac onine mini enkimi, siguno sirc Dakac dakac ugan unam bacdo ure, eyagec yungugufa,<sup>22</sup>koc nurama yinane, anon umana Tairic namac Sidoni kim yenine mini vac aruremi enkimi yintemi.<sup>23</sup>Eye Kepanon,inde nami emi mandan inarumpac yani inteyaf? iyevaci, emi manda mempac fukam bainta beyompaci danteno.Era andandau ma Sodomi kim uwareyone mini enkimi uwareyone mini enkimi enkimi unawareno mini adan migai micni muge bem mageva fani migai micni mugem bantemi. <sup>24</sup> Seni emi sameko.Koc nurama yinane Sodomi maguni nana yugan intenofo eni iyevaci.<sup>25</sup>Mini gagugami Jisasi semi, emi yani ego, seifo, inaruma magai Koti,nevarafi avogu indim indin duke yom baintauc kimi ayofaru gage manda afotavi uegem anaga guke indir iye dukeyom baintauc kimi danami.<sup>26</sup> Eyo sentifo, mini varugami ayemi. <sup>27</sup> Sentifo umacden andada ugami semi simemi, afo mayavac iyevagugami benaga ona geno. afo mayavac iyevaci benafomi ona geno.benaga manai mayan kai bena ga manda afotafi inteno.<sup>28</sup>Sempac yeno, iye eni uman mare sempac yere aum mara. <sup>29</sup>Senti yaye, burumakan agampen deyo yagam bemi. mini yaya mare sivaguro. <sup>30</sup>Senti yaye, burumakan agampem deyo yagam bemi. mini yaye umariyen emi, sena amenuna andanda umarinyen intemi.

## Chapter 12

<sup>1</sup>Sabati (Aundan )nuram, Jisasi witi anayo acbanaici aruman ackefem bemi.Benic aruguic (yokam baintau) yaranifugini witi dackacde nevano. <sup>2</sup>Farasiu yonareni Jisasin same seni,"Onano,enic aruguic (yokam baintau) sabatiga andac iye awaranic enone."<sup>3</sup>Afo Jisasi siyimemi semi,"Deviti beyic bantaucnamac banimi aran pugenimic iye yandefono?" <sup>4</sup>Kotin amac umpe-e agonic ugam breti beya nanosikam mande neno.<sup>5</sup>Lo iye yandeka,Sabatiga (Man nuram)mam mackim yokanine,mandafino? <sup>6</sup>Emi samego,mam mackaba yankakageni emai beno.<sup>7</sup>Ena minima indigateve, Agonke eyonara siyenai. <sup>8</sup>Nevaraino,Kotin agac sabati afoino."<sup>9</sup>Migake Jisasi ecem mam makin umpegem. <sup>10</sup>Mana bainta ayam mandacukam banini,onareni indae seni,Sabatika yofaini amanafino?"Be eyo sirana mandaic tiankarani indaeno.<sup>11</sup>Jisasi siyimen sen,yigenkinke maya mana sipsipi dukanama sabatigama masikim kumpeina,iyec ofaintefono? <sup>12</sup>Bantan anon anecne benafi,sipisipifi? Micni mukem,amamic Sabatiga yofainonami."<sup>13</sup> Jisasi mini bainta samemi semi,"ayan agugono."Ayan agudami antegemi. <sup>14</sup>Afo Farasiu ben arinayom ani afakeni baya uyirani acdeno.<sup>15</sup>Jisasi micnami yonarem bemi.Amuno ben avakurebeyo iniya baintau yofaemi. <sup>16</sup>Senani iyevakai siyimeko, <sup>17</sup>Asaia sirukenim baya fukai emino,semi. <sup>18</sup>"Onano,seni ugacdu kageuna yokacr intave ,siyi gra enim inta,senti indim benkim bemino.Senti erani benkim banami Yentailuc sentibaya iye indeyouni siyimintemi.<sup>19</sup>Beni osadem anon ific iye dantemi ,asapate benic ifi iye indintenoni. <sup>20</sup>Beni baya iyen arintemi, iga iyen puntimintemi,mandauc antedemi icnaem micnintem. <sup>21</sup>Afo ben avikimic ayufunkim beyo iniya baintauc yimoyintenor."<sup>22</sup>Afo mana inta ogam funtikam , anafim bagac bam,,Jisasimpa aviken yeno.Jisasi ofaurami anic semi onemi. <sup>23</sup>Masiden iniya bainta onare yicnon acnure seni,"Mana Devitini akakafino?"<sup>24</sup>Farasiu indideni jisasi uwa renina indireni seni,"Mana bainta bam bainta iyen sankantemino,Besebulu avikimi ban sakanonami." <sup>25</sup>Afo Jisasi yenyic indinic onaremi siyimen semi,"Macdem dafisiruc managim bagenic yeyiranic ugada vada enic eran iyenru anteno.<sup>26</sup>Bananom bam sankene yeyiranc daimeno.Afo mickim inkenic ukukan teyafono <sup>27</sup>Afo senic banano Belsebulanic erantonnic sankaranave,yiken yikafanda iyenic erantagai yeni sankanteya? Micni siranayonkai yiken yikafanda manda umani maranteno.<sup>28</sup>Afo sena Kotini erantona ban sankege,mage Kotini ayogum yigekimi yemino.<sup>29</sup>Mana eram bainta amackim iye eni umpe-e beninda andandau umorinte,ben iye ayanar uruke?<sup>30</sup>Senama ie benive,semi namugouc emino,af o iye senamac manginic iye enafi,manmana ukено.<sup>31</sup>Emi samego,masiden mandac andac namac mandaic sinona fayarimonteu,Afo Ayo Intam mandaic siankante,iyem fayaric onteu .<sup>32</sup>Iye eni Kotin akac masideneic siankantefe,minim payaric iyen intemi.Mana makakabac inarumpacba.<sup>33</sup> Ya mandar antecdanaic-i,agami avogugi-i.Enai ya mandam mandac urana-i ,agam mandaic-i.Ya be aganckai afotagimemi.<sup>34</sup> Meman agafanda,manda uwarano uge,inkeni-e avogu sinte?Amugusin uwikagem benimi bicman danami. <sup>35</sup>Avogu bainta avoguguc indintima bami uwaremi,af o manda bainta manda indintim uwikagami andan uwarem.<sup>36</sup> Emi samego,koc nuranic inam,bantanasi yenafuni yeni nec mandac baya seyafo,yenafoni facbano bintenone.<sup>37</sup>Eh asinonafoni antec ankantem,ena eh asinonafoni emi mandac uankantemi."<sup>38</sup>Migaken manac-a mam mac dafisiruc nama mam mackim yo yokaric eyouni seni,"Tisa,eh andanda uwandac (ampandac) onarare." <sup>39</sup>Afo Jisasi ukukaekemi yenani semi ,mandan uwareyom iniya baintau mana yamuci andanda ampamina onarani indeno.<sup>40</sup>Jona kandac manavac ayufun namac bayan namac iyena noyac arackimi baremi,Banta akac beyabac-i maga anduntim kandac manavac ayufum bac kugaganda maga anduntim barantemi.<sup>41</sup>Ninive inya baintau kockai ukukaeni,mandan siankanteno.Make iniya baintau nama. Jona siran baiyasoni yinduni baigenone.Jonambac yankakagenimi oneno.<sup>42</sup>Sautifatena Kuin beyic bantanamac ukaemi manda siankantemi,make beyom baintau namac,maka arafatem yemi Solomonic avoku indini mana Solomoni yankakakemin mikim benimba onaram .<sup>43</sup>Manda bama mini bainta ginke yakagem,non iyebam magusika bemi kumandinanim makuvani afakam bimi,<sup>44</sup>Maku iyembami semi "sentimakimi yevegec bonte."Mikin orem onami banta iye bami maku antegem. <sup>45</sup>Mac antecdemci mana yacman afapate kantanomande (7) mada banuc bemba arure manda eyouni yivikarani bemi,mikin yevakovam.Mini baintakiniuomi,beni kumandini anom mandacemi.Micnimintemino mackekena inyabaintagimi."<sup>46</sup> Jisasi bantagin asevami,benanova ben afac-ava unnam macpa ukukakeni benama asiran dafitano.<sup>47</sup>Mayan ukukaekemi semi,"Enanova en afac avaunami mapaci yeveni enama asirani enkai dafitenone."<sup>48</sup>Jisasi ukukaegemi mini bainta samemi semi,"Inken sentinona sentifacsiva unana?" <sup>49</sup>Ayamponi yoakem semi,"Onano,manami sentinova sentifativaunam benone!<sup>50</sup>Iyec sentifo inarumpa beniyin ayin uwarantenafi,miyi sentifativa sentonanai,sen tinoi."

## Chapter 13

<sup>1</sup>Mini nurami Jisasi mac naunkinke acdemci un non auafaci o kumantami. <sup>2</sup>Amucho ygami bn yeukuomi, boti gimi un kumanduini, yeni eyugaci ukukagano. <sup>3</sup>Afo Jisasi amucna anecne ugani baegam baya kinke siyimemino. Beni semi, "Indego, yunan yogevas bainta yunan yunue yokarani bemino. <sup>4</sup>Yogam berami, manaca agami ayanan kugufami, numi yeraem yuren nemi. <sup>5</sup>Manaca ayumi maga amucha iye vami, onacban uvikagam maga gimi kugufemi. Maga macmempac iye kumban kimi yocdam, ese gugami ampamem. <sup>6</sup>Afo mini yunan yum anuc iye kumimi, ac kaman yunkarami, acyan kem fugemi. <sup>7</sup>Mana ca ayumi avi ataya gimi kugufemi mini avi atayau ampamen anomic emi davac emi. <sup>8</sup>Mana ca yunan yunuc ayokuc makagim kugufaimi amucna agami iremi, mana ca mana andareti yae iremi manaca kandac manavac bainta yac iremi, mana ca mana bainta siyan kanda yac iremi. <sup>9</sup>Iyec beni agan dukantemi, ec anana indino. <sup>10</sup>Jisasinic yokar intaue yeraeni benani senone. "Nevaraci baekam baya kinke banta anasi siyime fono?" <sup>11</sup>Jisasi yemi siyimem. "Yigeni inarum magufac iye onar onan anecneuc beninani yigemi ayogue indiru ci yimici indigaraci ugamino, afo yemi iyen yimi kemino. <sup>12</sup>Afo iyec dukenafi, enavaci minigac demi amintemino. Afo iyec iye dukenafi, benike dukananim baci dafintemino. <sup>13</sup>Micnu kaci baekam baya kinke siyimeumpe; yeni onenofo, iyen onenone; yeni indenofa iyenindeni indintinofi indikara iyen enone. <sup>14</sup>Inaem yinanib baya Asala yenam siram bagenimi afotagi emi, macni sigenim, Ena indana indinonamifo, indintimi iyeugami indin maranonami; eni onanonamifo, iyeugami onanom; <sup>15</sup>Afo mini inin baintauc yinduntimi ayufumi kagemi, indirani aniyokaraci enone, yogan onananinani mukurukenone, yagan indinayonafi yinduntike indire baegac yiyayonunavani uyaci dukenone. <sup>16</sup>Afo yigen yugan ayogugi ugemi, neuaraimo, yeni oneno, yagami ayogugi ugemi, nevaraino, yeni indeno. <sup>17</sup>Seni fuga ugami sirci siyimego, amucha inaem yinanib baya siyime yom baintau ga antekeyam baintauc mage onegon onarani yiyevalmifo iyen onenone, yeni mage indegon indiran yiyevalmifo iyen indenone. <sup>18</sup>Indeno yunan yogevas baintaie yunan yunuc yoganinan sigan baegam baya indego. <sup>19</sup>Afo iyefi inarumfatena baya indire indintim iye mareue, ban anom yeman defaiman karuedemino; ayaufac yocman dan yunan yumino. <sup>20</sup>Yunan yum onacban uuikagam magagim yocdukani-ci ugemi, banta kotinic baya indire esec amusinkim marenimi, <sup>21</sup>anuci benkin iye kumbami, bagakaci avakuromi bintemino. Mini baya ginke uman yinami eseci yandintemino. <sup>22</sup>Yunan yum avi atayagim yocdukeyomi, banta mana magagakena anecneuga, umac asapate ondauc mare yomfoni Kotin avaya uyacimi agan iyen iremi. <sup>23</sup>Ayogu magagim yunan yum yocdukeyomi, mini bainta Kotin avaya indirami indintim kumandugara emi. Beni agami iremi, mana andareti yac iremi, bema yogenin amankaci, mana ca kanda manavoc bainta yac baga mana bainta siyankanda yaci iremi. <sup>24</sup>Jisasi ena baegam bayani siyimem. "Inarum makuni, banta beyic magagim avoguc yunan yummii yokeninici ygemoni. <sup>25</sup>Afo umacde yun dugami, yenyie namuge witi yocdayon kinkaci yumi kugufaman demi bemigo. <sup>26</sup>Afo witi ampamevami manda ataya vaci ampamom bemi. <sup>27</sup>Mag aponic yogar intauc mare sameno, "Iyeno-o, ayeguc agan unugaci yogefono? Nafate ataya ye ampakenafino?" <sup>28</sup>Beni siyimem, "Namugo micnemino. Yogar intauc sameno afo amankegac oman darafonuno?" <sup>29</sup>Maga afo semi, 'yeino. Neuaraino atayauc darafo binagopac witivaci darafinogomino. <sup>30</sup>Ecanaci makantanda managim ampaminanaci yuman unafin yamuc yino. Mini yamuc unafevac, unafeyou siyimentee umpe, "Manda atayauc nare darac maniga agaraganagon andauman degaci, witi sentic yunan makinaci dago." <sup>31</sup>Afo Jisasi ena baegam bayani siyimem. Semi, "Inarum maguni mastacdi ayumi eninici ygami mana bainta beyic maga gimi mandemi ygemino. <sup>32</sup>Mini ayumi ena anayunuc eninic iyen ugemoni, sito ayun ugami bemino. Afo ampamen anomic emi, anayogim benin yayuc baci aruremi iyenai ugami emi. Iyena yayic uimi, yan aga noyon nunuc mini ya eyaman kimi anan mare uvaremi." <sup>33</sup>Afo Jisasi ena baegam bayani siyimem; "Inarum maguni yisti gaenagici ugemoni, mana inin kanda manavac kapi farauan mandemi yisti namac baecdami famen iyenai emimo." <sup>34</sup>Amueno banimi baegam baya ginke mana Jisasi siyimevamino mana baya fayac iyen siyimeuamino, baegam baya ginke mana siuimevamino. <sup>35</sup>Afo profetiuc kimi sirarim baya benkaci munkemi Afo beni semi, "Baegam baya sirani sosa fonteumpe. Mana maga ampamonin kanke ayofagam bayani sentecumpe." <sup>36</sup>Afo Jisasi mini inin bainta yere yinkare naumi umpegemi. Benic yogar intauc yeraeni seni, "Yunankim ataya ampamoninan baegam baya ginke sena afotogi ure yenamac sismeno." <sup>37</sup>Jisasi yemi siyimem, "Ayoguc yunan yogeni-i beni Banta Agacino." <sup>38</sup>Yunan anayoi mana magaino, afo avogue yunan yunuci, inarum fatena intauc one. Manda ataya yunuci bananon agafandaue one. <sup>39</sup>Afo manda atayauci ban anon agafandaue one), afo manda atayauc yogenin namugoi ban anomino. Yunan unafin yamuci mana maga kagi ananin yamucino, afo yunan unafeyouni ensorouc one. <sup>40</sup>Afo, manda atayauc yure iga sarevami mana maga kagican afotagic intemino. <sup>41</sup>Banta aga beyic ensorouc siyinkanani, benic magu ginke umar ampamenin anecneuc ga, iye antekan avuc avac eyou yumanii avafaci dantenone. <sup>42</sup>Iga kayun devananin kimi dondankaruc dantenone, minigimi beni ific deni yivaguar aneni bantenone. <sup>43</sup>Afo antekara ugeyounin akanaci geni ye yifoni magusac banenone. Iyeci agan dukantenafi,

ecananac indino.<sup>44</sup> Inarum maguni anon mono ga ondauc mana magafac ayofageninici ukemino. Mana bainta afakaman demi ayofemi. Beni amusinkim oraemi, umacden anecneuc ayac ogovan dati ayac umanarami mini maga ayacemi.<sup>45</sup> Afo enayac bac, inarum maguni macnin ugemi, mana bainta ayac uren ayac ogovan devam bainta ayoguc fuyagani afakeuami.<sup>46</sup> Afo mana fuyac anom monokac ayac eyomi afakaman demi umacden dukan anecneuc ayakac dati ayacumanarami mini fuyac ayac emi.<sup>47</sup> Afo enayac bac, inarum maguni base un nonkim karuc deni, iye onar onan safurauci ye bacdem.<sup>48</sup> Afo base uvikani, noyac amareyom baintauc difitamani eyugaci deno. Afo yeni kumanteni avoguc anecneuc yuman unankin deni, afo manda anecneuc yuman karucdenone.<sup>49</sup> Micni mana intemino mana kagi evanane. Ensoruc yeraeni mandaic eyou yuman ayogugic eyou ginke avafaci dantenone.<sup>50</sup> Mandaic eyouni kayundevananin iga gimi karue dati, minigim ifideni yivagur aneni bantenone.<sup>51</sup> Yikeni agac umacden anecneugar indintim maregafono?" Benic yogar intauc "eyo" seno.<sup>52</sup> Afo Jisasi yenani semi, "iyefi lo gimi tisai ugeni inarum magufatena yogar intaic ugeni mac afo-i ugemino, feyamkena anecneuc baga oyan anecneuc bac beyic avoguc onda ginke mandan mapaci demino."<sup>53</sup> Afo mini ginkaci Jisasi baegam bay a ginke sagenim, kagi aremi, mini magu gake yere remi bemino.<sup>54</sup> Afo Jisasi beyic magafac oraemi anasi banta mam makinkaci siyime rami. Micne vanini ayac sinayonic iye ini yeni seni, "Nafate mana bainta avogue kunandin indinda bac mirikoric eninuc marenafino?"<sup>55</sup> Mac uvare vam bainta agac iyec bantenafi? Beni Marian agac iyec bantenafi? Jemsi, Josepi, Saimoni, va Judasiu, yifac yivac iyec bantenafi?<sup>56</sup> Ben ayocmac yikeunamac, iyec bante yafo? Nafate mana anecneuc marenafin?"<sup>57</sup> Mini fonni yeni umani marenone. Jisasi yemi siyimemi, "Afo profeti benic maga fatenuvac ben ankum baci ben avic yanic iye intenone."<sup>58</sup> Yeni minifac birivic iyen ormi amucna mirikori iyen uvaremmino.

## Chapter 14

<sup>1</sup>Afo mini yamui, Herocti beni yikocyuni ukanim bemi Jisasi abayani seyomi indemi. <sup>2</sup>Beyi yockam baintau can siyimemi semi," Mana bainta Jon Bataisi ino, bamasinkine ukukakemino. Mini erani benkim yokemino."<sup>3</sup>Afo Herocti Yonimi fakaremi, damuremi demi, Herodias, beni Philipi ana ci bammi afo Philipi beni Herodin afa ci. <sup>4</sup>Yoni benani semi, "mini amangkaki iye mintemino Koctin semi acao ukami sikemino." <sup>5</sup>Yonimi Herocti aruman fukirani indemifo, beni banta anasi yikani fekarayemi, yeni bemi onaekemi Koctini yokam bainta bami.<sup>6</sup>Afo Herocti magayom nuram yeraonimi. Herocdiasin aramummi yemam akoni make moni. Minim Herocti ano amusim anenne maremoni. <sup>7</sup>Mini akinta indainanim anene amiric mana onteumpe, minisiremi ayan asikai demi. <sup>8</sup>Mini akinta ano beyaramumi aman aman amidanimi beni semi, "Jon Baptisi acnom mana kavekim akeyare kaci mare simeko," siremi semi. <sup>9</sup>Mini akinta mini indaini indaurami, afo beni mini umani marenimi, beni banta ye ukukam ayam asikai demi sirukakemi semi, sena anasi banta yukanka sekuna bayani iye e anteumpe.<sup>10</sup>Joni karabusikim bami sondiau oreni ben acnomi akeyenoyo. <sup>11</sup>Acnom akeyareni kavekim kufedeni mini akinta ameyomi beni maredi beyanomi maro amemoni. <sup>12</sup>Yoninic yokarintau yeraeni Joni arumandam bami yemande masifareni Jisasimi maro samenoyo.<sup>13</sup>Afo yisami mini baya sameyomi indiremi yere e-emi botikimi anavafac makusapaci bemoni, sitikimi bayouni mini baya indireni makaka avakurenipai bebanipai benoyo.<sup>14</sup> Jisasi yeremi yonanimi ansi banta ye bakunta yomi anon akun anecne mandemi yevayouni yofaemi.<sup>15</sup>Ayinkakic onimi yokar intauc yeraeni sameno, "Mana baintauc yuna ana iyevampa ic bami ayufumi kevano, anasi banta siyinkana makusinka be yunanu afakare nago."<sup>16</sup>Jisasi semi, "Yeni amanka iye bintenone, yikeni yunanuc afakare yimi nago." <sup>17</sup>Mare bemi sameno, "Mayauni mana yacman breti namac kantan kauya namac manan dunkeumpe" sireni samenoyo.<sup>18</sup>Jisasi semi, "mare sentimeko."<sup>19</sup>Jisasi anasi banta bani senini kumandenoyo. Afo mini mana yacmam breti namac kantan kauya namac mandemi, inarumpa onemi inantiremi kidikidi uremi beyi yokam baintauc yimini anasi banta yimenoyo.<sup>20</sup>Mini yunam nayomi yimui kuremoni, yere e ayon arayui siyankan sikantapate kantan kumandemi basketi utinkemoni.<sup>21</sup>Mana yacman tauseni bainta moyo, anasi ama iyen yandeno.<sup>22</sup>Beyi yokar intauc kani semi yikenare boti yemare meyan ofa bevakai seni anasi banta siyinkanayac boko.<sup>23</sup>Anasi banta siyinkaranini boyomi beyaomi inan tirani anufai uremoni. Ayinkaki onimi beya omi mini anuc faci bemoni.<sup>24</sup>Yokar intauc non acbanapa oraoyomi anon sisova yemi nom karando emi, mini boti mandem baye nayem emi aroriri emi.<sup>25</sup>Tri kiloki banurami mini anufante kundaemi non naropac ye bampaci yemi.<sup>26</sup>Yokarintauc onayomni non naropa Jisasi yevanini anom fekarieni seni , "Ino bamino," sireni anon fekaric eno.<sup>27</sup>Jisasi ayindemi semi, "Senumpo iye fekako erarure kac bako."<sup>28</sup>Pita indaemi semi, "Iyeno, ena bainta ve sina seni evanafac non amukac bono." <sup>29</sup>Jisasi semi, "Yeno." Sentimi indiremi non amuga Jisasi benimpac bemi.<sup>30</sup>Afo Pita sisovani onami acikami nonkimi kumpekemi semi, "Iyeno sofa ono."<sup>31</sup>Jisasi ayan akucdemii Pitami fakemi semi, "Andum munkir anda kipan dukanami, Pita. Nevara kar indiri eva." <sup>32</sup>Jisasi nuc Pitinuc botikim undaoyomi eran sisowani kakipemi.<sup>33</sup>Yokar intauc boti kinke yikon noyanden Jisasi nani seni, "Fuka fuka ukami kotin agagukami banam mino."<sup>34</sup>Minurenii nonkim kacdeni Yeneseret makusapac orenoyo.<sup>35</sup>Mini makusim oraini Jisasimi onaic ureni bayani sirami oric yeric eno, mini amam pactenou Jisasi banimpac yic eva bayom baintauc yo yibiken yeno.<sup>36</sup>Yeni bem indaurenii benic badoyam aneyokairani indaenoyo, benic badoyam aneyokaoyouni yen yici eseci kipemi.

## Chapter 15

<sup>1</sup>Mam makai yinoniukeou nama, mam makimi afani akare younama Jerusaremike Jisasi bapai udeni, yeni sen. <sup>2</sup>Nebara eni yokar intau baya iye indeyafo, fedafisiru sire-yom bayaye? Yeni yiay nonode iyen neno." <sup>3</sup>Beni siyimem semi, nebara feyan andaba indieka Gotini Siyangan ayum baya iye indekafono?" Goti semi, eyafom eyanom abayaya indeno, ena eyafom eyanom abaya iye indema ase umaramebe fukinonami. <sup>5</sup>Ena sema, 'Iye nebe sintefe, eya fonara eyanonara, eni ne ofaira marante Gotim pate," <sup>6</sup>Mini baintama, iye beyafom abaya iyen indene, mini asapate Gotin abaya enkim iyem bemi, mayao feyan andabaruidukeno. <sup>7</sup>Indini dukeko seba! Isaiya feyukami enani manin sirambemi, <sup>8</sup>Mini inibainta yibantake, indeko seno, yen yindun nenka ku kami bemi. <sup>9</sup>Yeyani yanieni, senka mam iyen seno, nebarafino, bantai ayini siyimeyom bani abakureyo." <sup>10</sup>Jisasi yaraekem, be yadeke demi seim, "indire, indikukanono-- <sup>11</sup>Neonafoya, en ofairienai, dumiseona foni bantai fairi anami. <sup>12</sup>Inaem Jisasini yokarinta Jisasim same seni, Indefono, mam maka anarieyo mini bayayani yirami marenone? <sup>13</sup>Jisasi siyimemi semi, Inarumpate sentifo ne yunana iye yodananim, daramani anintemi. <sup>14</sup>Eyirano, yokam fotikam dafisiru mofo, akona okam fotikam abikemi bene makantanda masi pimi indainteno. <sup>15</sup>Pita mini bayasa Jisasimi indaemi, mini baekam baya baekana mauya indeno." <sup>16</sup>Jisasi semi eyandaka fa ananauke beba? <sup>17</sup>Iyeoneba neonabe, arapim gudemi yankagemi arafae bemino? <sup>18</sup>Ne gumbeke anduntinke urena, miyifoni bantai fairiemi. <sup>19</sup>Nebarafino, anduntinke, manda indim bayani yemino, mane banta yirin anda, ena ana abafum umoreona anda fumara aginta umoreona anda enai andadan umoreyom anda, ena umai seankeonaba, ena are aseon andabe. <sup>20</sup>Mini andauponi, bantai anduni fairi emi. Yiyami nonoden yunami neyom poya, yinduni fairienai. <sup>21</sup>Mikake Jisasi yere yinkemi, Tai nama sidoni maguasapasi bemi. <sup>22</sup>Mika oraimi, mikai Kenanaiti inini afotaki emi. Baduremi semi, "aboguki usikano, Iyeno, daviti akago? Sentiramun kimi mana a bami bako." <sup>23</sup>Jisasi yebekem mana bayaya iyen siankem, beni yokarintau yeni Jisasimi abankeni, seni, "Sankanam bino, mauya sinaemi badom yebafo." <sup>24</sup>Jisasi samemi semim seni yekuna andabe, Isararigui oyokeyo komi semi yeumpe." <sup>25</sup>Kabandarem yeremi Jisasi okampa akonoyam demi, semi, Iyeno, semi sofaono." <sup>26</sup>Jisasi samemi semi, iyen antekantemi, anuyi yonam mandeke iyan akaku iye aminonami. <sup>27</sup>Mini inini semi, fukabe, Iyeno, minukemfo, kapa iyanuke yeyifoni nan ara pafasine, kapa iyami nembemino." <sup>28</sup>Afo Jisasi samemi semi, anasio, yinkduni munkeyon anda kimi erarukanamino, indeonamitemino." Mikai benaramu ai kakipemi. <sup>29</sup>Mikake yererem Garari no adepa bemi, oreemi ayafai unkumandemi. Amuno ukami bebeta yeno. Yibikeni yikan <sup>30</sup>ukarakami, okamputinkami, a iye seyounama, yikanyin ukukana, ena ena yika duke yo namai yeno. Jisasin akantimi dami, beni yofaemi. <sup>31</sup>Amuno ukami yindudurem onani a iye sauni, aseno, ukukeyoni antekeno, akan koekai antekemi, okam fotika onemi Isararuyi Gotin abi yanieno. <sup>32</sup>Jisasi beyi yokarintau, yarama manaka demi, semi, ano sigu nani manyinkeko, nebarafino, kamore nurani urenin senama beni, nani iye neyo. Fa iye siyikarare, nani iye nama dukako, asapa yom banim banim ina yandina yonare. <sup>33</sup>Jisasin yokarintau, Jisasinani seni, inkepate mini nani mandanaya banta anasi nani aman kaki inteyafono, bantaba iyebapai boko? <sup>34</sup>Jisasi beyi yokar intaukan semi nade breti dukeka, yeri seni, mana yama afatake, kantan omandem kamore kauyanama ino." <sup>35</sup>Afo Jisasi siyimemi semi kumandeko makagake. <sup>36</sup>Beni mana yamare, afatake kantar omandem, bretiba kamore kauya Nama, mandemi susuirem, breti kidikidi uremi yokar intau, yimini, yokar intau mandeni anasi banta yimeno. <sup>37</sup>Banta anasi, amanka narigukami eno. Neyom yunan arayui mana yama afatake, kantan omande unami badeno. <sup>38</sup>Mini nana neyoni, eriyeba tauseni baintaumoni, ananasi iyen yandeno. <sup>39</sup>Minuremi, Jisasi banta anasi siyinkaremi, boutikim indauemi, ena makusapa Magadani bemi.

## Chapter 16

<sup>1</sup>Farasiuc nama Sadusiu bempai yereni amam makani reni indaeni, yotiviga andanda ayontakena. <sup>2</sup>Afo beni yenani semi, "ayinkagac iya eni semi amanka ayoku kugagani inaru koraniemino.<sup>3</sup>Banuranic iyami semi aci rintemi, nevaraino inarumi koranicemi, ayoni yenkem dacdem, inarunkimpa onaremi semi ne kugakarafi, afo manna andanda ayonta yenkeina eye sinonami.<sup>4</sup> Manda uwareyon iniya baintauc mage mana yamu ic andanda ampamina onarani indeno . Afo mana andandai iye intemi. Jonaninda manam bantemi, mini siremi Jisasi yere yingaremi bemi.<sup>5</sup>Yokam baintauc yivimikareni yuanam yeveke mararani beno . <sup>6</sup>Jisasi yenani semi, "mive, ikeyogaga davisego, mam makinkena davisiruyi yisti agarai fegago." <sup>7</sup>Yokam baintauc yeyani simar indireni seni, ikeunama yunami eye marerukauna misi. <sup>8</sup>Jisasi indirem semi, "nevaragai sekafono, igenafuni umarugani amuna bayau sebami. Sito indiru kamino.<sup>9</sup>Ikeyi inditim iyen dukami, sena manayamam yunam ma manayamam tauseni iniyabaintau yimekuna, nade unana fa banafi.<sup>10</sup> Akac manayamar afapate karomandem yunam anda ma eriyevam tausinibaintauc yimuna. Afo nade unanai fa mareyekafe.<sup>11</sup>Ingenic ure eye indeva seni yisti vara segaguna. Eye yogaga i daviseno, manka dafiseyom baintauc yic yisti vani seunkumpe.<sup>12</sup> Aci indireni seni yunanara sino, fegano mam dafisiru yic bayayani semisi.<sup>13</sup>Jisasi Sasarea ,Pilipi magufa yeremi, beyi yogam baintauc indaemi, semi, "neve seyafono banta agagare." <sup>14</sup>Yeni seni, Mana a seni Jon Batasi ino; mana a seni, Elijah; ena seni, Jeremaiyai, akac maya a seni profetimo." <sup>15</sup>Beni yenani semi, senani iyene segafono. <sup>16</sup>Saimon Pita sasamemi semi, "Eni fabam Gotin agac i banamino."<sup>17</sup>Jisasi yebegemi Saimon Jonan sasamemi, "Ayogu, Saimoni Jonan agac, fuga sigam bayani sanami , banta ginkevai. Inarumpate setifon samiya senami. <sup>18</sup>Mini muganai emi sameko Pita, eni onabami banai enkai sesimai uwaranteu. Fugir ona iyevacu emi iyen dadantemi. <sup>19</sup>Seni inarun ona kakena ki amente. Ne mana magagac ec antefe inarumpa bai ec anteu." <sup>20</sup>Jisasi beyi yogam baintauc siyimem. Yofaim bainta bemino sirci iyevagaci siyimeko.<sup>21</sup>Mini yamuke Jisasi kukandem beyi yogam baintauc siyimem Jerusalemi ic bontego, dafisim baintauc kinke amuna umaru ci marantem, fukintem. Aka yevekemi ukukantemi kanda manaba nurank. <sup>22</sup>Peter avic mar avafac demi semi. "Mini aneneuc adeka iyem bantemi. Iyeno; mini aneneuc iyen ampamintemi enkac." <sup>23</sup>Afo Jisasi yobae ekem Peter nani semi, "Sic naempac yankano Bananom! Eni semi asac uyatinkanami. Gotini andadakac iye dafisanami," Afo bantauyi andanda kaci dafisanami."<sup>24</sup>Jisasi beyi yokam baintauc siyimem semi," Iye ic sen sivakurintefe, beyar avin karena ic, beyi kekac yaya ic mandaren sibakuri. <sup>25</sup>Iye ic beyar ofa irarai intenafi, maro anana intemi. Iye ic senti siyir avakurintenafi, inayemi yebaekemi aum marantem. <sup>26</sup>Ne marantef ena amuna anene dukage fugeve? Beyaum mararani negaintenafi?<sup>27</sup>Banta akaci beyic enjorouc nama ic beyafoni kakantimi kumintem. Afo beni umadem bayintau yic aya ic yimitemi, yeni ne uwareyafo. <sup>28</sup>Fugan sire emi sameko, Iye make manaka ukukakefe, banta akaci one vanami beyic umaden eran nama ic kumitemi.

## Chapter 17

<sup>1</sup>Yamac afatapate mana nuram anaemi Jisasi yivikem bena-o nama Pitai, Jemisi, afo Joniva benafa-avaba, afo yeni mare ano anufa yenafo ureno. <sup>2</sup>Beni ye yogaka ayogu gugami ukakemi. Ben ontake akege kemi, afo beni unambadogake eram omi kama anecmi.<sup>3</sup>Onago, meya anenema yenimi Mosesina, Ilaisanu namaci ani semi. <sup>4</sup>Pita yebaekemi Jisasinac semi, "Iyeno, makaci ayogukaci banteu. Ema ayenim, Seni kanta manava---agom maci uwaranteu, mana enidari, afo mana Mosesi inda, afo mana Ilaisa inda."<sup>5</sup>Beni faasem bankimi, onago, kagagam konamano yecyimuga komani-yayikemi afo onago, mini mana ameni inarukike, semi, mana mini, "Sentiga kugane, mini intanani semi siyemi. Benawayo indeno." <sup>6</sup>Mini disaipori indireni, yeni yontapake yandeni ano fekarimeno. <sup>7</sup>Inemi Jisasi yeremi afo yemi yiru-urem semi, "Ukukago afo iyevaga fegago." <sup>8</sup>Yeni yang kagakeno mini mana anene aye onenofo Jisasi mana oneno.<sup>9</sup>Afo yeni umbaeke anufake kumami, "Jisasi siyimemi, semi Mana kaim baya ena iye siyiminana baken Banta Aka fukakenicunama ukukantemi." <sup>10</sup>Beni disaiporiu bemi indaemi, semi, "Nevara mini afam akaram baintau seni, Ilaisa benarevaanca yi?"<sup>11</sup>Jisasi yebaekem semi, "Ilaisa yerem macde undada antekatem. <sup>12</sup>Afo seni emi samego, Ilaisa ai yeraini, bemi iye onaieno. Yeyi yiyintai neanenefi uwarakeno Yebaekem mini asapate, Banta Akai anavisi yenyiyanike maratem." <sup>13</sup>Beni nomayinkeva Joni nani sini beni disaipori indeno. <sup>14</sup>Inaemi yeni obaekem amuno bankim yeno, mini mana bainta be bapai yemi, ben ogapa akonoya mukemi, afo semi. <sup>15</sup>"Iyeno, sentigaga agunaugano, mini beni dugem manda anavisikin bemino. Beni mini igakimafi, nonkinafi yandemino. <sup>16</sup>Seni bemi avike eni disaiporiu bampa beumpo, afo yeni bemi iye ofaeno."<sup>17</sup>Jisasi yebaekem semi, "Senana iyeindeyo anacnama inacem yeyom nama mandaigugami intemi, nacde nuram ugaganac seni enamac bakekafu? Nacde nurana seni enkimi agami ampamenafi? Bemi avike maka sebanakac yi." <sup>18</sup>Mini nuraugami Jisasi beni anita ogike bami sakama anecmi.<sup>19</sup>Disaiporiuci Jisasi onama yeyindacureni afo indaeno, "Nevara yenamac iye avakunda aneckafu?" <sup>20</sup>Jisasi yenam semi, "mominic yikenyi sito yindum munkemi. Fugacugane seni enani seci, yindum munkeyo anda kapacukami. yunac yunke ugana, eni 'amankaga mana anuva sec. Magake meyakac bono', afo mini bemi iyevacana amankagi intemi. <sup>21</sup>(Momicnukam bami fani iye ukami sa-ankaman acninonami afo ogam mukure yu nam ocranonafoni.)<sup>22</sup>Maminic Yena Galili beni, Jisasi beyi disaiporicugani semi. "Banto Aka namdanic baintau yiyankimi danteno. <sup>23</sup>Afo yeni bemi aruma fukiteno, afo kanda manava nuram yankakanami yebaekem ukukantemi." Beni disaiporiuc ano yiguanene maren.<sup>24</sup>Yeni aci Kapanami yereno, banta anasiac bacpate monic mareyom baintau Pitawapac yereni senic. "Tisa nevara yikeyi takisi iye ayaec?"<sup>25</sup>Pitai, "Eyo." Semi, afo Pita naumpa urimi, Jisasi bemi idaemi semi, "Nec Indiriga efono, Saimonio? Mana makakakena dafisirugo, yena monickuma mareyou bapate? Mini yenyi mana anenecginafi akac anamurufi?"<sup>26</sup>Mini Pita semi, "Anamurumo," Jisasi bena semi, "Mominic aneneuka amankac iye ayainteno. <sup>27</sup>Mini yenama monic mareyom bainta umantim iye yinkante, anonompa bogo, ukugac karudac, afo noyac dirifa anatapac yinanim. Mini ena bem awam osade, eni mini monic, afakanonam. Mare yebaekem monic mareyom baintau maroeyindanama sentinda nama yimeno."

## Chapter 18

<sup>1</sup>Ese mini yamu Jisasini yokam baintau, Jisai bapa yereni seni , "Iye i hanom dafinsin bainta intenafi inarupa?"  
<sup>2</sup>Jisai sito intakac haramandem, avi ekem yem yibana dem. <sup>3</sup>Semi," Fukaukane seni make emi sameko, ena yeveke  
 sito intagaki eve, eni amanka inarum maku iye mara nonam.<sup>4</sup>Micni muka-i, iye mana intagac kacna  
 inteveinarum maku enindam bemi. <sup>5</sup>Iye mana intagac sen tivikim avickante, semi sivikanami. <sup>6</sup>Afo senar indeyo  
 intakaku sini uwaraco intefe, amankai onabam unam beyamentim kurem nom avarumkim kumpe kantem.  
<sup>7</sup>Onano bantanasi mana maka kakena anene varuren i madai eyon, sigun ukane iyem bainta mini umaru  
 uwarenafe! <sup>8</sup>Amanca en ayanfi akarefi manda evana akefamar anure, amakaukami manapa akanamac ayanama  
 iye kipam aum mara nonam. En okam ma sini ina utiekeva amo. Amanka ucum mi manapac okam nama iye  
 kipam aum mara, afokantem okanama ikakem binam iye antekantem.<sup>10</sup>- <sup>11</sup>Afo mana intacu iyeva mandaic  
 uyinkako, make emi sameko, inarumpa yenyic ensoli sentifon ontimi gagakem bemi. <sup>12</sup>Eni ne indiri kac eva?  
 Mayama mana umam sipisip dukanave, afo mana mikinke oyogana amangagac 99 yere anufac denaci, afo mana  
 oyokenim ben afakate nafi? <sup>13</sup>Afo bena afakene, fuga ugane, emi sameko mini bainta ano amoyukam mintemn  
 fayaci mana oyokam sipisipi yevekemi afakarukemi amoyem. <sup>14</sup>Manaic mukemi, yikeunamac sifo ayiraino mana  
 manuckam intagacma oyokene. <sup>15</sup>Enafacava ema manda uankanave, orevaci benamac bayayac antega, bena en  
 avaya indina aci avic ganami. <sup>16</sup>Afo bena en avaya iye indina, afo manafi kantarafi yivicdevac kandac manavac  
 ukeva antekevanami, baya antegantemi. <sup>17</sup>Afo bena yen yivaya iye indina, afo manteyouyac siyime, akac bena yen  
 yivaya iye indina, afo ecana beni mapac baintauc monikuc yuyeyom baintauke ba. <sup>18</sup>Fuga ugane seni make emi  
 samego, nene anenec mana magagacma uyakante inarumpacbacyakan tecu, afo nec mana magaga ukikantefec  
 inarumpacbacu yigantecu. <sup>19</sup>Yegeye emi samego, yigekanda mana indinta de bake, yeni indaeyo anecne sentifo  
 inarumpac beni yimintem. <sup>20</sup>Kantarafi kandac manava sentivickim baguyin teyafu seni yen yibanaci  
 bantecu."<sup>21</sup>Afo Pita Jisasivapac yeremi semi, "Iyeno, nacdeyagac sentifactiva semi mandaic usinganagac seni  
 benic manda utuc ankantekafu? Kantan afac omande yagafino?" <sup>22</sup>Jisasi bemi yebegem samemi, "Iyevacino, mana  
 yacmam opate omandem siyankam yamucino.<sup>23</sup>Minicmukgami inarum magu yokam manci mugemi kinucma  
 beyic yogam bainta yokaruc yimirana enim. <sup>24</sup>Afo beni kugandem yokam yimeni. Mana yogam bainta be vapac  
 avige yeno anom monima be vapacken mandugami. <sup>25</sup>Beni amanga beyic umaruc beyic dafisim bainta yevegem  
 amieic iyen ukami, afo beyic dafisim, benamac benana akac namac umacdrem anecne sarinuren moni manden  
 yevekem amitem. <sup>26</sup>Benic yogam bainta akonoyankac kundemi semi, "Sentic dafisiro agun arusinkano, yeveke  
 eninda anecne umadem amentecu. <sup>27</sup>Afo benic dafisim bainta agun aruremi amane siangemi. <sup>28</sup>Afo mini yogam  
 bainta mapac kundemi agona yogam bainta onemi, benic mana unam mandukami. Amentim fakaremi semi, 'Ake  
 siyacono ena simirana senave.' <sup>29</sup>Afo agona yogam bainta agonoyankac kundemi semi, 'Agun arusinkano yeveke  
 eninda anecne amentego.'<sup>30</sup>Acnam yenim yogam bainta sifogago semi. Afo bemi fagareni dumeno, beni mikim  
 dukam bemi bena mareninuc yevegem yimentemi. <sup>31</sup>Akona yokam bainta ne uware nafi, onaremi ano yifo ukami  
 kemi, yereni yeyi dafisini sameno.<sup>32</sup>Afo mini bainta dafisim bemi araremi samem, 'Manda baintave. Seni eni  
 umaruc sivim kankego. <sup>33</sup>Agun aruankano ema sena sikun, aruankekuna ono?'<sup>34</sup>Beni dafisim bainta aranugam  
 kaimi havi ekem banta yireyo yimi dukami hare vami yevekem umacdrem acnene aya intem. <sup>35</sup>Micni mukami  
 sentifo inarumpa beni mini muan-kantemi, maya maya ena eyafavama eyandun tinkema akun iye aruake.

## Chapter 19

<sup>1</sup>Afo Jisasi mini baiya simian kiparene, Galili magufanten Judiac anon magufai Jodani nom kacdem yemi. <sup>2</sup>Anon (Amunac ) iniya baintan avakuren (hacnaini-e) oraomi,mifa yicgui yisofa (kipa) yinkemi<sup>3</sup>Farasiu yereni bemi amanmageni seni, "Bantama manac-a indintake beyzac sankananim,mandafino?" <sup>4</sup>Afo Jisasi ye ukukaekemi semi, "Eni yo iye yandefono,beni bantavac anasivac uwarenine?"<sup>5</sup>Yen uwareni sem, "Mini indintake beyano afon yere yinkem beyzac namac managinic intem?" <sup>6</sup>Mini mukani make harahara (enaena)bai beyaone, madam benone. Micnimukemifo Koti hackac dananine maya iyen dakaganonami."<sup>7</sup>Ye ukukaegi indae seni, "Afo mini nevara Mosesi mayau sisimen sen,yena bahyic ukeyon dakacinka yo uwaramide mini ini sankano sigenafi?" <sup>8</sup>Yemi siyimen semi, "Yikenyi indini erarr ugami evami yigen yinamac siyinkagovam amane siyinkemino, afo kugarantapa micniva ugagenaino. <sup>9</sup>Emi samego,iye eni eyanac mandaic iye urukan sankare ena inin namac ninte,o enac marantefe,mamdan uwaranami;o iyem bainta eni anasin beyavafu sankarukenim marantefe,mandan uwaranonami."<sup>10</sup>Jisasinic arguic Jisasin same seni," Afo min baintama beyanac namac micnurukanane,bayi iye -e fa bago." <sup>11</sup>Jisasi samen semi,"Masideva amane sinteyaonoe,Koti yema yofainaninuc mana yimoyintenone. <sup>12</sup>Mayaca yenyino macyinke yiramucbac iye bami mac yinkemi,manacenimi bantan hic yinkeno,mayaceyon yena funi isenone inarun maguvaro siren. Iyec mana baiya mararic ugenafi,ecam be indi. <sup>13</sup>Jisasi ayan yicnonkademy inantiyinkanovani hanuc bevapa yivike marerami,beni arugui (yogam bainta-u) yiseno. <sup>14</sup>Jisasi ukukaegemi semi, "Hanuc eca,sempa yego,nevaraino,inarun maku micnukeyou yindan bemino." <sup>15</sup>Ayan yinonkademy ,inantiremi,migaken enafaci bem.<sup>16</sup>Afo, mana bainta Jisasimpa yeremisemi, "Tisa, nec avogu andanda uwande (inkeniga-urega) iye kipan aum maran tegafu?" <sup>17</sup>Jisasin ukukaigem samemi semi, "nevara semi ayogulan indae sefono? Maya beyan avogui bemino, afo ena mini aum maranteve, lo fakah."<sup>18</sup>Mini bainta ukukaegen indacem sem, "Banta aruman iye fuge, banta anac iye mare' iye umore, u-ma-ac iye se. <sup>19</sup>Eyano afon yivaya inde, eyar avaba-eona ure ena avabaac ame.<sup>20</sup>Fumara inta samesemi , " Masiden andanda aware-umpe. Nec enavar inde?" <sup>21</sup>Afo Jisasi samen semi," Enah antekra yirarinteve, be eyi onda ena iye duknin amide Inarumpa icnain ayac mara, yimide afo ye sivakuro." <sup>22</sup>Jisasi micni siranimi, mini fumara bainta onda dukayim bemisefo orr aruremi (agunanecne namac) bemi.<sup>23</sup>Jisasi beyi arugui siyimen semi, " Yigemi fugasireci (fugayugam) siyimego, onda dukeniyi anuyokra yurem inarumpa urintem." <sup>24</sup>Yem baige samecgo, haman-ugami kemoli ucba organayim ducdintemifo onda dukeniyi Inarumpa urirani anuyokramntem (anuyokantem).<sup>25</sup>Jisasin aruguc indire yicnon acnureni seni, "Afo iye mi Inarumpa urintenafi? <sup>26</sup>Jisasi yen yonemi semi , "bantau anuyokra minonamifo, Koctinamac mararic mararic mana inonami." <sup>27</sup>af Pita ye ukukacgemi samem semi," Onano macden andanda sic naimpa dei emi avakurego nec ena uwara?<sup>28</sup>Jisasi siyimen semi," Fuga sire siyimego , ena nurama Kotin agac beyic kin sia ga kumandinage, sen sivakurageono siyankare afapate (tuelia sia)kanta siagac kumante Israilli iniya bainta-u yonaic inonamino.<sup>29</sup>Iyei eyamagafi, eya fagavanfi, eyayofinafi, e yanonafonafi, eyagafandafi, o eyi maga hacnaini ure sivakurefe, yankagare mare, aun iye kipandac maranonami. <sup>30</sup>Afo amuno acnari eyoumi yicnai evaniammi yicnaic eiyouni (yinayouni) acnari inteno.

## Chapter 20

<sup>1</sup>Ina rum makuc i maka afo kanac emi, banu ram bac i beyic yokam bainta uc yivic man ya kukusim demi. <sup>2</sup>Inam beni mana Indiric ure mi beyic yokam baintauc manac urem ayac i ranni bemi sinyin kaman beyic kukusim demi. <sup>3</sup>Yebe kem bemic kandac mana awakac yokam baintauc yonam mi idol rike marketi kim ukukaka keno. <sup>4</sup>Yemi siyimem, 'Eyandoc baka ya unam kim bogo, ne anene anteke nafi,' seni emi amenteu yeni yokam tapac beno. <sup>5</sup>Yema nac bekem orem, mana yamare mana o mande awau, akac yebekem mana yaman iyeyevam omandem manai ukem. <sup>6</sup>Mana yacba i elevani awau yebe kem bemi, o yonami mana idorike ukukake keno beni siyimem, 'Nevara ka idorike kana ukukake kafo?' <sup>7</sup>Yeni benari seni, 'Nevara ino, mayaba yerem yokam iyem simi dukeno, siyimemi yike yac ba ka kukusim uro ko.' <sup>8</sup>Ayin kakic imi, yunan afo beyic dafisim samem, 'Yokam baintauc yarare meyam yimeno, inaempac kena araeke ontapa da.' <sup>9</sup>Yokam baintauc eleven awa kac yokam baintauc, namaci mana yiyac irememi. <sup>10</sup>Acnam yokam baintauc yeni indiekeni anom maran teumpe indiric menofo mana yiyac irim memi. <sup>11</sup>Yeyic yiyac mandare ye, uman indiri ic maka afon ameno. <sup>12</sup>Yeni seni, icnayem yem yokam baintauc mana auwa kaci yokeno, yeunamac nama ci mana simiric monami yeu namaci anom uman yokam mare yamu so bunami anom aci sikemi. <sup>13</sup>Yunan afo siyimemi semi, 'Sikono, seni emi mana umar iyen amecu. Yikem meyam yimuna vani yimusin iye ekac?' <sup>14</sup>Nec eninda benafi, mandare bac, eyic asac bono, senti indinta ic seni anantac yokakom van yarana yeyou namac inaem yeyou namac mana yimiric inrani indec umpe. <sup>15</sup>Seni sesic andadau gani iye onte gafu sentin da ugan acnecne uge? Afo emi aranke nafi. Sesic avoku anda aware kuna?' <sup>16</sup>Inain keno acnaric i nam mi, ananteno inacem mintem." <sup>17</sup>Jisasi Jerusarem mi uremi twelf fic a yokam bainta yivic mandarem ayana bemi siyimem. <sup>18</sup>"Onano Jerusaremci ic urontec yano, banta agac avic mani anom man yokam bainta bac lo baintauc yiyan kimi deno. <sup>19</sup>Yeni beni fukino vani siren, acvimap mapac inin abasi yiyan kimi deni, manda uangeni yafi aruren maripo yasac aruman fukinteno, minukam mifo, beni kandac mana vac nuran yeu ukukantemi." <sup>20</sup>Jebedin anac bey akac kanda, yeyim mandaremci Jisasi bapac i yemi. Beni akon noyam ankaremi mana yac ci andada vani indaemi. <sup>21</sup>Jisasi indaemi, "Nevara inde fono?" Micnuimi semi, "Sentika mana inta en ayan ukampa, kuman dinami, ena inta ayan opac kuman dinteno, enic masukim." <sup>22</sup>Jisasi siyimic demi, "Semi eni iyen indike sinda anam mi, eni amankaka senauna nomi antec fo?" Yeni sameni "Amankake." <sup>23</sup>Beni siyimem sem, "Senti kapi kinke amami nano nami, afo siyan ukampa kumandin namac siyan opac kuman dini seni iyem yimenteuc, iyeuyinda bantenafi, afo sentifo antec yinkantemi. <sup>24</sup>Ena kanyacman yokam baintauc indireni anon yiran anecne kar untava yimeno." <sup>25</sup>Afo Jisasi yaraman bey acde demi semi, "Yikeni ona keka fono, mapac baintau ic yivam baintauc mandaic uyinkare yeyic eraruc yenaro deno. <sup>26</sup>Manu kam avucavaka yinke kim iya bac kac bano, iye yiken yicbana pate dafisiric i rara fi, Eni enou yic yokam bainta nare vac o. <sup>27</sup>Iyec yigenkinke anom bainta intenafi, beyac yigenyic yokam baintai kac ci. <sup>28</sup>Micnu kami Banta Acka yimi faya yena i, beni banta anasi banana bam yaum marako bani yemi." <sup>29</sup>Afo yena Jeriko yerere bomi, amucna inim baintam bemi avakureno. <sup>30</sup>Afo mini aiyavafac, ogam dusinkam bainta kanda bakeno. Yekanda indemci Jisasi yanka kani, era rure ni aren. "Jisasi o Deviti akake, bende agun anecnec usin kano." <sup>31</sup>Umadem iniy acbasi yise seni, kapi nare bago, yevekeni erarure aren, "Jisasio Devitin akake, akun anecne usin kano." <sup>32</sup>Jisasi ukukakemi yarem semi, "Ne anecne yinken kanda uwani yinkanu?" <sup>33</sup>Ye kanda seni "Iyeno, bende kara yevege onarare." <sup>34</sup>Afo Jisasi anon agunic uyin karemi yokam ayoka emi, akakaukami yen yogam ayo kukic ini Jisasin ye avakureno.

## Chapter 21

<sup>1</sup>Afo Jisasi beyi yokam baitauc namac bemi Yerusalemic adekac oraeni betfakei Yereno, Olivi Anufac undaeni afo Jisasi kantan yokam baitauc yiyingkemi. <sup>2</sup>Afo yenani semi, "Mecya ena makusim bogo, afo yikeni akakaeci onanonagomi, donkimi bey akacnamaci dumumandami bemino. Afo nar utecde mare simego. <sup>3</sup>Afo iyefi yiken nana minivam nevefi sinage, yikeni seci, 'Tyeno yokani dukeno,' afo mini bainta akakaemi mini donki manda yiminaci mare yinakomino."<sup>4</sup>Afo mana mini bayani feni profetiuc yiymic duckakenimi. Jisasi semi, <sup>5</sup>"Sasameno Saiyoni aramune, onano enic kimi evana faci yeno, bey yom mandam makakimi demi donki kaci yemi - donkin akac, akoyun naroc."<sup>6</sup>Afo yokam baitauc oreni nec jisasi senafi minin uwareno. <sup>7</sup>Yeni fumara donkimi abike yeraeni anecne mini dokin nanaroc dami, jisasi mini naro kumandemi. <sup>8</sup>Amuna inim baintauc yeyic anecneuc mandan asa ci uwiseno, afo manaca yayanauc akeyareni mandan ana urinanin asaci uwiseno. <sup>9</sup>Afo amucna inim bainta acnatapac bami Jisasi namac amuna inim bainta icnaim yeni bacdeni seni, "Amoyono Devitin akac kare! Ayokukuc uakanteri iyec mini Iyenon avickim yenine! Benabi yanickukanono yacni ono. <sup>10</sup>Afo Jisasi yeraemi Yerusalemci umpekemi masicden inim bainta mandan onaikureni seni, "Iye fino? "<sup>11</sup>Mini inim bainta yeveke seni, "Mana Jisasino profeti ino Nasaretic Gariric magusinkeno."<sup>12</sup>Afo Jisasi iyena mam mackin umpec emi mam makim yime ayac mare youni yivakuna ni mapaci acnemi, monima baede mare bau ya nunuc yime ayac mare youyi kandada manam karucdem. <sup>13</sup>Beni yenani semi, "Yokim akateno, 'Senti mackim yukam mukam makimino,' afo yikeni mandani umom macki mamino. <sup>14</sup>Afo yokam futikauyaba yikam madaukauni bebenipa mam makimi yeraomi yiyoferi. <sup>15</sup>Afo mam bayakim mana makagackena indin dukauni anecne uwandani oneno. Afo yeri indemi, anakakucma mackim bacdeni seni, "Amoyono Deviti akackare," yeni anom yiram anecne maren. <sup>16</sup>Yeni benani seni, "Eni indefono mana baintau seyomi?" Jisasi yenani semi, "Eyo!Afo yikeni iyebaka yandeka, 'Sito inta akaku baka nami neyo intau yivantike anteckam yimoyni ameno?" <sup>17</sup>Afo Jisasi yemi yere yikaremi iyena makusimi Beteni oremi yenamac ayufum bakem. <sup>18</sup>Ena banurami mini iyena makusimi yeraemi, arani fukemi. <sup>19</sup>Onami mana fiki yani ayavafa bami, beni onanimi mana aneneva iyebami ana mana bami beni semi, enayac bac akami iye iranonami, mini siramimini fiki yani esecukami fukemi. <sup>20</sup>Afo benic yokam banitau onaren, yinduc duren seni, "Inkeniurena mana fiki yani kafukena?" <sup>21</sup>Jisasi yemi yiymememi semi, "Fukaukane seni emi sameko, ena senana omare indema amucna indiri iye inonami, mana yasac uwarekuna manac ba uwaranonamino, anuvai same se, kicde solwarac kumono, afo sinonac intemi." <sup>22</sup>Anduntinke ne anene ukara okam mukure indainte, mararic mana inonami.<sup>23</sup>Jisasi mam mackim yerem, anoni ukam Pristeu nama bantaka yinoni ukeyo be bapa siyimebani yereni seni, iye emi siya eni manauware, iye emi eyosianaraya mana andanda uware, iyem baintai eyo siankenaf. <sup>24</sup>Jisasi siyimen semi, "Seni mana indaini yindaonteumpe. Ena sem sisime, seni emi samenteu ne eranta mana andandau uwarekafu." <sup>25</sup>Joni nom manyinkeba inkem pate yenaf. Inarum patefi bantakinke? Yeyirani sirendeni seni, "Mayau macnisenane, Inarumpateve", beni macni yikeunamac kani sintemi, nebara benani iye indeka? <sup>26</sup>Afo, mayauna macni secmac bantaucpate ve senane, mayauni bantanasius gani fegecyaro, nevarfino yeni onamani amuno yikani fekeko, "nebarafi yeni umacde Jonin onamam Kotini yokam baintaino." <sup>27</sup>Afo yeri Jisasin same seni, "Mayuni iye onakeumpe beyabai yenani semi, seyabai iye siyimenteumpe, iye mini indim amidena mini andanda uwarano senafi. <sup>28</sup>Afo eni ikeni indirikaeva? Mana bainta kantar inta dukemi. Afo beni anar intakai oraimi semi 'sentikago make beba maro yokano waini yunankine.' <sup>29</sup>Afo beni akai samemi, semi, 'iyebac anave,' afo, inaiemi beyic indini baedemi bemi. Mana baita oraemi inayen intami okani siremi semi. Beni indiremi semi 'seni bonteko, iyeno' afo beni iye bemi. <sup>30</sup>Afo inkeni inta kandakinke yenyifo simi indeyafo?" Yeni seni, "acnarinta, "Jisasi yemi siyimem," fukaukane seni yikemi siyimeko, takisi maram baintau namac monko ininam Kotin amac makusim yeni urinteno yike iyeumbami. <sup>31</sup>Afo Joni antekan asaci yemi, Afo, yigeni bekimi iye munkomi. Afo takisi mareyou bac monko ininam benkin indeno. Afo yigeni onarei, yidum iye baicdeci Kotinkim iye indemino. <sup>32</sup>Kapinageci ena baegam baiya indego. Afo mano bainta, maga afo beni bagem. Benic waini naruci yogemi waini akec yevan kuganandemi, waini dafindan masic umandemi, dafisinayom mac yami ugami uwan demi waini yogeyom baintauc kaci dafi yinkemi ena magufaci beno. <sup>33</sup>Afo waini agan kicdin yamuic onimi manaca yokar intauc siyinkami waini yogeyou bapate benic waini agan marankago vani siyinkani beno. <sup>34</sup>Afo waini yogeyou benic yogar intauc fakareni manamana yami aren, enan aruman fuden, ena oni aren. <sup>35</sup>Yebekemi amumcna yokam baintau siyinkemi, afo waini yogam baintau ogam magani waini yunan ofonic yokam baintauc uyinkeno. <sup>36</sup>Afo icnaemi vaini afo beyagaci sankemi semi, senti gaci onamani ayogugi uankantenone. <sup>37</sup>Afo waini yogeyou waini yunan agac onaren yeyirani seno, mana anar againo. Yic, ben arureyam beninda anecneuc marano. <sup>38</sup>Afo yeri mini intam fakareni, avike waini yuankinke fakaman mapac deni aruman fukeno. <sup>39</sup>Make bera mini waini yuna afo yene, naka beni uyinkantenafi mini waini yokeyouni? <sup>40</sup>"Yeni bemi sameni, "Beni manda asapte yirurem manda

baintau anankayinkarem, yenyi waini ena waini yokam bainta dem, inaema yunan korem amin nanim bainta amemi.<sup>42</sup>Jisasi yena semi "Eni baya akantenimi iye oneba, oni mac pakenim mac uwareyoni yifonkani e-eno. Manai iyenom pate; mayau sokanka abokuki emino?"<sup>43</sup>Micni ukai enani seko, Koti inarumi mandani enkinke ena iniya bainta aboku akami iyinayoni yimitemi. <sup>44</sup>Iye mini onaro yandintefe umaci akarafantem. Iyen kaka pafasintenafi kidikidi intemi.<sup>45</sup>Yicnonic ukam pristi nama mam macka anonic ukeyou indireni mini baekam baya, yemi omare indeni mayau yani semi sino sire indeno.<sup>46</sup> Bemi fakarani ayuci afakenofo, yeni fekeyo amuna iniya baintam bani, nebarafino amuna iniyabainta bemi onaekeni Gotini yokam bainta backo onaricmeno.

## Chapter 22

<sup>1</sup>Jisasi baekam baya fate siyimen semi, <sup>2</sup>Inarun kindomi ic, mana kim mano ben agac bayic ino bam sesac inic mugemi. <sup>3</sup>Beyic yokam baintauc siyin kani yara rukau yivikaran benofo, amanka yeni iyen yeno. <sup>4</sup>Yeveken ena yokam baintau ic kim mano siyinkemi, semi, 'Yararukanou siyimeno, onago naru yunkamar antec dukauna. Sesic burumakauc arurec madam anecne antecman dego. Yego bayic ina yompage. <sup>5</sup>Mini van yeni iyen indeni yerere beno, maya beyic yunampac bim, eno beyic monic yokantac bemino. <sup>6</sup>Maya ac kinic yokam baintauc fakareni, yiyorin yimicdeni, yiruman fukeno. <sup>7</sup>Kim mano yisidemi beyic sondianuc siyinkani, afo yeni banta yirumam fukeyon baintauc yiruman kipareni yen yimac makuyuc ika sareno. <sup>8</sup>Afo beyic yokam baintauc siyimemi, ac ic bayic intac ino, afo yaregunou iyen anteckeno. <sup>9</sup>Mini ifo ayana fata be amuena ini ya baintauc yonante siyimego yeko. <sup>10</sup>Yokam baintauc anon ayana fatac oreni umaden ini ya baintauc o yifakaman managac deno mandauc namac ayo kugu nama. Ma mini mac yagumkim yare youni mare uwiken. <sup>11</sup>Afo kim mano naupac undem mini ini ya baiutauc yonam bemi mayan ona mi, ure bayic eyom unambacd iken. <sup>12</sup>Kim mano ben samemi, sikono inke nigac ec ure bayic eyom unambacd iken. Afo mini bainta ic aya bac iyem bami. <sup>13</sup>Afo kim mano yokam baintauc gan semi, Agan ta ayanka mana nan damure ayufun nanan kenimpac acnogo. Mempa ific den avakur arafinanim pagec. <sup>14</sup>Afo amuno ukami yarakemifo, kamoren ukac dukami. <sup>15</sup>Afo farisiuc oreni Jisasi ben avaya kac bam bure fakarar indir uwaren. <sup>16</sup>Afo yeyic yonkan baintauc nama Erodian namac sinyinkani beno. Yeni Jisasinan seni, Tisa o, yeunama indinkeumpe. Eni fuga ugami sikemi Goctini ani siyimanamino. Eni maya nic umac indiruc kar iyen indemi yempa gic iyen anamino. <sup>17</sup>Afo mayau sisimeno, inken indirikac eni eya? Mini lo ukan nafino monima Sisa bampac ayac eyo ne? <sup>18</sup>Afo Jisasi yenyic mandauc onaic uremi semi "Nevarakac semi Simam magega fono, yige kam bofem dukam baintauc ge? <sup>19</sup>Ayac eyo monima yotigac onano sini." Migac banta on naniac avic namac bam monima mare ameno. <sup>20</sup>Jisasi semi "mana iyen on namac ayic nama gafi?" <sup>21</sup>Yeni seni, "Sisa nindaino." Semi, afo Jasisi semi, "afo Sisa ninda anecne sisan amego, Kocti ninda Kocti nindaic." <sup>22</sup>Afo yeni mini indireni yere sumi sami sa beni yere ankare beno. <sup>23</sup>Mini nurami mana ac Sadusic, fuckam baintauc iyen ukukanteno seyouni yere nic bemi indae <sup>24</sup>seni, "Tisao, Mosesi semi, 'Banta an iye magem fukinami ben afac abam ben anac manden am mac ankantemino. <sup>25</sup>Mana yamar afac kar omanden untavani bage yomi, ananteno ambac iye magan fugen anasi yererami ben afac maremino. <sup>26</sup>Afo ben anaenkeno organic uren yererami, kandac manavac ka oremini, micnom bem umadempac mana yacmar afac kar omanden kaci oremino. <sup>27</sup>Miyiu umaden yicnaempaci anasi fugemino. <sup>28</sup>Icnaem fukam baintauc yeveke ukukana yon nurami, iyen ana kac beni bante nafino, ma mini ac unadempac mana yamar kar omandem untava ginkeve? Miyiu umadem bemi mandu kageno. <sup>29</sup>Afo Jisasi yevekem yen siyimemi semi, "Ananam manam mino, nevarafi, eni Koctin avaya fi Koctinic erani onoic iyen ukamino. <sup>30</sup>Icna yem fukan ini ya baintauc yeveke ukukana yom yamu ic, anasi banta bayic iyen eni, anasi manam banta kac iye maukinteno. Umacde inarumpac enjorouc kegem banteno. <sup>31</sup>Afo icna yem fukan ini ya baintauc yeveke ukukana yom na nunkupe, iyec yande ka Kocti yiken siyimine, semi, <sup>32</sup>Seni Abrami nic Kocti, Aisaki nic Kocti, Jekopi nic Koctim bego? Kocti fuka uyic Kocti baino, ayum ba unyinda ino." <sup>33</sup>Afo anasi banta mini indireni anonic uren yendicdeno, Jisasi yimam bayayuc siyimevanare. <sup>34</sup>Afo Farisiuc indeni Sadusic a sinayonic iye oni, oman yemare manapac uyeno. <sup>35</sup>Maya yenkinke lo bayayauc onaic evam bainta ben amam makemi, mana indaini indemi - <sup>36</sup>Tisa o, inkeni anom lo bayayukana logim benafino? <sup>37</sup>Jisasi ben samemi, "Iyenon eyi Koctin ey andun namac, eyic eranamac, eyic India namac ben ayeno. <sup>38</sup>Mana minin anonic gugan uken acnan tapatena lo bayayino. <sup>39</sup>Afo mini acnayem patena lo bayani macnin ukemi- 'Agono en acnaka bananimi, eyar aye ona ayirigac ono. <sup>40</sup>Ma mini lo baya kanda ka ic umadm louc namac Koctin avam mare baya mare beyom yokam baintauc munkugemi. <sup>41</sup>Afo Farisiuc managin oman yemar uge bami, Jisasi yemi indaini yinda emi. <sup>42</sup>Beni semi, 'yikeni Kraisi nani inken indirikac eka? Beni iyen aga kac benaf?' Yeni ben sameni, "Devitin aka ci." <sup>43</sup>Jisasi yenani semi, inkecnigac ukana Deviti Ayo inta kim ben arena Iyeno, siremi, <sup>44</sup>Iyeno senti Iyenonan semi Iyeno, "Sen siyan ukampa kuman dono, Enic namukouc manam en akar akumpa ic danteko." <sup>45</sup>Afo Deviti Kraisi nan 'Iyeno' sentin mi, inkenic urena ic beni Devitin akac benaf?" <sup>46</sup>Maya vac ben oveke baya vac iye sameni maya vac ben indairandac iyen indeno.

## Chapter 23

<sup>1</sup>Jisasi anasi bantau baga ben avakuro noyom siyimem. <sup>2</sup>Siyimemi semi, afanyo agareyom baintauc baga farisiguc lo baya vani yigemi siyime se , mosasi uwaragenimi. <sup>3</sup>Micnim mugami, yeni ne uwarano warac sinteyafo. Indireva uwara. Afo yeni ne avuava uwarante yafo, iye vaga yiva gunde uwara. Mini adandau uwarantego sire sinteyafo, iyen uwaranteno. <sup>4</sup>Umarugan deva andandauc anda ureni, anasi banta yifunta deno. Yenafuni, iyevac gugami mana yufacden mini andandauc kun doyinteno. <sup>5</sup>Yeni ne avoku andanda ucgac aware yafo, anasi banta yemana yona gowani indeno. Iyena yugam mukeni, yeyic iyagamana unambacdo arasa ic nani kuyeno. <sup>6</sup>Yeni iyena bantauk kumandeyom kack kuman diranana eno. Yunan neyom magusaga mam makinka namac. <sup>7</sup>Yunana andandauc ayac eyom magusinka yonareya yen avokuc yaraic eya tisa ne segowan. <sup>8</sup>Iyevaga areva se, 'Tisao' se, Eni mana tisam manan dukanami, yige umade sentifac tiva manan bami. <sup>9</sup>Mana bainta mana makaka avicdeca se, Senti fone sire iyevaga ic se. Yige yifo mi mana ukami dukami, beni inarumpaci bemi. <sup>10</sup>Tisam bage sire iyevaga se, mana tisam manan dukanami, mini Kraisti. <sup>11</sup>Afo iye yigen yicbanampac iyeno benafi, beni yogam baintac mintemi. <sup>12</sup>Iyec beyan yani intenafi, bemi danami mempankimi kumintemi, afo beyana dan kumi nane, bemi manda yani micteno. <sup>13</sup>Sigune siyinkego, afanyo agareyom baintauc baga Farasiguc kanyivan dukam baintauc! Eni anasi bantauk inarum ona munku yinkanami, enafu iyevaci umpeganonami, acdeka uriric ukeyou uyabac iyevaci. <sup>14</sup>, <sup>15</sup>Sigune siyinkego, afanyo agaregom baintauc baga Farasiguc kanyivar umunouc. Magagabe, non ugarebe, mana baintan afakare avigaran, afo afakare avike mare mani ure, embac kantanyaci ure mempa igamaguyic agagic mintemi. <sup>16</sup>Sigune yogam putinkegom dafisiruge, eni se, iye eni mam mac avi dare eram baya sefe, mini mana andanda iyemintemi. Iyec mini mam makim bam kori avidare se uwarantego se, mini indintagac eraruga. <sup>17</sup>Yugam puntingam manda baintauc! Inkeni iyena benafi? Korifi, mam macga micni uege gori manda antemande nafi? <sup>18</sup>Iye mini uwarantego sire agonke eyom kanda yasa siren sintenafi, mana andanda iye mintemi. Iiye mini amirukanani narokakema sem uwarantego sintemi, migaga era ruga. <sup>19</sup>Yogam puntinkan iniya baintauc! Inkeni iyecka benafi, yimi ganafi, a a kanda yasa agonke ugayi mandan yimigan mandan antec mandenafi? <sup>20</sup>Micni mugami, iye mini uwarantego sire, agonkec in kanda yasac avidare sintenafi, minigim beni andandauc kaci uwarantemi. <sup>21</sup>Iye mini mam maka avicdarem, uwarantego sintena, iye mini gim benafi, miyinkaci uwaranonami. <sup>22</sup>Afo iye inarum avicdarem uwarantego sintene, koti kumandenin kac avicdare uwarantego sinona, minigim kumantayin kac ic sire sinonami. <sup>23</sup>Sigune siankego, afanyo agaregom baintauc nama farisi kanyivar umunoc, anayo ginkena andandauc mandei, siyankan tinke manan kotin amanami. Afo yigeni aci iyena lo bayayuc ec acmi. Antekan avuavac uwaran baya yuga, banta daimim bayaya, banta avacbac im bayaya, erar indim maram baya. Avogugic minagomi, erarurema lo bayana avakurege. Afo ena lo bayayuc baga avakurogo. <sup>24</sup>Yige yugam puntinkeko uge yigeni kipa magi mi, yuna kim baci, yomandan darani ami. Afo beniiyen onemi, iyena kemori yagam benic yunankim bami, mandemi nemi navitemi. <sup>25</sup>Sigune siyinkego, afanyo agaregom baintauc baga farisiguc baga kanyivar umunouc! Eni nan neyom youc mapa i sesec uranami, afo anduntim mi mandauc ic utikagemi. <sup>26</sup>Eye ogam puntinkan farisi! Nan neyom youc nare sesec urananac ic mapac namac mare ankegatemi. <sup>27</sup>Sigunen tiyin kego! Afanyo agaregom baintauc namac farasi, kanyivar umunouc, efan bam masiken banami, mapaci avokufic uganami, mandan andantimi, fukam bayintauc yiyampau namac manda andandauc utigagemi. <sup>28</sup>Eyac baci organic muganami bantauk onan nani eni se seni auokui bego sanami fo, anduntimi kanyivar umunouc bac mandauc utikagemi. <sup>29</sup>Sigune, afon yo agaregom baintauc baga farasiuc ga kantan yivar umunouc! Frofetiuc namac antekekeyou yic bam masi ic manda antec man avo kufic ano. <sup>30</sup>Eni se mayau sifo unama bage yon kac ma bagenige, mayauni iyevac mana yofa urec frofetiuc yirotina ci. <sup>31</sup>Micnim muge mifo. Eyarara i sima esac de se mayauni frofetin areyom bainta aga fandauci beyamu. <sup>32</sup>Eni enanafu unam uwara yeyonuc ic mare manar amankagic anono. <sup>33</sup>Eye memayuge, eye mema yuc yiga fandauc, inkenic ure kocti koctinanim nurami yeankante. <sup>34</sup>Micni mukai, onano, seni mini frofetin a avoku indin dukegom baintauc ba afanyo agareyom baintauc siyin karaunani empac yeno. Mana ca yirure ci keka yasa ic danakomi; mana ca mam makimi yafi yotenare ic afo magusinke difitamam mapac i danakomi. <sup>35</sup>Benic aya ci micnин ugemi, eni mini ayac mara nonami mana magagac anteke fukeyom iniya baintauc. Eborin avokun bainta kacke yem Sekaraiya Berakiya agac, eni mam mac namac agonke eyom acbanac aronami. <sup>36</sup>Fugan sirc samego, umaden andanda mage bam iniya baintauc kaci yintemi. <sup>37</sup>Jerusaremi o, Jerusaremi o, frofetiuc empac siyinkaege raya eni onac bami yironami? Nacde yagac enaga fandauc oman yemar uegec managin dega fu, kokorima bey agaguc mandan bey ayan kin denini egac fu. Afo eni iyevaci eyo senami! <sup>38</sup>Onano, en amaci mana amusimbac iyem bemi. <sup>39</sup>Seni emi samego, iyevaci sonanonam mifo mini yamuc yina micni sinonam, iyenon avic tima yinono amoyaco.

## Chapter 24

<sup>1</sup>Jisasi mamakim bakem bevam beni aruku bevapa yereni seni, onano meyam mamacke. <sup>2</sup>Aka beni siyimemi semi, "yickeni umaden anene iye onecka? fucga ukame mana onabam ena onabam naroba iyem bantem.<sup>3</sup>Beni olivi anucka kumante bami, beni aruku emam bepa yereni seni, mayau sisimeno, nande mini umaru ampamin tenafi? Neanene ampaminam mana macka arayi itenafi?" <sup>4</sup>Jisasi yemi siyimem, "Dafickaraya ono maya emi iyevacka mackasino. <sup>5</sup>Amuno sentivikim yereni, 'mani sinteyo,' seni Jisasim becko siren, amuno yempacki eni oyockanteno. <sup>6</sup>Indinonam enafa aruevana. Iyava pecka, mini anene ampamintem mifo. Macka arayi iyemitem. <sup>7</sup>Ena kantri ena kantri nama arumintem, ena macku ena macku mana aruintem, andaro yintemi mackuni dimtem mana-a mackusingka. <sup>8</sup>Mini umaden anene ham mackeyon anavisi kana mintem. <sup>9</sup>Afo anavisi amideni micka yere arumam pukinte, afongka akanteyo sentivitum. <sup>10</sup>Amuno sentivitum humani, yeyirani umatiyin kanteyo. <sup>11</sup>Uma yokam baintau yeukukake amunomi macka sinteyo. <sup>12</sup>Neveraino manda anda anorie e vanam avaba iyem bantem. <sup>13</sup>Mayama erana emi, amangkai kipan tapabai fa bantem. <sup>14</sup>Mana mam baya madempa siyiman maroram mana macka arayi item. <sup>15</sup>Ena mana macka onanama mandai kuckam inave, mini Danieal Gotini yockam bainta siruckan kai. <sup>16</sup>Eanam Judia beyo anukimpacka iyayo ki. <sup>17</sup>Iye manaro befe mackapa kunde eyama kinke mana anene iyeva mara. <sup>18</sup>Ena yunakim beni, yevekem beyi unambada iyeva omara. <sup>19</sup>Sikunukane mini nuram anintau yimubacki uckeyo nama aninta maduke yoname. <sup>20</sup>Okarm munckevanam mini nuram Sabati nama adinananim nuram iyeva yi. <sup>21</sup>Anom umani bantem, mi mana macka kuckaran tapate yem macke ma iyevami yintem. <sup>22</sup>Amancka mini nuuram backaki mintem, mana baintava iyem bantem, afo mi antekeyo yaresirem mi mini nuram backacki uyinkantem. <sup>23</sup>Afo mayama enantem, onano, mana Jisasino meyami. Jisasi no sina, iyeva inde. <sup>24</sup>Umatickam yockam bainta yeremi beyi erara pawa yoavikantem, en avickem mandakim bira. <sup>25</sup>Ona bani emi sameko. <sup>26</sup>Minimuckai emi sameko 'Ona, meyamini mapa bermimo sina, mapa iyevabo, manamini naumkimi beno sina iyeva inde. <sup>27</sup>Ahurintapate yankakem ah kumintapa afayu mintem, miniukam ukemi Goti naka yinanin nuram. <sup>28</sup>Inkepama fukam safurauma bananimpa, mifai anom sumpanuuyetino. <sup>29</sup>Ese mini nuram ai maro ayufun kantem, ikona iyen kanyin-kantem, baoy pafasem kumintem, inarumpatena erani kasanintem. <sup>30</sup>Mininami Gotini yeveke yin saini afotaki inam, madempa beyom iniya baintau ifideni anevami, Gotinaka beyi eranama pawa nama midan oyonta kumintem. <sup>31</sup>Beni beyi enyoli siyinkaranani ano ufeni asirani Gotini banasi madem kimpate oyuekem yeuyekem manacka dem. <sup>32</sup>Indira marano figi yasake, ayamam moro anunanun em ana makem, mini onaremi semi make ai kantemi sanam. <sup>33</sup>Afo mini umaden anene oneve, eni indemi semi ai beni yini adeka onacka kukami bemi. <sup>34</sup>Fukaukane emi Sameko, mana iniya bainta iye fukam mini anene hampa mintem. <sup>35</sup>Inarunama mana makanama kipantem, afo sentivaya iyen kipantem. <sup>36</sup>Afo mini nuram na yamu, maya iyeva indikeno, enyoliba iyen idikeno, ben akaba, afo benafo mana idikem. <sup>37</sup>Mi Noanka ma ampamenini nurani mintem Jisasini yinta. <sup>38</sup>Mini nuram nom iye sakami, yunam ne, none ne, anasi ire mine vami, Noa akikim umpekem <sup>39</sup>Iyeva indicami non yeyirafem, miniukam mitem. Goti naka yinanin nuram. <sup>40</sup>Kam bainta yunankim bami, mayam avikanam maya pabantem. <sup>41</sup>Kantam inim witi anevam, mayam avikanam mayam bantem. <sup>42</sup>Mini mukami sefo dafiseno, eni iyen indikanami eni dafisin yinanin nuram. <sup>43</sup>Afo indeno, ma afoma umom bainta mayinanim ayufum indirukene. Beni beyamaka dafisebanani iyen ukadanteno. <sup>44</sup>Mini mukami eyabaka dafiseno, nevaraino banta ka iye indinona yamui i yintem. <sup>45</sup>Afo iye ayoku yokam bainta, beni dafisin yokar amidem semi, yunanai bentaimi kaka yimenafi? <sup>46</sup>Amoya ono mini yokam bainta, yokevanam beni dafisin yeonene.

<sup>47</sup>Fukaukane seni make emi sameko beni dafisim bemi madem yokanka dafisino intem. <sup>48</sup>Afo mandai eni bainta beandum tinke semi, senti dafisini iyakai bemi. <sup>49</sup>Mini siremi beyi yokam bainta arem, uremi non neyom baintau nama none yunane. <sup>50</sup>Afo mini yogam baintai iyeno mana nurami yintemi beni yogam baintaiye indinananim yamu yintem. <sup>51</sup>Afo beni iyeno bemi akefa akefa uremi bemi mandekem anana ukeyom baintau nama dukanam ifi dem beavakun arafin tem.

## Chapter 25

<sup>1</sup>Inarum magu mancni mintemi, siyankar agintauc bantauc namac iye nogeyou,yeyic onuc mandareni bayic inayom onaram beno. <sup>2</sup>Mana yacman avoguc indir iyedukani, ena yacmani avoku indini dukageno. <sup>3</sup>Micnureni mini avoguc indir iyerukam agintau yeyic onuc mandare yeni, mana-ac basafem bac manare iyem beno. <sup>4</sup>Afo avogu indim dukam agintauc basafem ana namac onuc nama i mare beno. <sup>5</sup>Bayic inaniyi agen iye yimi, yokam munkini barenone. <sup>6</sup>Afo nurampa ic arani yemi,"Onano bayic inanive! Be onano."Umacde bantauc namac iye nokeyon agintauc ic yeno.Yeyic onuc mandani sitokadeno.<sup>8</sup>Avogu indim iye dukan acnam, avoguc indin rukau yani seni, mana-ac basafem simeko. Mayausic basafem kagipe-no. <sup>9</sup>Afo avogu indiruc dukau siyimeni seni, mayau sinda amankagi iyen itemi, bega basafem dukanayompa yigenyida ayac ogo.<sup>10</sup>Yeni ayac iram bomi, bayic inaniyim yemi, iyefi migac bageni benamac ic bayic omapac beno, micni imi, ona munkemi. <sup>11</sup>Icnaemi mapac nogeyon agintauc yereni seni, 'Iyeno/iyeno, yeunamac disinkano.' <sup>12</sup>Afo yen yivaya yiylimemi semi, 'Fugaugane, emi samen tecu emi iyen onagecu. <sup>13</sup>Ankar ono, eni mini nuram iyen indiganam.<sup>14</sup>Micni uganic ugemi, Mana bainta enafa birani beyic yokam baintauc yaramam mareremi beyic andandauc dainden yimemi. <sup>15</sup>Acnari iyimi yacman tauseni amemi, migackenom kantan tausenin amemi, migac uriyim mana tausenin amemi. Yemi yenyic abucavakaci yimemi, mini bainta be biran simpac bemi. <sup>16</sup>Yacman tauseni mareni beni ena yacman tauseni uwaremi. <sup>17</sup>Eno kantan tauseni marayi ena kantan tauseni maro yocdemi maren yemi. <sup>18</sup>Afo Mana tauseni marayi maro maga ucdeci beyic iyenonic Monic ayofemi.<sup>19</sup>Iyackaki imi mini baitauc iyeno yeremi yenama miniu gar antegemi. <sup>20</sup>Mana yacman tauseni maran yokam bainta yeraimi ena yacman tauseni amemi semi, "Dafisiro, mana yacman tauseni simenaci ena mayacman tauseni amam monic ic uwarego." <sup>21</sup>Benic iyeno macnin sitem samemi, 'Avokuki onamino, avogu eran yokam bainta. Emi amuna anecne kimi dana dafisinonami. Enic iyeno amusim marananinkim yeno.'<sup>22</sup>Kantan tauseni maran yokam bainta o baeken yerem semi, 'Iyeno, onano eni kantan tauseni simiranai, seni ena kantan tauseni amam monic baci uwareumpe.' <sup>23</sup>Benic iyeno bemi samemi semi, avoguc eran yokam baintave! Eni sitoc anecne uckimi eran yokaric monam mino. Emi amucna anecne kimi dana dafisiric minonami. Enic iyeno amusim marananinkim yeno.<sup>24</sup>Icnaem mana tauseni maran yokam bainta yeraemi semi, 'Iyeno, seni enic abucabac one indikec i, eni unafinonami iye yokeonafa, unafanamino ayun iye acnonafac. <sup>25</sup>Seni anom fegaric ec i sefo, seni beci maro maga ucdec i eni tauseni ayofec u. Onano, ena rukana enindaino. <sup>26</sup>Benic iyeno yebaekem samemi semi, 'Eni manda ec afomana kenin yokam baintave, eni indikanamino, Seni iye yokekunafa unafeumpe, iye acneguna fatevac unafec umpe. <sup>27</sup>Micniugaya, eni monicgukac dafiseyonkim senti monic devaone. Mage yunakac, sesic monic bac amam monic bac mage mare gaune.<sup>28</sup>Afo mini tauseni dafieke siyankam tauseni dukam yokam baintan amemi. <sup>29</sup>Amucno ma amuna yimeye, yeyacba amucna ukami marantenone. Afo iyec micni ma iye ene, ne uwaranten nafi, benkinke dafinteno. <sup>30</sup>Mini manda yokam bainta mandan ayufunkim karucdako, ificde yibakur ake yonkim.<sup>31</sup>Banta Agac beyic eranamac yinami amuna enjorouc ic benama bami beni beyic anon siyagac kumantantemi. <sup>32</sup>Umacde mana magaga bau ye untami, beni anasi banta daimintemi, sipisipi kac dafiseyouna sipisipiuc daimeyoni minteno. <sup>33</sup>Beni sipisipi-uc yuman ayan ugampac demi, memenuc ayan ocpac dantemi.<sup>34</sup>Ben ayan ukam pac bauyani King macni sintemi, 'Yego, iyec Sentifonic avacobac mandukanono, marano inarumpac, mana maka uwarem uwandan andandauc.<sup>35</sup>Sarani fugiya eni yunami simenami; nonani siyyiha nomi simenami; enafate yevauna sivicman danami;<sup>36</sup>Seni bayafu baunami unambacdo usinkanami; semi sic eva eni sofaonami; dumuke baunami se baunafa ye nami.<sup>37</sup>Yena antekeyouni same seni, 'Iyeno, nande emi arampuvakac onarec yunan amekafu? Non nar ayikac non amegafu?'<sup>38</sup>Nande enafate yena gac avicman degafu? O bayafu banagac unambacdo uankegafu?<sup>39</sup>Nandec ac ec bayafic dumukana gafic ye onegafu?'<sup>40</sup>Afo kim mano yevekem yemi siyimintem, 'Fugan sirc siyimeko, iyen afac-avanac micnu ankante, semi micnu sinkanonami.<sup>41</sup>Afo ben ayan ocpac banayou yani sintem, 'Yankakago, mandaic siankaruc kelinuc, iye kipar ikakim bananom namac benic enjorouc yinda sesac uankaruc geningine,<sup>42</sup>nevrafi saram pugiya, eni yunam iyen simenami; nonan siyevaya, eni nomi iyen simenac neumpe;<sup>43</sup>Seni Ena fatenomumpo, eni siviceke iyen danami; suavapac baunami, unambacdo iyen simenami, sic eva kafi dumukauna fi avokukic iyen usinkan namino.<sup>44</sup>Afo yeni same seni, 'Iyeno, nandec yeunamac onevauna araric eva, nona ayena, enafateno bec, bayafu bec, ac marana fi, karabusikim bana gafu mayauni iye ofaekafu?'<sup>45</sup>Afo beni yemi siyimemi semi, 'Fukaukane seni sameko, ena mayama mini abucabacguc iye uankeve, sena micnu sinkananaino.<sup>46</sup>Yeni iyekipananim mandam maranteno. Afo sera antekananiyim iyevac kipan aumi marantemi.

## Chapter 26

<sup>1</sup>Minic yorami, jisasi beyic bayayuc siman kiparemi, beyic yokarintauc kanic manisemi, <sup>2</sup>"Indebamino kannuram anaempa omare indeyoc yamuci bantemino, mikaci Banta Ackai abike kekac yasaci maro iyinteno."<sup>3</sup>Anom yibic dukeyounamac, anaric ukeyou, omayemaren, yenyinokacbac daviteni Kayapasinec seyombaintaic mackim ye uwikeno.<sup>4</sup>Emam bayayuci sire umor asapate Jisasim aruman ayofarani indeno.<sup>5</sup>Yeni senic, omac nanayonkaci iyeno, mikac yiramic iyemaranteno.<sup>6</sup>Afo jisasi Betanic, Saimoni namomana baintaic mackim bemi, <sup>7</sup>kandandakakena anuvem bami, anasi, erar amukuc em anom monikac bam basafemi, mare Jisasim anokim bayemi.<sup>8</sup>Jisasinamac nouyou anom yirami kani seni."fayac mare irara efono? <sup>9</sup>Iyena monika ayaureya mandeke irocbaric ukeyou yimekamic."<sup>10</sup>Minisami Jisasi indiremi, manic semi, "Fayac mana ininic umar ameka? Beni semi abokukic musinkemi.<sup>11</sup>Enamabaci irobaric ukeyou banteno, semi iyendukanonami.<sup>12</sup>Amunkuc basafema anasi mano mare soka afenimi, semma masivana yomino.<sup>13</sup>Enani fukaukamisameko,manac minusinkeninani macdem makacmakai benani sinteno.<sup>14</sup>Mana yenkie, avic Judasi Iskarioti,anon avic dukam bainta bampa oremi semi,<sup>15</sup>"nec simintefono, abiman ayankim danabe?"kandamanabac siankanda monic mandekeni ameno.<sup>16</sup>Mikackeukami, ayuc afakarem fakaman yiyan kim yiminanuc indemi.<sup>17</sup>Mini kukaram yamuc omakaci Jisainamac noyou yere seni,"ikempakac maro anufarayaci mini omakac neyom yunam nanono?"<sup>18</sup>Beni semi, "iyena magu benimpac orebac i mikac banta bemifo same sebaic, "Tisa semi," sebekuna bakakic mebac, en amaci senama noyouc namac, omakac neyom uyanami nanteumpe."<sup>19</sup>Jisasi siranic mana uren beni yokarintauc omakac neyom yunami tesaeno.<sup>20</sup>Ayinkacki onimi,benamac noyouc namaci kumandemi nemi.<sup>21</sup>Kukande naruc nami, manim semi,"Fukaukami seko,yikenlike maya semi madan bantauc yiyan kim dantemino."<sup>22</sup>Mini baya umarukami yirinic mayamaya bemi indaeno,"Iyeno seyafuno?"<sup>23</sup>Beni yebekem semi,"Maya feretikim aym senamac danani miyi fakaman yimintemino.<sup>24</sup>Banta Acka bintemino,avantim benan sikave. Sikune mini baintave,Banta Acka fakaman yiyan kim dananive.Abokukic mintinaino mini baintac iyemadukakeyone.<sup>25</sup>Judasi bem fakaman yiminani semi."Iyeno seyafuno?"Benani manin semi,"Aci enafunic senamino."<sup>26</sup>Yunanuc necbami,Jisasi sikoni mandemi,okamukuremi,kidiman,kipakipa urem benamac noyou yimiremi, semi, Mandenako,Mana sentoino.<sup>27</sup>Benic nom kapi mandem susu siren, mandan yimiremi semi,umadeukanac nako.<sup>28</sup>Mana sentic korami bayintemino,amuna iniya baintaucyic manda andauc kipa yinkac takec.<sup>29</sup>Indeko,mini yayackam eyen nanteko,fabakec i obeke yereci, yikenamaci sentifo amankimi nante yamumpe.<sup>30</sup>Ikuc daren,orific Anufac ureno.<sup>31</sup>Afo Jisasi yenani manic siren semi,"sem umantim danayomponi madeukam make ayufum yandec binakomi,afantimbaci sikemi,sipisipi ackakukac daviseba kuvitaranami,baruyem beninuc yererec iyani intemi.<sup>32</sup>Minic anaempac ukukeci, senare Garari magusapac bonteuc.<sup>33</sup>Pita benam manic semi, " amami macde enarosire iyande bintenso, sen yanda iyem boteumpe.<sup>34</sup>Jisasi benam manintemi, " Fukaukam enan seko, mako ayufunakam kokori bac iyedurukan kamore yaci umeranonami." <sup>35</sup>Pita benani semi"<sup>36</sup>Enaropaci seyabaci fukonteumpe uma iyen siankanteko," minic mana benam nouyou yabac seno.<sup>37</sup>Mikake Jisasi yenamac Ketsamanic makusapac oremi siyiemem semi," Macka bakac meyanka ore sokam munkirare."<sup>38</sup>Pita namaka sebedi akac kandanamac obami andinic ebami anom umarukami maremi.<sup>39</sup>Manic siren siyimemi," se fukonuna bani anon saci kebako, senkac maka dafite bako."<sup>40</sup>Mikake sitokac oremi," Beyom makakic maroremi, okam mukemi, Manin semi," Sentifo, amankakic ukana, ecanam mana kaikim benimi yankakano. Senti ayira ino, ayintake.<sup>41</sup>Yeman beyic yoka irantau yonani yonduk bami Pita nan manic semi," Fayaci, sitokac senka iye davisaba?"<sup>42</sup>Davite okam munkebac makasintimi iye ofekano. Ayo intac yofacirani emifo, mana erani yoi iyeino emino.<sup>43</sup>Kantan yackinem yebekem oremi okam mankemi. Manim semi,"Sentifo, manama iyen yankakanama mini noma nanunabe, eni ayini amankakic intemino."<sup>44</sup>Obekem yerem yonani, yukanukami makebani dukebano .<sup>45</sup>Yera yikaremi, yebekem kamore yaki mem okamukemi, yebekem okam bayani sem.<sup>46</sup>Jisasi obekem beyic yokarentauc bampa yermi manic dec beka? Fayaci abogukac duke bekaci yaum dec beka? Onaka, aci adekakic meno, Banta Acka fakaman manda baintauc yiyan kim danayone.<sup>47</sup>Ukukac ya, bono. Onako, sem vakaman dananim acdekai yeno.<sup>48</sup>Minic sebankakukami Judasi maya yenike mikac yedemi. Amunoukanama, anon yibic dukeyouya, yinonkac beyouya se yeno, yenyi avac aneneuc nama yeno.<sup>49</sup>Mikake Jisasim mandam yiyan kim yiminani semi," Iyenac umac ontekafa miyino, miniba fakako.<sup>50</sup>Akakaukam Jisasi banka ndem semi," Iyeno beba!" siren umac emi.<sup>51</sup>Jisasi banani manic semi," Sikono nec uwarrara, yefe uwarrano. Mikake yeni yereni, iyam Jisasinka deni fakeno.<sup>52</sup>Onami, Jisasi namac bakeyo maya yenike, beyic dukam baintakac dafisebam bainta, akam mi akefemi.<sup>53</sup>Minic urami Jisasi benami semi," Yebekem bakenimkim eyic abagane (soparo) dano, soparo dukake iayouni mini soparo anta i kipa tenono.<sup>54</sup>Eni indiman sentifo benimpa aranam, beyic siyakanda andakac benim enyorouc iyec simintenoc sebac?"<sup>55</sup>Ikeni uranaci feyukam bayani afa akandeyom mare afotakic intenafi, mini micnurane?"<sup>56</sup>Mikac Jisasi anom baintauci, uwikakayouni semi," Umom baintake sem fakare aronoc

sirekaci soparoc bakam uwandare yeka? madem nuam anomam makim kumandec siyime banac iye fakam bakeke.<sup>56</sup> Amamino, mana mininakomi, feyukam Kocticnic yokam baintauc afar uwanda yomi mare afotakic intemino." Benic yokarintauc bermana yera ankare iyayeno.<sup>57</sup> Miyiuc Jisasi fakaran yeyou ye abikei kaiyapasi yinonic ukam baintaba, afan youc akareyouc ya, anonic ukeyouc beyompaci beno.<sup>58</sup> Afo Pita inaempac kukami ukemi abakurem yinom baintauc kokuc indeyompa bemi. Yinonic ukeyom baintauca daviseyou namaci ukumantemi ne anenevi uwaranayom onarani bami.<sup>59</sup> Afo mikake yinonic ukeyouya batakim yoke younamai uma bayayouc i sinkeno, inic sire aruman fukirani seno.<sup>60</sup> Aeyom uma baya youka benic mandauc afakam, iyem bami. Inaem kam bainta underni<sup>61</sup> seni, Mana baintai semi, "Senifani Kotini anom macyakam ukadareci, kamore nuram mana uwaranteumpe siren semino."<sup>62</sup> Yenyic yinom bainta ugukemi Jisasi nan manic semi, "Indairuc iyec dukeba? Nenkac sana yaci ma syonouc enan seyateno?"<sup>63</sup> Jisasi mana bayayaba iyen semi. Yenic anom bainta Jisasi nan manic semi," Seni Ayum benim Koctin abikimi, mayau sisimeno, eni Kraisi, Koctin acka kac bebac.<sup>64</sup> Jisasi manic siren, samemi, "Aci enafoni mini sana mino. afo emi sameko, make mana yamukake binonu onanonamino, Banta Acka ayan ukampa benim Eranta, konannaroc inarumpate kumintemi."<sup>65</sup> Yenyic yino bainta beyic bado dakac demi semi, "Manda bayayukami semifo! Faya enouyaba sekoba indeka? Onano, aci manda sentimi indenamino.<sup>66</sup> Ne indirikac ekac? Yeni yebek seni," Beyic umantaci fukinte mina."<sup>67</sup> Mikake ontim yikano kuntiankenic, yiyan anaure arenic,"seni<sup>68</sup> mayauc sisime, emi Kraisi banamifo. Iyec mini emi arenafi?<sup>69</sup> Afo Pita mendac kotec yom kukusimi, kumantem bani banta anasiuyic yokam marenin akinta Pita banka yeremi semi," Eyabaci Jisasi kariri baintanama nokonami."<sup>70</sup> Afo yen yokankaci umeremi, manic semi, " Seni iyen onakeko neukarac seba."<sup>71</sup> Yerarem onakac kundaimi, ena yokar akinta onaremi mickac beyouyani semi, "mana baintabaci Jisasi, Nasareti bainta namac bami.<sup>72</sup> Eraruc kami uremi umeremi," Iyeukam onana baintaino!"<sup>73</sup> Sito kac baken, benamac bakeyou yereni Pitana manic seno," Fukabe eni mana yenkike mopec, ena seona mini faci bemino."<sup>74</sup> Mikacke yemi bakokuc siyinkem semi. "Mini bainta seni iye onakeko, micni sebami kokori asemi.<sup>75</sup> Pita omare indemi. Jisasi sentim bayayare, kokori iyeba asi rukanami kamore yaci senam umeranonamino." Akam mikac dionim mapa obemic anon yuci arebami ific demi.

## Chapter 27

<sup>1</sup>Make mana banuram yimi, macdem yinon prisiu nama Kotinic yokam bainta namac anasi banta beyounic emambaya sireni Jisasi mandam fukintim danteno. <sup>2</sup>Yeni nani dumurenvi avikeni Pairati yinoni ukampa avike beno maro Pairati kamani anoc bainta ayankim demi. <sup>3</sup>Afo mini Judasi, bena mandam banta yiyinkam dem, afo onami Jisasi ano umatim ofekami, beni andum baedemi afo kantam-manava siyankam monic yebaekem maro anom prisiu nama yokam baintau nama yimemi. <sup>4</sup>Afo emi, "aci seni manda andai eko mini beni umamba iye bam nare mandam yiram baintau yiyankim demi." Afo yeni seni, Momini nekac mayausa ukenafi? Yikenafo mini onako." <sup>5</sup>Beni mini monikuc mare maro mam mapai anecmi, afo yebaekem bemi, afo mapa bemi maro benafo nambam aremi. <sup>6</sup>Anom prisiu ano mini monikuc mandeni afo semi, "amankaci mini monikuc deyokim danonami, afo narekac ayac ukami." <sup>7</sup>Yeni mini baya manda manakim agankareni afo mini moniponi kare uwarenim makac ayac ayacureni enafate yevauni masifateho. <sup>8</sup>Momini indinta mini macka macni sireni avideno, "Naremana makai" sireni make mana nuram baci avideno. <sup>9</sup>Bani Profet Jeremaia sirami bakemi make mandam afotakic emi, semi sirukakeyonka munkemi. <sup>10</sup>Afo yeni yebaekem maka kave uwareyo uyi maka ayaeno, Iyeno senika munkemino. <sup>11</sup>Make Jisasi ukukemi kamani okampaki emi, afo kamani Jisas indaem "Eni Ju yic Kina befon?" bemi sameni," eni senamino," <sup>12</sup>Afo mini anom prisiu nama yokam baintau nama umam baya siankami, beni ayabac iye semi. <sup>13</sup>Afo Pairati benan semi, "eni bayani emanan amofin eyone iye indenfono macdem umani enkimana denone?" <sup>14</sup>Afo beni yebaekem mana baya iyevac semi, kamani omare anon indirigugami emi. <sup>15</sup>Afo make anon omaki evayomi kamani yenyi anda banimi banta anasi uyic yiyintac karavusi utuc yinkeno. <sup>16</sup>Afo mini yamuci mandaic ukar evanin karavusi Barabasi bakemi. <sup>17</sup>Yebaku yomi Pairati semi iyena ecanam bintenafino? Barabasi nafi, Jisasi nana Kraisine seyofino? <sup>18</sup>Beni indigemi Jisasim fakaman umam baya bare siren ben ayankim deno. <sup>19</sup>Beni koteyon siaga kumandugem bami, ben anac mana bayani bevapa semi, "Iyewa mana acnenei uankano beni umandaba iye bam baintaino kaimi baya onarukake kunai anon umani mareumpe. <sup>20</sup>Make mini anom prisiuc namaci yokam baintau namaci banta anasi yirac ukukano bayayui, seni Barabasinac ecanam bino, Jisasina aruman fukono. <sup>21</sup>Kamaninic yokam baintauc yemi yindaemi, "yekanda kinke eyena ecananac, bintenafino. Sirani yeni seni "Barabasio." <sup>22</sup>Pairati yena bapac semi, 'seni bemi mini nakac uankanuno Jisasi Karaine sirena avic deyone?" Yeni macde yebaekem seni, "Afo bemi kekac yasac aruman fukuno." <sup>23</sup>Afo beni semi, "Ne umor anda beni uyinkenafi? "Afo yeni bacdumar acnureni eran bakukami reni, seni, "kekac yasac aruman fukono." <sup>24</sup>Pairati mini onaremi beni mana anecneic iyen emi, afo umani kukareno, minomi banta anasi yukankac ayam nonoc emi, semi mana umani iye maranteumpe mana umanda iye bam baintai nare kuminaninka, yikenafo marago. <sup>25</sup>Macdem banta anasi seni, Amamifo ecanacna yic." <sup>26</sup>Mini beni Barabasim ecam bemi, Afo keka yasa arokovani Jisasim yafi yafi otenaremi yeniyankimi demi. <sup>27</sup>Kamanimisondiau Jisasim avikeni yeyi opisi bampai beno. Oreni amuna sondianui manda baruyeno. <sup>28</sup>Yeni ben ogcakena anene ayumandeni afo nare unambadoyami uankeno. <sup>29</sup>Yeni aviyararem nantai kinu yinoka deyoni ureni wandeni anonka deno, afo ayac ukampaci noyam fakacakeno. yeni yickonocyam dunkcreni becontapiac yereni amaruankeni seni, Ayoku nurane Jiusiuyic kinoc. <sup>30</sup>Yeni bemi agano kuctiankenoc, amecma fakaruckakeni noyam yamponi mandeni anom afanata eno. <sup>31</sup>Afo yeni mando avuava bemi ucakaremi, Yeni nare ucambado uankam mandac acnureni, afo beni ucnambado macdeni uankareni afo avike maro keka yasa aricranic beno. <sup>32</sup>Yeni afackeno, mini yeni ecrarucreni avikeni benacma mini kekac yacni marem bicnovare. <sup>33</sup>Kolkotacke secyom mackusaci yeni yerenoc, mini avikukamic, "Acnom Ayampa Mackunic." <sup>34</sup>Yuciferi waini nocmi yeninacnovani amenoc, Afo beni sito nacmaro onemic, beni iyecnemi. <sup>35</sup>Afo yeni aci macro keka yasac bemi arumandenoc. Yeni beni ucnambacdo dacindeni mandeni kacti iyacranic ecno. <sup>36</sup>Afo yeni kucmandenic benkac fanatic dacfitenic backenoc. <sup>37</sup>Bec acnompaci yeni benic avu awackugami simacdeni, afo seni "Manacmininoc Jisasi mini Jiusiuyic kininoc." <sup>38</sup>Benamac kantam umom bainta kandavaci keka yasac iyeno, mana ben ayanukampaci afo ena ayanopaci. <sup>39</sup>Afo mini kacma yanke beni bemi acnom akacyami siankeno. Afo beni yeyic nomi karudeno. <sup>40</sup>"Afo semi, Eni mam maci kankare kandac manavac nuram mana uwararare senai, enafo ayayono! Ena Kotin Aka bante maripo yasakemakapac kumono!" <sup>41</sup>Yebaekem okam asacpate acnom prisiuc bemi uman siankeno, afanyo akareyo unamac acnaric ukeyou bakani, semi, <sup>42</sup> "Beni enoun nana yofa akemi, afo becnao beyani iyen ofaemi. Beni Israliuc yic kimi. Ecanam benafo keka yasakec kumno, afo mini namaci yenama benkimi sindum baekante yamumpe. <sup>43</sup>Beni Koctin kimi indini anduni demi, ecanam Kocti macke bemi ofaino, afo Kocti manac indintackena emi ofa intemi. Benan semi, "Seni Koctin Akac ic beko." <sup>44</sup>Mini asapatec umom baintauc be namac kekac yasac ma benamac beni manda baya benan semi. <sup>45</sup>Afo maro yamar afac mana omandan tac acnom ayufumi umacdem makagac davaemi maro amaka mana siyam eriyewam afuka oraemi. <sup>46</sup>Amanka mana siyam eriyewam afuavani, Jisasi eram bakukam demi afo semi, "Sentifo, Sentifo, sonanayac macnu sinkeyafono?" <sup>47</sup>Minikai mana-a ukukake bakeni

inden, yeni seni, "Beni Ilaisami aremino."<sup>48</sup> Akakaugami mayai iyayemi mana spansi maro waini nonkim daremi mini nomi, nanovani ameno.<sup>49</sup> Afo umacdeukami yeni seni, "Bemi ecambano, Ecambano onano Ilaisa i yenac bemi ofaintenaf."<sup>50</sup> Yebaek Jisasi baduma anuremi afo beaumi demi fukemi.<sup>51</sup> Indeko, mam makim bakenim kamuna dakakemi anompare afendumpai kantakimi demi, afo anom makuni emi, afo anom onabanuci kogemi iraraemi.<sup>52</sup> Bam masikuci diyemi, afo amucna inimbainta feyukam fukake youni yuni dukakeyoni ukukamam anandeno.<sup>53</sup> Yeni bam masikinke macpac yeno, afo icnaemi beni ukukemi antekara ukam makusa undaeno, afo amuno oneno.<sup>54</sup> Make mini amiuyic iyeno beyic amiuc namac omani dafitemi Jisasinkac beni onami anom makuni devami afo madem anecneuci afotaki emi, yeni anom fekarimeni macni seno, "Fugaukane mana Koctin Akakukamino."<sup>55</sup> Amucna ininami Jisasimi Kalilike avakuren i nenkai yeveni onevano.<sup>56</sup> Miyiu sinke Meri Makdalani, Meri mini Jemisinuc Josepinuc yinoi, afo Jebedin akafandauc yinoi.<sup>57</sup> Mo mini ayinkaci, mana monic bainta Arimatiak, avici Josepi, beyac bac Jisasini disaiporim bakemi.<sup>58</sup> Beni Pailatin oman onaremi afo Jisasin ovani indaemi. Afo Pailati beyic yokam baintauc kani sirani mandan bemi ameno.<sup>59</sup> Josepi Jisasin o mandemi, oyam efam kamunakimi ukemi<sup>60</sup> Beni onachbami akefarem beyic bam masic uwanduka kenikimi maro demi. Afo beni anocna onabami abekaman bam masic onakaci uyacman eraruremi afo yereremi bemino.<sup>61</sup> Makdalani kena Meri namac ena Meri namac bam masic bami ena avafaci kumandu kakeno.<sup>62</sup> Ena nuram mini umom anaepai prisiuc iyenou namac Parisiuc namac Pailati namac yeburueno.<sup>63</sup> Yeni seni, "Anon dafisiro, mini umac bainta fabanikac semi, Kanda manavac nuram anaempa seni yebaek ukukanteumpe."<sup>64</sup> Micnu kami yiylimemi, benic bam masickaga eran dafisirikac evanaci kanda manava nuranicino, micni iyeinami benic disaiporiuc ano yereni bemi umorinteno, banta-anasi seni, "beni aci fukintike ukukemi," afo inaemi umac andamano anonic kukami intemi anatacpacma ukakenin intemi.<sup>65</sup> Pailati yenan semi, banta yibike marodayai bam masika eran dafisirikac oko.<sup>66</sup> Afo yeni beni onabam onakaci yoman eraren, micnuren i bam masika dafisinan baintauc yeredeno.

## Chapter 28

<sup>1</sup>Mam nuran kac ac gupei nim;enanura yefe-emi, bamasipac Meri Megdalini vac Meri yeno. <sup>2</sup>Idenko, anom maguni eno, Koctini anyorie inarumpake kudem, on avekaman avafac denmi mini naro kumadenmi. <sup>3</sup>Ben-o-kake afayu kana kemi, beni adanda kec efari ugami emi. <sup>4</sup>Daifisim bantauc anom fekariuren, fuckam baintauc kana eno. <sup>5</sup>Anjoro anasiu kac yeremi mani semi, "iyefekako, seni indikeco eni Jisasi nani afakanamin beni maripo yasa fukemi. <sup>6</sup>Beni i yem beno aci ukukemi; bec sikac, yere onano Jisasi bac kenikac. <sup>7</sup>Akakac bekac benic yokam bantauc yiymeko" beni fukintike aci-ukukeno, 'onano' benaren 'Garari acnariem beno, mifa ic bemi onanako mino." Mikac siyimunave. <sup>8</sup>Anasiu akakac bamasi patec yereni fekanamac anom yimusim eno. Iyayeri beni disaipori siyimirani beno. <sup>9</sup>Indenko; Jisasi yonaremi semi.ayoku nurane siyikemi"anasiu yereni ben agam fakaren mam siakeno. <sup>10</sup>Afoc , Jisasi macni siyinkemi, iye vacka fekako maro sentifativa siyeminaya Garari bocko. Mifac semi sonan -teno. <sup>11</sup>Inaim anasiu bamic,indeko, manaca dafisiruc anom magufac oreni makac dafiteyom baintau yiymeno nec adanda fabam enafi. <sup>12</sup>Anom baintau nama makac dafitau nam bay a sire indireni . Anom oni ami-u yimeno <sup>13</sup>Siyi meno , "eno bac sameno, jisasi ni ;yokam baintau aiyufumi yereni benoc umoreno facyenamac dukaunami. <sup>14</sup>Mana baiya dafisim bankac oranam, yenama bemi amakaki uankateyamu, eni umam madam acnitemi. <sup>15</sup>Ami oni maden yesiram baya avakureno minibaya Juda kim orni make fanana bemi. <sup>16</sup>Minu kami ilevenia disaipori Gararie anufac Jisasi mac siyi karukapac beno. <sup>17</sup>Yeni onareni mam siakeno mana a kantam idiri eno <sup>18</sup>Jisasi yempa yeremimani semi, maden avic bermana amemi inarupake namac mana makakake namac. <sup>19</sup>Umadem magufac orekaci sentic yokam baintauc yonarekaci nom mayikako.Sentic Fon avikibac benakac avikibac ayoita bac. <sup>20</sup>Yiyi mina yaci maside anene samuna uwarago. Enamac banami mana maka kaki patemi.

## Mark

## Chapter 1

1

<sup>2</sup>Bani profet aisaiya agadukakemi,"onano, Seni senti yogam bainta sasakamam yige vampa danami bemi, yigeyi ac uvisinovani. <sup>3</sup>Mana bainta,bantauc iye bampate arama semi, Jisasini ac ategago. <sup>4</sup>Joni yeremi, bantavac iye vampa yeremi nom manyigemi, mani siremi semi, siguno sirega nom mandana i yigeyi manda anda ugyikatemi. <sup>5</sup>Masidem magu Judia keva , masidem batanasi jerusalemite be vampa oreni. yeni be bampate nom maren Jodeni nokim, yeyi manda andavam siguno siren. <sup>6</sup>Joni kemori ayogac uwadugam unam bado uremi, arakim nam poke damemi, beni findom bac afasam aniva i nevami. <sup>7</sup>Beni yiymemi, mani semi, "Mana baintava sinaipa yinanive, beni sembac yesagarem eram bainta i; Seni amakagi iye muge umpe sigo noyande kunde beni sukim damugam nan utu akaran. <sup>8</sup>Seni nom poke i nom kanji ke'umpo, afo beni aiyo inta foni nom manyikatemi. <sup>9</sup>Mini fabanimi, mini yamu Jisasi nasaretike yemi Galilike, Jodani nokimi Joni Jisasim nom marakemi. <sup>10</sup>Jisasi nokike ugukem onami inaru onda diyimi Ayo Inta, num kana agem bevaka kumemi. <sup>11</sup>Mana arani inarumpate yemi sem , "eni siyikara ana intave. Seni anon simonu - ankego ." <sup>12</sup>12 Afo Ayo Inta bantavac iye vampa sasakarami bemi. <sup>13</sup>Bantavac iye vampa beni foti nurani murem bami, bananom bemi magasemi, Beni afasam safurauc nama i bagemi, afo anseloc yereni bemi ofa-emi. <sup>14</sup>Joni fakamam damurami, mini anaipai Jisasi Galili yeremi Koti avaya yiymemi. <sup>15</sup>Beni semi, "mage mana nurami fabanemi, Kotini Kindomi Adeka i yeremi. Yidum baidega Koti avaya indigo. <sup>16</sup>Beni Galili non avayaman bemi, beni yonemi Saimoni vac Enrunuc basec nokim anami, yeni noya afakam baintauc mo. <sup>17</sup>Jisasi yemi yiymemi, yego, sen sivakurogo, seni banta yivikanagom yogam yoc yivikano. <sup>18</sup>Yeni ese base mifac yerereni, ben avakureno. <sup>19</sup>Jisasi satoga iyaka kana bemi, beni yonemi Jemsivac Joninuc Jebedi agakanda ; yekanda kenukim beni base adukami. <sup>20</sup>Beni Yarani yenyifo Jebedim nama yogam bainta mini kenukim yire yikareni ben avagureno. <sup>21</sup>Afo yeni kapeniumi yereno Sabatika, Jisasi mam makim oremi baya yiymemi. <sup>22</sup>Yeni yindui reno ben avaya indireni, beni lo indim baintauc yiymenini muremi yiymemi, iyeino, beni ayi dugayic uremi yiymem. <sup>23</sup>Mana bainta yeyi mam makim bayi, manda spiriti dukayi baduremi. <sup>24</sup>Semi, "Ne i mayau emi uwarakate yarafu nazareti kena Jisasi-o? Eni yere mayau anam kasikarara fono? Seni emi onage-uc, eni iye befec. Eni Atekana Kotin ogaka i banami!" <sup>25</sup>Jisasi mini mada spiriti asidemi sem, "sadge beva benkike mapa kumono!" <sup>26</sup>Mini manda spiriti mandam magapa anuman demi yere e-emi bemi, anom badem. <sup>27</sup>Maside baintanasi yidu i reno, yeyirani yeyani inda eno, "Mana i nefic? Oyam bayani nama eranaic! Beni mada spiriti yiyyikami yeni ben avaya avagureno!" <sup>28</sup>Ben avaya maside kimpai bemi Galili magusimpa. <sup>29</sup>Mam makinge mapa kundeni, Saimoni va Endru nu yimampai yevegeno, Jemsi va Joni nu nama. <sup>30</sup>Saimon ni anac benano aum ac

anene mandem dugem bami, yeni Jisasim sameno benani.<sup>31</sup>Beni yeremi, ayanka fakaremi ukugackemi; aun ac anene bemi yere ankemi, beni kugandem yunam kurem yimemi.<sup>32</sup>Mini ayika ac kupegevami, yeni yic eyouya bac manda spiriti dukauni be vampa yivige yeno.<sup>33</sup>Anom magusim bam bantanasi onaga yec uyeno.<sup>34</sup>Jisasi amuno yic eyom kaki ayikemi manda spiritiuc dukau yabac madam fasa yikemi, afo beni mini manda spiritiuc ac iye segovani siyimemi nevarafi beni yemi yonakagami.<sup>35</sup>Banurapa ugemi, fac ayufum kagami; Jisasi banta iyevam avafac maro ogam mukemi.<sup>36</sup>Saimoni vac benamac bageyou yaba i bemi afakevano.<sup>37</sup>Yeni ben afakareni, "Yeni sameno, masiden emi afakeyo."<sup>38</sup>Beni sem, "Marayam adeka beni magusimpa orega, afo mini fabac mam baya siyimeno. Minuga i managa yego."<sup>39</sup>Beni masidekimpa Galili bugane, yeycin mam makimpa mam baya yiylimemi manda spiritiuc madam fasa devami.<sup>40</sup>Anon namom dukam bainta bevampa yeremi; agon noyam duremi bemi inda emi, "Ena ayevana inteve, amakaga semi sofa iteva."<sup>41</sup>Agun anene marakemi, Jisasi be ayam demi ayoga uremi, benani semi, "Sena siyenine. Oyani ono."<sup>42</sup>Manatri mada namomi bemi yere e-emi, beni miniga i oyani'em.<sup>43</sup>Jisasi erar uremi samidemi sankami bemi.<sup>44</sup>Beni bemi samemi, mayam bac iyevaga yiylimeno, afo bonoc, ec'yovala dafitauc maro yoyivigano, ofa uwarana yoyivigemi en oc aic antekemi, Mosesi vac yen yiylimidukam.<sup>45</sup>Minugami beni becmi maside bantanasi mini baya yiylimemi, Jisasi anom magusim amaka afota iye bintemi, afo beni opa magusimi bagemi. Afo bantanasi masidepate bec vampa i yevano.

## Chapter 2

<sup>1</sup>Mana'ac nuram yakaga imi, Jisasi ovegem Kapeniumi yemi, yeni indeno naupa yevami. <sup>2</sup>Amuno miniga yevageno ,minigim afoc ava iye bagemi, onagimbac i utikagageno. Jisasi yenama baya semi.<sup>3</sup>Mana'ac baintauc i karere ugam bainta avige bevampa yeno; eriyevam baintauc i donde avige yeno. <sup>4</sup>Yeni amaka ben adeka yiri iye ugakemi, nevarafic batanansi utikaga keno, mini mac narompa undeni Jisasi bam anoka makac gum kackareni karere ugam bainta Jisasi banka dam kumemi.<sup>5</sup>Yeyi bilipi onaremi, Jisasi karere ugam bainta mani siremi samemi, " Sentikago, enic manda anda a ic nonoc u'ake umpe. <sup>6</sup> Mana'a indim baintauc minikac kumatakeni, yen yirakim mani indiri meno, <sup>7</sup>Ikeniga urem mana bainta minugam baya senafi? Beni Koti nani Siman mada u'akemi! Maya vac manda anda iye sese intemi, Koti beya omi.<sup>8</sup>Agakaemi Jisasi beyic spiritigim indemi , yeya nec induru dukam. Beni mani siremi yiylimemi, "Nevarac yigeni mana indiruc marega? <sup>9</sup>Yenani seni nec ayogu bayaya senu? Mini karere bainta vaniseic eni manda anda ac i ugi ankego; o sec i, Uguke vac eyic yoc mandareva bono.<sup>10</sup>Afo omareva indego bata gac ano erani dukemi mana magaga kena manda anda yomandam fasadatemi," beni mini karere baintavani sem. <sup>11</sup>"Seni emi Sasamego, ukukevac, eyic yoc mandareva eyamampa bono. <sup>12</sup>Agaga uremi ugukemi beyi yoc mandaremi adem mapa kundemi bemi, banta ansic yogaka, minugami maside yinduc dureni Koti avi yani eni yeni seni, "mayauni manugan anene feni iyeva i onevac yamu".<sup>13</sup>Beni yevegemi non avayamami bemi, anom batanasi bec vampa yeromi beni Koti avaya yiylimemi. <sup>14</sup>Yakagarem bemi livai onemi, alfusi agac takisi mareyom mac onaga kumatami, beni mani siremi samemi, "ukuge sivakurono," Beni ukugemi bemi avakuremi.<sup>15</sup>Jisasi livai amapa yuna nevami, amuna takisi mareyoyabac manda anda uwaram baintauc yunam benamac nevano, beni yogam baintau bac, yeni amuno bemi avakure beno. <sup>16</sup>Indim baintauc nama farisiu bac, Jisasi onami manda anda uwareyom baintauc nama moni mareyouc nama yunam nevami, onareni beni yogam baintauc inda eno," Nevarac moni mareyom baintauc nama manda anda uwarau nama yunam nenafi?<sup>17</sup>Jisasi mini baya indiremi yenani mani semi. "Batanasi vac yockina eran dukauyec, yeni yiyo fananim baintavani iye yiylimemi; yic dukauni yeni yiyo fam baintavam afakeno. Afo seni atekam batanasi yofa irarac yegau, manda anda uwareyom batanasiuc yofa irani kumeuc."<sup>18</sup>Jonini yogam baintau bac anom indim baintauc yunam e-eni Yugami mukevano. Afo mana-a baintauc yereni mani seno, "Nevarac Jonini yogam baintau bac anon indim baintau'yic yogam baintauc yunami e-ecyafo?" <sup>19</sup>Jisasi yeyani semi, amakaga bayi eyonkac yinayonic yunam e-ateyafo, Bayic inani yenama banani, yeni yunami iye e-ateno.<sup>20</sup>Afo mana nuram yintemi bayic inanim bainta yeninge binami mini nuram yeni yunami e-ecni yugam mukinteno. <sup>21</sup>Mana bainta oyam unambado mandem feya dagakam unabadoga dem iye adukitemi, adugugam kinke dakagatemi, oyami feyakena dakadanami iyena mintemi.<sup>22</sup>Mana bainta iye oyam waini feyakena meme aradakim yafinonami. eya mineve, waini memen arada dakakatemi, waini vac meme arada oyogatemi, Iyeino, oyam waini oyam meme aradakimi yafinonami.<sup>23</sup>Sabati nurami Jisasi witi anayokimpa bemi, bampate beni yogam baintauc witi anonu maren. <sup>24</sup>Indim baintauc Jisasi mani siren i nda eno," Onano, nevarac minugam anda uwareyafoc, umodugam nuram sabatigac?<sup>25</sup>Jisasi enayaba yiylimemi, "Yigeni afam yogim iye yandege, Deviti vac benama bom baintauc yarani fugemi. <sup>26</sup>Abiata mam manka dafintaka, Daviti Koti amakim umpe-emi, Koti ogakac dugam breti mandemi neno, agoni mugemi, manka dafitauc nana nanteno, mana-a benama boc yauba i yememi?".<sup>27</sup>Jisasi semi, "Sabati banta yinda uwantemi. E-anam sabati yem iye dafisi. <sup>28</sup>Minugami, Bantakai iyеноi, Sabati afova i."

## Chapter 3

<sup>1</sup>Yevegem Jisasi mam makim bemi, ayam manda ugam bainta bagemi. <sup>2</sup>Mana,a baintauc adeka i beni afurevano, ben onana sabatiga mini baintavac ofa inaya , ben onanareya manda siagarani.<sup>3</sup>Jisasi ayam manda ugam bainta samemi, ukugano bantanasi yibanampac,". <sup>4</sup>Afo beni bantanasi yiyimemi, "Sabatiga nuram ayogu anda uwarte yafo o manda uyikanteyafa; yofa inteyafoc yirumam fugiteyafoc?" yeni kapinagara meno.<sup>5</sup>Aran nama i yemi yonami, yen yira i uyac i kami, beni minivam umani mademi, beni mini bainta mani siremi samemi,"En ayam ana ono." ana urami ben ayam ayogugu emi.<sup>6</sup>Indim baintauc agaga ugami ade beno, Herodiasi nama bam baintauc baguyeno, yeni ac afakareya arumam fugirani.<sup>7</sup>Jisasi beni yogam baintauc namai iyena nompa i beno, anon bantanasi Galilikeva judake avagureno. <sup>8</sup>Jerusalemike vac Idumeake vac Jodani orem yeukem Tai bac Sidoniki va i avakureno. Beya uwaram andadauc onareni, amuna baintanasi bec vampa yeno.<sup>1020</sup>Beni naupai bemi, anon baintanasi owege manac gim yeno, yeyac yunam nanayom yamubac iyebagemi. <sup>21</sup>Ben akum mivan indireni, ben avigarani yeno ,yeni mani seno, "beni o-enimemi."<sup>22</sup>Indim baintauc Jerusalemike kundeni mani seno, "Belsebuli bekim bemi" beni manda spiritiuyic yinom bainta, Beni manda spiritiu yomandam fasac devayic."<sup>11</sup>Madac spiritiuc ben onareni, yeni ben arafim yigon noyan duren badureni seni, "Eni Koti agai i banamino." <sup>12</sup>Beni eran bayani yemi yiyimemi, ben afota iye dagovani.<sup>13</sup> Beni anufa i uremi, afo ben ayeninuc yarani bevampa yenoc <sup>14</sup>Beni tolzia ugakemi, ( beni yem yividem aposoloke semi) yeni benama bam-mi, yemi yiyikarana Kotin avaya maro yiyi minteno, <sup>15</sup>yeni eran dukeni manda spiritiuc mandam fasa dateno. <sup>16</sup>Tolzia bainta ugagemi, Saimoni: ena avic amemi Pita vec semi.<sup>15</sup>Yemi savi awamu awakurim eram yimem.<sup>17</sup>Jemsi Zebedi agac, Joni Jemsi afa ic, bemi ena avi i amemi Boanegesi ve semi, inarum kafamevam agac'ge; <sup>18</sup>Afo Endru vac, Pilipi, Batalomiuc, Metiu, Tomasi, Jemsi Alfaeusim aga i, Tadius, Saimoni seloti nantike. <sup>19</sup>Judas iskarioti, Jisasi madam namugoc yiyakim dayic.<sup>20</sup>Beni naupa i bemi, anon baintanasi owege managim yeno, yeyac breti nanayom yamu bac iye bagemi. <sup>21</sup>Ben akum minivan indireni, ben avigarani beno ,yeni mani seno, "beni o-enimemi."<sup>22</sup>Indim baintauc Jerusalemike kumoni mani seno, "Belsebuli bekim bami" beni manda spiritiuyic yinom bainta, Beni manda spiritiuc yomandam fasac devayic."<sup>23</sup>Jisasi beya'om yemi yararemi mani semi, baigam bayafate." Igeniga urem bananom mano bananom sasakatenafic? <sup>24</sup>Anom maguc nano kantagim ugadene, anom magunano bena uc iye ugukatemi. <sup>25</sup>Mana makim beyouc kantagim ugadeye, mini mac erarurem iye ugukakatemi.<sup>26</sup>Afo bananona beyam namugo ena ugadene,beni erarurem iye ugukakatemi, masidepa i gaki antemi. <sup>27</sup>Afo mana eram bainta amackim umpe-ec beni adadauc iye umorinonami, mini eram Bainta nantoc damurevac, beni andadauc bera makige marac.<sup>28</sup>Fuga seni yigemi yiyimego, Koti masideuyic manda anda ugyiyikatemi, ayanam baga yeyaa sirukanayom bac,<sup>29</sup>Iyefi Ayo intava aseve, Koti eni manda anda iye sese u'ankatemi, fanana beni manda anda bantemi."<sup>30</sup>Jisasi mini sine, nevarafic yeni seni, "Beni manda spiriti dugemi."<sup>31</sup>Minugami benanova benafac ava unam yereni mapac ugukageni.Baya bevampa dam uremi, samina mapac kuminovani. <sup>32</sup>Amuna bantanasi kumande bem yeugukakeni bemi sameno, "En anovac enafac ava unam bac en ayofi unam mapa i beni, enani afageyo."<sup>33</sup>Beni yevegem siyimemi, "Iyeuya setinovac setifac siva unam beyac?" <sup>34</sup>Beni yonami ben yeukure kumantami beni sem, "Onago, manamic setinovac sentifa siva unam beyoc! <sup>35</sup>Iyefi Kotini ayira avagure bayive, miyic setifac siva, siyofi,sino unam beno."

## Chapter 4

<sup>1</sup>Enayabai beni yevegem yiylimemi anonon avafac, amuna bantanasi yereni bemi yeugukami. Beni kenugim ade urem anonokim bankai, beni minigim kumandemi. Anon bantanasi anom nom avafac bami. <sup>2</sup>Amuna baigam bayani beni yiylimemi, beni yiyc mintimi mani siremi yemi yiylimemi.<sup>3</sup>"Indego! Mana bainta yunam yum yogarani nayofac bemi. <sup>4</sup>Beni yogam bevami, Mana'a ayum ac ava fafasine, nunuc yereni miniuc neno. <sup>5</sup>Mana'a ayumi osa i fasem, amuna macga iye banka i. Agaga ugami apamemi,macga mam-mem iye bagemi.<sup>6</sup>Acge eran kari-en undemi mini yunam yum kafugemi,nevarafic anuc mamem iye kumpami. <sup>7</sup>Mana'a ayum avi yarareni atasimi fasem kumbam mi. Avi yararenim atani apamemi dademi, ayogu agam iye apamemi.<sup>8</sup>Mana'a ayum ayogu magakim fasem kundem amuna yunami iyemi. Mana-a teti-a iyemi, mana a sigsti, mana'a handretic."<sup>9</sup>Beni mani semi, "iye agam duka indeno!"<sup>10</sup>Jisasi beya'om bami, tolfiac yogam baintauc nama bageyom baintauc i baigam bayavani bemi inda eno. <sup>11</sup>Beni yemi yiylimemi, "Yigemi ac i yimemi Kotini Kingdomi opac baya anda. Mapa beyounic, yeni baigam bayafate inditeno. <sup>12</sup>Yeni onatenofoc, eyo onatenofo, iye onateno, yeni inditeno, eyo inditeno, yeni onde iye inditeno, Koti vampa yindum baide yeyec, Koti yeyic manda anda sese uyikantemi. <sup>13</sup>Beni mani sirem yemi yiylimemi, " yigeni mana baigam bayac onde iye indemi?" Ikenika urega yigeni indi integra maside baigam bayayuc?<sup>14</sup>Yogam bainta bayani yogemi. <sup>15</sup>Mana'a asac fasine, bayani maren. Yeya indeye, Bananom agagac yeremi yomandam fasem demi mini bayac yindutim yogam.<sup>16</sup>Mana-a ayum oc magaga yogane; lyeuyafo baya indeuye, yimonama i maren. <sup>17</sup>Afo yeya anui iye dugakeyouyec, sato yamu i bageno. Mini bayaka uman yimeya manda uyikane, yeyic bilipi agaga ugami ugikeno.<sup>18</sup>Mana'avai avi yararenikim yogeno.Yeni baya indeuno, <sup>19</sup>Mana magagakena andada vara yiyikara eya,mana magakakena andadauc dugaraya indeyafo ena andada bac yimugenafi. mini andada i Koti avaya dademi, ondem iye iyemi. <sup>20</sup>Yeya ayogu magakim yogauye, yeni baya indire marauni yac agami apameno, mana-a tetia apamimi, mana a sigstia vac, andreti avac yesakarem amuna yac.<sup>21</sup>Jisasi yemi yiylimemi."Eya ona mare naupa yanavec, unakina maredefe o sagoc arafina mare defe? Eni mare ondeyom yadikai danami. <sup>22</sup>Ayofagam anene iyevai opa bantemi, ayofaga aneneuc bena'uc afotaki iye mintemi. <sup>23</sup>Iyefi agam duke indevateve, ec'anam beni indic!"<sup>24</sup>Beni mani sirem yemi yiylimemi, "Ne bayaya indege, ondega indego, yikeya amenuna vac yesakare ena vai migadem amitemi. <sup>25</sup>Iyefi dukayive, afo enavai migaden amitemi. Iyefi iye dukayive.ne beni dukenafi' marateno."<sup>26</sup>Enayabac i beni semi, "Kotini kindomi mani mugemi, banta beyic yunam yumi magakim yogemi. <sup>27</sup>Beni ayufum barevamifo kuga imi ukugevami. afo yunam yum fotemi apamemi. beni iye onemi igenika urem apamenafi. <sup>28</sup>Maga mano yunam yum minurami apamemi: anantai acna apamemi, inami agami apamemi, afo inaimi yunam agam feyemi anokim. <sup>29</sup>Yunam afugami, beni yiylarani soparo mandareni yunam maro akefareni mare yeno."<sup>30</sup>Enayabai beni semi, "Nefokeka i Kotini kindomi manda mana'o, o ikeni baigam bayafogeka i baide yemi yiylimente yarafoc?"<sup>31</sup>Sovini ayum kanaki mugemi , yenyogeno, sato yunam yum ukami mana magagac bemi. <sup>32</sup>Yodami,apamem iyena emi anayokim benim yunanuba i yesakemi iyena ugamemi, iyena ayamani apamemi, inarumpa bam nunuc i yereni anam uwarateno, mini agokom."<sup>33</sup>Amuna baigam bayani manugami beni yiylimemi, yeny indimam ayogugu ogovani,<sup>34</sup>beni baigam bayafoni yemi yiylimevami. Beya bemi, beni mini baya andau baidem beyic yogam baintauc yiylimemi.<sup>35</sup>Mini nuram ayigaki evami, beni mani sirem yemi yiylimem, "marayarac ena avafac bono." <sup>36</sup>Batanasi yere yinkareni, Jisasim avic madareni, feya gumandim kenugimi o'kumandeni beno. mana'a kenuva i yenama beno.<sup>37</sup>Iyena sisovani gukaremi, nomi avandemi kenugimi umpekemi, adeka i mini kenugim nomi utigem.<sup>38</sup>Jisasi beya omi yinaipa i dugem bagemi sagokac anon dem. Yeni bemi orureni, seni,"Tisao, Mayau yani iye indanami mayauni adekac fukote yamu?"<sup>39</sup>Beni ugukemi sisovani asemi, afo nomi samemi, "agec! gaki ano!" afo miniga i sisovac maro gaki emi.<sup>40</sup>Beni Yenani mani sem, "Nevara yigeni fegegac? Yigeni bilipi iyen dugami?"<sup>41</sup>Yeni onom fegari eni yeyirani mani seno, "Beni iye bana i, sisova vac nom ben avaya indeyafo?"

## Chapter 5

<sup>1</sup>Yeni anon nom bam ena avafa i yereno, Gerasenesi magusim. <sup>2</sup>Jisasi kenukinge adem mapa kumevami, mana bainta manda spiriti dukayi bec vampa yemi,baintauc fuom masi eyom masi kinke.<sup>3</sup>Banta fuom masi'am masikim bam baintai. Mayac bemi iye uyaganonami, nam fogevac iye daminonami.<sup>4</sup> Amuna yac i damurami nan dakagemi. Mana bainta erani iye dukanami, bem fagatim.<sup>5</sup>Masiden ayufum bac bayamkom bac banta masi eyom masi kingevac anufatevac, beni bademi avayenim oc fokei ben ouc akefemi. <sup>6</sup>Nempate Jisasin onaremi, bevampa iyayem yeremi ben arafim agon noyamdem.<sup>7</sup>Beni iyenaga baduremi semi,"Nec seni emi uwargano, Jisasi'o,yanafa ugam bam Kotin agage? Seni Koti avikimi emi inda ego, manda iyevaga usikano.<sup>8</sup>Beni benani semi, Mini bainta kinge mapa kumono,manda spiriti o."<sup>9</sup>Beni bemi indac emi, "En avic iyefic?" Beni sem, sen sivic i ami vec, mayauni amuno beyamu."<sup>10</sup>Beni bemi inda uremi enayabac i inda emi, yevege ena yabac iye'vaga yemi yiyikano, mini magusim.<sup>11</sup>Amuna foruc sato anukimpa dafisami,<sup>12</sup>yeni bemi inda'eni, seni, "mayau sisikamam fokim dano. <sup>13</sup>"Minugami beni yiyikani beno; mini manda spiritiuc mapa ade kundeni fokim ofegeno, mini foruc anu kimpa iyayem kumemi nokimi kucpegeno ,amagac tu tauseni foru i nom namandeni fugeno.<sup>14</sup>Fonka dafisam baintauc iyayec beni yiyimeno,nenec apamenafic anom magusim bac mana'ac maguyu beyom kimpa bac, minugami bantanasi benoc mini onarani. <sup>15</sup>Yeni Jisasi vampa yereni oneno manda spiriti dukam bainta, mini manda spiriti dukakenim bainta, miga i kumantagemi, beni ayogu indim mademi unam bado urem miniga kumantani; yeni fegeno.<sup>16</sup>Banta nasiva onauyec mini andadava apamim, manda spiriti dukam baintagim, ate'ideni yemi yiyimeno,yeni forugani yemi yiyimeno. <sup>17</sup>Yeni, bemi sameno mayausi magac yerereva e'e'bono. <sup>18</sup>Beni kenugim aden udami, manda spiriti dugakenim bainta semi, enamac birare. <sup>19</sup>Afo Jisasi eyo iye semi, afo benani semi, "eyamapa vac eyi bantagim oreva eni yiyimeno Jisasi ecna ofa eninam, beya emi ickeni urena avabac yoc avigenafic".<sup>20</sup>Afo beni yererem bemi gugandem Dekapolisi beyouni yiyimemi Jisasi ben ofain narec, maside baintanasi indire yindui reno.<sup>21</sup>Jisasi yevegem genukim adu emi ena avafac bemi, amuna bantanasi yereni bemi yeugen, non avafac banga i. <sup>22</sup>Mana bainta manka dafitayic ben avic Jairusi, beni yeremi Jisasim onaremi, ben akantim agon noyandem kundemi. (<sup>23</sup>Beni Jisasim inda urugemi yevege inda emi, semi, "Senti ramumi adekai fugiran evago, Seni emi inda ego, yerevac en ayam benka danana yevegem asofa ena fac ayum bano." <sup>24</sup>Afo Jisasi benamai bemi ,amuna bantnasi bemi avaguren, ben adeka beni bemi avegeno.<sup>25</sup>Mana inini migimi bagemi,tolfiac oradegai beni igona onam yevami. <sup>26</sup>Beni amuna doktau i yonemifo ofaini iye maremi, beyic andadauc yenkai masidenugami gaki emi, ofaim marasifoc beni ac anene iyena ugamem. <sup>27</sup>Jisasin avaya indiremi, mini inini Jisasi anaimpa yeremi bantanasi utigaga kinke Jisasini unam bado arac ni ayoga emi.<sup>28</sup>Mini inini semi, "Seya beni unam bado ayoka ege, Seni sisofate'uc." <sup>29</sup>Mini sirem ayoga ine, migai igona onagenim gaki'emi, mini inim ben oc bo'urem onami beni ac gaki emi..<sup>30</sup>Jisasi agaga ugami indemi ben okinge beni eran iyayim. Bantanasi kinge bai emi semi, "Iye senti unambado ayoga ene?" <sup>31</sup>Beni yogam baintauc bemi sameni, "Eni onano amuna bantanasi enka agac keno, eni semi, 'Iye siyoga eno sanami?" <sup>32</sup>Afo Jisasi bai'emi yonam bemi iyec mini uwarenafi.<sup>33</sup>Mini inic'ni, indemi ne i benka abamenafi, beni fegemi dudumemi. Beni yeremi jisasi banka agon noyan duremi masidem fuga baya sasamemi. <sup>34</sup>Jisasi mini inim samemi, Senti ramuno, eni bilipi emi ofa'emi. Bono arac sadagem ban namac,en ac i gaki emifoc."<sup>35</sup>Jisasi fac ac sevami, mana'ac baintauc mam manga dafitauni yereni seni, "Era ramumi fuc i keno. Nevarac tisami uman ameva?"<sup>36</sup>Jisasi yeya sem baya iye indemi, beni mam makim dafitam dafisini i sasamemi,"Iye fegevac bilipi ono." <sup>37</sup>Beni mayac benamac iye yegovani semi, Pita, Jemsi, Joni Jemsi afac avac yivi mandaremi bonoc. <sup>38</sup>Mam maga dafitam bainta amapa i yeremi beni yonami bantanasi amuna kasayevami; yeni baduren, anon ific devami .<sup>39</sup>Beni naukim umpe emi, beni yemi yiyimemi, "Nevara yigun anene marekac ifidega. anita iye fugemi fani onic dugemi." <sup>40</sup>Yeni benani imi siakeno. Masidem mapa yiyikamam demi ,anita afombac anombac benamac bageyouc yivi madaremi anita benikim upe keno.<sup>41</sup>Beni agita ayakac fakaremi bemi samemi,"Talita, goum!" mini baya anda, Sato aginta o, Seni enani sego, ugukano .<sup>42</sup>Agaka ugami mini aginta ukukemi bec'mi (tolfia orade dukam aginta).Yeni mini onaren i yindui reno. <sup>43</sup>Beni eran bayani yemi yiyimemi semi, e'acna mayavac mana iye indego.Beni yemi siyimemi yunam amina nano.

## Chapter 6

<sup>1</sup>Beni mifac yereremi beyi magusim yimi. Beni yogam baintauc bemi avagureno. <sup>2</sup>Sabati yimi, beni yiyyimevami mam makim. Amuno ben avaya indeuyec yindui reno. Yeni seni, "Igenifate mini bayani marene?" Mini indini iye amene?" Igeni ugam yokarac ben ayakige marenafic?" <sup>3</sup>Manai mac uwarevam baintafic, Meri agac Jemsi, Joses, Judas, simonim yifac yiva i? Ben ayomagu yugonama iye beyafo?" Jisasi arac i manda u'akeno. <sup>4</sup>Afo Jisasi yemi yiyyimemi, "Profeti maside magusim avi i dugemi, afo beyi magusimac beni mana agukim bac beya makim bac, avic dugemi." <sup>5</sup>Beni anom yogani iye maratemi, mana mana yic baintauka ayam dem yeyic yic gaki ayikantemi. <sup>6</sup>Beni anom andu i remi benkim iye bilipi am. Afo beni magusimpa nomi Koti avaya yiyyimevami. <sup>7</sup>Afo Jisasi tolfiac beni yogam baintauc yararemi kantari uremi yiyyigemi, beni eran yimidemi yiyyikemi bega manda spiritiuc yomandam fasadago, <sup>8</sup>Yemi yiyyimemi mana anene iyevaga mare bogo, binona yadiva fakano- bretivac, unambac iyevaka maragi, monibac iyevaga badoc. <sup>9</sup>Su manavac yikantim inagofoc kantan unambado iyevaga ogo. <sup>10</sup>Beni yemi yiyyimemi, "Yigeya makina ofegege, migim bega miginke yec ade bogo. makim fac bega minge bogo. <sup>11</sup>Mana maguya yigem iye yivikeyafo, yigen yivaya iye indige, yikantigena fompom dundun yaregai bogo, yeni inditeno yeya uwara andaka umani marateno." <sup>12</sup>Yeni benic bantanasi yiyyimeno yindum begakovani. <sup>13</sup>Yeni amuna manda spiritiuc mandam fasac devano, yeni amuna yic bantanasi basavem acyikareni yemi yisofayikeno. <sup>14</sup>King Heroti minivam indiremi, Jisasi avic, iyena ugan imi. Mana'a bantanasi seni, "Joni nom manyi keniyic fukan kicge ukugakemi, minugami mini eraruc dukemi mini yogam beni maremi." <sup>15</sup>Maya'ac seni, "Beni llasaino." Maya'auc yaba i seni, "Beni profetino, Feya bageyom profetiuc mono." <sup>16</sup>Heroti mini indiremi semi, "feni seni Jonim amenic akefe umpe, afo yevegena ukugena." <sup>17</sup>Heroti bantauc yiyyikarani Jonim o fagareni dumeno, Herodiasi nani (beyafac anac Filipic), nevarafi Heroti bemi madugemi. <sup>18</sup>Joni Herotimi samemi, agoni ugayami eyafac anac maranami." <sup>19</sup>Herodiasi Joni nam anom aramkami, Jonim aruman fugira indemifo, beni amagaki iye emi, <sup>20</sup>Heroti Joninani fegem; Heroti indigakemi joni ayogu atekam bainta Koti ogakac bacmi, Heroti benka ayogugu uremi dafisevam. Bec sim baya indiremi amuna indiri emi arac umani maremi. <sup>21</sup>Mana nurami Herotim magayom nuram yimi anon yunami yukaremi beni kavmanikim yoyegom baintaubac yiruim baintauyc dafisiruc Galilic dafisiruc yarani yevami. <sup>22</sup>Herodiasin aramum yeremi yen oyokac agomakemi, beya agomakane Herotivac beni dafisiruc anon yiyyi karamemi. King nano mini agitami samemsamemi, sec vampa inda ono nevarac emi ayenafic, seni emi amite'uc." <sup>23</sup>Beni mini aginka samemi, "Nenevarac emi ayenafic inda inaga ameno, seja dafitana kingdomi abana dainde i ameteuc." <sup>24</sup>Beni oreemi beyanom samemi, "Seni nevara inda ono?" Benano semi, "Nom mayic kenim Jonim anon nanare." <sup>25</sup>Mini akinta agaga ugami bec vamba oreemi beni inda emi, semi, "Mage ugum Joni anom yasac uwantam yokim devac simenoc." <sup>26</sup>King nec anon agun anene maremi, bayani bani siman uyadukemi mini agintava inda enim, nevarafic ayorim maranani nani beyic anom dafisiruc yogakac. <sup>27</sup>King mano beyic aruim baintuc yiyyikaremi Jonim anon moro akefareya mareyegovani. Kinka dafisevam bainta oreemi Jonim anom agefemi dumeyom magim bankac. <sup>28</sup>Beni Joni anom yocgim demi mini aginta mare amimi, mini aginta beyanom mare amemi, <sup>29</sup>Jonini yogam baintauc mini indireni, yereni Joni oc yemandeni avige maro masikim masi eno. <sup>30</sup>Jisasini yokam baintauc Jisasi vampa yereni bemi sameno yeya uwaram yokara yiyyimem bayayuc. <sup>31</sup>Afo beni yemi yiyyimemi, "Marayara bantavac iyevam magufa moro saudano." Amuno yereni benofoc, yeya yunam nanayom yamu bac iye dukageno. <sup>32</sup>Afo yeni kenugim adu'eni banta iyevam magufac beno yeya'om. <sup>33</sup>Bantanasi yemi yonani beno, amuno yemi yoneno, maside magusige magakac iyayec beno Jisasi bevampac, bantanasi yecnare ovami Jisasiuni inaimi oreno. <sup>34</sup>Yeni non avafac yereni, Jisasi anon bantanasi yonaremi agun anenec manyic kemi, nevarafic yeni sipisipi kana yenka dafisenim banta iye ban kanac. Afo beni gugandemi amuna andada yiyyimem. <sup>35</sup>Ac kupegevami, benic yogam baintauc bec banka yereni sameno, "Manac baintauc iye bam magusa'i bami ac'i kupekemifo. <sup>36</sup>Yiyikanaya adeka bam magusimpa beya yunam ayac ureya nago." <sup>37</sup>Jisasi yemi yiyyimemi, "Yige yunam yem yimiya nacgo. "Yeni bemi sameno, Amana mayouc beyara karr andret kinagac bananim breti ayac urec yimiya nanteyafoc?" <sup>38</sup>Jisasi yemi inda'em, "Nadec breti yeni dugeka? Begac onago. "Yeni oreni afakareni seni, mana yamam bretivac kanta kauya dukeyoc." <sup>39</sup>Beni maside bantanasi yiyyimemi dain'dec atasac gumando bogoc siremi semi. <sup>40</sup>Yeni daidendi anret siftia bagusimi guman deno. <sup>41</sup>Beni manac yac'mam breti vac katam noyac mandemi, inarumpac kakac emi susu siremi mini breti kidiremi benic yogam baintauc yiymini mandeni bantanasi yimeno. Beni katam noyabac i yenamac daimemi. <sup>42</sup>Yeni maside nec venic amakaki meno. <sup>43</sup>Yimudani breti araya bac noya bac tolfiac unami utikeno. <sup>44</sup>Mana yaman tauseni bantanasi yeni breti neno. <sup>45</sup>Jisasi beyi yogam baintauc akaga yiyyikani kenugim adu'eni yenare beno ena avafac Betsaida, Beni bantanasi yiyyikara bami. <sup>46</sup>Bantanasi yererec bami, beni anufa i uremi ogam mugirani. <sup>47</sup>Ayinkaki evami, kenu anon nom abanapac bami, afo beyac non avafac bakemi. <sup>48</sup>Jisasi yemi yonami anom fegarimeno kenu baikari imi, sisovani eran yiri memi yevampa. Banuram dakagara evami yevampa yemi, non naroc yemi, beni yem

yesakarem birani.<sup>49</sup> Afo yeni ben onami non naro yeni, yeni indi'egeni bac'mi yemino siren'i baireno,<sup>50</sup> nevarafic ben onareni anom fekarimeno. Akaga ugami beni ac yindemi, beni yemi yiymeni, erar ugako! mini senumpoc! Iye fekago!<sup>51</sup> Jisasi yenamac kenugim adem undami, sisovac migai maro kagi'emi. Yeni anom yinduireno.<sup>52</sup> Yeni onde indi iye meno nevarac bretivam sikenafic. Yen yinduni eranukagemi.<sup>53</sup>/v 53 Yeni nom kadeni ena avafac beno, afo yeni Kenesareti yereni kenu miga deno.<sup>54</sup> Kenu kinge ade mapa kumomi, agaka ukami bantanasi yemi yoneno,<sup>55</sup> Yeni maside avafac iyaye oreni bantanasi yiymeni, yic baintauc yeiyic gugutakim yivige yeno, Jisasi beno sempa.<sup>56</sup> Igeni sato magusina beni benefic oc iyena magusinafic, oc kantrikin nafic, yeni yic baintauc yivige yunam meyani eyom magusina yeiyafoc. Yeni Jisasi inda eni seni, e'ac'nayara eni unambado arac ayoga ogo, masidevac bena ayoka'ouyec yeiyic yic i kagi evami.

## Chapter 7

<sup>1</sup>Anom baintau bac mana'a indim baintauc Jerusalemite yereni bemi yeukeno.<sup>2</sup>Yeni yoneno mana'ac beni yogam baintauc yiyan iye ugirani fairi ugam yiyan namac breti nami<sup>3</sup>Indim baintau bac Jiuc yunam iye narukeni yiyan ayogugu urec sesec urenin yunam nennno, nevarafic, yeni yinafuc yigaga unam yivayac ugorevano.<sup>4</sup>Indim baintauc yunam meyani eyom magufate yereyec, yeni yunam iye narugeni nodureni yunami nennno, yeni amuna adadauc i fakarukeno yinafu yigagauc yiyaninuc, manem kapi,kurac,disic, yunam deya neyom sagobac i sese urugeyec.<sup>5</sup>Anon dafisiru bac lo idim baintauc Jisasimi inda eno, "Nevarac enic yogam baintauc yinafu yigagauc sirugam baya iye avagure yafoc, yeni yunam neyafoc yiyan iye ukiran?"<sup>6</sup>Beni yem yiyanmem, Asaiya yigeyic mandavani sirugami. Umac baintauc. Afan yogimi agatemi, Mana bantanasi yivatinge semi manti sikeno afo yegeyic yidure neka ugami bemi.<sup>7</sup>Fani senka mam senofo, bantauc yivaya mande yemi yiyanmem.<sup>8</sup>Yigeni Kotini lo yivingare i bantauci avo ava erarure fakami."<sup>9</sup>Jisasi yemi ena yaba yiyanmem, "Yiken Kotini lo yinaini urei yiyei avo ava anda avagurami!<sup>10</sup>Mosesi semi, yigeyic yinoc yifoc yivaya vac avagurogo',Iyefi beya nombac beya afombac manda baya siyigege beni fukiri mana mintemi.<sup>11</sup>Afo eni semi, mana bainta beya fombac beya nom nam sem, " nec nene ofa'irac sec vampate marefec mini koban, " (mini baigam bayafate sem, andadavec, Koti yemimic.)<sup>12</sup>Afo eni bemi iye sasa minonami beya nom afom yofac inovani. /v 13 Minugami yigeya adadauc uwarane yige yinafu unam bampate marami, manac ugam adadauci yigeni uwarami."<sup>14</sup>Yevegem i bantanasi yararemi yiyanmem, "Seya senuna indego, yige maside, indi ugara ogo.<sup>15</sup>Andadavac mapac bananine manac bainta kinge,mini bemi iyec fari u'ackatemi benkina umpe kanan. Banta kingevac gumi nanine mini bemi fairi u'acgemi."<sup>17</sup>Jisasi bantanasi yerec yickaremi makim upegemi, Benic yogam baintauc i mini baigam bayavani bemi inda eno.<sup>18</sup>Jisasi semi, "Yigeni indic ugan iyec ami? Minukai yigeni iye indigamic, nec nene andadafic mapatevac bantakim upekenine, mini banta fairi iye muakantemi,<sup>19</sup>nevarafic ben adutim iye bintemi, ben arakimi oreml mifate aramasipa bintem?"Mana bayakimi Jisasi simam faban emi maside yunam sesemugemi.<sup>20</sup>Beni sem, miniva banta kingeva kumenine mini bemi mandan fairi uacgemi.<sup>21</sup>Banta adun tabatevac yecnine, manda indiru i yemi, bantavac anasi manda anda uwareyonafic, umoreyomic, banta yirumam fugeyomic,<sup>22</sup>Enac anac namac manda anda uwareyonafic, ennac andada onareyac manda indim maranafic, afo amuna manda anda uwareya, ena uma siyikeya anam kayanac, ena yirac uman yimeya ena ayacnam yimanac, baya iye indeya oc'em andavac uwareyonafic,<sup>23</sup>Madem mini mandac anda yige yindutigem yemi, miniuc i banta mandam anagayigemi.<sup>24</sup>Mifatec beni ugukemi Tai bac Sidoni magufac bemi. Mifatec mana magimi ofegemi, bantavac ben iye onagovani, bec bananimp, beni iyec omanditem<sup>25</sup>Mana inim bera ramum, sato agita manda spiriti dukayi indiremi yerem ben akatim yandemi.<sup>26</sup>Griki ininic, fonisia nantige yicgayic. Mini inini jisasimi inda emi, manda spiriti bera ramukim bam yomandam fasac dano vani.<sup>27</sup>Jisasi mini inini samem,"Anagagu nare yunam yimi dukegai. Mineka anagakuyic yunam manda iyanuc anuc yimifo."<sup>28</sup>Mini ininic yevegem bemi samemi, "Eyoc, iyeno, iyanuc anagakuyic yunam sagoc agatinke mandem nemi."<sup>29</sup>Jisasi mini inini samemi, "nevarafi eya senavec, eni amami binoc nami. Mini manda spiritiuc ena ramukinge ac i bemin."<sup>30</sup>Mini inim yevege beyac makim oreml beyac ramum onemi, mini manda spiritiuc yere ec'em bemi.<sup>31</sup>Mini magu Taic yerereni Saidoni avafac Galili nompa oreni,migacke Decapolisic makusimpa beno.<sup>32</sup>Manac agam uyagam ondem ac iye sevam baintami avige bevampa yeno, Jisasim avageno ayam benka danovani.<sup>33</sup>Banta kinge avige avafac maroren, ben ofac agakim dem, agac'no ofakac kutiremi mandem ben anafimi ayoga'emi.<sup>34</sup>Minu remi inarumpa gaka'emi, ifidari uackami, bemi samemi,"Efata,"mini baya manic sigemi, "Diyenoc!"<sup>35</sup>Ese i ben agami diyemi, avam maka tigakenim di'imi beni ani semi.<sup>36</sup>Jisasi yemi yiyanmem mayama iye yiyanmegovani. Beni yemi agoni ugam muyigem, iyeino,yeni erarureni bayani senoc.<sup>37</sup>Banta anasi mini baya indireni yinduc duren, seni, "Beni maside anenec ayogu uwararimem. Beni yagam uyagam dirani indemo, yivam makatigauc ac seno."

## Chapter 8

<sup>1</sup>Mini yamu kimpai, yevegem i amuna bantanas yec uyeno, yeni yunam nanayom iye dukageno. Jisasi beyic yogam baintauc yararemi yemi yiylimemi, <sup>2</sup>"Seni yec uyugam bantanasi vani sigu anene man'yigego, yeni senamac kanta manavac nurani uren'i becni yunam iye nenoc." <sup>3</sup>Seya yiylanaya yeyi mampa yunam iye naram beyec,yeya asampa beyec o yanditeno. Maya'ac neckage yevenoc." <sup>4</sup>Beni yogam baintauc yevegeni bemi samenoc, "Igenifatec breti mandeyac mana bantanasi yimiya nateyafoc, banta iye vampa?"<sup>5</sup>Jisasi yemi inda emi, nadec breti yigeni dukekac?" "Yeni seni Seveni'ac dukeyaroc."<sup>6</sup>Jisasi bantanasi yiylimemi magagac gumando bogo. Beni sevenia breti mademi susu sirem kidiremi. Beyic yogam baintauc yimini bantanasi yime beno.<sup>7</sup>Yeni mana'ac noyaba dukamimadem susu siremi, beyic yogam baintauc yiylimini mini noyabac mandeni bantanasi yimeno.<sup>8</sup>Yeni nami yimu dani, neyac yereran arac yunanuc yuren'i ac iyena unakimi badeno, <sup>9</sup>Amaka foc tauseni bantanasi nenoc. Minuremi beni yiylkani benoc. <sup>10</sup>Agaka ugami benic yogam baintauc nama ic kenukim inda emi, afo yeni Dalmanuta magufac benoc.<sup>11</sup>Lo indim baintauc yereni Jisasi namac bayayuc senoc. Yeni bemi inda'en, inarumpatena eran uwarana onarani, bem makasirani. <sup>12</sup>Jisasi beyic ayoc intagim uman mandemi sem, "Nevarac mage beyom bantanasi andadac uwaranovam inda'eyafoc? Fuga ugami seni yigemi yiylimego, mana eran iye yiylimtemi mage bam bantanasic."<sup>13</sup>Yem yere yickaremi,kenukim yevegem adu'emi ena avafac bemi.<sup>14</sup>Jisasin'i yogam baintauc yivim karen'i breti iyec mare benoc. Yeni mana bretiva kenugim iye dugakenoc. <sup>15</sup>Beni yemi yiylimemi, semi,"Fayac dafite bago indim baintauyc bac Herotini yisivam."<sup>16</sup>Jisasin'i yogam baintuc yeyirani baya sec ore'yerec eno breti iye dukeyo'nani. <sup>17</sup>Afo beni minivam indiremi, beni yemi inda'emi, "Nevarac breti iye dukanam bayayuc sega? Yigeni iye onec i iye indamic? Yigeni indini iye dukaminoc?"<sup>18</sup>Yigeni yogam dukamifoc,iye onami? Yigeni yagam dukamifoc,iye indami? Yigeni indegafec? <sup>19</sup>Seya manac yamam breti manac yamam tauseni bantanasi nama kiduna, nac'dec unana utikagam breti arayuc marege?" Yeni seni, "tolfi'ac."<sup>20</sup>"Seya seveni'ac bretiva eriyevam tauseni bantanasi namac kidunave, nac'dec unanac breti arayuc utikagam maregec?" Yeni bem sameni, "Seveni'avec." <sup>21</sup>Beni sem, "Yigeni onde iye indamino?"<sup>22</sup>Yeni Betsaida yereno. Mifac beyom baintauc i ogam afakam bainta avige Jisasi vampa yereni sameno, ben ayoka inovani. <sup>23</sup>Jisasi ogam futigam bainta ayanka fakaremi avigem magusinge mapa kundemi. Ben ogakac agano kutiremi ben ayam benka demi, Jisasi bemi inda'emi, "Eni andadauc onefonoc?"<sup>24</sup>Yanafac gaka'emi sem, " Seni baintauc yonegoc yeni yayuc kana i ore'c yerec eyo."<sup>25</sup>Enayaba i beni ayam ogakadami, mini bainta ogam magemi,ben ogam ayogugu imi, maside aneneuc ayoguc onari emi. <sup>26</sup>Jisasi ben sasagam benac mapa bevami, samemi, "Magusim iyevaga bonoc."<sup>27</sup>Jisasic beni yogam baintauc nama i Casarea Filipic beno. Asapa bemi beyic yogam baintauc inda'emi, "Baintauc senani iyene sireya seyafoc?"<sup>28</sup>Yeni mani siren'i bemi sameno, "Joni nom manyigevayic. Mana'ac Elaijavec senoc,' aka enoni seni, Manac profeti."<sup>29</sup>Beni yem inda'emi,"Yigeni indi egec seni iyec begafuc?" Pita benani semi,"Eni iyenoc banami."<sup>30</sup>Jisasi eran bayani yemi yiylimemi enouc iye yiylimogani benani.<sup>31</sup>Beni gukademi yiylimemi, bantagac amuna umaru i maratemi, yinom baintauc namac manka dafitam yinom baintauc nama loc indim baintauc bemi yinaimi ameno, ben arumam fudami, kanta manavac nurami ukukatemi. <sup>32</sup>Mini baya afota i yiylimemi. Afo Pita Jisasm avimam avafac demi asem'mi.<sup>33</sup>Jisasi bai'emi beyic yogam baintauc yonaremi Pitam asemi, "Sinaimpa yanka onoc, Banano'noc! Eycin indini Kotini andadaukac iye danami, baintauyc andadauka i eyic indini danami."<sup>34</sup>Minugami bantanasivac beyic yogam baintauc yaramam managim demi, beni yemi yiylimemi, "Iyefic sena sivagurintene, beyam avikarena, beyic kekayac mandena semi sivaguric."<sup>35</sup>Iyefic beyam ofa'irara indene, beni oyoc kantemi, iyefic sen sivigim bac mam bayagac ben aum oyogene, beni iye gakiam aumi maratemi.<sup>36</sup>Bantavac mana magagakena andadauc dugatemifoc, mini bainta i oyoc kantemi?<sup>37</sup>Banta nec meyana yimitenafic ben aum ovegem mararan'i?<sup>38</sup>Magec beyom bantanasi iyefic senarafic sen sivayavam yiyo'reyec, Bantaga i benani ayoritemi beya beni ategam enseliuc nama beyafoni eranama yinanicka."

## Chapter 9

<sup>1</sup>Jisasi mani siremi yemi yiylimem," Fukac sirc i yigem yiymego, mana'a baintauc magac ugukakauge iyec fucge i Kotini kindomi eranama yevana i onana gomi." <sup>2</sup>Siks'siac nuram yaka'imi, Jisasi Pitam bac Jemsim bac Joniuc yivic mandaremi iyac anufac urenoc, yea'omi. Yen yogakai baikemi. <sup>3</sup>Beni unam bado efaric ugamemi, gakamani anemi, mana magagakena bainta amakac iye doc yinonamic.<<<<< HEAD<sup>2</sup>Yimonami beni kato waita yu fairaga ayanampa yunanewami. <sup>3</sup>Inti waitaunampa judau yihami seseurem yunami nevemono, naiyeyara, mini yenti wafa kena waitauyi antamino. <sup>4</sup>Inti waitauyi mageti magufa yevem savimi innevemono, naiyeyara, wafakena anene ameure marewane, kapuyu, kurayu, kora'ya yau'u nampa.=====<sup>2</sup>Yimonami beni kato wait yu fairaga ayanampa yunanevewami. <sup>3</sup>Inti waitayunampa juda yihami seseurem yunami nevemono, naiyeyara, yenti wafakena waitayui antamino. <sup>4</sup>Inti waitayui mageti magufa yevem savimi nevemono, naiyeyara, wafakena Anne, kapuyu, kurayu,, koraya you nampa.>>>>> d092a098f900d7f097d50aec0721effbc7b927b9<sup>4</sup>Elaiya bac Mosesi nuc ye beyokai afotagi enoc, yeni Jisasi nama i asevano. <sup>5</sup>Pita Jisasimi samemi,"Rabi'o, ayogu ino yugonama managa banac, afo e'acnayarac kantam manavac mac uwayikano, mana enindai , mana mosesi inda, ena Ilaiya inda."

<sup>6</sup>(Beni iye indigam nec bayaya beni senafic, yeni fegenoc.)<<<<< HEAD<sup>5</sup>Anon intin waita jesumi intaemono, naugaya eni kato waitayuano seyani anom waita ya yu romudem yiyanui bu seseinti yunanan newam.=====<sup>5</sup>anon inti waita jesumi intaemono, naugaya eni kato waitayuano seyuya anon waita ya yu romudem yiyanui be seseinti unanyui newam.>>>>> d092a098f900d7f097d50aec0721effbc7b927b9<<<<< HEAD<sup>6</sup>Yen yiylimem, aisaiyami kasinampa waiyafikem yigemi wau'u yuge sem mana ini waita semi yibukakem setivi yanievemono, minuga mifo ye yirai senampa neka wane. <sup>7</sup>Fami seka mono waiya sevemono waita ya mante yemi yiylime mono.=====<sup>6</sup>Yen yiylimem, aisaiyami kasinampa waiyafikem yigemi way,u yuge seem. Mana ini waita semi yibukakem setivi yanievemono minugamifo ye yirai senampa neka wane. <sup>7</sup>Fami ska mono waiya sevemono, wata ya mante yemi yiylimeno.>>>>> d092a098f900d7f097d50aec0721effbc7b927b9<sup>7</sup>Gonam yeremi yemi dademi. mana arani gonan kinke yemi,"Macna senti Gac ino. Ben avayavac indego." <sup>8</sup>Agakac ugami yeni yonaman yeugenyo, yeni mayambac iye oneno, Jisasi beya omi bagemi.<<<<< HEAD<sup>8</sup>Yigemi kotinami ifadei wata ami awakurewane. <sup>9</sup>Minisirem yiylimem itenugaya kotin ami lfade eyi awu awa fakeve! <sup>10</sup>Mossesi sem, yigem yinafo yami awakurogomini buyite fuginagone.=====<sup>8</sup>yigemi koi ami fade wata ami awakurewane. <sup>9</sup>Minisirem yiylimem itenugaya koti ami fade eyi awu awa fakeve! <sup>10</sup>Mosses sem ,yigen yinafom yami awakurogo mini buyite fuginayone.>>>>> d092a098f900d7f097d50aec0721effbc7b927b9<sup>9</sup>Yeni anufate kucmami, beni yemi yiylimem mayam bac iyevaga yiymego, nec neneva yeyac oneyom, bantaka fu'em ugukena urinani gaga yiylimego. <sup>10</sup>Afo mini andada ayomparam yekim bagemi, Yeyirani minivam senoc necvara "fuc'eya ugukeyonam" sigenafic.<sup>11</sup>Yeni Jisasimi inda'eno, "Nevarac indim baintauc seja Elaija ananta yintenafic?" <sup>12</sup>Jisasi yemi yiylimem, "Elaija ananta yeremi maside anene antekenafic. Nevarac agatenafic banta agac amuna anenegim umam marena bemi mandac si'akeyafoc? <sup>13</sup>Afo seni yigemi yiylimego, Elaija yine, yeni yeyic ayini avagurenoc yeya nene benka uwararafoc, Benani Kotini afan yogim agatagemi."<sup>14</sup>Afo yeni yogam baintauc bampa yereni, yeni yonenoc amuna bantanasi yem yeugugami, indim baintauc yenamai bayayuc sec orek yerec enoc. <sup>15</sup>Yeni Jisasin onareni, bantanasi yinduc dureni bevampa iyaye undeni bemi ayogugu uan'kenoc. <sup>16</sup>Jisasi beyic yogam baintauc inda emi, "Nevarac yegeni yenamac bayayuc sec oric yerec egac?"<sup>17</sup>Maya bantanasi kinke semi,"Tisa'o, sentigac i evampa avige yegoc. Beni manda spiriti dukami miyic minurami ani iye sevago. <sup>18</sup>Bemi inkandemi acnumam magapa demi, agarec avatige gumimi, avam makatemi, ben agarr ayam apusemi. Eni yogam baintauc yiylime i manda spiriti yomandan fasac dagovam sunani yeni iye minenoc." <sup>19</sup>Jisasi yemi mani siremi yiylimem, iyevac bilipi'am bantanasic, nadeyaga yegenama begafuc? Nadec yakac yigeyic umani marekafuc? Ben avige sevampa yegoc."<sup>20</sup>Mini inta avige bevampa i yenoc. Mini manda spiriti Jisasim onaremi, agaka ugami mini inta avekarami. Mini inta yandem magaga kumimi ben avatinke agarec kumemi. <sup>21</sup>Jisasic mini intan afomi inda emi, "Nac'dec yaga beni minukenafic?" Benafoc semi, "Anintagake minugemi. <sup>22</sup>Bemi mande igakinafic nokimi anevami, bemi aruman fukirani. Afo eya nec nene uwarantevec, mayauc sigum kasinkareva sofa usickano."<sup>23</sup>Jisasi bemi samemi, "Eya amagaki ugevec? Eya bilipi evec maside anene amaka i uwaranonami."

<sup>24</sup>Agaka ugami mini inta afoc baduremi sem,"Seni bilipi mego! Senti bilipi sofa onoc!" <sup>25</sup>Jisasi bantanasi yonami yec vampa iyayec yami, beni manda spiriti asidemi sem, "Eni avam makatigam bac agam kandogam spiriti banami, Seni emi sasamegoc, ben kinge mapa kundevac,benkim enayaba iyevaga ofegano."<sup>26</sup>Manda spiriti iyenaga baduremi mini inta eran avekari uremi, ben kinke mapa yaka'em. Mini inta fukeyon ami dagem bagemi, amunoc seni" Beni fuic kemino senoc, <sup>27</sup>Jisasi ayanka fakaremi diri aman yani u'ankemi.<sup>28</sup>Jisasi naumpa yerami, beni yogam baintauc yeya banka bemi inda'enoc, Ikeni ugayarac mayauni manda spiriti manda fasac iye deyarafuc?" <sup>29</sup>Jisasi yemi yiylimem,"Mana i fac manda spiriti fasac iye danonami, yogam mugim foge mana

mandam fasac danonami.<sup>30</sup>Mifate yeni Galili asac yeni yesakeni benoc. Beni enoyabac iye indegovani, yeni igenifaga beyafoc, <sup>31</sup>beyic yogam baintauc i yoc yivigevami. Beni yemi yiylimem, "Bantaka i mandam namugouc yiylakimi danagomi, bemi aruman fugitenoc. Beni fuc inani, kanta manavac nuram anaimpai ukukantem." <sup>32</sup>Afo mini bayasimic onde iye indi eno, yeni fegeno ben inda irani.<sup>33</sup>Yeni Capenaumi yereno .Naukim iye umbemi beni yemi inda emi,"Nevara asapac yecga sevagec?" <sup>34</sup>Yeni kapinagara menoc. Yeni asapa yeni yeyirani sevanoc iye i yanga ugenafic . <sup>35</sup>Kuman domi, beni tolfiac beyic yogam baintauc yaraman demi yiylimem, "Iyefic anaric irara indevantene, beyai arasabakiga ic, yogam baintauyc yogam baintava bac."<sup>36</sup>Sato inta avi'egem yem yibanampa deni. Ben arutim fakaremi yemi yiylimem, <sup>37</sup>"Iyefic manugam inta avimam sen sivigim devec, semi sivikanami; iyefic sem sivikanavec sena sivikanana'ino,iyefic sem sicsic kami bemi aviganami."<sup>38</sup>Joni benani semi, "Tisa'o mayac'auc en avikim manda spiritiuc yomandam fasac devayami, mayauni bemi agoni uan'geyaro, nevarafi beni mayauc iye sivagurevayic." <sup>39</sup>Afo Jisasi semi, "Bemi iyevac agoni uankago, mayac minugam eran yogani sen sivigim iye maratemi, mayac manda bayac iye sintemi senani.<sup>40</sup>Iyefic yugonama iye namugo usikene beni yugonama sinda bemi. <sup>41</sup>Iyefic sen sivigim mana kapi nom ya'ac minanivec, fugac seni emi samego, beni beyic meyami iye oyogatemi.<sup>42</sup>Iyefic manugam intaga seckim bilipi evayic uman aminana beyac yadene, mini ayogugu mintemi benac iyena oc manda amenta damure mare nokim maro aninona. <sup>43</sup>En ayanac manda adac uwarevanavec, akefaman anoc. Mini ayoguino mana ayam dukec, iye gakiam aum marac, minevac kantam ayam dukanaya emi mandeya manda magusim anivec, iyevac dusiminanim igakim. <sup>44</sup>(1) <sup>45</sup>Agarac manda andava uwadukana intevec, akefaman anoc. Minevac kantam akan dukanayac akefareya igakim anivec. <sup>46</sup>(2) <sup>47</sup>En ogana manda anda uwadukanavec,ogam fitiman anoc. mini ayoguge mana organama inarum magufa binona, katam ogam nama banane igakimi mande aniteno,<sup>48</sup>Sato maginuc iye fukiram fac bakim, iyevac futimevam igagim. <sup>49</sup>Maside icga magusim oveni yicnavisi marateno. <sup>50</sup>Sorec ayogu i, afo soreva benic aseyaa gaki ene, ikeniga urec uwandanana i yevegem sorec kantenafic? Yugonama sore kanaga ugano, minugemifo enouc namaga mana sirakac banoc."

## Chapter 10

<sup>44</sup>iyefic yigec kinke anari irara indevayive beya i yogam baintauyc yogam baintava bac. <sup>45</sup>Banta'gac mana magakac yine bantauc ben ofac ogovara yena'i, yen yiyyirani yemi, ben aum yimidena amuna bantanasic yiyyac yirani yemi."<sup>46</sup>Yeni Jeriko yereni. Jisasi beyic yogam baintauc bac amuna bantanasi nama Jeriko yerec yinkaremi, Temeusin agac, Batimeusi, andadauc inatevam bainta organ afagam ac yavafa i kumatemi. <sup>47</sup>Beni indemi Jisasi Nasaretikec, beni gukandemi bademi semi, "Jisasi'o, Devitic agagec, agun anene mantikanoc!" <sup>48</sup>Amunoc aseno organ afagam bainta, bemi sameno sadake banovani, iyenaga i baduremi sem, Deviti agagoc, agun anene mantikanoc!". <sup>49</sup>Jisasi o'ugukemi, bena samina yinoc semi. Yeni ogam afakam bainta ararene sameno, "Erar ugeva ugukanoc! Beni emi arenoc!" <sup>50</sup>Beyi iyac amac umam bado fasac anuremi, ugukem Jisasi vampa yemi.<sup>51</sup>Jisasi bemi mani siremi inda'em,"Nec seni emi uwarak'a'novara indevec?" Ogam afagam banta semi, "Tisa'o onarare."<sup>52</sup>Afo Jisasi bemi samem, "Bono. Eni bilipi emi ofa emi." Ese ic beni yevegem onemi, afo beni asa i Jisasim avagurem bemi.

## Chapter 11

<sup>1</sup>Yeni Jerusalemi yereni, yeni Betfege bac Beteni adeka i yereno Olivesi anuga, Jisaisi beyic yogam baintauc kanda yiyyikaremi, <sup>2</sup>yekanda mani sirem yiyyimemi, ena avafac bam magufa bogo. Yiyekanda mini magusim umpe'kei onanagomi mayavac iye kumandugam donkim damurugam bantemi. Utudega marec sevampa yego. <sup>3</sup>Enova inda'ena sena, 'Na i rarac mineka sigec?' yigeni maniva segoc, 'Iyenoc yoganidukago siregac agaka urega marec magac yego."<sup>4</sup>Yeni oreni oneno donki onaga mapa damurukam, yeni utufamic.<sup>5</sup>Mana-a baintauc migac ugukaka'geyouni yemi inda enoc, "Yigeni nai'rara mini donkim utufega?" <sup>6</sup>Mini kanda yemi yiyyimeno Jisasi yem yiyyimim bayac, afo baintauc yemi e'ani marec beno."<sup>7</sup>Yekanda mini donki avige Jisasi vampa marerami, unambado donki agoyumpa uvidami, Jisasi mini naroc kumandem bemi. <sup>8</sup>Amuna bantanasi yeyic ayogu unam bado asac uwi senoc, afo maya'ac yac ayaman akefareni asac uwiseno.<sup>9</sup> Ananta boyabac ben anaimpa yeuni badeni seni, "Kotim amoyuac kago! Koti ayogugu u'ankatemi mana bainta Iyenon avikim. <sup>10</sup>Koti ayoguku uakatemi, yugonama sifoc Davitini Kindomi yinaninka! Kotin avikac yani ogo!"<sup>11</sup>Jisasi Jerusalemi yeremi mam makim umpe emi maside anene onam yeugemi. Ac kupegevami beyi tolfiac yogam baintauc namai Beteni beno. <sup>12</sup>Ena nurami, Betanic yererec bami, bemi aran fugemi.<sup>13</sup>Nekagec onemi fikic yani amuna anac dukami, beni oren onarani, agam intatenafic, beni mini fikic yac adeka yeremi onami agami iye intagemi anac mana bagemi, bec agam irevam yamuga bagena. <sup>14</sup>Jisasi mini yac'yani semi, " "Mayavac en agami ena yabac iye nateno," Beni yogam baintauc indeno.<sup>15</sup>Yeni Jerusalemi yereni, Jisasi mam makim upe'emi andadauc meyani eya ayac eyouc yic'gondani mapac kumeno. moniga kodeya yimam sagogubac i baigemi, nunuc meyani eya kumandeyomyoc baikemi. <sup>16</sup>Beni yemi agoni uyigemi mana anene mam makim meyani akeyom marec mapa iye gumogovani sem. <sup>17</sup>Beni yemi yiyyimidemi sem, "Iye agadukaga, 'Seti mac i maside yerec yogam mugam mac'ino'? Afo yigeni mande i umom baintauyc ayofeyom macgi mami no." <sup>18</sup>Manka dafitam dafisiruc nama lo indim baintauc jisasi sim baya indireni, yeni ayugani afakeno ben aruman fukirani. Yeni ben agani fegeno, nevarafic bantanasi yindui reno bec yiyyimim bayay foni. <sup>19</sup>Ayigaki imi anom magu yerereni beno.<sup>20</sup>Banuranka yeni beni oneno mini fikic yac anuc kinke ayam kakam. <sup>21</sup>Pita omare indire semi, "Tisa'o, onano! Fikic yac'yac bago siakanavec ayami gakemi."<sup>22</sup>Jisasi yemi yiyyimemi, Kotikim billipi ogo. <sup>23</sup>Fuga seni yigemi yiyyimego, iyefic mana anuvara sena, ugukeva karusa eva yena nokim gumono', afo mini baintava kantan indim iye dukene,beya bilipi ene nefic beya sirac'nanine apamiri mana intemi, mini Koti ayinic uwarantemic.<sup>24</sup>Minuga i seni yigemi yiyyimego: Maside anene ogam mukintikeva inda'evec, bilipi emic, eni marac nonami, Afo eninda mintemi. <sup>25</sup>Eya ukukageva ogam mugevateve, mayavac manda ada uwaraka'rukana beni manda andavac ugi anka, Minuranami Enafo inarumpa bayic eni manda anda ugic akantemi."<sup>26</sup><sup>27</sup>Yeni ovege Jerusalemi yeno.Jisasi mam makim urevami, mam makac dafitam dafisiru bac, lo indim baintauc nama dafisiruc bec vampa yereni. <sup>28</sup>Bemi inda eno, "Iyec mini eran amidukaya i miniuwarevac?"<sup>29</sup>Jisasi yemi yiyyimemi,"Seni mana inda'ini yigemi inda ont ego. Sem sisimiga afo seni yigemi yiyyimeno, iye mini eran simiga seni mana andadauc uwarekafuc. <sup>30</sup>Joniva nom mayic kenim, mini inarumpatefi banta kinke yinacic? Sem sisimego.<sup>31</sup>Yeyirani bayayuc seni mani senoc,"Yugonamaga sec, 'Inarum patevec senanec, beni mani sitem, 'Nagac igai benkim iye indekac?' <sup>32</sup>Afo yugonama sekac, 'Bantauc kinkevec,' Yeni bantauc yigani fegeno, Maside bantanasi indi egeni Joni beni Profetino sinteno.<sup>33</sup>Yeni Jisasini indaini yevege sameni seni, "Mayauni iye indige yamupe." Afo Jisasi yemi yevegem yiyyimemi, Seyan dobac iye yiyyimentego, Iyeni erantaka mana andadauc uwarekafuc."

## Chapter 12

<sup>1</sup>Jisasi baigam bayafonic yemi yiylimemi. Beni sem, "Mana bainta waini anayoc yogemi, mini anayoka kukuc ankamam yeuguremi, waini agam dasanananim masi i ufemi, mac uwandemi yunakac dafisinanim bainta ankemi, mini anayo mandegem baintauc iyankim demi miniga dafisegovani. Minuremi beni yereremi iyac avafac bemi.<sup>2</sup>Waini afugami, beni yogam bainta sasakarami wainiga daftam bainta vampa oreya mana'ac waini agam kidegic mini waini anayo kinke.<sup>3</sup>Afo bemi fakareni, arureni sasakami iye mararani bemi.<sup>4</sup>Yevegem i yevampa ena yogam bainta sasakami bemi, orani arurec anom afadeni ayorino mu'ageno. <sup>5</sup>Beni yevegem enava i sasagami bemi. miyiva bine,bemi aruman fugeno.Yeni amuno mini asapa minuc yigeno, mana'ac yireni mana'ac yirumam fugeno.<sup>6</sup> Beni mana yogam baintavac fani bami sasakan temi, ayikara enin inta. Beni mana ugam bagenim inta yevampa sasakemi.Beni sem, 'Yeni sentikac avaya inditeno.'<sup>7</sup>" Afo wainiga dafiseyouni yeyirani seni, Mayac beyafoni andadauc maratemifo. Marayara, bemi arumam fudeyara i, beninda aneneuc yugonama sinda inanifo.<sup>8</sup>Yeni bem fakareni, aruman fudeni, waini anayokinke bemi mandam aneno. <sup>9</sup>Minukami, nec waini anayo afoc uwafatenafic? Beni yeremi wainika dafiteyouc yiruman fudem, mini waini anayoc mandem enouni yimitemi.<sup>10</sup>Yigeni mana afan yoc iye yandekac? Mana baya mani sigem, Mac unawareeyoni oni manda mugeno sireya yomanda fasac deyone, mini eran onino mac arasac ankeyomi .<sup>11</sup>Mana i Iyeno vampatec, minugami yigen sogaka i ayogugu ugemi."<sup>12</sup>Mini anaimi Jiuc yic dafisiruc baya unawareno Jisasim fakarani ,nevarafic yeni indeno mini baigam baya yenani sirukami. Afo yeni bantanasi yigani fedeni ben yere e'ecni beno.<sup>13</sup>Yeni indim baintau bac Heroti akukinge yiyikarani beno, Jisasim mana'ac bayafoge makac sirani. <sup>14</sup>Yini yereni, yeni mani sirc sameno, "Tisa'o, mayauni indicke yamupec eni fugasanom banami, nevarafic eni mayan agam iye feganamic. Eni fugac Koti avaya yiymamami. Mini amanafic sisam takisi aminteyafo o iyefic?"<sup>15</sup>Jisasi yeyic manda indim indiremi yemi mani siren yiylimemi," Fayac semi magasega? Mana moni mareraga onano."<sup>16</sup>Yeni manac jisasi vampa mare yeno. Jisasi yemi inda'en, "Iyen orac magac benefic?" Yeni seni, sisan indaic."<sup>17</sup>Jisasi semi, "Sisa inda vanac Sisa ameno, afo Kotin inda vanac Kotim ameno."<sup>18</sup>Indim baintauc i yere inda eno, iye sena fugeyou kinke iye ugukateyafo, sevampa yego. Yeni bemi inda eni, seni,<sup>19</sup>"Tisa'o, Mosasi mana afani agademi mayauc simidukami, 'Bainta afac ava fuic'nam becyana ic yere akatemi, afo yeni anuc iye mageno, mini baintac ben afac ava anac madena i, anuc magac, bec yafac avan indac."<sup>20</sup>Seveni'ac untava bakinken; yen yivac anasi mandemi aninta iye magarani fugemi.<sup>21</sup>Mini anaimpate ogam inim mandemi am iye magarani beyandobac fugemi. Benava kanda yinaim patena organimem.<sup>22</sup>Seveni ac untavac mini ininka am iye makeno. Inaimi mini inindabac fugemi.<sup>23</sup>Inaim fugakeyo kinke ugukami, iye anaga beni batenafic? Seveni'ac untava mini inini mandeni yeyinagi murugageno.<sup>24</sup>Jisasi semi, "Mana mini andava benai, yigeni anana mami, nevarafic yegeni Kotini afan yogikena bayavac beni erandabac iye indigami?<sup>25</sup> Yeya fugeyo kinke ugukeyec, yeni bayic iye minteno, yeni enyolo kana mugateno inarumpa.<sup>26</sup>Baintauga fuc gakinkevac ukugeyom baya, yigeni Mosesini afam yogikena iye yandega, sato ugac iga kenine, Koti Mosesim samemi semi, 'Seni Abraham, Aisak, Jekopi-ni Koti becumpe'?<sup>27</sup>Beni fuc kauyic Kotiva benai, fac ayum beyouyc Koti bemi. Yigeni ana'nac mami.<sup>28</sup> Lo indim bainta mayac yeremi yeya seyom baya indemi; Beni yonemi Jisasi ayogugu uremi yeyic indairuc yiylimemavi. Beni Jisasimi inda emi, "Ikeni lo ic iyena ugenafic?"<sup>29</sup> Jisasi semi, "Anari ugam loic, yege Israiliuc indeno, Koti yugonamasi Iyeno, beya Iyeno bemi.<sup>30</sup>Mini anaim patena lo i mana minic, eyam avabac ona ureva enava avaba'o.' ena lo'vac iyena iye mugemi, manac lo kanda anari ugemic."<sup>32</sup>Lo indim baintauc seni,"Ayoguge tisa'o! Eni fuga ugami senamic, Kotic beni maya bemi, mayabac ben anampa iye beno.<sup>33</sup>Yugonama bena avaba ono ,sindun'tapateva, indin kinkebac eran fogebagac, Enoya yivaba onoc, yugonama seyam sivabac una ureyam, mini lo kandava avigureyarec, mini andai maside ofac yesagakemi."<sup>34</sup>Jisasi onami atekam baya simi, Jisasi bemi samemi. "Eni Kotini kindomi adeka i banami." fec ireni Jisasim enayabac iye inda eno.<sup>35</sup> Jisasi mam gugusim bemi bantanasi yiylimemi sem, "Lo indim baintauc ikenika ureya seja Iyeno Deviti aga beno sejafo ?<sup>36</sup>Ayo inta Devitim indin amimi semi, "Iyeno senti Iyenomi mani siriemi samemi," Siyan ugampa kumantanaka i enic namugouc mandan en akantim dano."<sup>37</sup>Deviti bera usac avidemi, Iyeno'o semi,' afo ikeni urena Iyeno Devitin akac benefic?" Anon bantanasi yimosinge ben avaya indeno.<sup>38</sup>Jisasi yiylimevapante beni mani sem, Lo indim baintauc yigara fegako, yeni iyac'ama unam bado ureni meyani eyom magusimpa niya yonareya ayogugu uyinkagovani,<sup>39</sup>yeni ayogu kumandim yoc mam makim bac yunam yec uyi'ec neyom sagoba i dugeno<sup>40</sup>Yeni kento ininanuc umac siyikareni yeyi mac umoreno, yeni iya amac yogami mugeno bantauc yonagovani. Koc yamu i mini baintauc iyena umani marateno."<sup>41</sup>Jisasi ofa deyom tina adeka i mam makim kumantagemi; beni bantauc yonevani moni tinakim devano. Amuna moni baintauc i anom moni i tinagim devano.<sup>42</sup>Kento inini andadava iye dukayi yeremi katam sato moni kanda demi, peni amakac.<sup>43</sup> Jisasi beyi yogam baintauc yararemi yiylimemi, "Fuga seni yigemi yiylimego, mana inin andada iye dukayi yigem bac

## Chapter 12

yesakarem anom moni i demi ofa tinagim.<sup>44</sup> Yeni sato i denofoc afo mana kento inini, beya dukagenim masidem moni demi, ena monivac iye dukemi, yunam ayac urem nananim.

## Chapter 13

<sup>1</sup>Jisasi mam makinge yererem bevami, mayac beni yogam bainta bemi samemi, "Tisa'o, Onano ayogu oyabac ayogu mac beninec!" <sup>2</sup> Jisasi bemi samemi, "Eni mana iyena mac onano? Mana oni agona osac iye mugukantemi, masidemi ugadarami magaka fasintemi."<sup>3</sup>Jisasi Olivesi anugakai kumantami, mam mac bam avafac, Pita, Jemsi, Joni, Endru anami bemi inda eno beyac'om banka, <sup>4</sup> "Mayau sisimeno, nande mini aneneuc apamin'tenafic? Nec anene afotaki inana i mini andadauc apamin'tenafic?"<sup>5</sup>Jisasi gukademi yemi yiylimemi, Yigeya yakara ogo,yigem makac sifoc. <sup>6</sup>Amuno sen sivikim yereni mani sinteno, seni Jisasi bec'umpe siren i yigem makasinteno.<sup>7</sup>Yigeni yiru eyom bayauc bac yiru eyom sisova bayayuc i indinagomi, iyevaga fegago; mini andadauc apamitemi, afo arasa yamuc iye yevemi <sup>8</sup>Mana'ac magusikena baintauc yec ugukegeni ena avafatena magusikena nama i aruc intemi, mana magusikena King nano yec ugukakemi ena magusikena King nama i aruc itemi. Magun intemi mana'ac magusimpa, andacro minteno. Mana kukarani, anasiva am magarara ac navisi maranic minteno.<sup>9</sup>Yigeya dafisego. Yigemi yiviman kansolo iyakim deni, yigemi mam makim yan yiriten. Yigeni gavanau bac kinuc yogaka i ugukayic kanteno, sen sivikim, yigeni Kotic avaya yiyliminagomi. <sup>10</sup>Ananta mam baya nare maside magusimpa yiylimidam mintemi.<sup>11</sup>Yeyayigena fakareya coppa yivige marorac, yigeni iyevaga fegaki ne bayaya yigeya sinagom. Mini yamu ic, yigeya sinagom baya yimintemi; yigeya sinagonaic, Ayo Inta sintemi. <sup>12</sup>Afac ava mandekem beyafac avam yiyankim danani yirumam fukiteno, yeyi foc unami yeyika fandauc yirumam fukiteno. Anitauc mano yeyinoc yifoc unam yimini, bantauc yemi yirumam fukiteno. <sup>13</sup>Amuno sen sivikim yigemi uman yiminteno . Afo iyefic arasa yamu erarure ugukene, Mini bainta Koti ofac itemi. <sup>14</sup>"Yigeni onanagomi manda anene ugu'kakatemi, agoni ugenim magusampa," (mana afan yova yandanono ondeva indio) "Judia banono anukimpaka iyaye uroc, <sup>15</sup>bantava mac naroc banani beni magapa kundem makim up'e'm beyic andadauc iyevaga marac, <sup>16</sup>iyefi anayofac banani'yic yevegem orem beyic unam badoc iyevaga marac.<sup>17</sup>Siguno yimuc bakic ukeyon ininanu bac aninta akagu nam yimeyon ininanu, mini yamuc yinaniga! <sup>18</sup>Yugana mukevanai,mini andadauc sisova inanika iye apami. <sup>19</sup>Mini nurami anon umarukami apamintemi, Kotiva gukandem mana magava uvareni yamuge yem mage yevenim, iyeino, minugam umani feni iyeva i apamemi. <sup>20</sup>Afo Iyenova mini nuram akeyamam bakaki iye ene, masiden oyo'kanteno. Kotivac banta nasiva beya ugadugenim yenaro siremi, mini nuram akeyamam bagaki mintemi.<sup>21</sup>Mayava enam senac, Onano!, manamini Iyeno beno sina!'o 'Onano, meyami beno sina! iyevaga indeno. <sup>22</sup>Umac krasivac umac profetiuc yereni enac ugum andadauc i uwadeni Kotini bantanasi yivikanteno. <sup>23</sup>Yigeya dafisego! Bani seni yigemi yiylimidu kanami.<sup>24</sup>Mini iyena umaruc kaki'anami, aci ayufum nanami kantemi, igona beyic omi iye kantem, <sup>25</sup>bayoc inarumpate fasintemi kumintemi, erarugam andadauc inarukimpa beninu kasanintemi!<sup>26</sup>Yeni Banta'kac onevami gonakim yintemi, beyic eran namac iyena onamac. <sup>27</sup>Afo beni beyic enselouc yiyikanani beni bantanasi yivikanteno, eriyevam avafate mana magava inarum bac ukakapante.<sup>28</sup>Fiki yasaga indim marago. Ayamakina nom banane oyan ana apamintemi, yigeya indinagomi ac i kantemi. <sup>29</sup>Minugami, yigeya mini andadauc onevana fabaninage, yigeya indego beni yirec adekaki beno, ona adeka i bemi.<sup>30</sup>Fuga seni yigemi yiylimego, mage begom bantanasi iye fukami mini andadauc apamintemi. <sup>31</sup>Inarum bac mana magavac oyokantemi, afo sen sivaya iyeva i oyokatemi. <sup>32</sup>Mayavac iye indikeno beya yinanim nuram, enseliuc inarumpa beyou bac benagabac iye indikeno, yugonama sifo beya indigemi beya yinanim yamuc.<sup>33</sup> "Yigeni yakarega! Dafisego, neverafi yigeni iye indigami nec yamuga mini andadauc faban intenafi. <sup>34</sup> Beni mana bainta kanaki mukami, beya mac beyic yogam baintagac dafisnovam dafic ackaremi yereremi iya avafa bemi, mana mana bintauc i yogam yimemi, onaga dafisinanim bainta sasamemi ondeva dafiseno.<sup>35</sup>Minugemifo ayogugu uregac dafisego, yigeni iye indikamifoc nec yamuka mac afoc ovegem naumpa yintenafic; ayin kaga yintenafic,ayufun abanampaka yintenafic,kokori badi nanikaka yintenafic, o banurana yintenafic. <sup>36</sup>Beni andudinam yerena yonanaka yondugafo. <sup>37</sup>Nevac seyac yigenam sevana, seni masideuc yani sego: Dafisego!"

## Chapter 14

<sup>1</sup>Kantam nuram anaimpa Kotic Israiliuc e'acya ayoguka bakyem yamu bac breti yisivac bam nakeyom yamu yevami. Mam makac dafiteyom dafisiru bac lo indim baintauc ayuc afakareya Jisasim fakareya arumam fukirani. <sup>2</sup>Yeni seni, "Omac yamu iyeva i fakate yamu, Bantanasisa onareya yiseya yiruimukarana'yonani." <sup>3</sup>Jisasi Betani magusim Saimoni amakim bagemi namona dukagenim baintac, beni sagoka kuman devami, mana inini bevampa yemi, mana ayogu osac uwantam botoligim ayogu unda evam basafem maren yemi, anom monika bam basafem. Mini botoli duwaremi Jisasi anoka a'ackemi. <sup>4</sup>Mana auc mini onareni yiran anene marakeno. Yec'yirani baya underni mani seno, "Fayac mana basafem aman gaki enfic?" <sup>5</sup>Mana basafem (Tri andret kinakac) meyani ureya, moni mandena andadauc iye dukauc yimekami." Afo yeni mini inini aseno. <sup>6</sup>Afo Jisasi semi, "Yigeni bemi e'acrago. Fayac bemi uman amega? Beni ayogu anda semi uwan sicgemifo. <sup>7</sup>Yigeni andada iye dukau nama i bamic, yigena ne nenec vara yiyeccvna intek yigeni amaka i ayogugu uyin kanagomi, afo seni yigenama iye banteuc. <sup>8</sup>Anasiva mini andada uwarara indenine, a'ic uwaremi, basafena sem atikenine mini anufasinkemi fugam masikim bonovani. <sup>9</sup>Fuga sirc seni yigem yiyyimego, igeni avafagafic mam baya yiyyimege, mana magakac, mana iniya uwarane yiyyiminteno, yeni benam omare inditeno." <sup>10</sup>Tolfia yogam baintauc bakinge, Judas Iskarioti, mam makac dafitam dafisiruc bampa bemi, Jisasi fakarena yen yiyyankim darani. <sup>11</sup>Mam maka dafitam dafisiruc mini indireni, yeni yimoyuren'i seni mayauni emi moni amente yaro siren sameno. Afo Judasi ayu'ic afakemi Jisasi fakamam yen yiyyankim darani. <sup>12</sup>Breti yisivac iyevam nam nuram yimi, yeni sipsipi arureni yukare neni mini nuram inditeno Kotiva Israiliuc e'acya ayoguka bakyem. Beni yogam bintauc mani siren'i bemi sameno, "Ikeni avafaka mayauc maro anufaraya i, eni agoke ugam yunam nateva?" <sup>13</sup>Benic yogam bainta kanda yiyyikaremi yiyyimemi, "Iyena magusim orege, mana bainta iyena kurakim nom yamandaremi yevana i onanagomi .Bena avagurogo. <sup>14</sup>Beya ofekananim makina yige kanda avagure umpe ega mac afom mani sirc sasamego, Tisa semi, " Igemic senti rumuc benafic, senti yogam baintau bac seyando bac yunam nekai omarec indeno Kotiva Israiliuc e'aya ayoguka bageyom?" <sup>15</sup>Beni yigemi yoc yivikantemi iyena ayogu rumuc yanafa bam. Mini rumuva mayauc anufasikago." <sup>16</sup>Afo mini yogam bainta kanda yereni anom magusim beno. Yeni oreni oneno maside anene beya sim bani, afo yekanda yunam nanayom anufeno. <sup>17</sup>Ayigaki imi, Jisasi beyic tolfi'ac yogam baintauc nama i yemi. <sup>18</sup>Yeni sagoka gumanteni yunam nami, Jisasi semi, "Fuga seni yigem yiyyimego, mayavac senama yunam nevayi semi mandam namugo yiyyankimi dantem." <sup>19</sup>Yeni anon yigu anene maren, maya maya bemi inda'eno, Eni senarara seva siren'i bemi inda'eno?" <sup>20</sup>Jisasi yeyic indairu yiyyimdem'i yemi yiyyimemi, yigekinke tolfi'ac bankike, mayac breti mandemi senamac kurakim demi. <sup>21</sup>Fuga Bataga i fugintemi, Kotini afan yokim benani agatemi. Mini bainta sikuno siangeko Banta agac'ka mandan namugo yiyan kim dananim! Mini ayogugu mintemino, benano bemi iyec magenai. <sup>22</sup>Yeni yunam nami, Jisasi breti mandemi susu siremi kidiremi. Yemi yiyyimemi sem, "Manac marago. Mana sen so'ifo." <sup>23</sup>Beni kapi mandemi susu siremi yemi yiyyimemi, yeni mandeni neno. <sup>24</sup>Jisasi yemi yiyyimemi, mana senti nare'ic, mana oyan ani uwi'seuc, nareva bayec nuna amunouc yani bayeteuc. <sup>25</sup>Fuga seni yigem yiyyimego, seni yevege iye nanteuc mana waini agam, inaimi mini nuram yinai seni nanteuc Kotini oyam Magusim." <sup>26</sup>Yeni mana ic dareni, yeni Olivesi anufa ureno. <sup>27</sup>Jisasi yemi yiyyimemi, yige maside yami dinagomi, Kotini afam yogimi agantemi, Seni sipsipika dafitam bainta aruranami beni sipsipiuc i iyaninteno. <sup>28</sup>Seya fukanuna kinkeva ukugege, Senare Galili ovateuc. <sup>29</sup>Pita benani semi, "Maside fedenic iyanintefoc, seni iyeva i." <sup>30</sup>Jisasi bemi samemi, Fuga seni emi samego, mageve\_fugavec, mage ayufune\_kantaya kokori iye badurukana semi umec dasikano nami, kanta manavaki uremi semi iyec onarugeko sinonami." <sup>31</sup>Pita erar uremi semi, "Seyac enamac fugocuge, Seni emi umac iye si'ackateuc." Beni yogam baintauc mana ugam bayani uwareno. <sup>32</sup>Jisasicv beyic yogam baintauc nama i mana magufa i beno, Ketsamanige seyompa, Jisasi beyic yogam baintauc yiyyimemi, "magac kumantaga seni sogam mugono." <sup>33</sup>Beni pita, Jemsi Joniuc yivic mandaremi yenama bemi, beni agun anene maremi anon indiri emi umani maremi, <sup>34</sup>Jisasi yemi yiyyimemi, seni sirac umani mareva i adeka i fugotego. Magac bega dafisego. <sup>35</sup>Satoka iyaka kana oreml, Jisasi magaga yandem kundemi ogam mugemi semi, amagki ugana inteve e'anam mana uman yakaga ino. <sup>36</sup>Beni sem, "Aba' Sentifoc, eni amaka i maside anene uwaranonami. Mana kapi sekinke mandam fasac dano. Senti siyini iyevaga avagurono, eyic ayira avagurono." <sup>37</sup>Beni ovegem yeremi yonani yeni yondukami, afo beni Pitam samem, "saimoni'o, fayac ondugeva? Amagakac mana yabac dafisinteva?" <sup>38</sup>Dafite yogam mugega, yigeni umantim iye ofegaki. Ayo Inta ayec bami, oc eran iye dugemi." <sup>39</sup>Beni yevegem oreml ogam mukem, beni ogam, ogami mukem. <sup>40</sup>Jisasi ovegem yeremi, beni yonami yondugami, nevarafi yen yogam umarugam dami. Yeni iye indikageno ne bayaya bemi samiteyafo. <sup>41</sup>Kanta manava yamugi uremi yevampa yeremi yiyyimemi, "Fayac yonduge bega yaum marea? Acge! Mini yamu i yeremi. Onagoc! Bantaga i aviman manda anda uwareyom yiyyankimi denoc. <sup>42</sup>Ugukago; Marayam bono. Onagoc, Mayac sem fakamam namugouc yiyyankim dananiyic adekai

yereno."<sup>43</sup>Fac Jisasi asevami, Judasi,tolfia yogam bantauc kinke beni yeremi, amunouc soparo bac yadiuc faka mandareni benamac yenoc, manka dafitam dafisibac, lo indim baintau bac,anari ugeyom dafisiru bac i yeno,<sup>44</sup>Maya Jisasim avimam namugouc yiyan kim danani semi, seja amonanuna baintava fakarega ayogugu urega avige bogo."<sup>45</sup>Judasi yeremi, agaka ugami Jisasi adeka yeremi sem, "Tisa'o semi," bemi amonem.<sup>46</sup>Jisasin naroc yiyan deni bemi fakeno.<sup>47</sup>Maya migac ugukaka geni beyic soparoc mademi mam maka dafitam dafisiric yogam bainta agam akeyemi.<sup>48</sup>Jisasi yemi yiylimemi, " Yigeni umoreyom bainta fakarara yega, soparo bac yadiuc mandarec sem fakarara yega?<sup>49</sup>Seni yigenamac masiden yamu mam makim bec yiylimenai, yigeni semi iye fakami. Manava uwarane, Kotini afan yogim agatam afotaki inovani uwarami."<sup>50</sup>Masideva Jisasin nama bageyouc ben yere e'eni iyaneno.<sup>51</sup>Mana fumara iya amac efan unambado bec yokac yakoremi Jisasim avakurem bemi. Bantauc bem fakarami,<sup>52</sup>mini unam bado miniga ayuman demi yereremi baya'oc iyayemi.<sup>53</sup>Yeni manka dafitam dafisiruc bampa i Jisasim avige beno. Manka dafite youyic yinom dafisiru bac ,anari ugeyouya bac, lo indim baintau bac i Jisasi nama manakim beno.<sup>54</sup>Pita necka kana bemi Jisasim avakurem, manka dafitam dafisin amac gukusimi beni ovagemi. Polisiuc nama i igakac kumantem iga ganevami.<sup>55</sup>Manka dafiteyom dafisiru bac masiden Jiuc kansolo bayayuc afakareya Jisasim amofin ureya aruman fukirani. Afo yeni mana bayava iye afakeno.<sup>56</sup>Amuno umac bayayuc mare yeno ben amofin irani, afo yen yivaya manai iyemem.<sup>57</sup>Mana'ac ukugen umac baya ben amofin uren, yeni mani seno,<sup>58</sup>"Mayauc indunami beni sem, 'Seni manac mam mac ugadanteuc yiyan pogé uwandukam, afo kanta manava nurami ena mam mac uwarateuc, siyam fogeka uwaratekauc."<sup>59</sup>Mini bayaya yeya sem manai iye ugagemi.<sup>60</sup>Manka dafitam dafisiruc bantauc kinke ukukemi Jisasim inda'eno, "Yeyic indairuc iye yiyyi minteva? Ikeniga ukayac mana baintauc emi amofin eyafo?"<sup>61</sup>Jisasi sadagemi bagemi, yeya inda'om baya yegem iye yiylimem. Yevegeni manka dafitam dafisini bemi inda'emi sem, "Eni iyeno bevac, Eni inarumpa bam Kotin akaka beva?"<sup>62</sup>Jisasi semi, "Senupe; yigeni onanagomi banta agac Kotin ayan ugampa gumandinanic, inarukimpa gonakim anon eran nama yevana."<sup>63</sup>Manka dafitauyic dafisin beyic unam bado dakademi sem, "Ena baintauc iyevaga beyafo beya uwaram sego?"<sup>64</sup>Yigeni indemino, beya Kotim siman manda u'ackam. Yigeni nec bemi uwarakantega? Maside seni, beni auc murugemi, beni fukiri mana mintemi.<sup>65</sup>Maya,ac agano kuti ankareni onta uyadeni yiyan pogé areni benam seni, "bayayuc sagona seno!"Polisinuc bem aviman deni aren.<sup>66</sup>Pita koc magusim yinampa bami, manka dafitan dafisiruyic yogam akinta bec'vanka yeremi.<sup>67</sup>Pitam Onami igac kanevami, miri akinta Pitan adeka oremi onaremi semi, "Eyandoba i Jisasi Nazareti kena bainta nama bagona.<sup>68</sup>Afo Pita ume daremi,semi, "Seni bemi iye onakanavani sanami." Afo beni mac onaka orami. Kokori bademi.<sup>69</sup>Mini yogam akinta Pitam yevegem onaremi, adekac ugukakageyom baintauc yiylimemi , "Mana bainta yenamac bageniyic!"<sup>70</sup>Beni yevegem umeremi. Satoka kana bageni migac ugukaka geyouni Pita nani seni, Fuga ugam eyandobac mope, eyacha i Galili bainta banami.<sup>71</sup>Afo Pita eran uremi manisemi,inarukimpaka urino, " Seni manac bainta iyeva'ic onagego yigeya benam sane."<sup>72</sup>Kokori agaka ugami kantayaki urem bademi. Pita omaren indemi Jisasi bem sasamim baya: " Kantayaki urem kokori iye badurukana, kanta manvaki urec eni semi umerasi kanonami," Pita magakim agonoyam dem kundemi ifidem.

## Chapter 15

<sup>1</sup>Banurapai, manka dafitauyic dafisiru bac anari ukauyabac lo indim baintauc maside kansolo yec uyu'eni. Jisasim nam pogé damurení avige Pailetim maro ameno.<sup>2</sup>Paileti Jisasim inda emi, "Eni jiuc'yi Kinna beva?" Jisasí ben avaya yevegem samemi sem, " Eni mini sanano."<sup>3</sup> Manka dafitauyic dafisiruc amuna anene bemi amofin eno. <sup>4</sup>Paileti yevegemí bemi inda emi, "Ena inda'om iye siteva? Onano nadec anene emi amofin eyafoc?" <sup>5</sup>Jisasí mana bayavac yevegem Pailetim iye samami, Paileti amuna indiri memi.<sup>6</sup>Maside orandeka i mana iyena mam fakam yamu yerami, Paileti mana bainta dumugeni ec ami yevampa bemi, dumugam baintavac inda,om. <sup>7</sup>Barabasi nec seyom bainta dumugagemi, mana'ac baintauc kamanikim aruim kugareya mana'ac baintauc yirumam fugouc yaba i dumugakeno. <sup>8</sup>Bantanasi Paileti vampa yereni bemi inda eno, feyac beya agenim anda uwaranovani. <sup>9</sup>Paileti yem yiylimemi sem, "Yikenijiuyic King ugidanam yigevampa binovara indega?" <sup>10</sup>Beni indemi nevarafic umani amami manka dafitauyic dafisiruc Jisasim mandege ben ayakim deno. <sup>11</sup>Afo manka dafitauyic dafisiruc batanasi yirac ugukayi karani badurení seni, Jisasí Barabasini magu marananifo, Barabasim ugidan bino,<sup>12</sup>Paileti yemi enayabac inda'emi sem, " Nec seni Jiucyi King uwarakano?" <sup>13</sup>Yeni yevege badeno, "Kecka yasa aruman iyego!"<sup>14</sup>Paileti yemi yiylimemi, "Nec manda anda beni uwarenafi?" Yeni yevegeni iyenaga badurení seni, "Kecka yasa aruman iyego."<sup>15</sup>Paileti yen yirac ayogugu uyinkarani, Barabasim utudami yec vampa bem. Afo Jisasim arurení mandekeni yen yiylagim deno, keka yasac iyegovani.<sup>16</sup>Aruim baintauc jisasim avige koc magusimi ureno, ( dafisiruc anom magusim ), masiden aruim baintauc yaraman deno. <sup>17</sup>Yeni koran nani Jisasinka deni, avi yararenim nani mande baideni Jisasim anokim deno. <sup>18</sup>Yeni minu akarení bemi sameni seni, "Ayogu nurane, Jiucyi Kingne!"<sup>19</sup>Yeni mana yadi mandeni anokim arení ontim agano kuti'akeno. Yeni Jisasim arafim yigonoyan duc'akeni, ben anon avic amirani. <sup>20</sup>Yeni mini andauc minu akarení, koran unam bado yomandam fasac deni, beni unam bodo uan'karení, yeni avige mampa kumeno aruman keka yasac iyirani. <sup>21</sup>Mana bainta, Simoni Sairin nicge, yeremi mini magusim urirani (beni Alekenda vac Rufusinuc yifo bemi), yeni bemi avageno keka yan maranovani.<sup>22</sup>Yiruim baintauc Jisasim avige kolgotake seyom magufa ureno ( ena avic banta ayampauc bam magusim"). <sup>23</sup>Yeni marasim wainigim baideni nano sire amemi beni iye nem. <sup>24</sup>Yeni ben arureníkekayasac ireni, beni unam bado dainde mandeni kaunata iyaran neno, iyefic ayogu iyara innani beni unam bado mandemi daindeni mana mana yiruim baintauc marateno.<sup>25</sup>Banuram ac urevami yeni arurení keka yasac iyeno. <sup>26</sup>Faran arasa i mana afani akadeni ben anom bananinka deno, manic sircagareno "Jiucyic Kingne"<sup>27</sup>Benama i katan umom bainta kandavac i yirurení keka yasac iyeno, mana bainta ayan ugampa iyeni ena bainta ayan opa iyeno. <sup>28</sup>Iyeyao ben yesakare boyaba i anaim baya siankeno, yinon anureni seni, "Aha! Eni mam mac ugadaremi kanta manava nuram yevege uwaratego senami,"<sup>29</sup>eyan ofa'eva keka yasake gumono!"<sup>30</sup>Manka dafitauyic dafisiru bac lo indim baintauc yeyandoba i manda siankeni, seni, "Enoni beni yofa emifo, beyani amaka iye ofa intemi. <sup>31</sup>Ec'anam Iyeno Israliyic kingmage keka yasage gumi, yugonama onareyara i bilipi ono." Yeya arureya keka yasac iyeyou yabac i manda siankeno.<sup>32</sup>Nam beloka i, ayufum mana maga yec dadem, bemi ayinkaki em, <sup>33</sup>Ayinkaki imi Jisasí eraruremi badurem sem, " Eloi, Eloi, lama sabatani?" Mini baya mani sigem, " Senti Koti'o, senti Koti'o, nevarac semi yere e'eva?"<sup>34</sup>Maya'ac mini adeka ukukakake youni mini baya indire seni, "Indego, beni Elaijami aremi sic."<sup>35</sup>Maya iyayem oremi yudevam waini nom matresi arasac demi, mana yadiga uguremi Jisasim mare aminan nanovani. Mini bainta semi, marayam becyam onana Elaija kundena keka yasake avimam magapac dac." <sup>36</sup>Jisasí erarurem bademi migac yomarem fugemi. <sup>37</sup>Unam bado mam makim damurukakeyom yanke abanac dakakam magakim kumem.<sup>38</sup>Aruim baintayic dafisim adeka ukukakemi Jisasim onami mini asac fukimi, beni sem, " Fuka ugane mana bainta Kotin aga ic."<sup>39</sup>Anasiu ba i nenka ukukakeni oneno. Yenkige Maria Makdala magusinge vac, Maria ( Jemsivac Josepi nuc yino) Salomevac.<sup>40</sup>Jisasí Galili banikac ben avagureya ofa ageyou. Amuna ininanu bac i benamac Jerusalemi avakure urouc yaba i.<sup>41</sup>Ayinka yimi, nevarafi andadauc anufam nuram yevami, saganam Sabati nuram yinanimi,<sup>42</sup>Josepi Arimatage migac yeremi. Beni kansoli kinke bemi, beni bantanası yoganka ayogu avic dukayic bemi, beni Kotini Kindomi yinam onarani dafisevami. Josepi Paileti benigim oremi Jisasim oc vani inda emi.<sup>43</sup>Paileti amuna indirimemi Jisasí fugami; beni yiruim baintayic dafisim araremi inda emi, Jisasí agac fugenafic iyefic.<sup>44</sup>Yiruim baintayic dafisim Paileti samim indiremi, beni Jisasí oc mandem Josepim amemi.<sup>45</sup>Josepi iya amac efam unam bado ayac uremi. Beni keka yasake madam magapa demi, mini unam bado foke i ukuremi masikim maroremi, oc akeyare uwandukam masikim. Afo Josepi oc avekamam uyagemi mini masikac.<sup>46</sup>Maria, Makdalini magusapate vac Maria Josepi anoc Jisasim masi'am masi i oneno.

## Chapter 16

<sup>1</sup>Sabati nuram yakaimi, Maria Makdalini Magusabate vac, Maria Jemsin anovac, Salome basafem ayogu unda evam ayac ureni Jisasin oc a'ackarani yeno. <sup>2</sup>Anam nuram, banurampa, Yeni masipa beno ac urevami.<sup>3</sup>Yeyirani mani sire seno, "Iyec masika uyakam ocni avekamam yugonamac sikanteyafo?" <sup>4</sup>Miga yereni yeni yogam ma'egec deno, yeni oneno oc avekamam dukam, mini ocni iyena ugami bami. <sup>5</sup>Yeni masigim umpe eni oneno mana fumara iya amac efam unam bado uremi, yiyan ugampa kumantem bani, yeni yindu i reno. <sup>6</sup>Beni yem yiylimemi, "Iyevaga yindu dogo. Yigeni Nasareti kena Jisasinara afakega, arumam keka yasac iyenec. Beni ac i ukukemi! Beni magac iye beno. Onago beya fu iyac deyonka. <sup>7</sup>Afo bega beni yogam baintau bac Pitam bac yiylimego, Benare Galili bemi. Mifa i bemi onanagono, feya beya yigena yiylimenim."<sup>8</sup>Yeni masikinke mapa kudeni iyaye beno; yen yira ukukami yen yoic dundumemi. Yeni mana bayava iye seno nevarafi yen anon fekantimi bakeno. <sup>9</sup>Anom banurampa anam nuram, Jisasi ukukemi Maria Makdalini magusinke benka nare afotaki emi, benkike seveni ac manda spiriti yomandan fayadayic.

<sup>11</sup>Maria yemi yiylimem, Jisasi fani ayubac i seni bemi onego, afo yeni ben avaya iye blipi eno. <sup>12</sup>Mini andada animi kantano Jisasini yogam bainta kanda yeyic magufac bami, afo Jisasi ena bainta ayu emi mini kanda banka yemi. <sup>13</sup>Yeni yevege oreni mana ac yogam baintauc yiylimeno, afo yen yivaya iye bilipi eno. <sup>14</sup>Inaimi Jisasini ileveni'ac yogam baintauc banka beni mare afotaki emi sagoka kumante yuna nami, beni yemi yisemi bilipi iye eya, yen yeyirac erarugam, nevarafic yen iye bilipi eno indeno yeya Jisasm onana yevegem ukukam, fukintige. <sup>15</sup>Jisasi yemi yiylimem, "Maside magafac bega, maside baintanasi Koti avaya yiylimego. <sup>16</sup>Iyefi indirena bilipi urena nom marenne, beni iye oyokantemi, iyevafi bilipi iye ene Kotini kokimi oyokatemi. <sup>17</sup>Iyefi bilipi inanive benkimi yiyyayanim erani bintemi: Sen sivikimi manda spiritiuc yomandam fasac danteno. Yeni oyam bayayu i sinteno. <sup>18</sup>Yeni yiyan foge i memauc fakateno, yeya fugeyon nom neyec, mini andada yemi manda iye muyikantem. yeya yic'eyouga yiyan deyec, yen yofa ini marateno."<sup>19</sup>Mini anaimpa i Iyeno Jisasi mini bayayuc yiylim demi, Koti bemi avigem inarumpaudami, beni Kotin ayan ugampa kumandemi. <sup>20</sup>Beni yogam baintauc maside avafac beni ben avaya yiylimeno, Iyeno yenamai yogemi yogemi, afo beni andada uwaremi, beni eran bayaga i ampamem.

## John

## Chapter 1

<sup>1</sup>Feyugami Baya bagemino, mini Baya Kotin namaci bami, mini Baya Kotim bami. <sup>2</sup>Mini Baya feyugami Kotin namaci bagemi. <sup>3</sup>Umacden anecneuc benkimi uvaremi, mage uvandukenin anecneuc, bera iye vami mana anecne vac iye uvandukami. <sup>4</sup>Ben kimi ayum fa vani bami, ayum fa vani banta anasiu yic omi vami. <sup>5</sup>Mini omi ayufun kin kevami, ayufum bemi iyen davac emi. <sup>6</sup>Koti mana bainta sankarami yemi, ben avic Yoni i. <sup>7</sup>Beni on yinaninan facbaruren siyimina umacden inimbaintauc ben kin amankac birivic inteno. <sup>8</sup>Yoni mini ona bagenai, beni amankac mini onan siyimirani yemi. <sup>9</sup>Fuga omi, banta anasi kaga yinkananimi, mana magagac yimintemi. <sup>10</sup>Beni mana magagaci bami, mana maga ben kimi uvaremi, afo banta anasi bemi anufare iyen indigano. <sup>11</sup>Beni beyic magu gimi yemifo benic banta anasi iyen avigeno. <sup>12</sup>Afo manaca inimbaintauc ben avigauni ben avic kim birivic eno, beni Kotin agagic ogo vani amankagic uyinkemi. <sup>13</sup>Yeni koranic ayintagaino, oic ayintagaino, bantaic ayintagaino, iyeino, yen Kotinic ayintac ampamenone. <sup>14</sup>Baya bantaic uemi, yenamac yenamac sicbanac kimi bagemi. Yenamac benic anon eran namac anon avic namac onecumpe, mini inta avic duka bemi, beni Kotimpaten yemino, afo ben kim avacbac namac fuga avucavac namaci uvikagamino. <sup>15</sup>Yoni benani bacduremi facbaruren siyimem, "Mana mini bainta vani seni siyimunaino, 'beni sen sicnaen yinani, sem baci yankagagemino, nevaraino, seni iye ampankaunami benare bamino.'" <sup>16</sup>Ben kim avacbac anonic uren uvikagami, mini avacbac poni macde yigeunamac avogugic usinkemino. <sup>17</sup>Mosasi lo manan yimemino, afo avacbac namac fuga avucavac namac Jisas Kraisimpate yemino. <sup>18</sup>Maya vac Kotin iyen onarukemino, afo ben agac beni Koti bemi bey Afon anafaci bemi, beni bey Afom mandan afotagic emino. <sup>19</sup>Afo manai Yonin avaya ino, Yuda dafisiruc Yerusaremi magufate prisiuc namac Livaiuc siyinkani ben indairani bevankac yeraeni bemi indaeno, "Eni iyec befono?" <sup>20</sup>Beni fuga siremi siyimem, mana anecnevac iyen umerani, beni fuga siremi siyimem, "Seni Kraisi va begaune." <sup>21</sup>Afo yeni bemi indaeno, "Eni nec befono? Eni Elaisa befono?" Beni semi, "Seni iyeino." Yeni seno, "Eni profetic befono?" Beni yevegen siyimem, "Iyeino." <sup>22</sup>Afo yeni indaeno, "Eni iyec befono, sisiminagaci yenamac sisinkac yuna baintauc maro siyimeno? Nevec eyarani sefono?" <sup>23</sup>Beni siyimem, "Seni afasam magafac bacdevan ameni becumpe. Iyenonic a mandan antec ankano, 'profet Aisaia micni siremi sirukamino.' <sup>24</sup>Afo Farisiuci manaca baintauc siyinkani yerae, <sup>25</sup>bemi indaeno, "Eni Kraisifi, Elaisafi, profetfi iye bantei, eni nagac eci nom

manyinkefon?"<sup>26</sup>Yoni yemi yevegen siyimemi, "Seni nom poni nom manyinkecumpe. Afo maya yigen yicbanac kimi bemino, yigeni bemi iyen onarukamino.<sup>27</sup>Beni sen sicnaemi yemifo, seni benic sendori nan utuc ankar amankagic iyen ugecumpe."<sup>28</sup>Mana mini anecneuc Betani magugimi Yodani ena ofaci ampamemino, minifaci Yoni nom manyinkevami.<sup>29</sup>Ena nurami Yoni onami Jisasi bera vankac yevami, beni semi, "Onano, mecyamini Kotinic Sipisipi Agac mana magagac kena inimbaintauc yic manda andauc mandan karuc yinkanan ino.<sup>30</sup>Manai benani seni secumpe, 'Maya sen sicnaen yinani i sem baci yankagagemino, nevarai, seni iye ampankaunami, benare bamino.'<sup>31</sup>Seni bemi iyen onagacumpe, afo sena nom pona nom manyinkac yeguna foni Israeri inimbaintauc yukan kac beni afotagic intemino."<sup>32</sup>Afo Yoni facbaruremi siyimemi, "Seni onegunami Ayo Inta nun kacnaci inarumpate agemi kundaemi, ben naroci dofemi.<sup>33</sup>Seni bemi onaic iyen ecumpo, bera nom manyinkano vana sisinkac yuno, semi sisimemi, 'Ena onanama Ayo Inta ben naroc ye kumandinani, beni Ayo Inta foni nom manyinkantemi.'<sup>34</sup>Seni onareci siyimecumpe, mana Kotin agaci bemino."<sup>35</sup>Afo yevegen, ena nurami, Yoni beyic disaipori ganda namac ukukageni,<sup>36</sup>onami Jisasi yemi yankagemi bevami, Yoni yemi siyimemi, Onago, Kotinic Sipisipi Agac ino.<sup>37</sup>Benic disaipori ganda indami micni sirani yeni Jisasin avakure beno.<sup>38</sup>Afo Jisasi yovaevemi yonani ben avakure yami beni siyimemi, "Nevarac yigeni afakegafono?" Ye kanda bemi sameno, "Rabai" (mini baecdanami "Tisai") Eni nafagac mac befon? <sup>39</sup>Beni yemi siyimemi, "Yeraec onago." Afo yekanda yeraeni bera van kin oneno, yekanda ben namaci mini nuram benamaci bageno, nevarai ayinkagic 4 kiroki ic emi.<sup>40</sup>Yoni sevana indem bainta ganda ginke maya Jisasin avakurem bim bainta Endrui, beni Saimon Pitan afaci.<sup>41</sup>Beni bey avami Saimon Pitan nare onaremi samemi, "Mesaiami yenamac onecumpe." (Mesaiai baecdanami "Kraisi").<sup>42</sup>Beni avigemi Jisasi vankaci maro rami, Jisasi bemi onaic uremi semi, "Eni Saimoni, Yonin agaci banamino. Mage en avic Sifasi" (mini baecdanami "Pita") nen sintenone.<sup>43</sup>Ena nurami, Jisasi Galilic birar emi, Filipin onaremi samemi, "Sen sivakurono."<sup>44</sup>Filipi, Endru na Pitau, Betsaida taoni ginkeno bageno.<sup>45</sup>Fililpi Natanielimi onaremi samemi, "Mini bainta Mosasinic lo yo gim bac profetiu yic yo gim, benana sandukageyom bainta yenamac onecumpe; beni Yosepin agaci bemi, Nasareti magu ginkeno bemino.<sup>46</sup>Natanieli bemi indaemi, "Mana avoguc anecne Nasareti magu ginke ampamintenafino?" Filipi bemi samemi, "Yerae onano."<sup>47</sup>Jisasi Natanielin onami bera vankac yevami, beni benani semi, "Onago, mana fuga Israeri bainta ino, ben kin umac bac iyem bemino."<sup>48</sup>Natanieli bemi indaemi, "Inkenic ureci eni semi sonagefono?" Jisasi bemi yevegen samemi, "Filipi emi iye ararukaya, eni onda yay anda gimi banaci, seni emi onecumpe."<sup>49</sup>Natanieli bemi yevegen samemi, "Tisa o, eni Kotin Agaci banamino! Eni Israeri yic kimi banamino." Jisasi bemi yevegen samemi,<sup>50</sup>"Seni enana sec, 'Onda anda gimi banac onecumpe suna foyaci,' eni birivic efon? Eni mana vac yankagare anon anecneuci onanonamino."<sup>51</sup>Afo beni siyimemi, "Fuga ugami sireci emi samentecumpe, inarun ona diyinami, Kotinic enyorouc Banta Aga kac undae gundae evana eni onanagomino."

## Chapter 2

<sup>1</sup>Kandac mana vac nuran yankagaimi, Galili magugimi anasi indani banta gac danteno, Jisasin ano mini gimi bami. <sup>2</sup>Mini ginke Jisasi namac benic disaiporiuc namaci yareno. <sup>3</sup>Waini kipaimi Jisasin ano bemi samemi, "Yeni waini iyen dukenone." <sup>4</sup>Jisasi bemi samemi, "Anasi o, nevaraci sena baunafac ye fono? Seni mini anecneuc uvaranuna acna iyen yigemino." <sup>5</sup>Ben ano beyic yogam baintauci siyimemi, "Bena sinanin anecneuc uvararic anavac ogo." <sup>6</sup>Mini gim afac mana omandan onacban kac kura Yudauc ye yivucyiva gic eni mini gin non deni dukami bagemi. Mana onacban kura amankac 120 lita nomi fakantemi. <sup>7</sup>Jisasi yemi siyimemi, "Non yacman man kura ginkac uvikago." Afo yeni yacde bacyimani mini kura avantaci maron deno. <sup>8</sup>Afo yogam baintauci siyimemi, "Manaca yacde yunan kac dafitam bainta maro amego." Afo yeni yacde mare veno. <sup>9</sup>Yunan kac dafisin mini non waini ic ugan naren onemi, beni iyen indigami nafatec mini waini yenafi (yogam baintauc non yafageyuoni indigano). Afo beni anasi marananim bainta ararremi, <sup>10</sup>bemi samemi, "Umadem baintauci avoguc waini nare yimeni narani, icnaemi erandac iyevan yimenone. Afo eni avoguc waini fakare bage mage mare yenamino." <sup>11</sup>Manai Jisasi acnaric uremi mana avucavac Kanac taoni gim Galili magafac uvaremi, beni beyic iyena avici yocyigarani, benic disaiporiuc ben kim birivic eno. <sup>12</sup>Afo Jisasi bey anona bey afacunan namacbeyic disaiporiuc namac Kapenaumi faci kundaemi mini gim manaca nurami bagemi. <sup>13</sup>Pasova adekac yimi, Jisasi Yerusaremi fac uremi. <sup>14</sup>Jisasi yonani burimaka va sipisipi va nunuc mam mac kim sarin evano, monoc baegam baintauc baci mini gim kumantano. <sup>15</sup>Beni naruc mandemi mana yafi uvandemi, macdem baintauc yenyc burimaka va sipisipiuc namaci mam mac kinke yisisac uman mapac demi. Beni monoc baegam baintau yic agam monoguc kufitaman mana mana uremi, yenyc kandandauc arondan demi. <sup>16</sup>Nunuc sarin am bainta gani semi, "Mana anecneuc mana ginke marec bogo. Sen Tifon amac kin mageti maguic iye ogo." <sup>17</sup>Benic disaiporiuc Kotinic yo gin santanani omare indeno, macni sigemi, "En amagani anon siyirici emino, micnugaci seni en amac avogugic ugano vani eran yogaric ecumpe. <sup>18</sup>Afo Yuda dafisiruc mini baya indireni bemi maro indaeno, "Ema Koti yogar amicdukanana mana anecneuc uvarevante, eni enac ugan avucavac uvande yenamac yotigano." <sup>19</sup>Jisasi yemi yevegen siyimemi, "Mana mam mac anakaman acnuraci, kandac mana vac nuran acbana kimi ukukaman dantecumpe." <sup>20</sup>Yuda dafisiruc bemi sameno, "Mana mam mac 46 orande gimi uvandukaya, eni kandac mana vac nuran acbana kinac yevege ukukaman dantefono?" <sup>21</sup>Micnugami, Jisasi bey o gac mam magani sevami. <sup>22</sup>Beni fukagenin kinke yevegen ukuka ankaranami, benic disaiporiuc mini baya Jisasi sirukagenimi omare indireni, yeni birivic eno. <sup>23</sup>Afo beni Yerusaremi magugimi Pasova omac kac bani, bena enac ugan avucavaguc uvarevani onareni amucno ben avic kimi birivic eno. <sup>24</sup>Afo Jisasi yen kim birivic iyen emi, nevarai yenani bani indigagemi, <sup>25</sup>nevarai bemi maya vac banta vani amanakac iyen saminteno, nevarai beni banta gim bami beni indigemi.

## Chapter 3

<sup>1</sup> Mana bainta bami, ben avic Nikodimasi bami, beni Farisi bemi Yudauc yicnom bainta bami. <sup>2</sup> Mini bainta ayufumi Jisasi vapac yeraemi, bemi samemi, "Rabai o, yenamac indigecumpe eni tisa be, Kotimpaten yenamino, nevaraino yenamac emi onauna ena enac ugan avucavaguci uvaranamino, maya ena uvarana anecneuc iyen uvarantemino, afo Koti benamac banami, beni amankaci." <sup>3</sup>Jisasi bemi yevegen samemi, "Fuga, fuga ugamin, maya amankac oyanic iye ugemi, beni inarum magu iyen onantemino." <sup>4</sup>Nikodimasi bemi samemi, "Inkenic urenaci banta yevegem ben ano magantenafino bera ayogun kaganane? Beni bey anon arakin yevegen ena yachac undainan bemi amankac yevegen iye magantenamino, beni amankagafino?" <sup>5</sup>Afo Jisasi bemi samemi, "Fuga, fuga ugane, banta non kim bac Ayo Inta gim bac yevegen oyanic iye emi, beni Kotinic inarum magu gin iyen urintemi. <sup>6</sup>Ne anecnefi o ampandanami, o bemino, afo ne anecnefi Ayo Inta ampandanami Ayo Inta bemino. <sup>7</sup>Eni anduc iye dono mini vana ema macni sirc samena, 'Yigeni yevege gaci oyanic ogo.' <sup>8</sup>Sisova bera birar ayimpaci bemino, eni sisova a sevana indinonamino, afo nafatec yeraenaci nafagac benafi eni iyen onanonamino. Micni manan intemino, iyefi Ayo Inta gin oyanic inami." <sup>9</sup>Nikodimasi bemi yevegemi samemi, "Inkenigac urem mini anecne ampamintenafino?" <sup>10</sup>Jisasi bemi yevegemi samemi, "Eni Israeri yic tisa banamino, afo eni nagac eci sena seguna anecneuc eni anufare indi ic iye efono? <sup>11</sup>Fuga, fuga ugami sirc emi samentecumpe, yenamac indigauna anecneugani siyimecumpe, afo yenanamac onarukauna anecneugani siyimecumpe. Micnugaya eni yenamac sameguna iye maranamino. <sup>12</sup>Seni magagac kena anecneugana siyimanac iye birivic inteci, inkenic uregaci inarumpatena anecneugan samenac birivic integafono? <sup>13</sup>Maya vac inarumpac iyen umbemino, afo maya inarumpate kumiyi mana ino, beni Banta Agac ino. <sup>14</sup>Mosasi afac magafac meman kun dondan yanik eninic ureni Banta Agac bac kun dondan yanik intenone, <sup>15</sup>minifoni iyen inimbaintafi ben kim birivic inani iye kipan aum marantemino. <sup>16</sup>Koti mana magagac kena inimbaintau gani anon ayiric emi, mini foni bey Agac mana inta mana dukemifo, beni yimemi, afo iyefi ben kim birivic inani iyen oyogantemini, iyeino, beni iye kipan aumi marantemini. <sup>17</sup>Koti mana magagac kena inimbaintauc koc yimino vara sankana yenai, iyeino, beni yen yivigano vani sankami yemi. <sup>18</sup>Banta Kotin Agac kim birivic inani iyen oyogantemini, afo banta birivic iye inani, beni oyokemi, nevarai, beni Kotinic mana inta Agac avic kim birivic iyen emi. <sup>19</sup>Afo mana kogic anda macnimugemi. Mini omi mana magagac yemino. Afo banta anasi ayufun anda vani yiymemo, mini o nan iyen yiymemo, nevarai, yen yivucyivac mandaici ugami. <sup>20</sup>Macden inimbaintauc manda andauci uvarenone, yeni onan iyen yiyevani on kac iyen yenone, nevarai yenyc manda andauc afotagic inanin agani yeni fegenone. <sup>21</sup>Afo, fuga avucavac uvaran inimbaintauc, yeni on kac yenone, ena inimbaintauc yemi yonareni yenani omare indinteno, yeni Kotin ayini avakurenone. <sup>22</sup>Mini yankagaimi, Jisasi beyic disaiporiuc namac Yudia magafac beno. Beni yenamac bemi banta anasi nom manyinkevami. <sup>23</sup>Afo Yoni vaci Ainoni magugimi Salini magu adekaci banta anasi nom manyinkevami, nevarai mini amampac amucna nomi bami. banta anasi be vankac yeraeni nom marevano. <sup>24</sup>Nevarai mini yamuc Yoni karavusic iyen ovami. <sup>25</sup>Icnaemi Yoninic disaiporiuc namac mana Yuda bainta namac ye youc sesec ure avogugic usher anda vani baya foni yirueno. <sup>26</sup>Yeni Yoni vapac oraeni bemi sameno, "Tisa o, enamac Yodani nom mecyan ofac bagenim bainta, eni benana yenamac sisimeno, beni banta anasi nom manyinkevani bera vapaci macden inimbaintauc benone. <sup>27</sup>Yoni bemi yevegen samemi, banta mana anecne iye marantemino inarumpatena Koti ben iye aminane. <sup>28</sup>Ne bayafi yigema siyimuna yigenafoni indigamino, seni macni sirci siyimecumpe, "Seni Kraisi va begaune," iyeino, beni iye yigami senaren sisin kac yecumpe. <sup>29</sup>Anasi iyefi banta maranani benanam mini bainta anac bantemino. Afo ben aganda ukukagemi banta anasi marananin amer indemi anon amusimi marem bemino banta anasi marananin amer indemi. Mini foni sen sirac kim simusin uvikemino. <sup>30</sup>Ben avic yanic inanaci, sen tivic kumino. <sup>31</sup>Iyefi banta inarumpate yevanani beni macdem bainta yankagagemino. Iyem bantaf magagakeno bemi, beni magagackeno bemino. Micnugami beni magagakena anecneugani semino. Afo iyefi banta inarumpate yevanani, beni macdem bainta yankagagemino. <sup>32</sup>Beni indiren onarukan anecneugani facbaremi siyimemino, afo bainta vac bera siyimin bayauc iyem birivic enone. <sup>33</sup>Afo iyem baintafi mini baya gim birivic emi beni Kotinani fuga sigemino simani erar intemino <sup>34</sup>Micnugami mini bainta Koti sankan yiganani, beni Kotinic baya siyimintemino. Nevarai Koti bemi Ayo Inta amimi, ben kin uvikagemi. <sup>35</sup>Ben Afo bey Agac anon ayiric uremi macden anecne ben ayan kimi dam bemi. <sup>36</sup>Banta Kotin Agac kim birivic inani, beni iye kipan aumi marantemino, afo ben Agac avaya arinani, beni iye kipan aun iye marantemino, Kotin aran anecne ben kim bantemino."

## Chapter 4

<sup>1</sup>Jisasi Yonim bac yankagaremi amucna inimbaintauc disaipori ic uyinkaremi nom manyinkevami. Mini van beni indimi Farisiuc mini anecneuc uvarevanani indeno, <sup>2</sup>(Jisasi benafo non iyem manyinkevami, benic disaiporiuci manyinkevano), <sup>3</sup>beni Yudia magafac yereremi Galili magafaci bemi.<sup>4</sup>Beni Samaria magu ginkac oraem binami amankagic intemi. <sup>5</sup> Beni Samariaic mana taoni Sikari oraemi, mini maga adekaci Yegopi bey agac Yosepin amicdukami.<sup>6</sup>Yegopinic nom masic minigaci bemi. Jisasi iyakac yagenimi afogami, mini nom masic adekaci ye kumandemi. Igona amuni 12 kiroki amami bami. <sup>7</sup>Mana Samaria inini non yafirani yeraimi, Jisasi bemi indaemi, "Non yactiminac nano." <sup>8</sup>Benic disaiporiuc yunanuc ayac irani taonifaci bugano.<sup>9</sup>Afo mini Samaria inin bemi samemi, "Nagac eci eni Yuda bainta, semi Samaria inini non amena naran indaefono?" Yudauc namac Samariauc mana avucavac kin iyem benone. <sup>10</sup>Jisasi bemi samemi, "Eni Kotinic avoguc anecne yimevanan indukagefi afo iyec emi indaenaci, 'Non yactiminac nano,' senafi, eni amankaci bemi indainami, beni emi ayum fa van nomi amirarimino."<sup>11</sup>Mini inin bemi samemi, "Iyeno o, eni bageti iyen dukanami, mom masici macmen ugami kumbemino? Eni nafagac ayum fa van nomi dukefono?"<sup>12</sup>Eni mayau sifon Yegopim baci yankagagecumpe indirici anamino, beni mana nom masic yenamac simicdemi, beni bey agafandauc namac benic safurauc namac mini ginke nevanone?"<sup>13</sup>Jisasi bemi yevegen samemi, "Maside iyefi mana nom masic kinke narami yevegen iyem manam bantemino, <sup>14</sup>af o iyefi sena amenuna non naranami ena yacbac yevegen iyen ayintemino. Afo, sena amenuna nomi ben kinke nom masic kacnac ugemi, ben kinke kumem mana bemi, iye kipan aum bemi amintemino."<sup>15</sup>Mini inim bemi samemi, "Iyeno o, mini non simeno, siminac naranan iye siyinac ovaege managac non yafiran iye yeno." <sup>16</sup>Jisasi bemi samemi, "Ey avafun o avicmanare managac yeno."<sup>17</sup>Mini inin bemi yevegen samemi, "Seni banta iyen dukecumpe." Jisasi bemi yevegen samemi, "Eni antecire senamino, 'Seni banta iyen dukecumpe,'<sup>18</sup> nevarai, eni mana yacman bainta dukageonami, afo mage benamac bana bainta en avafuva benaino. Ena senai, fogan senamino."<sup>19</sup>Mini inin bemi samemi, Iyeno o, seni mage indecumpe, eni profeti banamino. <sup>20</sup>Mayau sifo unam mana anugaci man sevanone, Afo yigeni seci Yerusaremi magugimi banta anasiuc man sintenone. Iyeci fuga senafi?<sup>21</sup>Jisasi bemi samemi, "Anasio, sena senuna gim birivic ono, mana nuran yintemino, mana anugac bac Yerusaremi magu gim bac yigeunamac sifon kac man iye sinagomino. <sup>22</sup>Yigeni iye indigan anecne gaci man samino. Yenamac indigauna anecneu kaci man secyamumpe, nevarai yevegen yivigar anda Yudauc paten yigemino.<sup>23</sup>Micnugami, mana nuran yemino, mini nuram aci mage managaci yevemino, fuga man san inimbaintauc mayau sifon kac Ayo Inta gim bac fuga anda gim baci man siankantenone, micnugan inimbaintauc benkac man sego vani mayau Sifo afakemino. <sup>24</sup>Koti Ayo Inta bemino, afo banta anasi bem man siankarani ayo inta gim bac fuga anda gim bagac man siankago."<sup>25</sup>Mini inin bemi samemi, Seni indirukecumpe Mesaia yinaninani (benani Kraisine senone). Bena yemi, macden anecneuc anufaremi baeden yenamac sisimintemino." <sup>26</sup>Jisasi bemi samemi, mana mini seni beci, mage enamac a secumpe."<sup>27</sup>Afo mini acna gaci benic disaporiuc yeraeno. Yeni amucna indiric eni negac enaci anasi namac a senafino, maya vac iyen indaemi, "Nevarai eni afakefono?" haca "Nagac eci eni benamac a sefon?"<sup>28</sup>Afo mini inin beyic non Kura minigac yere remi yevegen taonifac oraemi, banta anasi siyimemi,<sup>29</sup>"Yego, mana bainta sena macden anecne uvaragegunau gani sisimemino. Sena indunami mini bainta i Kraisic bantenafino?"<sup>30</sup>Yeni taoni yerereni bera vankac yeraeno. <sup>31</sup>Mini acna gimi, benic disaiporiuc bemi avankeno, "Tisa o, yunan nano." <sup>32</sup>Beni yemi siyimemi, "Seni yunan nanuna dukauna, yigeni iyen indigamino. <sup>33</sup>Afo disaporiuc ye yirani amucna baya seno, "Maya nananinuc mare amicdukeyafono?"<sup>34</sup>Jisasi bemi siyimemi, "Sentic yunami bera sisinkac yunonic ayir avakundec benic yogan mandani maro kipantecumpe.<sup>35</sup>Yigeni iyevac sego, 'Yunan unafinayon acna er iye van igona fa bemino.' Seni yigemi siyimecumpe, yugam macman yanic urec anayouc onago, mini yunanuc bani afugagemino una fogo vani.<sup>36</sup>Iyeuyafi unafinayouni ayac mandeni aganuc baguyinayomi, iye kipan yaumi marantenone, minifoni iyefi yoganani vac iyefi unafinani vac managimi yimusim marantenone.<sup>37</sup>Micnugami mana baya fogan sigemino, 'Maya yocdam, eno unafemi.'<sup>38</sup>Yige iye yocdan unafogo vani siyinkcumpe. Eno yocdan kimi, yigeni yena eran yogaric urami omar unafamino.<sup>39</sup>Mini inin siyimin baya indireni amucna Samaria inimbaintauci birivic eno, "Macden anecneuc sena uvaragegunau bera bena vankac yeraeni, beni yenamac bano vani indaurami, yenamac kantan nurami bagemi."<sup>40</sup>Micnurani Samaria inimbaintauc bera vankac yeraeni, beni yenamac bano vani indaurami, yenamac kantan nurami bagemi.<sup>41</sup>Amucna inimbaintauci ben avaya indireni birivic eno.<sup>42</sup>Yeni mini inini sameno, "En avaya va yenamac indirec birivic egaune, iyeino, yenamac senafoni ben avaya indireci onaunami, mana bainta benana mana magagac kena inimbaintauc yevegen yivigantemino."<sup>43</sup>Afo kantan nuran yankagaimi, mini gake Galili faci bemi.<sup>44</sup>Jisasi beyarani facbaruren siyimemi, mana profeti beyic magugin avic iyen dukemino.<sup>45</sup>Afo Galili magugin yeraini, avogugic uren bemi avigeno. Yeni onami Yerusaremi magugim Pasova omac kac macden anecneuc uvarevami nevarai, Pasova omac kac ye yacbac ovageno.<sup>46</sup>Afo beni ovegen Kana taoni gim, Galili magafac yeraemi, beni mini magugimi non ugam baecdami

waini ic emi. Mana bainta Kapenaumi kinic ofisi gin dafita bemi ben agac ac evami bami.<sup>47</sup> Beni indimi Jisasi Yudia fate Galilic yevami, beni oraemi Jisasi kundaena ben agac fugirani evami ayofano vani indaemi.<sup>48</sup> Afo Jisasi bemi samemi, "Enac ugan avucavaguc iye onei, eni iye birivic inonamino."<sup>49</sup> Kinic ofisa bemi samemi, "Iyeno o, sen tigac iye fukana senamac yinac kumono."<sup>50</sup> Jisasi bemi samemi, "Bono. En agac fani ayum bemino." Beni Jisasi siram baya birivic emi, yereremi bemi.<sup>51</sup> Beni asapac kumevami benic yogam baintauc ye onareni, bemi sameno, "En agac fani ayum bemino."<sup>52</sup> Afo yemi inadaemi igona amun negagaci kuganden ayofan marenafino. Bemi yevege sameno, "Nurami wan kirokin ac yere ankemino."<sup>53</sup> Afo ben afo omare indemi mini acnagaci Jisasi bemi samemi, "En agac fani ayum bemino." Mini ampamin onareni, benamac ben amac kim ban inimbaintauc namac birivic eno.<sup>54</sup> Manai kantarici emino Jisasi Yudia yereren Galili fac yeven enac ugan avucavac uvarami.

## Chapter 5

<sup>1</sup>Mini anecneuc yankagaimi Yudau yic omac yimi, Jisasi Yerusaremi magugimi uremi. <sup>2</sup>Afo Yerusaremi magugim sipisipi ona adekac mana non avarumi bemi, Arami bayu gim Betsaida ven sire avic deno, mini amugapac mana yacman varanda bami. <sup>3</sup>Amucna yic inimbaintauc, yugam mandaic ugana, yigan yiyan fukanuc mini ana barage gano. (<sup>4</sup>iyen uvantemi.) <sup>5</sup>Mana bainta 38 orande gac ac marem bam bainta minigac bemi. <sup>6</sup>Jisasi onami minigac dugem bami, beni onami iyakaci minigac bami, beni mini bainta samemi, "Eni ayofan mararan ayenafino?" <sup>7</sup>Mini ac bainta bemi samemi, "Iyeno o, nom baeganam sen dondan minigin dananim bainta iyem bemino. Sena yunami, eno sen yankagaremi benare minigin kumemino." <sup>8</sup>Jisasi bemi samemi, "Ukulano, eyic sagoc manare, bono." <sup>9</sup>Eseci mini bainta ayofan mandemi, beyic sagoc manaremi bemi. Mini nurami Sabati gaci bami. <sup>10</sup>Bemi onareni Yudauc ayofan mandukam bainta sameno, "Mana Sabati nuramino, eni eyic sagoc doye binona amankagic iyen ugemino." <sup>11</sup>Beni yevegen yemi siyimemi, "Bena sen siyofam bainta semi sisimemino, 'eyic sagoc manare ukuke bono?'" <sup>12</sup>Yeni bemi indaeno, "Iyem baintac eyic sagoc donare ukuke bono senafino?" <sup>13</sup>Ayofan maran bainta iyen indigami iye bemi samenafi, Jisasi bani opac ayufem bemi, nevarai mini magugac amucna baintauc uvikagami. <sup>14</sup>Icnaemi Jisasi mini bainta onami mam mac kim bami bemi samemi, "Indeno, eni aci ayofan maranamino! Ena yacbac manda anda iyevac uvarano, micnunami en kac manda anecne iyen ampamintemino."

<sup>15</sup>Afo icnaemi mini bainta yereren oraemi maro Yudauc siyimemi, Jisasi ben ayofaran avogukac banani. <sup>16</sup>Afo mini avucavaguc poni Yudauc Jisasim mandaic uankeno, nevarai, beni mini avucavaguc Sabati nuran uvarevanani. <sup>17</sup>Jisasi yemi yevegen siyimemi, "Sen Tifo mage fani yogemino, afo se, yacbac, yogecumpe. <sup>18</sup>Miniu poni Yudauc ben arirani ay afakeno, nevaraino beni Sabati mana va ugacdenai, Kotinan bey Afone sevam poyac baga, beni beyani mandan Kotin namac manaic evam po yacbac. <sup>19</sup>Jisasi yemi yevegen siyimemi, "Fuga, fuga ugane, Aninta beyic ayintac mana anecne iyen uvarantemino, iyeino, bey Afon onevanan uvaran anecneuc manan ben Agac bac uvarantemino, ne anecfi ben Afo uvarevan anecneuc anan ben Agac bac uvarantemino. <sup>20</sup>Nevaraino Ben Afo bey Agac avacbac uankaremi macden anecneuc bera uvarevan anecneuc yocagemi, afo beni mana anecneuc bac yankagaremi anon yogaruc baci yocaganami, minifoni yigemi yigan dantemino. <sup>21</sup>Ben Afo fukam baintauc ukukayinkaremi ayum fa van yimeninic uremi, ben Agac bac ayum fa van iyenafi bera ayinanimi amintemino. <sup>22</sup>Ben Afo mana bainta iyen daimemi, iyeino, umacden daiminanin erani bey Agaci amic dukemi, <sup>23</sup>minifoni ben Afon avic yanic eyonic ureni ben Agac bac avic yanic inteno. Banta iyefi ben Agac avic yanic iye intemino ben Afo ben sankenin avic baci yanic iye eno. <sup>24</sup>Fuga, fuga ugane, banta iyefi sen tivaya indirem bera sisinkac yunon kim birivic inani beni iye kipan aumi mandemi, Kotinic koc kac iyen ukukantemino, afo beni fugini yankagagemi iye kipan aumi mandukemi. <sup>25</sup>Fuga, fuga ugane, seni siyimecumpe, mini acna yemino, afo mage yevemino, fukam baintauc Kotin Agac avaya indireni ukukantenone, afo yena indinayouni ayum fani bantenone. <sup>26</sup>Ben Afo ayum fa van dukanic uremi, bey Agac baci amicdukemi, minifoni ayum fa van benkim bantemino, <sup>27</sup>afo ben Afo koc indinanin erani bey Agac amicdukemi, nevarai beni Kotin Agaci bemi. <sup>28</sup>Mini van yinduc iyevac dogo, mana nuran yemino, fuke bamasic kim banayon inimbaintauc ben avaya indireni, <sup>29</sup>fasapac acde yintenone. Avoguc avucavac uvarage inayouni iye kipan yaum maratenone, afo manda andauc uvarage inayouni Kotinic koc kac ukukantenone. <sup>30</sup>Seni mana anecne sesic siyintac iyen uvarantecumpe. Seni esec indeci, daimecumpe, sena daimonuna anteci gemino. Nevarai, sesic siyin iyen avakurecumpe, bera sisinkac yunonic ayini avakurecumpe. <sup>31</sup>Afo senafo seyarana siyimeti, seni fuga iye sentecumpe. <sup>32</sup>Ena bainta senan siyiminani bemino, seni indecumpe, bera senan siyiminanimi, beni fugar sintemino. <sup>33</sup>Emi Yoni vapac sankaraya oraonami, beni enani fuga baya siyimemino. <sup>34</sup>Afo seni mini baya banta fate iye marecumpe. Iyeino, Seni micni senuna foni yigeni iye kipan yaum maranagomino. <sup>35</sup>Yoni on kacnaci bemi beni kemi kagamani acnevac, benic on kac sito kaci yimusim mareci bagegomi. <sup>36</sup>Micnugami, Sena dukauna bayai Yonim bac yankagagemino, mini yogaruc sen Tifo simicdukan yogaruci maranami maro kipantemino, sena mareguna yogaruci sen Tifo sisinkac yuna vani banta anasiuc siyimemino. <sup>37</sup>Sen Tifo sema sisinkeniyi benafoni senani siyimicdukemino. Afo eni ben amen iyen induke, ben ondac manac yacbac iyen onarukanamino. <sup>38</sup>En kim ben avaya arac kin iyem bemino, nevarai, bera sisinkac yunon kim birivic iyen anamino. <sup>39</sup>Eni man yo gin afakanamino, nevarai, eni mini ginken iye kipan saumi marantecumpe indirici anamino, afo mini yo gim manan senani sigaya, <sup>40</sup>eni sena baunafac yerae iye kipan aum maranona vani iyen ayemino. <sup>41</sup>Seni ecaunam banta sivic yanic iyen emino, <sup>42</sup>afo seni indecumpe yigen kim Kotinic avacbac iyen dukamino. <sup>43</sup>Seni se Sifonic eran namaci yevaunaci, yigeni semi iyen sivigamino. Afo eno beyic eran kin yerainaci, yigeni bemi aviganagomino. <sup>44</sup>Inkenic uregaci yigeni birivic integafono, yigemi ena baintauci yivic yanic enone, yigeni Kotin kinke mana yivic yani in iyen afakamino? <sup>45</sup>Yigeni bey Afon kac koc simintemino sirci iyevac indego. Yigemi Mosasi koc yimintemino, yigeni ben kimi yindun dukagegomi. <sup>46</sup>Yigeni

## Chapter 5

Mosasin kim birivic ageci sen tivaya gim baci birivic iraromino, nevarai beni yo gim senani sandukami.<sup>47</sup> Afo bena yo gin sandukanuc birivic iye inteci, inkenic uregac yigeni sen tivaya gim birivic integafono?"

## Chapter 6

<sup>1</sup>Mini anecneuc yankagaimi, Jisasi Galili Un non ena ofac, mini fac avic deni Tiberiasi Un momi. <sup>2</sup>Amucna inimbaitauci bemi avakure yevano, nevarai, yeni onami enac ugan avuavaguc uvandemi yic inimbaintauci yiyofervami. <sup>3</sup>Jisasi anugac undaemi minigac beyic disaiporiuc namac kumandemi.<sup>4</sup>(Afo Pasova, Yudauyic omac, adekaci yemi.) <sup>5</sup>Jisasi organ yanic uren onami amucna inimbaintauc be vankac yami,nbeni Filipi samemi, "Nafagac breti ayac uranaya manauc amankac nanteyafono?" <sup>6</sup>(Afo Jisasi mana baya simi, Filipin amamacden onarani beni semi, bera uvarananimi bani indigami.)<sup>7</sup>Filipi bemi yevegen samemi, "Tu handreti denari monoc kac breti macde maya maya sitoc bac nanayon amankagic iyen intemino. <sup>8</sup>Mana disapori , Endru, Saimon Pita afac, Jisasimi samemi, <sup>9</sup>" Mana inta mana yacman breti namac kantan noyac duka managim bemino, afo manauc amankagigac intenafino mana bagugine?"<sup>10</sup>jisasi yemi siyimemi, "Banta anasiuc siyimina gumandogo." Mini magugac amucna ataya bami. Afo mini inimbaintauc kumandeno, amankac 5,000 amami bano. <sup>11</sup>Afo Jisasi mini breti manden susu siremi, kumantan inimbaintauc yimemi. Beni organic anan noyac bac emi, yena nanyon amankaci. <sup>12</sup>Afo bantq qnasiuc yimudciami, beni disaiporiuc siyimemi, "Yunan arauc yere ecanuc yogupago, kicnuranaci mana anecne vac iye oyogano."<sup>13</sup>Afo yeni mini mana yaman breti gake mini inimbaintauc naran arauc yogupaman dami 12 basgetin uvikemi. <sup>14</sup>Icnaemi bera enac ugan avucavaguc uvarami banta anasiuc onareni, yeni seno, "Manai fuga siremi profeti mana magagac yevemino." <sup>15</sup>Afo Jisasi yemi yonani bem fakar adekagic eno, ben avankarana kinic ino vani, beni yere yinkaremi yevegen beyakaci anugac uremi. <sup>16</sup>Ayinkagic imi beni disaiporiuc un nompac kumeno. <sup>17</sup>Yen mana boti gin undaeni, un non kim Kapenaumi birano. Mini acna gin ayufun kevami, Jisasi yena vankac iyen yigami. <sup>18</sup>Eran sisova evami, unomi eran karandoc emi.<sup>19</sup>Yeni puric beni 5 gake 6 kilomita amami oraeni onami Jisasi unon anac yevami, afo boti adekac yeraini, yeni fegeno. <sup>20</sup>Afo beni siyimemi, "Senumpe! Iye fegago." <sup>21</sup>Afo yeni boti gin urino vani bemi avigeno, eseci boti ena ofac magagac yena birare sen kac oraemi. <sup>22</sup>Mini nuran yankagaimi, banta anasic unon ena ofac ukukagegeyouni onami ena boti vac minigac iyem vami, mana boti mana minigac bami Jisasi beyic disaiporiuc namac minigin iyen umpekami, benic disaiporiuc yeyakaci yerere bugano. <sup>23</sup>Micnugami, minigac manaca boti Tiberiasi fate minigaci yevami, mini magu adekaci Jisasi susu sirani breti neno. <sup>24</sup>Mini inimbaintauc onan Jisasi beyic disaiporiuc namac minigac iyem bano, mini inimbaintauci mini boti ginkac undaeni Kapenaumi Jisasin afaka beno. <sup>25</sup>Icnaemi unon ena ofac omar onareni, yeni bemi indaeno, "Tisa o, eni nandec managac yefono?"<sup>26</sup>Jisasi yemi yevegen siyimemi, Fuga, fuga ugane, yigeni enac ugan avucavac uvarauna onanara sifakagegonaino, iyeino, yigeni breti naran yimuc kurinani sifakagegomino. <sup>27</sup>Yigeni oyogananin yunanugan iye yogago. Ecegaci iye kipan yaum maranayon yunanu garac yogago. Micnugan yunanuc yigemi Banta Agaci yimintemino, nevarai yigeunamac Sifo Koti bemi anon avic amicdukemino."<sup>28</sup>Afo bemi yevege sameno, "Nagac uregaci yenamac Kotinic yogaruc maranuno?" <sup>29</sup>Jisasi yemi yevegen siyimemi, "Macnimugemi Kotinic yogan. Yigeni bera sankan yenyin kinac birivic ogo."<sup>30</sup>Afo bemi sameno, "Ne enac ugan avucavagac uvandanac yenamac onaregaci enkim birivic onuno?" Eni nec uvarantefono? <sup>31</sup>Yenamac sifo unami afac magafac mana nevanone, macni siremi santemino, 'Beni inarumpatena breti nagovani yimemi.'"<sup>32</sup>Afo Jisasi yemi yevegmi siyimemi, "Fuga, fuga ugane, Mosasi inarumpatena breti iyen yimemino, iyeino, sen Tifon inarumpatena fuga breti yigemi yimemino. <sup>33</sup>Neverai, Kotinic breti inarumpate kundaemi ayum fa van mana magagac kena inimbaintauc yimemino." <sup>34</sup>Afo beni siyimemi, Iyeno o, mini breti macden yac simeno."<sup>35</sup>Jisasi yemi siyimemi, "Seni ayum fa van breti becumpe, beni iyefi sena banunafac yintemi bemi arandac iyen fugintemino, afo iyefi senkim birivic inani nonan dac iyen ayintemino. <sup>36</sup>Afo yigemi siyimecumpe fuga sirci semi sonarukeci, yigeni birivic iye amino. <sup>37</sup>Umacde iyenafi sen Tifo siminani beni sena baunafac yintemino, afo beni iyefi sena banunafac yinanimi seni fuga sirci avekaman iyen karudantecumpe. <sup>38</sup>Neverai seni inarumpate kumbecumpe, sesic siyin iyen uvaratecumpe,iyeino, bera sisinkac yunonic ayini uvarantecumpe. <sup>39</sup>Mana mini sen sisinkayinic ayinino, bera simicdakauni seni mana vac yere iyen ecantecumpe, iyeino, arasapac yinanin nurami seni yemi ukuka yinkantecumpe. <sup>40</sup>Neveraino mini i sen Tifonic ayinino, umacde iyefi ben Agac onarem ben kim birivic emi beni iye kipan aumi marantemino, afo seni arasapac yinanin nurami bemi ukuka ankantecumpe<sup>41</sup>Icnaemi Yudauc bera seninani amucna baya seno, "Inarumpate kumbauna breti seni becumpe." v 42 Yeni seno, "Manai Yosepin agagafino, ben afonuc ben anonuc yenamac yemi yonagauno? Nagac enac beni senaci, 'Seni inarumpate kumbecumpe, senafino?"<sup>43</sup>Jisasi yemi yevemi siyimemi, "Yige yiran amucna baya iye sego. <sup>44</sup>Maya sena banunafac iyen yintemino, sen Tifo sen sisinkac yuno beni amankaci difitaman sena banuna fac simintemino, afo arasapac yinanin nuraminbemi ukuka ankantecumpe. <sup>45</sup>Profetiu kim santemino, 'Macde Koti siguru yimintemino.' Macde iyefi sen Tifom pate indiren siguru mandanani sempaci yintemino.<sup>46</sup>Seni maya vac Kotin iye onarukamino iyen secumpe, beni iyefi Kotimpaterno, beni Kotin onarukemino. <sup>47</sup>Fuga, fuga ugane, beni iyefi birivic inani beni iye kipan aumi dukemino.<sup>48</sup>Seni ayum fa van breti

becumpe.<sup>49</sup>Yigen yifo unam afac magafac mana nageni, yeni fugenone.<sup>50</sup>Mana breti inarumpate kumbemino, micnugami banta manaca naren iyen fugintemino.<sup>51</sup>Seni ayum fa bauna breti beci, inarumpate kumecumpe. Iyefi mini breti gake manaca naren ayum fananam bantemi. Mini breti sena yimenunai sen so ino mana magagac kena inimbaintauc yinda bemino, yeni naren ayum fani bantenone."<sup>52</sup>Yudauc yiran anecne mandeni ye yiran amucna baya yeni seni, "Mana bainta inkenic urec ben o nano varac senafino?"<sup>53</sup>Afo Jisasi yemi siyimemi, "Fuga, fuga ugane, yigeni Banta Agac o narec, afo beni koran narec, yigeni ayum fanana banagomino."<sup>54</sup>Iyefi sen so nenafi, sentic koran nenafi beni ie kipan aumi dukemino, afo bemi arasapac yinanin nurami aoruranami ukukantemi.<sup>55</sup>Neverai sen so i fuga yunami, afo sentic korami fuga nomi.<sup>56</sup>Iyefi sen so nenafi, sentic koran nenafi beni sen kim banaci, seni hen kimi bantecu.<sup>57</sup>Sen Tifo Ayum fa van semi sisinkaci seni se Sifonic erantaci ayum fa becu, afo iyefi sen nanani, beni sentic erantaci ayum fa bantemi.<sup>58</sup>Mini breti inarumpate kumimi, yigen sinifu unan nareni fugeno. Iyefi mana breti nanani fanana ayum bantemi."<sup>59</sup>Jisasi mana anecneugan siyimagenimi Kapenaumi mam mac kimi banta anasiuc siguru yimemi siyimagemi.<sup>60</sup>Icnaemi amucna disaiporiuc mini bayauc indireni, yeni seno, "Mana bayauc yigeunamac siguru simagenim anon umam bayauc ino, iyec amankac indintenafino?"<sup>61</sup>Neverai, Jisasi beyic indintimi indini benic disaiporiuc miniugani amucna baya sami, beni siyimemi, " Mana baya yigen yiragac mandaic uyinkenafino?"<sup>62</sup>Inkenigac intenafino, yigeni onevan Banta Agac bana bagenimpac ure vanane?<sup>63</sup>Ayo Inta ayumfa van yimemino. Afo o i ayum fa van iyen yimemino. Mini bayauc yigen siyimunauci Ayo Inta ino afo ayum fa gani yigemi yintemino.<sup>64</sup>Micnugaci manaca yigeni birivic iyen amino." Neverai, Jisasi bani indigamino, iyem baintau gaci ben kim birivic iye inaci, iyec bemi avicman namugouc yiyan kin dantenafi.<sup>65</sup>Beni semi, "Mini vani yigemi siyimunaino, mana bainta sena banunafac iyen yintemino, afo sen Tifo amankagic uankaranami sena banunafac yintemino."<sup>66</sup>Mini yankagaimi, benic amucna disaiporiuc yerereni beno, ena yacobc benamac iye beno.<sup>67</sup>Mini acnaemi Jisasi 12 disaiporiuc siyimemi, "Yige yacobc yererec biran yiyanafino?"<sup>68</sup>Saimon pita bemi yevegemni samemi, "Iyeno o, ena iye vapa gac yenamac bontegafuno? Eni iye kipan yaum maram baya dukanaci,<sup>69</sup>yenamac birivic ureci onauna eni Antkam Bainta Koti beyani ugac dukemino."<sup>70</sup>Jisasi yemi siyimemi, "Seni macde yigemi seyani uyangman decumpe, afo maya yigen kinke ban anonic yogam bainta bemino."<sup>71</sup>Afo beni Yudasi Saimon Iskarioti nani semino, beni 12 disaporci kinke kuntanuc uvandemi, Jisasin avicman namugouc yimintemino.

## Chapter 7

<sup>1</sup>Minic yankaimi Jisasi Galili magafaci yeukevami, beni Yudia maga fac iye bintemi, nevarai Yudauc bemi aruman fugirani afakevano. <sup>2</sup>Yudau yic iyon maran Mac omac adekaci yemi.<sup>3</sup>Ben afac unami sameno, "Mana magu yerere Yudia magafac bono, micninan enic disaiporiuc bac ena avoguc anecneuc uvareonau onantenone. <sup>4</sup>Maya vac mana anecne opac iyen uvaremino eno vac afotac bema onago vani, Ena mana anecneuc uvarante, amankacino umacdem mana magagac kena inimbaintauc yocyigano."<sup>5</sup>Ben afac unamac ben kim birivic iyen eno. <sup>6</sup>Micnugami Jisasi yemi siyimemi, "Sentic mini acna iyen yigemino, afo yigen yic acna macden nuram sesac anan ugemino. <sup>7</sup>Mana magagac kena inimbaintauc yigemi namugoic iyen uyinkantenonone, afo semi namugoic usinkenone, nevarai seni yenyic manda avucavavaguc gan facbarurec siyimeguna vani semi namugoic usinkenone.<sup>8</sup>Yigeyac omac kac urogo, seni mini omac kac iyen urontecumpe, nevarai sentic acna iyen yigemino." <sup>9</sup>Icnaemi mini bayauc siyimcdemi, beni yevegemi Galilici bami.<sup>10</sup>Afo ben afac unam omac pac undaomi, icnaemi beyac bac uremi, afotac iye urini opaci uremi. <sup>11</sup>Yudauc benani omac kin afaka noni, seno, "Nafagac beni benafino?"<sup>12</sup>Mini inimbaintauc yocbanac kinkac benani amucna bayauci sa nogeno. Manaca seni, "Beni avouc banta bemino." Eno seni, "Iyeino, banta anasi manda asapaci yivigem bevamino." <sup>13</sup>Afo yeni Yudauc yigani fegeni benani afotac iyen sevano.<sup>14</sup>Afo omac yankagen acbanac kagic imi, Jisasi mam mac kin undaemi kuganden tisin emi. <sup>15</sup>Icnaemi Yudauc yigan devani, seno, Mana bainta inkenic urenaci amucna anecneugan indigenafino? Beni siguru vac iye sigaino."<sup>16</sup>Jisasi yemi yevegmi siyimemi, Sena tisin eguna sentinda vaino, iyeino, bena sisinkac yunon indaino.<sup>17</sup>Afo iyefi Kotinic ayin avakurirani, beni mana tisin eguna uga indigano, Kotimpatec yintenafino, sena sesic indintinke senunafino.<sup>18</sup>Iyefi beyarana siyimevanani, bey avici yanic emino, afo iyefi bema sankaran yeninan siyimevana, beni fuga bainta bemino, ben kim iye anteckan avucavac iyem bemino.<sup>19</sup>Mosasi yigemi lo yimemino. Micnugaci maya vac yigen kinke lo iye avakuramino. Ne anda varaci semi siriran sifakac nogafono?"<sup>20</sup>Masicde bemi yevege sameno, "Eni manda spiritin dukanamino. Iyec emi ariran afakenafino?"<sup>21</sup>Jisasi yemi yevegen siyimemi, "Seni mana yogan mandaunami, mini foni yigemi yigan demino."<sup>22</sup>Mosasi yinda akencyan yigemi yimemino (mini avucavac Mosasim pate va yigenaino, yigeunamac sinifu unam pate yigemino), afo Sabati nurami yigeni banta yinda akencyamino.<sup>23</sup>Afo Sabati gac yigena banta anda akencyarec Mosasinic lo iye ugacdanteci, nagac egaci sena Sabati gac banta yiyoferuna van yiran anecne semi mantinkegafono?<sup>24</sup>Bantaic onantac iye daimogo, afo ecegaci anteckan avucavac poyaci daimogo."<sup>25</sup>Manaca inimbaintauc Yerusaremi magu ginkeno seno, "Mana miyinac aruman fugiran afakevayafono?"<sup>26</sup>Onago, beni afotaci baya siyime vani yeni mana baya vac bemi iyen siankenone. Yicnom baintauc bemi onageyafo, beni Kraisisic benafi?<sup>27</sup>Yenamac bemi onagecumpe, beni nafatenoc benafi. Afo Kraisi yinami, maya vac benani iyen indigantemino beni nafateno benafi.<sup>28</sup>Afo Jisasi bacduman acnuremi tisin emi semi, "Yigeni macde senani indigamino seni nafatec yevegafu. Micnugaci, seni sesic erantac iyen yecumpe, afo semi Kotin sisinkac yevaumpe, avucavac fugar sigemino, yigeni benani iyen indigamino.<sup>29</sup>Seni bemi onageci, benamaci baunami sisinkac yecumpe."<sup>30</sup>Mini baya foni bemi fakare karavusic irani enofo, maya vac ben agec ayan iyen demi, nevarai bera fuginanin acna iyen yigami.<sup>31</sup>Micnami, amucna inimbaintauci ben kim birivic eni, seno, "Kraisi icnaen yemi, beni enac ugan avucavguc mana vagac yankagaren uvarantenafi?"<sup>32</sup>Banta anasiuc Jisasi nan sumisami sani Farisiuc indireni, yicnom prisiuc namac Farsiuc Jisasim fakago vani yeyic ofisauc siyinkeno.<sup>33</sup>Jisasi yemi siyimemi, "Seni yigenamac sito kac fa bageci, icnaemi seni bera sisinkac yuno vapac bontecumpe."<sup>34</sup>Yigeni sifakanagomifo iyen sonanagomoi, sena bonuna fac amankac iyen yinagomino.<sup>35</sup>Yudauc ye yirani bayauc sani yeukevano, "Nafagac mana bainta binagac yigeunamac iye onantegafuno? Beni Yudauc Griki magafac ban inimbaintauc namagac ovenaci minifac tisin em bantenaci senafino?"<sup>36</sup>Neveraci mana baya senafi, "Yigeni sifakanagomifo iyen sonanagomino, sena bonuna fac amankac iyen yinagomino?"<sup>37</sup>Afo omac kipan nurami, Jisasi ukukaemi bacduremi siyimemi, "Iyeci nonan amer acyan kenafi, ecanaci sena banunafac yeraenaci non nano."<sup>38</sup>Iyefi sen kim birivic inani, man yo gin siganic emi, ayum fa van nom ben arac kinke anon nomi kumintemi."<sup>39</sup>Beni Ayo Inta vani semi, iyeuyafi ben kim birivic animbaintauci maranteno. Jisasi anon avic iye mandukemi, beni Ayo Inta iyen yimic dukami.<sup>40</sup>Manaca inimbaintauc, Jisasi siram bayauc indireni, seno, "Fuga ugamino, manai profet bemino."<sup>41</sup>Manaca seni, "Manai Kraisi ino." Afo manaca seni, "Kraisi Galili fate yintenafino?"<sup>42</sup>Man yo gim semi, Kraisi Devitin anavasinuc kinke Betlihemi, Devitinic magu kinken yintemino.<sup>43</sup>Afo Jisasi siran baya vani banta anasi indir uvandeni ye yiran daindain eno.<sup>44</sup>Manaca Jisasim fakare enofo, maya vac ben kac ayan iyen demi.<sup>45</sup>Icnaemi kamaninic ofisauc ovege yeraomi, prisiuc namac Farisiuc yemi indaeno, "Nagac igaci bemi avigec iye yegafono?"<sup>46</sup>Mini ofisauc yemi yeve siyimeno, "Maya vac bera seninic ugam baya iyen sintemino."<sup>47</sup>Afo Farisiuc yemi yevege siyimeno, "Yige yacbac benic makasin kinaci yandegafono?"<sup>48</sup>Dafisiruc bac ben kim birivic eyafono, haca Farisiuc bagafono?<sup>49</sup>Afo mana inimbaintauc lo iyen indigenone, yemi siyafunirukenone."<sup>50</sup>Nikodimasi (mana Farisi bana Jisasin ye onani)

yemi siyimemi,<sup>51</sup>"Yigeunama sic lo amankagac mana bainta koc amintenafino ben avaya iye indiruke, ne anda uvarenafi?<sup>52</sup>Bemi yevege sameno, " Eyacbaci Galili fatenoc befon? Kotinic yo gin yandare onano, mana profeti vac Galili fate iyen yigemino."<sup>53</sup>Icnaemi macden inimbaintauc ye yimac kinkac be ye eno.

## Chapter 8

<sup>1</sup>Jisasi Olivi Anugaci uremi. <sup>2</sup>Banurampaci beni mam mac kin ovegen yeraini, macden inimbaintauc yeraomi, beni kumandugemi sugu yimemi. <sup>3</sup>Lo gin tisaic ugam baintauc namac Farisiuc mana banta mandukan inini avige yeno beni ena bainta namaci monkoc evani onareni fakeno. Bemi acbanac kimi mare ukuka ankeno.<sup>4</sup>Yeni Jisasin sameno, "Tisa o, mana inin ena bainta namaci monkoc evani fakeno. <sup>5</sup>Afo Mosasinic lo gimi yenamac sisimemi, mini avucavac evananin inimbaintauc onacobac yirogo vani sigemino, afo eni nevec benani sintefono?" <sup>6</sup>Yeni micni sirana bena sinanin baya indire mini fo ben koc amirani bam buyeno. Afo Jisasi makamemi magagac ofac poni saremi. <sup>7</sup>Bemi indaenana bami, beni ukukaemi yemi siyimemi, "Maya yigen kinke manda anda vac iye uvarevanani, ecanaci benare mana onacban mana inin agekac karucdano." <sup>8</sup>Afo beni yevegem makamemi, magagac ofac poni saremi. <sup>9</sup>Afo yeni micni sira indireni mapac mana mana acdueni yerere beno, anom baintauc kake fumarauc kac kundaimi. Jisasim manan minigac yere ankeno, mini inin acbanac kin namaci. <sup>10</sup>Jisasi ukukaemi mini inin samemi, "Anasi o, nafagac en koc amageyom baintauc beya fono?" Maya vac emi koc iyec amenafino? <sup>11</sup>Beni semi, "Iyeno o, mana bainta vac iye bemino." Jisasi bemi samemi, "Seyacbac emi koc iyen amentecumpe. Orae ena yacbac manda andaic iye ono." <sup>12</sup>Afo Jisasi yemi yevegem banta anasi siyimemi, semi, "Seni mana magagac kena omi becumpe, beni iyefi sen sivakuremi beni ayufun kin iye bintemino, iyeino, ben kim ayum fanana kevan omi bantemino." <sup>13</sup>Farisiuc bemi sameno, "Eni eyaranana sanami, en avaya fuga iyen sigemino." <sup>14</sup>Jisasi yemi yevegen siyimemi, "Sena seyarana seguna bayauc, seni fuga secumpe. Seni indigecumpe seni nafatec yevegaci, nafagac bontegafu, afo yigeni iyen indigamino seni nafatec yevegaci nafagac bontegafu. <sup>15</sup>Yigeni bantaic avucava kaci daiyinkamino, afo seni yunai banta dainyinkarara yegaune. <sup>16</sup>Afo sena banta dain ankanami fugin sentecumpe, nevarai seyakac iyem becumpe, iyeino, seni sen Tifo sisikac yuno namaci becumpe. <sup>17</sup>Eyo, yigen yic lo gimi santemino, kantan bainta ganda manaic ugam baya seni, fuga sintenone. <sup>18</sup>Seni seyarani siyimecumpe, afo sen Tifo sema sisinkeni beni senani siyimintemino. <sup>19</sup>Yeni bemi indaeno, "En afo nafagac benafino?" Jisasi yemi siyimemi, "Yigeni semi iye sonageci sen Tifom bac iyen onaganamino, yigeni sema sonageci, sen Tifom baci onaganagomino." <sup>20</sup>Beni mini bayauc mam magic monoc dan rumu gimi siyimevami, bemi iyen fakeno nevarai bena fuginanin acna iyen yigami. <sup>21</sup>Afo beni yevegen siyimemi, "Seni yerereci bontecumpe, semi sifakac nogeci yigeni yigeyic manda andauc kim fuginagomino. Sena beguna fac iyen yinagomino." <sup>22</sup>Yudauc seno, "Benafo benar aruman fugiraraci senafino? Micni raraci beni senaci, " Sena bonunafac iyen yinagomino?"<sup>23</sup>Jisasi yemi siyimemi, "Yigemi mana magagaci macdukenone, afo seni inarumpate yevecumpe. <sup>24</sup>Micnugaci yigemi siyimecumpe yigeni yigeyic manda andauc kimi fuginagomino. Afo yigena senana birivic iye ec, inarumpate iyen yevemino seci, yigeni yigeyic manda andauc kim fuginagomino." <sup>25</sup>Micni sirani yeni bemi indaeno, "Eni iyec befono?" Jisasi yemi siyimemi, "Acnantapac yigemi siyimecumpe. <sup>26</sup>Seni amucna anecneugani sireci yigemi yasi gacnaci dain yinkantecumpe. Micnugemino, sen sisinkac yuno beni fugin sigemino, afo bena sisimin bayauci mana magagakena inimbaintauc siyimecumpe." <sup>27</sup>Bey Afonani siyimevani yeni anufare indi ic iyen eno. <sup>28</sup>Jisasi semi, "Jigeni Banta Agac kun dondan yanic ureci, yigeni semi sonanagomino, seni iyec begafu, afo seni sesic yogan iye mandukecumpe. Ne anecneugafi Sen Tifo siguru simenim, mini anecneugani seni secumpe. <sup>29</sup>Bena sisinkac yuno senamaci bemino, senakac yere iyen sinkarukemino, nevarai seni macden yac ben ayevan anecneuci uvarecumpe." <sup>30</sup>Afo Jisasi mini anecneugan siyimevani amucno ben kim birivic eno. <sup>31</sup>Jisasi ben kim birivican Yudauci siyimemi, "Yigeni sen tivayauc erarurec avakurageci, yigeni sentic fuga disaiporiuc ugeci, <sup>32</sup>yigen fuga avucavagac onanagomino, mini fuga avucavaci yigemi utuc yinkantemino." <sup>33</sup>Yeni bemi yevege sameno, "Yenamac Abrahemin anavasinuc beci yenamac ena baintaic fayan yogam baintaic bac iyen ugec yamumpe, inkenigac eci eni se, "Yigemi utuc yinkantemino sefonon?"<sup>34</sup>Jisasi yemi siyimemi, "Fuga, fuga, ugami sirc egi yigemi siyimentecupe, Umacde iyefi manda andaic evanani beni manda andaic fayan yogam baintaic bemino. <sup>35</sup>Fayan yogam bainta mac kim macyoc iyem bemino, afo ben agaci minigim macyoc bemino. <sup>36</sup>Micnugami ben Agac utuc ankarana fana bei, eni fuga siren utuc ankarana fani banonamino. <sup>37</sup>Seni yigemi indigecumpe yigeni Abrahemin anavasinuc bamino, yigeni semi sirirani sifakamino nevaraino sen tivaya yigen yindutim benic magu iyem bemino. <sup>38</sup>Sena segunai se Sifo namac bec onauna anecneugani secumpe, afo yige yacbac yigen yifo siyiminuci uvarac bamino. <sup>39</sup>Yeni yeveni bemi sameno, "Yenamac sifo Abrahemi bemino." Jisasi yemi siyimemi, "Yigena Abrahemin agafandauc bageci Abrahemi uvaregenin yogaruci uvarararomino. <sup>40</sup>Micnugaci, yigeni sen sirirani sifakamino, seni Kotimpate fuga baya indunan siyimecumpe. Abrahemi micni iyem emino. <sup>41</sup>Yigeni yige yifonic yogaruci uvaramino." Yeni bemi sameno, "Yenamac monkoc avucavac kina mactinkeyaone, yenamac Sifo, Koti beyakaci bemino. <sup>42</sup>Jisasi yemi siyimemi, "Afo Koti yigen yifo bagenimage, semi sivacbac iraromino, nevarai, seni Kotimpaten yeveci mage managaci becumpe, afo sesic siyintaga yevegaune, beni semi sisinkemino. <sup>43</sup>Nagac egaci sena seguna bayauc yigeni iye indegafono? Mini i nevaraino sena

siyimeguna bayauc iye maramino.<sup>44</sup>Yigeni yige yifo banano inda beci, yige yifonic ayiruc uvararani yiymeno. Beni acnантапate banta yiruman fugevam bemi beni fuga gin iyen ukukagemino nevarai ben kim fuga avucavac bac iyem bemino. Bena umac semi, beyinda ugami avakuremino, nevarai beni umac sigam bemi, beni umac avucavaguc yifo bemino.<sup>45</sup>Micnugaci, seni Kotinani fuga baya siyimegunaci, yigeni birivic iye amino.<sup>46</sup>Maya vac semi iyen yotiganonamino, seni mana manda anda vac iyen uvandukecumpe. Seni fuga segunaci, yigeni nagac egaci semi birivic iye egafono?<sup>47</sup>Beni iyefi Kotimpateno bemi beni Kotin avayauc indemino, yigeni iyen indamino nevarai yigeni Kotimpate iyem bamino.<sup>48</sup>Yudauc bemi yevege sameno, "Yenamac antekam bayan enani seci, beni Samaria bainta bami, manda spiriti ben kimi bemino."<sup>49</sup>Jisasi yemi yevegen siyimemi, "Seni manda spiriti iyen dukecumpe, seni se Sifomi avic yanic egunaci, yigeni semi manda sivic damino.<sup>50</sup>Seni se sivic yanic iyen ecumpe, maya bemino, beni koc yimintemino.<sup>51</sup>Fuga, fuga, sireci yigemi siyimecumpe, iyefi sena siyimeguna bayauc indiren uvaremi, beni fugir iyen onantemino.<sup>52</sup>Yudauc bemi sameno, "Mage emi aci onecyamumpe eni manda spiritin dukanamino. Abrahemi profetiuc namaci fugenone, afo eni se, 'iyefi sen tivayauc indiren uvaremi beni fugin iyen onantemino.'<sup>53</sup>Eni yenamac sifo Abrahemi namac iyen yankagaganamino, beni fugemino. Profetiuc baci fugenone. Eni eyarani yankagagecumpe indiric iyevac ono.<sup>54</sup>Jisasi yemi yevegen siyimemi, "Afo sena se seyarana se sivic yanic onami, sena sivic yanic onuna fayar anecneino. Yigena benana secma yenamasic Koti bemino segon Koti, sen Tifo bemi beni sen tivic yanic emino.<sup>55</sup>Yigeni bemi iyen onagamino, afo seni bemi onagecumpe. Afo sena benana iyen onagecumpe seci, seni yigen kacnac eci umac bainta bantecumpe. Micnugaci, seni bemi onageci ben avaya fakarukecumpe.<sup>56</sup>Yigen yifo Abrahemi, sena ayum fana banunagac uvaranuna anecneuc onaremi, beni amusimi maremino.<sup>57</sup>Yudauc bemi sameno, "Eni 50 orande vac iye yankagage, eni Abrahemin onaruke sanamino?"<sup>58</sup>Jisasi yemi siyimemi, "Fuga, fuga ugami sircigemi siyimentecumpe, Abrahemi iye ampankaci senare bagecumpe."<sup>59</sup>Afo yeni onacbanuc yuren ben arirar omi, beni omanduemi mam mac kinke mapac acdem bemi.

## Chapter 9

<sup>1</sup>Afo Jisasi yankagem bemi, beni mana onemi, bey anon arac kinke ogam futinkam bainta onemi. <sup>2</sup>Benic disaiporiuc bemi indaeno, "Tisa o, iyeci manda anda uvandanaci mana bainta ben anon arac kin ogam futinkanac magenafino, mana baintafino haca ben ano afofino?"<sup>3</sup>Jisasi yemi yevegemisi siyimemi, "Mana bainta vac ben anonuc ben afonuc ga manda anda iyen uvarenone, iyeino, minifoni ben kac Kotinic yogaruc amankac afotagic intemino. <sup>4</sup>Yigeunamac sera sisinkac yunic yogarugac marano kagageninkage, ayufun kanaci amankac iyen yoganagomino. <sup>5</sup>Sena mana magagac banunagaci, seni mana magaic omi becumpe."<sup>6</sup>Icnaemi Jisasi mini bayauc sagen demi, beni magagac agano kutiremi bey agano fo yoy uvandemi, ben organ kac agagemi. <sup>7</sup>Beni mini bainta samemi, "Siloami non avarun kim maro sesecono" (mini baecdanami "Sankemi"). Afo mini bainta yereren oraem maro sesecon uremi ovegen onemi yemi.<sup>8</sup>Icnaemi ben acnagac ban inimbaintauc namac bema bana onan inantagenim bainta vani yeni sevano, "Mana mini baintaci kumanten inantevafino?"<sup>9</sup> Manaca seno, "Mini benino." Eno seni, "Iyeino, beganac ugam baintaino." Afo beni semi, "Mana senumpe."<sup>10</sup>Yeni bemi sameno, "Inken asapagac en organ diyenafino?"<sup>11</sup>Beni yevegen yemi siyimemi, "Mana bainta benani Jisasine sire avic dam bainta yoy uvandemi sen sogan kac agacdem semi sisinkemi semi, 'Silaomi non avarun kim maro sesecono.' Micni siraci seni maro seseureci sogan onecumpe."<sup>12</sup>Yeni bemi indaeno, "Beni nafagac benafino?" Beni yevegen yemi siyimemi, "Seni iyen onagecumpe."<sup>13</sup>Yeni ogam futinkagenim bainta avigen Faririsic vapaci beno. <sup>14</sup>Mini nurami Sabati nurami bami Jisasi yoy uvandemi organ diankemi. <sup>15</sup>Icnaemi Faririsic bemi yeve ge indaeno inkenic urenaci beni onenafino. Beni yemi siyimemi, "Beni yoni sogan kac acdaci, seseureci, mage onecumpe."<sup>16</sup>Manaca Fqrasisic seno, "Mana bainta Kotimpateva yigenaino, nevarai beni Sabati gac iyen dafismino." Enon seni, "Inkenic urenaci manda anda uvarevanani beni micnugan avucavac uvarantena?" Afo ye yirani daimeno. <sup>17</sup>Afo yeni ogam futinkagenim bainta yevege indaeno, "Eni nevec benani sefon, beni emi organ diankemino?" Mini ogam futinkagenim bainta semi, "Beni profeti bemin." <sup>18</sup>Afo Yudauc ogam futinkagen onam bainta vani fa birivic iye ini bageni, yeni ben ano afomi yaren. <sup>19</sup>Yeni ben ano afomi indaeno, "Mana en agagino ena se ogam futinkami ben ano magemino? Beni inkenic urenaci mage onenafino?"<sup>20</sup>Afo ben afo yemi yevege siyimeno, "Yenamac onagecumpe man bende sigacino, beni ogam futinkami macdukamino. <sup>21</sup>Inkenic urenaci mage beni onenaf, bende iyen ingecumpe, afo iyec bami organ diankenafi bende iyen onagecumpe. Ben indaurec indego, beni bantaici ugemon. Beni beyaran siyimintemino."<sup>22</sup>Ben ano afo mini bayauc semi, nevarai, yeni Yudauc yigani fegeno. Nevaraino Yudauc bani siren mana yirakaci deno iyefi Jisasinana sena, beni Kraisi ino sinani, bemi mam mac kinke sankamani mapac dami, mam bac iye sini mapaci bantem. <sup>23</sup>Mini foni, ben ano afo seno, "Beni bantaic mugemino, ben indaogo."<sup>24</sup>Afo ena yacbaci ogam futinkagenim bainta ararman deni, bemi indaureni seno, "Eni Kotin organ kac fuga seno. Yenamac bemi onagecumpe beni manda andaic eva ino."<sup>25</sup>Mana anecne manan seni bemi indigecumpe, semi sogam fitinkagemo, afo mage seni amankaci onecumpe."<sup>26</sup>Afo yeni bemi sameno, "Inkenigac emi uankenafino? Inkenigac urenaci en organ diankenafino?"<sup>27</sup>Beni yemi yevgemi siyimemi, "Afo seni bani yigemi siyimecumpe, afo yigeni iyen indemino. Yigeni benic disaipori ic iraragafono?"<sup>28</sup>Yeni ben asicdeni sameno, "Eni benic disaipori banamino, afo yenamac Mosasinic disapori becyamumpe. <sup>29</sup>Yenamac indigecumpe Koti Mosasin namaci asemino, afo yenamac iyen indigecyamumpe, manai nafteno benafino."<sup>30</sup>Mini bainta yemi yevegen siyimemi, "Manai iyen antegemino, yigeni bemi iye onageci nafateno benaf, micnugamifo beni semi sogan disenkemino. <sup>31</sup>Yenamac indigecumpe Koti manda andaic an inimbaintauc yivaya iyen indemino, afo iyefi Kotin kac man siankema benic ayin avakurevananim, ben avayan indintemino.<sup>32</sup>Mana maga ampamin kake ogam futinkam macdukam bainta organ diankarukam baya vac iyen indigecumpe. <sup>33</sup>Mana bainta Kotimpate iye yigemi beni mana anecne vac iyen uvarararimi."<sup>34</sup>Yeni bemi yevegeni sameno, "Eni manda andauc kin ampamono, eni mage yenamac mam baya sisimirarafono?" Yeni micni siren bemi difitamani mapac aceno. <sup>35</sup>Jisasi indini bemi mam kinke difitani mapac acneno. Bemi onaremi samemi, "Eni Banta Agac kim birivic efon?" Beni yevegemisi samemi, "Iyeno o, beni iyec benafino, seni amankac ben kim birivic ontecumpe?"<sup>37</sup>Jisasi bemi samemi, "Bemi onanami, beni enamac a semino."<sup>38</sup>Mini bainta semi, "Iyeno o, seni emi birivic ecumpe," beni micni siren bemi kac man siankemi.<sup>39</sup>Jisasi semi, seni yunai, mana magagac kena inimbaintauc dainyinkarani yecumpe, micnuranani yoyan iye neyou, onantenone, afo yogan oneyouni yogam futimintemino. <sup>40</sup>Manaca Faririsic benamac bageni mini baya indireni, bemi indaeno, "Yenamac bac sogam futinkenafino?"<sup>41</sup>Jisasi yemi siyimemi, "Yigeni yogam futinkageninaci, yigen kim manda andauc iyem bararimi, afo yigeni seci, 'Yenamac onegunami, yenamac kim manda andauc fani bemin."

## Chapter 10

<sup>1</sup>"Fuga ugami sircig yigemi siyimentecumpe, mana bainta sipisipi kugugin ona ginke iye umpegana manaca asapatec umpegem, beni umon bainta bemino. <sup>2</sup>Sipisipi ic ona ginke umpeganim bainta beni sipisipi gac dafitam bainta bemi.<sup>3</sup> Ona gac dafita bainta bemi diankemino. Beyic sipisipiuc yen yivic kac daren yarevani ben amer a indireni mapac acde kumeno. <sup>4</sup>Macde mapac acduomi, beni acnaric urem bevan, sipisipiuc ben acnaemi beno, nevarai yeni ben amer a indigeno. <sup>5</sup>Yeni ena bainta iyen avakure bintenone, iyeino, yeni ben agani fegantenone nevarai yeni ena bainta amer a iyen indigeno." <sup>6</sup>Jisasi mini baegam baya yemi siyimevani, yeni anufare ben avayauc indi ic iyen eno. <sup>7</sup>Icnaemi Jisasi yemi yevegen siyimemi, "Fuga ugami sircig yigemi siyimentecumpe, seni sipisipic ona becumpe. <sup>8</sup>Bana yem baintauc, sena iye yigauna yem baintauc umon baintauc yenone. beni umom bainta bani, sipisipiuc yen yivaya iyen indenone. <sup>9</sup>Seni ona becumpe, iyefi sen kin yefecen umpegem, beni ayum fani bantemino. Beni mini gin umpecen acduen emi avoguc atayauc afakaren nantemino. <sup>10</sup>Umon bainta yenimi, beni umoruremi, aruren, anankayintemino. Seni yuna foni yeni iye kipan yaun uvikare marantenone. <sup>11</sup>Seni sipisipiuyic avoguc dafisini becumpe. Sipisipiuyic avoguc dafisin sipisipi ugani fugemino. <sup>12</sup>Afo monogan yovevam bainta beni sipisipiuyic dafisira benai, sipisipiuc beninda iyem bamino. Beni onami afasan iyan yevami, beni dakaden iyayuimi afasan iyan sipisipiuc yiyakundani mana mana uremi yirac manaremi bevami. <sup>13</sup>Beni yereremi iyayemi, nevarai beni monogan yovevam bainta bemi, sipisipi gani iyen indemi. <sup>14</sup>Seni sipisipiuyic avoguc dafisini baunami, seni sesic sipisipiuc yonagaunani, sentic sipisipiuc yeni semi sonagenone. <sup>15</sup>Sen Tifo semi sonagaci, seni se Sifon onageci, seni sipisipi gani fugontecumpe. <sup>16</sup>Seni ena sipisipiuc baci dukanani, yeni ena kuguginkena benone. Seni yen yivigec marerana mana kugugim beni sen tivaya indintenone, minifoni yeni mana baguginkenaic imi, yenkac mana dafisinana bantemino. <sup>17</sup>Mini foni sen Tifo semi sivacbac emino. Semi siruman fucdaci yevegec ukukantecumpe. <sup>18</sup>Maya sen kinkena iyen ye dafintemi, iyeino, sena foni ecanani siruman fugintenone. Seni eran dukauna foni ecana sirurac fuceci, afo seni eran dukauna foni yevegec marantecumpe. Mana baya se Sifom pate marecumpe. <sup>19</sup>Mini bayauc poni Yudauc yevegeni ye yirani kantan kin daimeno. <sup>20</sup>Amucno seni, "Beni manda spiritin dukemi ocenici emino. Nagac ega i yigeni beni avaya indegafono?" <sup>21</sup>Ena baguginke seni, "Mana bayauc manada spiriti dukam bainta va senaino. Manda spiriti amankagac ogam futinkam bainta ogan diankantena fino?" <sup>22</sup>Afo Yerusalem magugim omac acna yemi. Mini gin anon iyon yin acna yenimi, <sup>23</sup>Jisasi mam mac kim Solomininic iyon maran undua anaci bemi. <sup>24</sup>Afo Yudauc bemi yeukueni indaeno, "Eni yenamac iyakaci fakarukanaci yenamac amucna indirici ecumpe. Eni Kraisi bante, facbarure yenamac sisimeno." <sup>25</sup>Jisasi yemi yevegen siyimemi, "Yigemi siyimunac birivic iyen omino. Sena se Sifon avic kin yogageguna yogaruc, miniuc poni senani yigemi siyimemino. <sup>26</sup>Miniuc onec baci yigeni birivic iye omino, nevarai yigeni sentic sipisipiuc iyem bamino. <sup>27</sup>Sentic sipisipiuc sen simer indenone. Seni yemi yonagaunani, smi sivakurenone. <sup>28</sup>Seni iye kipa yaumi yimena yeni iye fugintenone. Eno vac sen siyan kinke iyen dafintemino. <sup>29</sup>Sen Tifo, yemi simicdukani, yeni enouc baci yankagageno, afo sen Tifon ayan kinke amankac maya iyen dafintemini. <sup>30</sup>Sen Tifo namac seni maya becumpe." <sup>31</sup>Yudauc mini bayauc indireni, yeni onacbanuc yurenben arirar eno. <sup>32</sup>Jisasi yemi siyimemi, "Seni amucna avoguc yogaruci se Sifo patena yocyigecumpe. Afo mini yogaruc kinke inkecni yogaraci yigemi uman yimevagaci, semi sirirar egafono?" <sup>33</sup>Yenamac en arira egunai mana avoguc yogan marana kafara ariran egaune, iyeino, eni Kotinan manda baya sana fonino, eni banta banamino, afo eyarani mandan Kotinici anamino. <sup>34</sup>Jisasi yemi yevegen siyimemi, "Yigeni bani indigararomino lo gin santane, 'Seni seci, 'Yigeni kotiuci bamino'?" <sup>35</sup>Afo bera yenani kotinuge siren yivic demi, yen kimi Kotin avaya yemino (Kotin avaya minigaci bantemino, ena gim bac baecmar iyen dantenone). <sup>36</sup>Sen Tifo semi uyac demi mana magagac sisinkac yevaunaci yigeni senani seci, 'Eni Kotimi manda baya,' nevara seni seci, seni Kotin Agaci becumpe. <sup>37</sup>Afo sena se Sifonic yogaruc iye maranaci, sen kin iye birivi ogo. <sup>38</sup>Afo sena mini yogaruc bac maranac yigeni miniugandac birivic bac iye ege, sena mareguna yogaruc kagac birivic ogo, miniuc poni yigeni onareci indin maranagomino sen Tifo sen kimi baci seni ben kimi becumpe." <sup>39</sup>Yeni bemi yevege fakarani enofo, ben yen yiyan kinke yereremi bemi. <sup>40</sup>Beni yevegem iyererem bemi Yodani yankagen ac urintapac Yoni acnантапac nom manyinkagenim magugimi oraemi, minigimi bagemi. <sup>41</sup>Amucna inimbaintauc bera vankac yeraeni, yeni seno, "Fuga siren Yoni enac ugan avucavac bac iyen uvaremino, afo macden anecne mana bainta vana sagenimi fugan sevamino." <sup>42</sup>Mini magugim amucna inimbaintauci birivic eno.

## Chapter 11

<sup>1</sup>Afo mana bainta ben avic Lasarusi aci marevami. Beni Betani magugin keno bemi, Maria namac ben onana Mata ganda namac mana magugin keno bano. <sup>2</sup>Maria Iyenon kac avoguc amunkuc evam basafen acc demi, bey anon yo foni ben agantac daoyemi, ben afaci Lasarusi bemi ac marevami. <sup>3</sup>Mini untanano Jisasi yen yimapac yino vani indaeni seni, "Iyeno o, onano, ena benana ayeni aci maremino." <sup>4</sup>Jisasi mini vani indiremi, beni siyimemi, "Mini ac marenimi iyen fugintemino, iyeino, minifoni Kotinic eran afotagic inami Kotin Agac avic yanik intemi."<sup>5</sup>Afo Mata na ben onana Maria na Lasarusi uyani Jisasi anon avacbaci uyinkevami. <sup>6</sup>Lasarusi ac marevanani beni indiremi, Jisasi kantan nuram baci bena vam magugim bami. <sup>7</sup>Afo mini yankagaimi, beni disaiporiuc siyimemi, "Yicya Yudia magafac yevegec bono."<sup>8</sup>Disaiporiuc bemi sameno, "Tisa o, ma mage ugami Yudauc emi onacban arirani enone, afo eni yevege birani sanamino?" <sup>9</sup>Jisasi yemi yevegemeli siyimemi, "Mana nurami 12 awa gaci gagem bemino, afo bainta kagac bemi iyen yandintemino, nevarai beni mana magaic on kaci onemi bemino."

<sup>10</sup>Micnugami, bena ayufun kim bemi, beni yandintemino nevarai ben kin on iyen kemino." <sup>11</sup>Beni mini anecneugan siyimagen demi, siyimemi, "Yigeunamac sigono, Lasarusi oni dugemino, afo seni minifac beguna foni seni bemi aoruranami on dugan kinke ukukantemino."<sup>12</sup>Mini vani disaiporiuc bemi sameno, "Iyeno o, bera on dugantemini, beni asofantemino."<sup>13</sup>Afo Jisasi beni fukanani siyimevani, yeni yaun dena bareyonani semino indirici eno. <sup>14</sup>Icnaemi Jisasi afotagic uremi siyimemi, "Lasarusi aci fugemino."<sup>15</sup>Seni yigenani indireci simoni ecumpe, sena minigac iye bageguna foni yigeni amankac birivic inagomino. Yicya yigeunamac bera vapac bono."<sup>16</sup>Tomasi, Didimasine sire avic dam bainta, agona disaiporiuc siyimemi, "Yicya yigeunamac bac oraec Jisasi namac fugono."<sup>17</sup>Jisasi minigac yeraemi, beni onami Lasarusim bani eriyevan nurami masic urami bami. <sup>18</sup>Betani magu Yerusaremi acdekaci bami, benic iyaci amankac kandac manavac kilomita amami bemi. <sup>19</sup>Amucna Yudauci Mata nuc Maria nuc yifagan yirac avogugic uyinkarani yeno. <sup>20</sup>Icnaemi Mata indimi Jisasi yevami, ben onaran bemi, Maria naumi kumantem bami.<sup>21</sup>Mata Jisasimi samemi, "Iyeno o, Ena managac bageninami, sen tifac iyen fukararimino. <sup>22</sup>Afo mage vac, seni indecumpe eni ne anecne varafi Kotimpac indainami, beni amiric anan intemino." <sup>23</sup>Jisasi bemi samemi, "En afac yevegemeli ukukantemino."<sup>24</sup>Mata bemi samemi, "Seni indecumpe, beni icnaen arasapac yinanin nurami fukanayon inimbainta ukukevami beyandac ukukantemino." <sup>25</sup>Jisasi bemi samemi, "Seni yevege ukukandac ayum fa vanda becumpe,<sup>26</sup>afo iyefi ayum fana bananin kac sen kim birivic agemi, beni iyen fugintemino. Afo eni birivic efon?"<sup>27</sup>Beni Jisasimi samemi, "Eyo Iyeno o, seni birivic ecumpe eni Kraisi banamino, Kotin Agac, beni mana magagac yintemino."<sup>28</sup>Beni mini baya siremi, yereren oraemi bey onanan benakac opac araran yeraimi. Beni samemi, "Tisa managimi yevemi emi aremino."<sup>29</sup>Beni mini baya indiremi, agagen ukukemi bera vapac bemi.<sup>30</sup>Jisasi magu gin iyen yigami, beni Mata ben onama bagenim magu gim fani bami. <sup>31</sup>Afo Yudauc, benamac naum beni arac avogugic uankageni onami Maria agagen ukukem mapac academ bini, yeni ye avakure beno, yeni benani bamasi paci ific darani bemino indirici eno. <sup>32</sup>Maria Jisasi vam magugac yeraemi bemi onaremi, ben agantin yanduemi, bemi samemi, "Iyeno o, ena managac bageninami, sen tifac iyen fukararimino."<sup>33</sup>Jisasi ben onami benamac yen Yudauc namac ific dami, benamac yen Yudauc baci ific dami, bemi ayo inta gim ben arac umar arimi, beni semi, <sup>34</sup>"Nafagac bemi masic urukegafono?" Yeni sameno, "Iyeno o, yerae onano."<sup>35</sup>Jisasi ific demi.<sup>36</sup>Afo Yudauc benani seno, "Onago beni Lasarusinan anon ayini dukagemino."<sup>37</sup>Manaca seno, "Beni ogam futinkam bainta amankaci organ diankemino, beni amankaci mana bainta vac ayofaranan iyen fugirarimino."<sup>38</sup>Icnaemi Jisasin yevegen ben arac kin anon umar arimi, beni bamasipac bemi. Mini bamasici on afaci bami, minigac onacbami uyackami. <sup>39</sup>Jisasi semi, "Onacban avekaman fasapac dago." Mata, Lasarusim ben anano, Jisasimi samemi, "Iyeno o, beni fugimi eriyevan nurami yankagemino, afo mage mana acna gim ben o ampimi nemino."<sup>40</sup>Jisasi bemi samemi, "Seni emi samecumpe, eni birivic evaci eni Kotinic erani onano."<sup>41</sup>Afo yeni onacban avekaman fasapac dami, Jisasi inarumpac kagacemi semi, "Sen Tifo o, seni emi susu siankecumpe eni semi mage indanamino."<sup>42</sup>Seni indecumpe eni masicden yac semi indanamino, afo mana inimbaintauc sen yeukugauyani indireci macni secumpe, minifo yeyandac onareni senani ben Afon sankan yemino siren birivic intenone."<sup>43</sup>Beni micni siremi, eraruren bacduman acnuremi semi, "Lasarusi o, fasapac acde kumono."<sup>44</sup>Fukagenim bainta fasapac academ kumemi, ben agar ayana macdem bunampac davaravefa fa ukugami kumemi. Jisasi yemi siyimemi, "Utuc ankarec ecam bino."<sup>45</sup>Afo amucna Yugauc Maria namac yevageni Jisasi uvaran anecne onareni, ben kim birivic eno.<sup>46</sup>Afo manaca inimbaintauc Farisiuc vapac oraeni Jisasi uvaranani maro siyimeno.<sup>47</sup>Afo yicnom prisiuc namac Farisiuc yaraman kansoro baguyureni seno, "Ne anecneci yigeunamac uvaranuno? Mana bainta enac ugan avucavaguc amucnan uvaremino."<sup>48</sup>Yigeunamac ecanam fanana micnem bevanani, macden inimbainta ben kimi birivic evani, Romiuc yeraeni yigeunamac magu namac maga namac anankayintenone.<sup>49</sup>Micni sami, mana bainta yen yicbanac kinke, Kaiafasi, beni mini orande gim yicnom prisi ugemi, yemi siyimemi, "Yigeni mana anecne vac iyen indigamino.

<sup>50</sup>Yigeni omarec iyen indamino mana bainta amankac macden inimbaintaugan fuginami yigemi avogugic uyinkantemino, afo iye micnimi, macdem maga namaci kipantemino.<sup>51</sup>Afo mana bayauc senimi, beyic ayintaga senai. Iyeino, beni mini orande gim yicnom prisi bemi, beni profeti baya senimi Jisasi macden inimbainta van fuginami amankagic intemino,<sup>52</sup>macden inimbainta vananavaino, iyeino, micnuranami Kotin agafandauc mana mana ugan kinkake managim yeman mana baguic intenone.<sup>53</sup>Afo mini nuran kake kuganden Jisasin aruman fuginayon ayani afaka beno.<sup>54</sup>Afo Jisasi afotac Yudauc yugan anac iyen nogemi, beni ecemi afac maga acdekac bam magagimi Efraimi ge sire avic dan taoni gimi ovami. Beyic disaiporiuc namac mini gimi bami.<sup>55</sup>Afo Pasova omac acdekac yini, amucna inimbainta macdem magafate Yerusaremi fac yeyan antecde sesac ugum Pasova yino vani beno.<sup>56</sup>Yeni mam mac kin ukukageni, ena namac maro a sire ena mare a sire eni, Jisasinani afakevano, "Yigeni inkenic indiri gac egafono? Beni omac kac yintenafino?"<sup>57</sup>Afo yicnom prisiuc namac Farisiuc mana eran baya yimeno, iyefi Jisasinan indin nafagafi banani, yeni agagaec mare siyimiyaci yeni oman fakago.

## Chapter 12

<sup>1</sup>Iyena Pasova Nuran yirar ugami afac mana omandan nuram fa vami, Jisasi Betani fac yemi, mini magugimi Lasarusin fukagenin kinke ukuka ankemi. <sup>2</sup>Minigimi Jisasin yunan yunka ankami, Mata yunanuc dainden yimevami. Bantauc kandanda gac yunan nami Lasarusi beyabaci Jisasi namac kumanten nevami. <sup>3</sup>Afo Maria anom mono kac ayac am basafen ana manaremi Jisasin acnagaci ye kumanduem ben agantac acankaremi bey anon yo foni daon ankemi. Mini mac kim avoguc unda macdempaci uvikemi.<sup>4</sup>Jisasinic mana disaipori, Yudas Iskarioti, icnaem beni Jisasin avicman namugouc yiminani bemi, beni semi <sup>5</sup>"Mini basafen amankaci 300 kina gac sarin ure, onda va monoguc iye dukam inimbaintau gara indena senaino, beni umon bainta bamino. Beni monoc unan kac dafitemi, nacdefi mini danayon umorirani semino."<sup>6</sup>Jisasi semi, "Ecanam beni mini basafem fakano, sem masic inayon nuran kena sesac uman danam bno. Yigeni iroc an inimbaintauc dukaric anan uganagomino. <sup>8</sup>Afo seni yigen namac iyem bantecumpe."<sup>9</sup>Amucna inimbaintauc indeni minigim bani, yeni yeno, Jisasinan nanava yeyao, iyeino, yeni Lasarusi fukagenin kinke Jisasi ukuka ankarami mini gimi bani, bemac onarani yeno. <sup>10</sup>Yicnom prisiuc, Lasarusim bac aruman fugirani, managimi baguyueni baya uyeno. <sup>11</sup>Nevarai bera fukagen ukukanani amucna Yudauc yerere oraeni Jisasin kim birivic eno. <sup>12</sup>Ena nuran kugac imi, amucna inimbainta Pasova gac man sirani yeno. Yeni indemi Jisasi Yerusaremi magugim yinanini, <sup>13</sup>yeni ánum ayamaru faka manareni Jisasi yinanin asapac oraeni bacdumar anureni, seno, "Hosana! Koti bemi avogugic uankantemino ben avic kim yinanine, Israeriu yic Kimino."<sup>14</sup>Jisasi donkin agac afakarem mandemi, mini naroc kumandemi, micni siren santami avakuremi, <sup>15</sup>"Iye fegano, Saionin aramuno, onano, enic Kimi yemino, donkin agac kaci kumandugemino."<sup>16</sup>Benic disaiporiuc ánantapac profetiuc Jisasinan sandukam maro amankagic ino van, iyen indigano. Afo Jisasin avic yanic ani, yeni mini omare indeno, mana mini anecneugani benani santami, yeni minin avakuren mini anecneuc bemi uvar ankenone.<sup>17</sup>Afo banta anasi minigac ukukage onami beni Lasarusin bamsic kinke araremi, fukagenin kinke ukuka ankanani ena inimbaintauc siyimeno. <sup>18</sup>Mini avucavagaron siren banta anasi onarani beno, nevarai yeni indemi beni mini avucavac uvaremi.<sup>19</sup>Micnugami Farisiuc ye yirani seno, "Onago, yigeni mana avoguc anecne iyen uvaranagomino, onago, macdem inimbainta bemi avakurenone."<sup>20</sup>Manaca Grikiuc baci Pasova gac banta anasi man siran uron kin ureno. <sup>21</sup>Mini inimbaintauc Filipi bankaci beno, beni Betsaida taoni ginke Galili fateno bami, yeni bemi indaeni, seni, "Dafisiro, o, yenamac Jisasin onaranumpe." <sup>22</sup>Filipi oraemi Endru samimi, Endru Filipi namac oraemi Jisasim maro sameno. <sup>23</sup>Jisasi yemi yevegem siyimemi, "Banta Agac avic yanic inayon acna aci mage yeraemino. <sup>24</sup>Fuga ugami sircig yigemi siyimego, mana witi agam magagin iye kugufen kundaen iye fugemi, fani beyakac bantemino, afo bera fugemi, amucna agami irantemino.<sup>25</sup>Afo mana bainta bera ayum bananinan anon indiric emi, beni iye kipan aun iyem marantemi, afo bera ayum fana bananinan anon indiric iye emi, beni iye kipan aumi marantemi. <sup>26</sup>Afo mana bainta sentic yogan marantemi, ecanaci sen sivakurino, afo seni nafagac bantegafu, beyandac minifaci banami, sen Tifo ben avic yanic intemino. <sup>27</sup>Mage sen siraci umani siremino, afo seni nevec sentegafu? 'Sen Tifo o, mana acna gin siyayono'. Seni mini andagaic yecumpe <sup>28</sup>"Sen Tifo o, ecanan en avic yanic ugano." Afo mana ameni inarumpate yemi, semi, "Seni bani se sivic yanic urukeci, ena yacbac yanic ontcumpe." <sup>29</sup>Afo banta anasi minigac ukukagageni indireni seni inarun an semi sino. Ena inimbainta seni, "Enyoro benamac a semisino."<sup>30</sup>Jisasi yemi yevegen siyimemi, "Mana amena yenimi sen siyayirara yenaino, iyeino, yigen yiyayirani yemino." <sup>31</sup>Mage mana nurami banta anasi Koti mana magagac kena inimbaintauc yivucyivac koc indiremi dain yinkantemi. Mage mana magagac kena dafisiric erani anankaman acnontecumpe.<sup>32</sup>Sema mana magagake kun dondan yanic uraci, seni macden inimbainta sesapac difitaman dantecumpe." <sup>33</sup>Beni mini siyimenimi inkem fugirigac beni intenafi, mini vani siyimemi.<sup>34</sup>Banta anasi bemi yevege sameno, "Yenamac indunami Kotinic yo gimi semi Kraisi iye fugini ayum fananam bantemino. Inkenic eci eni seci 'Banta Agac kun dondan yanic intenone'? Banta Agac iye benafino?" <sup>35</sup>Jisasi yemi yevegen siyimemi, "Omi sito kaci yigenamac bantemino. Mini om yigenamac bananin kagaci nogo, minifoni ayufum yigemi davac iye intemino. Iyefi ayufun kin ninani iyen onantemi beni nafagac benafi. <sup>36</sup>Mage yigen namaci mini om bemino, micnuganaci mini on kim birivic eci yigeni mini on agafandaic inagomino." Jisasi mini bayauc siremi ocmduem yere yinkaremi bemi.<sup>37</sup>Jisasi enac ugan avucavaguc amucna ugami uvaremifo, yeni ben kim birivic iyen eno <sup>38</sup>minifoni profet Asaianic profeti baya maro amankagic emi, minigimi beni semi, "Iyeno o, yenamac siyimeguna bayauc maya vac iye ugami birivic enone, eni amankac eyic eran po yiyyiran yocyigana one yacbac?"<sup>39</sup>Afo mini anda vani banta anasi amankac iye birivic eno, nevarai profet Asaia mini vandaci semi, <sup>40</sup>Iyeno yen yogan futindemi, yirac eraru yinkemi. Afo iye micniniami ye yogampo onaren, ye yirac kin indin mandac, seni amankaci avogugic uyinkararunai."<sup>41</sup>Asaia micni senimi nevarai benafoni Jisasinic erani onarukemi benani semi. <sup>42</sup>Mini vandac iye indini amucna dafisin baintauc Jisasin kim birivic eni, Farisiu gan iye fegani,

micnugani yeycin birivi van siman afotagic iyen eno, yeni Farisiuc umocdu yinkaraya mam mac kin iye umpeganayon agani fegeno.<sup>43</sup> Yeni banta anasi yen yivic yani ogo vani anon yiyirici evami, yeni Koti yen yivic yanic ino van iyen yiyemi.<sup>44</sup> Jisasi bacduman acuremi semi, "Iyem baintafi sen kim birivic emi, beni sen kim mana va birivic intena ino, bena sisinkac yunon kim baci birivic emino,<sup>45</sup> afo iyem baintafi sema sonemi, bena iyefi sisinkac yunon baci onemino.<sup>46</sup> Seni mana magagac on kacnaci yevecumpe, afo iyem baintafi sen kim birivic emi, beni ayufun kim iyem bantemino.<sup>47</sup> Afo iyem baintafi sen tivaya indiren iye fakemi, seni iyem bemi dain ankantecumpe, seni banta dain yinkarara mana magagac yevegaune, iyeino, seni banta anasi yivigarani yevecumpe.<sup>48</sup> Afo iyem baintafi sen acnaen simicdema sen tivaya iye indintemi, beni yasi bemi dain ankantemino. Sena siyimeguna baya foni bemi dain ankantemino arasapac yinanin nuram.<sup>49</sup> Seni sesic indintac baya siyimecumpe, iyeino, sen Tifo sen sisinkac yuno, beni ne bayafi senuna sisimidemi, ne bayafi siyimenuna sisimemino.<sup>50</sup> Seni indigecumpe ben avayai iye kipan yaun yiminino, micnugaci macdem baya segunauci sen tifo sen sisiminic ureci yigemi siyimecumpe.

## Chapter 13

<sup>1</sup>Pasova man sinayon adekaci yemi. Jisasi indigami bena mana magagake yererem bey Afo vapac binanin acna yemi. Beni mana magagac kena inimbainta van anon ayini dukami, beni yenan ayan yemi arasapac mare kipemi. <sup>2</sup>Bani bananom Yudas Isakarioti Saimonin agac, Jisasin avicman namugouc yimino van arac kin dukami. Afo yunan nan acbanac kimi, <sup>3</sup>Jisasi bani indigami ben Afom macden anecne ben ayan kim dukami. Beni Koti vapaten yevemi yeven Koti vapaci bintemi, <sup>4</sup>Jisasi yunan nevan yereremi ukukem beyic iyac yageti ayucman demi. Beni tauri mandemi bey agec ukuman yeukemi. <sup>5</sup>Beni nom bacyiman sivan kim demi beyic disaiporiuc yigan sesec uyinkaremi bey agec ukurukagenin tauri fo daon yinkemi. <sup>6</sup>Beni Saimon Pita vankac yeraimi, Pita bemi samemi, "Iyeno o, eni sen sigaraci sesecu sinkantefono?" <sup>7</sup>Jisasi bemi yevegem i samemi, seni ne anecnefi uvareguna eni mage iyen indiganamino, icnaemi eni indin maranonamino." <sup>8</sup>Pita bemi samemi, "Eni sen sigan iyen sesec inonamino." Jisasi bemi yevegen samemi, "Sena en agan sesec iye uankanave, eni sentinda iyem banonamino." <sup>9</sup>Pita bemi samemi, "Eni siganana iye sesec ono, sen siyam bac sicnom bac sesec ono." <sup>10</sup>Jisasi bemi samemi, "Iyem baintafi non durukemi, beni no iyen dintemino, ben agananan sesec uanganonamino. Yigeni non durami yigen yofac avogugici ugemono, afo macdena yofac avogugic ugenaino. <sup>11</sup>Jisasi bani indigami bemi iyec avicman namugouc yimintenafi, mini vani beni semi, " Macde va sesecuge avogugic uganaino." <sup>12</sup>Jisasi beyic disaiporiuc yigan sesecu yinkaman kiparemi, beyic yageti manaremi yevegen kumandemi, semi, "Yigeni mana avucavac uvanyinkaunaic anda indugegafono? <sup>13</sup>Yigeni semi sareci, tisa o, seci Iyeno o, seci amino, afo yigeni antekam bayan samino. Seni tisa bei, Iyeno becumpe. <sup>14</sup>Afo sena Iyeno namac Tisa namac bec, yigen yigan sesec uranaci, organic uregaci eno yigandac sesecu yinkago. <sup>15</sup>Seni micnogo vani yocygiccumpe, afo yige yacbac sena yigem micnu yinkaunaigac ogo. <sup>16</sup>Fuga ugami sireci yigemi siyimentecumpe, "Yogam baintai beni beyic dafisindac iyen yankagagemono, afo baya marem bevam bainta bema sankam bainta vac iyen yankagagemono. <sup>17</sup>Ena mini anecneuc onagantei, ena mini anecneuc uvarantei eni avoguci maranonamino. <sup>18</sup>Seni yigem macde va siyimegaune, afo seni iyeuyafi bani uyangman dukauna benone, afo mana mini i man yo santam maro amankagic ino vani secumpe. 'Beni iyefi senamac breti nanani beni sentic namugoic intemi. <sup>19</sup>Yigemi mage siyimecumpe, mini anecne iye ampakkaci, mini anecne ampaminaci yigeni birivic inagomino, Seni Seyakaci Becumpe. <sup>20</sup>Fuga ugami sireci yigemi siyimecumpe, "Iyem baintafi sena sankanuna avigantem, beni semi sivigantemino, afo iyem baintafi sema sivigantem, beni bera sisinkam baci avigemono." <sup>21</sup>Jisasi mini baya sirami, benji ayo ina gimi umar aremi. Beni afotagic uremi semi, "Fuga ugami sireci yigemi siyimego ygen kinke mayan semi sivicman namugouc yiyan kin dantemino." <sup>22</sup>Disaiporiuc ben onam ben onan ureni, beni iye naraci senafino siren amucna indirici eno. <sup>23</sup>Mana disaipori, Jisasi benana ayni, beni kandandagac Jisasin kac munkuemi dugami. <sup>24</sup>Saimon Pita ayam po mini disaipori avavec uremi, semi, "Ben indaono beni iye naraci sagenafino." <sup>25</sup>Afo beni Jisasin agekac munkugemi, bemi indaemi, Iyeno o, eni iye naraci sefon?" <sup>26</sup>Afo Jisasi bemi samemi, Seni breti mandec supu non kin dareci bemi amentecumpe. " Beni breti supu non kin dareci beni Yudasimi amemi, Saimon Iskariotin agaci. <sup>27</sup>Afo icnaen Jisasi breti amicdami, bananom ben kin umpecimi Jisasi bemi samemi, "Ena ne anecnefi uvararare sinona, agage uvarano." <sup>28</sup>Afo mana bainta vac kandanda gac kumantageou iyen indigano Jisasi ne anda varaci Jisasi mini baya benani senafi. <sup>29</sup>Manaca indimani, Yudasi monoc unam fakaruka bami, man sinayon omac kac nanayon yuna na anecneuc ayac en yino varac sankenafi, haca, iroc an inimbaintauc anecneuc yimino varaci senafino indirici eno. <sup>30</sup>Yudasi breti mandemi, eseci yererem bemi. Ayufumi bami. <sup>31</sup>Yudasi buimi, Jisasi semi, "Mage Banta Agac ano avic mandanami, Koti ben kimi Banta Agac kimi anon avic marantem, afo beni esec manac yaci avic marantem. <sup>32</sup>An intaugo seni sito kac yigenamac fa bantecumpe. Senani sifakanagomino, micnu Yudauc seni siyimecumpe, 'Sena begunafac iyen yinagomino." Afo mage yigem baci mini baya siyimecumpe. <sup>33</sup>Mage yigemi oyan lo yimentecumpe, yigeni amankac ena ugaci yivacbac uyinkago, seni micnurec yigen yivacbac egunaic uregaci, yige yacbac ena ugaci yivacbac uyinkago. <sup>35</sup>Mini avucavac uvaranagom poni banta anasi yigemi yonantenone, yigeni sentic disaiporiuci bamin, yigena enau kim yivacbac dukege. <sup>36</sup>Saimon Pita bemi samemi, "Iyeno o, eni nafagac befon?" Jisasi bemi yevegen samemi, "Eni sena begunafac mage iyen sivakure yinonamino, afo icnaemi eni sivakure yinonamino." <sup>37</sup>Pita bemi samemi, "Iyeno o, nagac evagaci seni mage en avakure iye bontegafuno? Seni enani fugontecumpe." <sup>38</sup>Jisasi bemi yevegem i samemi, "Fuga ugami sireci emi samego, kokori iye a sigana, eni kandac manavac yaci senani umerare se, bemi iye onagauno sinonamino.

## Chapter 14

<sup>1</sup>"Yigeni ecan yigen yirac umaruc iye uvikano. Yigeni Kotin kim birivic egaci, sen kim bagac birivic ogo. <sup>2</sup>Sen Tifon amac kimi amucna rumu bemode. Iye bageninaci yigemi siyimiraruna ino, nevarai seni oraeci maro yigen yic magu sesac uman dantecumpe. <sup>3</sup>Afo sena oraec maro sesac uman deci ovaegec ye viviganac sen namac ovanagomino, micnuranaci sena banunagac, yige yacbac i banagomino. <sup>4</sup>Yigeni onagamino sena beguna asapac." <sup>5</sup>Tomasi Jisasimi samemi, "Iyeno o, yenamac iyen onagecumpe ena banafac, inkenic uregaci yenamac mini asapac onanuno?" <sup>6</sup>Jisasi bemi samemi, "Seni ani becumpe, seni fuga baya becumpe, seni ayum fa van becumpe, mana bainta sen Tifo vapac iyem yintemino, iyeino, sen kin nare yeraen intemino. <sup>7</sup>Afo yigena sen sonagageci, sen Tifom baci onagararomino. Afo mage mana gacke yigeni bemi onageci, bemi aci onamino." <sup>8</sup>Filipi Jisasimi samemi, "Iyeno o, yenamac Sifon yotigaranami yenama sic siyin amankagic usinkantemino." <sup>9</sup>Jisasi bemi samemi, "Filipi o, seni enamac iyakaci bageguna eni semi iyen sonarukanamino? Iyem baintafi sema sonarukemi, beni sen Tifon aci onemino. Inkecnigac eci eni se, 'Yenamac Sifon yotigano?' sefono. <sup>10</sup>Eni birivic iyec efono seni se Sifon kim baunami, sen Tifo sen kim benine? Macdem bayauc yigen siyimegunai, sesic indintaga siyimegaune, iyeino, sen Tifo sen kim ayum bayi beni beyic yogan maremino. <sup>11</sup>Yigeni sen kim birivic ogo seni se Sifon kim baunami, sen Tifo beni sen kim bemode, haca iye micneci, sena yogeguna yogaruc kac onegaci birivic ogo. <sup>12</sup>Fuga ugami sireci yigemi siyimecumpe, "Iyem baintafi sen kim birivic emi sena yogeguna yogaruci baci yogantemino, afo beni mana yogaruc baci yankagaren anon yogaruc uvarantemino, nevarai seni se Sifo vapaci becumpe. <sup>13</sup>Yigeni ne anecne varafi sen sivic kim indauraci, seni uvandanami minifoni sen Tifo anon avic bey Agac kim marantemino. <sup>14</sup>Yigeni ne anecne varafi sen sivic kin indauraci, seni uvarantecumpe. <sup>15</sup>Yigena sen sivacbac usinkanteci, sen tivayauc lo gim bami avakurinagomino, <sup>16</sup>afo seni se Sifo vapac inantenami, beni ena Avacobac yigen yiminami, yigen namac sipac bantemino. <sup>17</sup>Beni fuga bayaic Ayo Inta ino. Mana magagac kena inimbaintauc bemi iye maranteno, nevarai bemi amankac iyen onanteno haca indiganteno. Afo yigeni bemi onagamino, nevarai yigen namaci ayum bemi, yigen kimi bantemino. <sup>18</sup>Yigemi aso intauc kacnac yere iyen yinkantecumpe, seni yige vapac ovaegce yentecumpe. <sup>19</sup>Sito kaci bemode mana magagac kena inimbaintauc iyen sonantenone, afo yigeni sonanagomino. Micnugaci seni fani ayum baunaci, yige yacbac ayum fani banagomino <sup>20</sup>Mini nurami yigeni indin maranagomino seni se Sifon kimi becumpe, afo yigeni sen kim bamino, afo seni yigen kimi becumpe. <sup>21</sup>Iyem baintafi sentic lo eraruren fakaruken avakureva, beni semivfuga siriem sivacbac emino, beni iyefi sema sivacbac emi, sen Tifo vaci bemi avacobac uankavanaci se yacbac avacobac uankareci seni bemi seyanan yocagantecumpe." <sup>22</sup>Yudas (Iskariotin nara se) Jisasimi samemi, "Iyeno o, negac iyaci eni yenamac eyaran yotigareci mana magagac kena inimbaintauc iye yocyigantefono?" <sup>23</sup>Jisasi bemi yevegemni samemi, Iyem baintafi sema sivacbac emi, beni sen tivaya avakurintemino. Sen Tifo bemi avacobac uankevanaci, bende benamac yevantecumpe. <sup>24</sup>Iyem baintafi sema sivacbac iye emi, beni sen tivayauc iyen avakurintemino. Mana bayauc yigena indami, sentinda va ino, iyeino, sen Tifo sen sisinkac yunon inda ino. <sup>25</sup>Seni yigen namac managac fa beci, mana anecneugani yigemi siyimecumpe. <sup>26</sup>Micnugaci, Ayo Inta yigen Yiyayini yigen eran yiminani sen Tifo sen sivic kimi sankanami yintemino. Beni macden anecneuci yigemi siguru yimintemino. Afo beni yigen yic indin ukukayinkaranaci macdem bayauc yigen yimuna yevegen indin yimintemino. <sup>27</sup>Seni yirac nanayini yigen namaci decumpe. Seni yigemi sesic yirac nanayini yimecumpe. Seni mana magagac kena inimbaintauc yiman yimiriga egaune. Yige yirac kin ecanaci umandac iye yirinac begaci, iye vaci fegago. <sup>28</sup>Yigeni indaci seni mana baya yigemi siyimecumpe, 'Seni yerereci bontecumpe, afo seni yige vapac ovegec yentecumpe.' Yigeni sema avacobac usinkeci, yigeni amankac yimusim maranagomino, nevarai sen Tifo vapaci seni bontecumpe, sen Tifo beni sem baci yankagagomino. <sup>29</sup>Mage yigemi siyimecumpe, mini anecne iye ampankaci, afo mini anecne ampaminaci, yigeni birivic inagomino. <sup>30</sup>Seni amucna baya yigen namac iyen sentecumpe, nevarai mana magagac kena dafisin aci yemino. Beni amankac semi iyen davac intemino, <sup>31</sup>afo mana magagac kena inimbaintauc yeni inditenone, seni se Sifomi sivacbac uankecumpe, seni sen Tifo sisiminici ecumpe. Yicya managake ukukec bono."

## Chapter 15

<sup>1</sup>"Seni fuga waini yani becumpe, afo sen Tifo waini anayo afo bemino. <sup>2</sup>Sen kim ben agan iye irevan ayamaruc beni akecyaremi karucdemino, afo beni agan irevan ayamaruc afisaman avogugic uman demino, micnuranami amucna agan irantemi.<sup>3</sup>Yigen bani avogugic ugamino sena siyimuna bay a foni. <sup>4</sup>Yigeni sen kim bagaci, seni yigen kim bano. Waini yay ayaman anonko gim iye agac kemi agan iyen irantemino, micni manan ugemino, yige yacob sen kin agackeci amucna agan iranagomino.<sup>5</sup>Seni waini yani becumpe, yigeni ayamaruci bamino. Iyem baintafi sen kin agaganac ben kin agac kanami benivamucna agami irantemino, nevarai, ena sen kin iye bantei mana anecne iyen uvaranonamino. <sup>6</sup>Afo mana bainta sen kin iye banami, ayaman kacnaci akecyare karudami acyan kainani, minibayamaru yureni iga gin karucdam, iga gaman kagic antemino. <sup>7</sup>Afo ena sen kin bananama, sen tivaya en kim bana, ne anecne varafi ema ayeninani inda vac ono, emi uvar ankantemino.<sup>8</sup>Mini avucavac poni sen Tifo anon avic maranaci, yigeni amucna agan iranagom poni seni yigemi yonamani sentic disaiporiuci bami. <sup>9</sup>Sen Tifo sen tivacob usinkanic ureci yigem bac yivacob uyinkecumpe. Yigeni sen tivacob kinac bago<sup>10</sup>Afo yigena sentic lo avakureci, yigeni sen tivacob kimi bamino, afo seni micnureci se Sifonic lo avakureci, ben avacob kimi becumpe. <sup>11</sup>Seni mini bayauc yigen siyimuna foni sen simusin yigen kim banami mini foni yigen kin yigen yimusin uvikantemino. <sup>12</sup>Mana senti lo ino, sena yigen yivacob uyinkegunaic uregac enaugac yivacob uyinkago. <sup>13</sup>Mana bainta anon avacob mana vac yankagen iyen dukemino, bena bey agona vana amankac fuginanimi.<sup>14</sup>Yigeni sena siyimenuna anecneuc uvaranteci yigeni sen sigono banagomino. <sup>15</sup>Yigenani sentic yogam baintauge sirc iyen sentecumpe, nevarai yogam bainta benic dafisin ne anecnef uvarenimi iyen onagemino. Yigenani sen sigono ugen secumpe, nevarai maden anecneuc se Sifom pate indunauc yigemi siyimecumpe.<sup>16</sup>Yigeni semi iyen ugac dukamino, iyeino, seni yigemi ugac dukecumpe yigeni amankac oraeci agan irago vani seni siyinkecumpe, yigena yocdanagon agami fani bantemino. Micnugemifo, yigena sen Tifom pac ne anecne varafi sen sivic kin indainami, beni emi amintemino. <sup>17</sup>Mini anecneugani yigemi siyimecumpe, yigeni ena inimbaintuga yivacob uyinkago.<sup>18</sup>Afo magagc kena inimbaintauc yigema namugoic uyinkevage, yigeni omaregac indego, yeni bani senaren namuoic usinkaren, yigemi namugoic uyenkenone. <sup>19</sup>Afo yigena magagac kena inimbaintauc bani, magagac kena inimbaintauc yigemi yeyindaic ureni yigemi yivacob uyinke vaci yen yivucyivaguc uvaranagomino. Afo yigeni magagac kena inimbaintauc iyem bamino, micnugaci seni yigemi ugac deci yigemi mana magagac ke fasapac acduini, mini anda foni yigemi namugoic uyinkantenone.<sup>20</sup>Yigeni omaregac indego sena yigen siyimuna bay, 'Yogam bainta beyic dafisindac iyen yankagagemino.' Afo sema mandaic usinkeni, yeni yigem baci mandaic uyinkatenone, afo yena sen tivaya indeni, yigen yivaya vaci indintenone. <sup>21</sup>Yeni sen sivic gani macden anecneuc yigemi uvanyinkantenone, nevarai yeni bena sisinkac yunomi iye indigenone. <sup>22</sup>Afo sena iye yeraec iye siyimicdukagegunani, yeni manda anda iyen uvandukararomino, afo mage yeni yeyic manda anda ayofanayon ani iyem bemino.<sup>23</sup>Afo iyem baintafi sema namugoic usinkemi, sen Tifom baci namugoic uankantemino. <sup>24</sup>Afo seni yogaruc eno anic urec yen yichanac kim iye uvandukagegunani, yeni manda anda vac iyen dukararomi, afo yeni bendekara, sen nama sen Tifom namaci namugoic usinkenone. <sup>25</sup>Afo mana avucavac ampamenimi bani yeyic lo gin sandukageyomi mage afotagic ugemino. 'Yeni mana umandac iye vankake semi fayande ugami namugoic usinkenone.'<sup>26</sup>Afo seni yigen yiayini sankanami sen Tifom pate yige banagompac yintemino, beni, Fuga Bayaic Ayo Inta ino. Beni sen Tifom pate yeraemi sentic yogarani siyimintemino. <sup>27</sup>Yige yacobgaci ena inimbaintauc siyiminagomino, nevarai yigeni sen namac anantapate bagegomino.

## Chapter 16

<sup>1</sup>"Mana bayauc siyimuna foni yigeni birivi gin iye yan dinagomino. <sup>2</sup>Yigemi mam mac kinkake siyinkamani mapac dici man iyen sinagomi. Fuga ugarno, Mana acna acdekaci yevemino, banta yiram baintauc yigen yirureni yeni indiman Kotimi avoguc yogaric uankecumpe indirici intenone.<sup>3</sup>Yeni mini avucavaguc yigemi uvanyinkantenone, nevarai yeni sen Tifon iyen onageni, sem bac iyen sonagenone. <sup>4</sup>Seni mini anecneugani yigemi siyimecumpe, micni siranam bageninamaaài mini acna yinaci yigeni sena siyimuna anecneugani omare indinagomi. Seni mini anecneugani acnantaç pac iyen siyimecumpe, nevarai seni yigen namac bagecumpe.<sup>5</sup>Afo mage bera sisinkac yuno vapaci seni bontecumpe, micnugaci yigen kinke maya vac semi iyen indaomino, 'Nafagac eni befon?' <sup>6</sup>Afo mini anecneugana siyimuna foni yigen yirac kim yigun anecne uvikagemino. <sup>7</sup>Afo seni fuga ugarni sirci yigemi siyimecumpe, seni yigen yic avogugani bontecumpe. Nevarai sena iye bonami, yigen Yiyayin Bainta iyen yintemino, afo seni oraeci bemi sankanami yige vapac yintemino.<sup>8</sup>Afo bera yeraemi, yigen Yiyayin Bainta afotagic uremi magagac kena inimbaintauc manda andauga, antekan avucavaguga, Kotinic ko gan yocyigantemini. <sup>9</sup>Beni manda andauc afotag yocyigantemini, nevarai yeni sen kin iyen birivic eno. <sup>10</sup>Beni afotagic uremi antekan avucavaguc yocyigantemini, nevarai seni se Sifo vapaci bontecumpe, afo yigeni semi iyen sonanagomino. <sup>11</sup>Beni afotagi uremi Kotinic ko gan yocyigantemino, nevarai mana magagac kena dafisin koc kaci mage ukukagemino<sup>12</sup>Seni amucna anecneugani yigemi siyimentecumpe, afo yigeni benic anda van mage iyen indinagomino. <sup>13</sup>Afo, Fuga Bayaic Ayo Inta yintemini, beni macden fuga avucavaguc kim ayuvic yinkantemino, nevarai beni beyarani iyen siyimintemino. Afo beni ne anecne varafi indinanimi siyimintemino, beni yinanin anecneugani yigemi siyimintemino. <sup>14</sup>Beni sen sivic yanic intemino, nevarai ne anecneugaf iyen siyimecma uvarageguna anecneugani beni siyimintemino.<sup>15</sup>Macden anecneuc sen Tifo dukami, sentinda bemino.

Micnugami, Ayo Inta macden inimbainta siyimintemino sen tivayauga, namac sentic yogaruc namac fugar sigemino. <sup>16</sup>Sitoc acna gimi yigeni semi iye sonanagomino, afo icnaen sito kac bageci yigeni semi sonanagomino.<sup>17</sup>Afo manaca disaiporiuc ye yiran a siren, seno, "Nevarac beni yigeunamac sisimenaci, sem, 'Sitoc acnagaci semi iye sonanagomino, afo icnaen sitoc acnagaci bageci semi sonanagomino, 'Nevarai seni se Sifo vapaci bontecumpe'?" <sup>18</sup>Micnugani yeni seno, 'Sitoc acnagaci'? Yenamac iye indigecumpe beni ugaraci beni senatino."<sup>19</sup>Jisasi yonani ben indairar ami yemi siyimemi, "Yigeni mana anecneugaraci yige yiran indaoc nogafono, nevarafi sena segunai, 'Sitoc acnagaci semi iye sonanagomino, afo sitoc acnagaci bageci semi sonanagomino'?" <sup>20</sup>Fuga ugarni, sirci yigemi siyimego, yigeni amucna bayauci sirci ific dec banagomino, micne vani magagac kena inimbaintauc yimusimi kimi banteno. Yigeni anon yigun anecne gimi banagomifo, afo icnaemi yigen yigun anecne baemani, yimusinici intemino. <sup>21</sup>Anasi am magarani anon agun anecne gimi bantemini nevarai am magar acna yevamino. Afo icnaen am macdemni anavisic maragenin yankagainami, beni amusin kimi bantemino, nevarai beni banta mana magagac ampaminani amusin maremino.<sup>22</sup>Micnugaci, yigeni mage yigun anecne gimi bamino, afo sena yigen yevegec ye yonanami yigen yirac kim yimusin anecne uvikanami, amankac maya vac yigen yimusim mandan fasapac iyen dantemini. <sup>23</sup>Mini nuran yinaci yigeni mana anecne van semi iyen indainagomino. Fuga ugarni sirci yigemi siyimego, yigeni sen Tifo vapac sen sivic kim macden anecneugan indaimi, yigemi yimiric anan intemino. <sup>24</sup>Bana yedin kake semi mana anecne vandac sen sivic kin iyen indaurukamino. Yigeni indauregac marago, minifoni yigen yimusimi uviken amankagic uyinkantemino.<sup>25</sup>Seni macden anecneugan yigen siyimunai, baegam baya ginke manan siyimagecumpe, afo icnaemi mini nuran yemino, baegam baya ginke iyen siyimentecumpe, iyeino, seni se Sifonan siyimenunai, antecdeci yigemi siyimentecumpe.<sup>26</sup>Mini nuram iigeni sen sivic kin indaurac seni macni sirci yigemi iyen siyimentecumpe, seni se Sifo vapac sogam mukurec yigenan indau yinkantecumpe iyen sentecumpe,<sup>27</sup>nevarai yigen Yifo yigemi avacobcuyinkemino, nevarai, yigeni semi yivacobcuyusinkareci yigeni senani Koti vapate yevemino sirci birivic amino. <sup>28</sup>Seni se Sifo vapate mana magagac yevecumpe. Afo seni mana maga yerereci seni se Sifo vapaci bontecumpe.<sup>29</sup>Benic disaiporiuc seno, "Onano, eni anteci re yenamac sisimanamino, baegam baya ginke iyen sanamino. <sup>30</sup>Yenamac mage onecumpe eni macden anecneuc onaganamino, emi mana bainta vac amankac iyen indaintemino, Mini anda foni yenamac en kim birivic ecumpe, eni Koti vapaten yevanamino."<sup>31</sup>Jisasi yemi yevegen siyimemi, "Yigeni magec birivic egafono?"<sup>32</sup>Onagao, mana acna aci yemino, eyo, fuga sirci yemino, yigeni yererec mana mana inagomino, umacde yige yimac kinkaci oraeci, senakaci yere sinkanagomino. Micnagomifo seja kac iyem bantecumpe, sen Tifo senamaci bemino. <sup>33</sup>Seni mana bayauc yigemi siyimunai, yigeni sen kimi nanayin maranagomino. Mana magagac yigeni umaruc dukamino, afo yigeni eraruregac bago, seni mana magaik erani arumani davac urukecumpe."

## Chapter 17

<sup>1</sup>Jisasi bayauc siyimiman kiparemi, beni inarumpac onemi semi, "Sen Tifo o, mini acna aci yemino, eni mage ey Agac anon avic ameno, minifoni en Agac emi anon avic amintemino. <sup>2</sup>Micnuremi beni macden inimbaintauc kac yicnonic ugano vani bemi erani amenamino. Beni ena amena inimbaintauc iye kipan yaumi yimintemino.<sup>3</sup>Iye kipan yaum marani macnimugemi, iye kipan yaum mandukan inimbaintauc emi onagenone eyakaci fuga Koti banamino, yeni onagenone eni Jisas Kraisin sankanami yemino. <sup>4</sup>Seni enic anon avic mana magagac yocyigecumpe. Afo sena marano vana simena yogaruc aci mandaunami kipemino. <sup>5</sup>Sen Tifo o, mana maga iye uvantaci seni enamaci beci, anon sivic dukagecumpe. <sup>6</sup>Seni ena simena inimbaintauc paci aci en avic siman afotagic ecumpe. Yeni enic banta anasi baya, eni semi simenani, yeni en avaya fakarukeni avakurenone. <sup>7</sup>Afo mage macden anecne ena simenauc yeni onagenone, em paten yemino, <sup>8</sup>nevarai macdem bayauc ena simena, yemi yimecumpe. Yeni mandeni fuga siren onenone, seni evana faten yecumpe, afo ena sisinakanac yuna foni yeni birivic enone.<sup>9</sup>Seni yenani sugam muku yinkecumpe. Magagac kena inimbaintau gani seni sugam iye mukecumpe, iyeino, ena simena inimbaintau gani sugam muku yinkecumpe, nevarai yeni enindauci bami, enindauc sentindauci benone, afo seni yen kimi anon sivic marecumpe. <sup>10</sup>Macden anecneuc sentinda beninimi eninda bemino, eninda benimi sentinda bemino, afo seni yen kimi anon sivic marecumpe. <sup>11</sup>Seni mana magagac iyem becumpe, afo mana inimbaintauci magagac benone, afo seni evanafaci yecumpe. Sen Tifo o, eni Antekanove, ena simena inimbaintauc eyic erantinac dana bago, minifoni ende mana baric ugaunaic ureni yeni mana baric ugantenone.<sup>12</sup>Sena yenamac bageguna gaci seni enic erantimi dafitaunani yeni bagenone, eni mini inimbaintauc semi simicdukanamino. Seni yenkac dafitaunani, maya vac iyen oyogemino, afo maya beyakaci, beni oyokan agaci, minifoni Kotinic yo gin sigami maro amankagic intemino. <sup>13</sup>Afo seni mage ena banafaci yentecumpe, seni mana magagac kena inimbaintauci mana anecneuc siyimecumpe, minifoni yen kin yimusin uvikemi amankagic intemino. <sup>14</sup>Seni en avaya siyimunani, mana magagac kena inimbaintauc yemi manda indirici uyinkenone, nevarai yeni mana magagac keno iyem benone, sena mana magagac keno iye baunaici ugenone.<sup>15</sup>Seni yen yiviman mana magagac ke yivicman enafac iye dano vani indaecumpe, eni yen kac dafitanam mana magagac kena bainta mandaic iye uyinkano vani emi indaecumpe. <sup>16</sup>Seni mana magagac keno iye baunaic ureni yeni mana magagac keno iyem benone. <sup>17</sup>Eyic fuga baya yiminona foni eyic banta anasi ic uyinkanonamino. Enic bayai fugin sigemino.<sup>18</sup>Ena mana magagc sisinkanac yunaic ureci yemi siyinkaunani mana magagac benone. <sup>19</sup>Yenaro sireci seni acyunkaci becumpe, minifoni yeyacob acyunkac bantenone. <sup>20</sup>Seni mana anecne ugananova sogan iyen mukecumpe, iyeino, iyem baintafi sen kim birivic yeyic baya ginke sen kim birivic inayon inimbaintau ganda baci sogam mukecumpe. <sup>21</sup>Minifoni yeni macde mana bantenone, micnure eni sen Tifo sen kim banaci, seni en kim becumpe. Amanakac ye yacobc ende gim bami, minifoni ena sisinkanac yuna van banta anasi birivic intenone.<sup>22</sup>Eni anon sivic semi simenaci, yemi yimecumpe. Minifoni ende mana baunaic ureni ye yacobc mana bantenone. <sup>23</sup>Sen yen kim bauna eni sen kim banami, yeni fuga sire mana baric ugani, banta anasi onantenone, eni sisinanac yecumpe, afo eni sema sivacob usinkanaic ure yemi yivabac uyinkanonamino.<sup>24</sup>Sen Tifo o, ena simena inimbaintauc sena bauna fac yeyacob bago vani semi siyemino. Yeni sentic erani onantenone , eni mini eran simenamino, nevarai eni mana maga iye ampankaya semi sivacob ageonamino.<sup>25</sup>Anteckana sen Tifo o, banta anasi emi iyen onaganone, iyeino, seni emi onagacumpe, senamac ban inimbainta semi sonagenone eni sisinkanac yecumpe. <sup>26</sup>Seni enani afotagic ure yocyigecumpe, afo seni micni manan anani, ena sen avacobc usinkana yen kim bac banani, yeni ena avacobc uankar avucavac ena simena yen kim banami, seni yen kim bantecumpe."

## Chapter 18

<sup>1</sup>Jisasi mini bayauc siyimic demi beni beyic disaiporiuc namac Kidroni non ena ofaci beno, mini faci mana anayo bami beni mini gimi beyic disaiporiuc namac umpeceni baguyevano. <sup>2</sup>Afo Yudasi, ben avicman namugouc yiminani beni mini anayo fac onagami, nevarai Jisasi amucna yaci mini anayo gim beyic disaiporiuc namac bevami. <sup>3</sup>Icnaemi Yudasi, mana bagu sondiauc yivic manaremi, manaca yinom prisiu yic ofisauc namac Farisiuc namac ramu va tosi va yiruir anecneuc namac manareni minifac beno. <sup>4</sup>Afo Jisasi, beni macden anecne ben kac ampaminanimi onagemi, beni ye ban kac oraemi yemi indaemi, "Yigeni iye narac afakegafono?" <sup>5</sup>Bemi yevege sameno, "Nasareti fatena Jisasi nare." Jisasi yemi siyimemi, "Seni beni becumpe." Yudasi ben avicman yimeni beyacobac minigaci sindiauc namac ukukagami. <sup>6</sup>Beni yemi siyimemi, "Seni beni becumpe." sirani, yeni yicnaempate yandeni magapac kumeno. <sup>7</sup>Beni yevegen yemi indaemi, "Yigeni iye narac afakegafono?" Yeni yevege bemi sameno, "Nasareti fatena Jisasi nare." <sup>8</sup>Jisasi yemi yevegen siyimemi, "Seni yigemi siyimecumpe Seni beni becumpe. Afo yigena senana sifake vanteci, manauc ecaya bogo." <sup>9</sup>Mini ampamimi, bera siram baya maro amankagic emi, "Eni iyeuyafi simena ginke, seni mana vac iyen oyogecumpe." <sup>10</sup>Afo Saimon Pita, beni baenati dukagemi, kun datiremi yicnom prisi yogam bainta ayan ugam patena agami akecyamani acnemi. Mini yogam bainta avici Malakusi i. <sup>11</sup>Jisasi Pitami samemi, "Eyic baenati yevege benic unan kim bacdono. Eni sen Tifo simin kapi amankac iye nano varafono?" <sup>12</sup>Afo mana bagu ginkena sondiauc yeyic dafisin namaga Yudauyic ofisau namac fakareni dumuman deno. <sup>13</sup>Yeni avige bemi Anasinvapac nare beno, nevarai beni Kaiafasin anda bano, beni yicnom prisi mini orande gim bagenino. <sup>14</sup>Kaiafasin, beni Yudauc yiman yimicdemi semi, mana bainta mana macden inimbaintau gan fuginami amankagic intemino. <sup>15</sup>Saimon Pita, beni mana disaipori namac Jisasim avakuremi bemi. Mini disaiporimi yicnom prisi bemi onagami, beni Jisasi namac yicnom prisi ic kugusin umpegeno, <sup>16</sup>Afo Pita, beni mapac ongaci ukukagami. Afo mini disaipori yicmom prisi ban onaga, mapac kundaemi onagac dafitan namaci a siremi, Pitan avigen umpegeni. <sup>17</sup>Icnaemi anasi yogar inin, onagac dafita, Pitami samemi, "Eni eyacobaci mana baintaic disaipori bage onamino, haca eni eyafino? Beni semi, "Seni iyeino." <sup>18</sup>Afo mini yogar inin namac ofisauc namac minigaci ukukage bageno, yeni iga ankun kaci sandukeni, ye yo kokoc evano, nevarai iyoni evano. Pita beyacobaci yenamac minigac ukukagemi, bey o kokoc evami. <sup>19</sup>Afo yicnom prisi Jisasimi indaemi benic disaiporiuc namaga bera tisin enin ugani. <sup>20</sup>Jisasi bemi samemi, "Seni afotaci banta anasi siyimevacumpe. Seni macden yac mam mac kinkac, Yudauc ye baguyan kinkaci siyimevacumpe. Seni mana anecne vandac opac iyen sevacumpe. <sup>21</sup>Eni nevarac semi indaefono? Sena siyimeguna indageyon inimbaintauc indaure indeno seni nevarac siyimevagafuno. Onano, mana inimbaintauci indigenone sena siyimageguna bayauc." <sup>22</sup>Jisasi miniuc sirami mana ofisa minigac ukukagagemi on difandemi semi, "Eni amankagac micni sire yinom prisin yevege samintefono?" <sup>23</sup>Jisasi bemi samemi, "Sena mandaic sirc samena, micnin sire mandaic senamino seno, afo sena antekam baya samena, ne kafaraci srefono?" <sup>24</sup>Icnaemi Anasi fa dumugami bemi sankami yicnom prisi Kaiafasin vapac bemi. <sup>25</sup>Saimon Pita ukukagemi bey o kokoc em bami. Banta anasi bemi sameno, "Eni benic mana disaiporo banamino." Beni umeraremi semi, "Seni iyeino." <sup>26</sup>Mana yicnom prisi ic yogam bainta ben ankun kinkena agan duvantimani acni bainta semi, "Seni em baci anayo gim benamac banaci onecumpe." <sup>27</sup>Afo Pita yevegen umerevami, eseci kokori a semi. <sup>28</sup>Icnaemi Jisasim Kaiafasin amac kinke avigeni kamaninic anon ofisi fac beno. Banurampaci bani, yeni kamaninic anon ofisi gin iyen umpegeno, minigin undaeya manda avucavaguc uvaranayon agani fegeno, yeni amankagic uge Pasova yunan narani micneno. <sup>29</sup>Afo Pailati mapac acden yena ban kac kundaemi semi, "Ne manda anda kagaci mana bainta amofin egafono?" <sup>30</sup>Yeni yevege bemi sameno, "Mana bainta manda andaic iye evanani banaci, yenamac evanafac amankac bemi avigec iyen yirarunaino." <sup>31</sup>Micni sirami Pailatiyemi siyimemi, "Yigenafo avigec maroregaci yigeyic lo siganani avakundec koc amego." Yudauyic lo macnin sigemino, "Banta aruman fugini umoci dugemino." <sup>32</sup>Bani Jisasi sirami bagemi, beni inkecni avucavac kinaci fugintenafi, yeni micni sem bayafoni Jisasi siram bagenimi maro amankagic emi. <sup>33</sup>Afo Pailati yevegemni kamaninic anom mac kimi umpecemi, Jisasin araremi samemi, "Eni Yudauyic kinac befon?" <sup>34</sup>Jisasi bemi yevegen samemi, "Eyic indintagac eni sefono, haca enoc emi senani samenafino?" <sup>35</sup>Pailati bemi yevegen samemi, "Seni Yudac begafuno? Enic banta anasiuc namac yicnom prisiuci emi avige sena baunafac yenone. Eni ne anda uvandukanayafono?" <sup>36</sup>Jisasi yemi yevegen siyimemi, "Seni mana magagac kena inimbaintau yic kin iyem becumpe. Afo sena mana magagac kena inimbaintau yic kima bagegunani, sentic yogam baintauc yenamac i yiru ureni semi amankac sivige Yudauc yiyan kin iyem yimiraromino. Afo seni mage mana magagac kena inimbaintau yic kin iyem becumpe." <sup>37</sup>Afo Pailati bemi samemi, "Afo eni kinac befon?" Jisasi bemi yevegen samemi, "Eni senani kine senamino. Afo seni min vani mana kagagac ampamecumpe, afo seni mini vani mana magagac yecumpe, seni fuga baya siyimirani. Macden inimbainta iyefi fuga baya inda bantemi, beni sen tivaya indintemino." <sup>38</sup>Pailati bemi indaemi, "ne anecne fuga benafino?" Beni

micni siremi, yevegen Yudauc marogun siyimemi, "Seni mana umandac mana bainta gin onecumpe.<sup>39</sup> Afo yigeni yige yic lo dukamino, minifoni seni mana karavusi Pasova gac yigemi utuc yimecumpe. Afo yigeni Yudau yi kin utuc yinkano varac yiyanafino?"<sup>40</sup> Yeni yevege bacduman acuren'i seno, "Mana bainta ecanam bano, Barabasi utuc simeno." Afo Barabasi eno yic anecneuc yiruren dafemi, beni umonino.

## Acts

### Chapter 1

<sup>1</sup>Tiofilius o, ema bana afan sandan ameguna gimi, Jisasi kugandemi macden yogaruc maremi tisin ageninugani emi samecumpe, <sup>2</sup>beni eram baya Ayo gimi bera yaraman dukan aposoriuc siyimic dami Koti bemi avigen inarumpac uremino. <sup>3</sup>Beni anavisic mandemi dunkin yasac fukagemi, icnaemi ukukaemi yenkar afotagic ugemi, ben aron afuruc yocyigevami. Beni 40 nurami yenkar afotagic ugemi, Kotinic avoguc maguvani siyimevami.<sup>4</sup> Beni yenamac macde managim baguyugemi, beni eram baya ginke Yerusaremi magu yerere iye bogo vani yemi siyimemi, yeni minigac be ye Yifonic poromasi gac dafisego vani macni siremi siyimemi, "Yigeni sena sunai indirukamino <sup>5</sup>Yoni fuga siremi nom poni yigemi nom man yinkemino, afo manaca nuran yankaganaci yigeni Ayo Inta gimi nom maranagomino."<sup>6</sup> Yeni managim buguyugeni bemi indaeno, "Iyeno o, mage mana yamugaci eni yevege Israeri magu ukukaman dantefono?"<sup>7</sup> Beni yevegen yemi siyimemi, "Mini acnauga oc yamuguc yinaninani yigen yinda anecneva banac indinagonaino, mini i yigeunamac Sifo beyic eramponi indin uvandukemino. Benafo manan indigemino.<sup>8</sup> Afo mini yamuc Ayo Inta yigen kac yerainac eran mandeci, Yerusaremi namac macden Yudia namac Sameria maguginkac oraemi maga ara maro kipagan kac orainaci yigeni sentivam bantaici uganagomino."<sup>9</sup> Jisasi mini bayauc siyimicdem, maside inarumpac mana kagake onami, bemi kun doyen urevami, mana konami yen yungan kac uyac dan bemi ena yachac iyen oneno. <sup>10</sup> Yeni inarumpac kagacke bera urevan onami, yinduc dimi, kantan bainta efan bacdo gim yen yacnagac ye ukukeno. <sup>11</sup> Yekanda seni, "Yigeni Gariri baintaugo, nevarac yigeni managac ukukagegaci inarumpac mana kagakegafono? Mana Jisasimi yigen kinke inarumpac avigen urevac onanic uremi umbaegen kuminac onanagomino."<sup>12</sup> Yeni Orivi ge sire avic dan anugake ovage Yerusaremi yeraeno, Yerusaremi acdekaci bami, mána kilo mita amami bemi. <sup>13</sup> Yeni yeraeni, yan amugapac ye baran rumu gimi ureno. Yen yiviguci, Pita, Yoni, Yemsi, Endru, Filipi, Batolomeu, Matiu, Yemsi Alfaeusin agaci, Saimoni Salotin ankunkinke, afo Yudas Yemsi agaci. <sup>14</sup> Yeni masicde managim beni yugam mukir indintac mánam banone anasiuc namac Maria Jisasim anon namac ben afacava unan namac.<sup>15</sup> Mini yamuc kinkaci Pita birivican inimbaintauc amankac 120 yicbanac kimi ukukaemi, semi,<sup>16</sup> Sifactiva unan o, Kotinic yogim bam baya ampaminami amankagic intemino, mini baya Ayo Inta Yudasinani Devitin avantac dami semino, beni yivigem maro yocyigani Jisasim fakaren'i dumene.<sup>17</sup> Nevaraino, beni yigeunamac kinkeno bemi, yigeunamac yogageguna yogani beyacbaci marevamino.<sup>18</sup> (Afo mage mana bainta manda anda uvarankakena monoc mandemi maga ayac uremi, minigaci acnon nare magapac kumimi, ben arac foten uvandemi fasapac kumemi.<sup>19</sup> Maside Yerusaremi magugim ban inimbaintauc minivan indireni, mini maga ye yivaya ginke "Akeldama" be siren'i avic deno, minivani semi, "Koram bacyigam magai.")<sup>20</sup> Micnugami minivani Sam Yogimi santemi, 'Ecananac mini magagim mana anecnevac iye vananaci, banta vac minigin iyevac bano'. Afo ecananaci mana bainta bera dafitagenin yogan marano.<sup>21</sup> Mini amankagici intemino, nevaraino, mana bainta masiden nuram yigeunamac namac nogeni, beni Iyeno Jisasi bagemino,<sup>22</sup> kugandem mini nurama Joni nom maraninkake Koti yigeunamac kinke bemi avigen urin nurami, beyacbaci yigeunamac namac bemi yivam baintaic ugemi bera fukagen ukoken ureninan siyimino.<sup>23</sup> Yeni katam baintan yuman deno, Yosepi ben avic deni Barsabasi, ena avic Yastusi, afo Matiasi namaci.<sup>24</sup> Yeni yogam muke seni, "Eni, Iyeno o, banta anasi yinduntin yonaganamino, micnuganamifo eni mandan afotagic ono mana kanda ginke inkenic eni uyacmant dukefono"<sup>25</sup> mana yogan dac aposori yogan Yudas yererem beyic magu fac beninic magu marantenafino.<sup>26</sup> Afo yeni yenan kaonta karucdamí Matiasin avic kaci kumandini benamaci 11 aposorouc namac yandaman deno.

## Chapter 2

<sup>1</sup>Pentikosi nuran yini, masicde mána mac kimi baguyuge bano. <sup>2</sup>Yinduc dimi eran sisova a ganaci semi inarumpate kumemi, mini mac kim macdempac uvikemi ye kumante ban kimi. <sup>3</sup>Yeni onami sitoc iga acnegan kacnac kemi macdem mána mána inimbaintauc kaci oman kumandemi. <sup>4</sup>Macde yenkin Ayo Inta uvikaemi amankagic uyinkarani, yeni kugande ena ena baya ginken a seno. <sup>5</sup>Afo Yerusalem magugim Yudauci bano, yeni Kotin kim yindun munkugen Yudau yic lo avakuran inimbaintauc beni, macdem magafaten minigim yevano. <sup>6</sup>Sisova a gacnac sini indireni amucna inimbainta yeman managinic ugeni amucna indirici eno, nevarai, macde yeni indemi maya maya yen yivaya ginken a sevano. <sup>7</sup>Yemi anon yigan dari seni, "Fuga ugane, manai Gariri inimbaintauci beni mayau sivaya iye indigaunone." <sup>8</sup>Nagac evagaci yigeunamac indegunayaci, yeni maya maya mayau ampamuna fatena baya ginke a seyafono? <sup>9</sup>Yeni Patia, Midia, Elamitiuc, namac Mesopotamia inimbaintauc namac, Judia, Kapadosia, Pontus namac Esia, <sup>10</sup>Frigia, Pamfilia, Isipi, Libia magafate bemi Sairini, Romi magufate bayu yevan inimbaintauga, <sup>11</sup>Yudau namac yenyic man kim yindun baekau ya, Kritiuc namac Arabiauc seni, yenamac indegunani Kotinic eran yogaru gani mayau sivaya ginken senone. <sup>12</sup>Macde yemi yigan dami, indiruc anana ini, ye yirani seno, "Manai ne andafino?" <sup>13</sup>Afo manaca amarure seni, "Yeni oyan waini anon narici urukenone." <sup>14</sup>Afo Pita 11 yogam baintauc namac ukukaemi, erauremi araren, yemi siyimemi, "Yuda baintauc namaga maside yigena Jerusaremi magugima ban inimbaintaugo, yigeni mana baya vac indego, mana anecne ampameninani yivigemi siyimentecumpe. <sup>15</sup>Mana inimbaintauci eran non iyen narukonen yigena micni indiric evantegi, manai mage 9 kiroki banurami bemino. <sup>16</sup>Afo manai profet Joelin kimi bani sirukamino. <sup>17</sup>Icnaen yinanin nuran kinkaci, Kocti semi, seni Ayo Inta bacyiranami macden inimbaintauc kaci kumintemino. Yigen yigafandauc, afon intauc baga aginta intauc baci profeti baya sintenone, fumarauc kainuc onani, ayogun baintauc baci kainuc onantenone. <sup>18</sup>Mini nuran yinanin kinkaci sesic senti yogar inimbaintau kac bacyiranam kuminani profesi bayauc sintenone. <sup>19</sup>Seni enac ugan anecneuc inarun kac yocyigeci, magagac mirikoriuc yocyigana onanteno, korana, igava, ikuni konan kacnaci urintemi. <sup>20</sup>Ac keni baegen ayufunic inami, igona baegemi korani inami, mini acnaemi Iyeno yinani nuran yintemino. <sup>21</sup>Micnugami iyefi Iyelon avic devanayon inimbaintauc iye kipan yaumi maranteno. <sup>22</sup>Israel inimbaintaugo, mana baya sena senuna vac indego, Jisasi Nasareti bainta yigenamac banin kaci, Kocti bema sankan yenimi mandan afotac uremi yigemi yocyigemino, Koti ben ayankaci anon yogaruc uvaremi, enac ugan avucavaguc bac mirikoriuc baci yigen yicbanac kim uvarevac, yigeni miniuc onarukamino. <sup>23</sup>Koti mini bainta yigen yiyan kimi demi, beni micnirani bani indiman bagemi. Bemi manda baintauc dunkin yasac iyem poni aruman fugeno. <sup>24</sup>Fukagenin kinke Kotin bemi ukuka ankemi, bemi ecamu fugintin anavisic iyem maremi, nevarai fugin bemi amankac fakaren iyem bantemi. <sup>25</sup>Deviti benani sirukagemino, 'Seni Iyelon onaunami sen sacnagaci bami, nevarai, beni sen siyan ugampaci baci 'Seni iyem fegantecumpe. <sup>26</sup>Micnugami sentirac ano amoyimi sentivan nano Kotinic avogugani siman fabarem. Micnimi sen so vaci erarugemi dafisintemi. <sup>27</sup>Eni ecanac seni fukam baintauc bam magusim iyem bontecu, afo eni ecanan enic Anteckan Inta bamsic kim mandaic iyen intentemi. <sup>28</sup>Eni semi ayum fa beyon magufac a yotigarukanaci bonteumpe, afo seni en ogampac ukukagana amusimi uvika sinkanonami. <sup>29</sup>Sifactiva unano, 'Seni yigeunamac sinifu Devitinan siyimentecumped. Beni fugini masic enone, afo beni bamsic yigeunama namac fani mage mana nuram bemino. <sup>30</sup>Micnugami, beni profeti bemi indingamino Kocti bemi promasic uankarami bagemi, micnuremi ben anavasinuc kinke mana benic magu mandemi kinic ino vani sirami bagemino. <sup>31</sup>Ne anecnefi icnaen ampaminanimi onarukagemi, Kraisi fugintinke ukukananinani semino, beni fukam baintauc yic magusim iyem banami, ben o minigim ampin iyen nantemino. <sup>32</sup>Mana Jisasimi, Koti yevegen ukuka ankemino, yigeunamac masicde onarec yami, indigecumpe. <sup>33</sup>Micnugami, beni ukukemi Kotin ayan ugampaci kumantem bey Afom pate Ayo Inta promasic uankarukagenimi mandukagenimi, beni bacyirukaci, mage yigeni oneci indamino. <sup>34</sup>Deviti inarumpa iyen uremifo, beni semi, 'Iyeno sentic Iyonomi samemino, "Siyan ugampac kumantanagaci <sup>35</sup>enic namugouc en agar agumpac mandan danavac ono." <sup>36</sup>Micnugemifo, ecana masiden Israeriuc indego, mana Jisasimi Koti mandan Iyemonic uremi Kraisinic uman dami bemino, mini Jisasimi yigeni arurec dunkin yasa iyemino. <sup>37</sup>Afo yeni mini indirami, yirac koc yimini Pita namac macden aposoriuc siyimeno, "sifativa unano, mayauni inkenigac onuno? <sup>38</sup>Afo Pita yemi siyimemi, "Yigeni maya maya yindun baecdde gaci, Jisasin avic kin nom marago, yigeyic manda andauc ugicdegaci, Ayo Intaic ayac marago. <sup>39</sup>Nevaraino, beni yigen namac yigen yigafandauc namaga, nenkac ban inimbaintauc namac amucna inimbaintauc Iyeno yarananiu yacbac promasic uyinkarukemino. <sup>40</sup>Beni amucna bayauc poni yankara ogo vani siyimemi semi, Yindun iye baecdukeyon inimbaintau garaci yankar ogo." <sup>41</sup>Afo yeni ben avaya indireni nom maren, mini nurami 3,000 inimbaintauci yindun baegeno. <sup>42</sup>Afo yeni aposoriuc namac managim beni mam baya indireni, yugam mukure, breti kicdire neni Jisasin o dakaganan indevano. <sup>43</sup>Macden inimbaintauc kimi anon fegani yemi, nevaraino, amucna enac ugan

avucavaguc namac eran yogaruc baci aposoriuc yiyan kinke ampamevanone.<sup>44</sup> Macden birivicon inimbaintauc managin baguyueni macden anecneuc dainde mareni,<sup>45</sup> macden yeypinda aneneuc sarina ure monoc mandeni iroc an inimbaintauci yimeno.<sup>46</sup> Mana mana nuram mam baya indirani mac kim baguyevano. Yeni ye yimac kinkac baci Jisasin o dakaganan indirani breti kicdire nevano. Yeni banta anasiuc namac yimusim mareni, avoguc yirac namaci yunanuc dainde nevano.<sup>47</sup> Yeni Kotin avic yanic eni, macden inimbaintauc namac avoguc yirac kimi bano. Afo macden nurami Iyeno banta anasi yirac mandana yindun baecdde yiyayin maran inimbaintauc yemani amucnaic oni urevano.

## Chapter 3

<sup>1</sup>Mána nuran 3 kiroki ayinkagic emi, yugam mukir acna yimi Pita nuc Yoni nuc mam mac kugusimi umpegeno.  
<sup>2</sup>Afo mana bainta bey anon arac kin agar ayam fukanimi doye mam mac ona Avoguge sire avic dan kaci maro reno. Masicden nurami bemi donare minigac maro ram bemi mam mac kugusin umpegaran uron inimbaintauc pate monoga anecneugani inantevami. <sup>3</sup>Beni yonani Pita nuc Yoni nuc mam mac kin umpegarani uromi, beni anecneugani inantemi. <sup>4</sup>Pita nuc Yoni nuc ben ogampen kagacomi, Pita bemi samemi, "Bende sonano." <sup>5</sup>Mini bainta anecneuci simintenone indiric uremi ye kanda yonemi. <sup>6</sup>Afo Pita semi, "Seni silva namac kori namac iyen dukecumpe, afo sena dukauna anecne, emi amentecumpe. Jisas Kraisi Nasareti bainta avic kin, ukuke bono." <sup>7</sup>Pita ben ayan ugampac, fakaremi kun difitamar ukukarami, eseci mini bainta agar ayan erar uankemi <sup>8</sup>karusacen ukukemi mini karere bainta kugandem bemi, Pita nuc Yoni nuc namaci mam mac kimi umpegemi, beni yan karusacen undae gundaue om bemi, Kocti avic yanic emi. <sup>9</sup>Macden inimbaintauc bemi onami beni agan darem bemi Kocti avic yanic evami. <sup>10</sup>Yeni onami Beni Masicden nuram mam magic Avoguc Onagac kumantem banta anasiuc pac anecneugan inantagenim bainta bami. Mini anecne benkac ampamin onarami anonic uremi yemi yigan demi. <sup>11</sup>Masicden inimbaintauc managin iyaye orae onami anonic uremi yemi yogan demi, beni Soromoninic varanda gage sire avic dan kaci Pita nuc Yoni nuc namaci ukukagami. <sup>12</sup>Afo Pita mini onaremi, banta anasiuc yevegen siyimemi, "Yigeni Israeri inimbaintago, yigeni yinduc iye dogo. Bende kagakec iye bago. Mana anecne bendesic magagakena avucavagic eran poya ukuka ankaunana agan darem benaino. <sup>13</sup>Beni Abrahami na, Aisaki na, Jekopiu yic Koctim bemi, yenamac sifo unan yic Koctim, beni beyic yogam bainta Jisasin anon avici amemi. Yigeni bemi yicnaen amicdeci fakaman Pailatin ayan kin dami, beni ecanam bino vani indemino. <sup>14</sup>Beni Avogugic ugen, Antecken, umandac iye dukam Bainta yigeni yicnaen amicdeci, banta yiruman fugevam bainta yigen yimino vani inantemino. <sup>15</sup>Yigeni iye kipan yaun yimevam bainta aruman fugomino, bemi Koti fukagenin kinke ukuka ankaraci, mini ic witnasiuci yenamac becyamumumpe. <sup>16</sup>Micnugami, ben avic poni mana bainta eran mandukaci mage yigeni bemi onamino. Jisasin kim birivicim poni mána bainta ben o avogugic uankarukaci macde yigeni onamino. <sup>17</sup>Micnugemifo, sifactiva unano, seni indecumpe yigeni iye indirukeci mini anda uvaramino, yigen yinom baintau baci micnenone. <sup>18</sup>Micnugami, mini anecneugani Koti profetiuc yivantaci benic Kraisi anavisic marananinani bani sirukagenimi, mage minim facbar emino. <sup>19</sup>Micugemifo yige yindun baegago, Iyenon avakurinaci yigenic manda andauc ugic yinkano. <sup>20</sup>Micnuranaci Iyeno yige banagon kac yeraenaci eran yimino, beni Kraisin sankanami yintemino, yigema ugacman yinkarukeni, beni Jisasi ino. <sup>21</sup>Bem Mánan inarum magu mandan dukanami amankac yevegem macden anecne mandan ukukananin yamuc yintemi, Koti mini vani feyampac beyic anteckan profetiuc yivantac siram bagenimi. <sup>22</sup>Mosasi fuga siremi semi, 'Koti mána sen kacnac ugam profeti yigen yifacyiva unan yicbanac kinke mandani ukukantemino. Yigeni macden anecneugana sera sinaninuc anufaregac indego. <sup>23</sup>Beni yigen yicbanac bainta bantemino, afo iyefi mini profeti sinanin indirem iye avakuremi, beni mandam marantemino. <sup>24</sup>Fuga ugane, macden profetiuc Samueri banin kake yemi managac yeraimi, macde anecne mage mana yamuc kin ampamininaninani senone. <sup>25</sup>Yigeni profetiuc yigafandauc bami Koti yigen yinifu unan kaci beyic kontraki simani uyac dukemino, beni Abraheminani semi, 'En agac kinke manan umacdém mána magagakena inimbaintauc avoguc marantenone.' <sup>26</sup>Icnaemi Koti beyic yogam bainta mandan ukukaremi sankarami yigempac nare yemino, avoguc yigen yiminanin ani uvise, yigenic manda andauc ugic yinkemino."

## Chapter 4

<sup>1</sup>Pita nuc Yoni nuc banta anasiuc mam baya siyimami, prisiuc namac mam mac kac dafitam bainta namac Sadusiu namaci ye van kac yeraeno. <sup>2</sup>Pita nuc Yoni nuc banta anasiuc tisin eni Jisasi fukagen ukukanani siyimanani, yeni anon umani marenno. <sup>3</sup>Acdekac ayufun karani ini, ena banuran antegarani yeni makantanda fakareni karavusi mac kimi dumuman deno. <sup>4</sup>Amucna inimbaintauc mini baya indireni birivic eno, birivic on inimbaintauc amucnaice ureni 5,000 amami undaeno. <sup>5</sup>Ena banurami yenyic dafisiruc namac, anonic ugam baintauc namac lo gin indin dukam baintauc namac Yerusalem magusim baguyeno. <sup>6</sup>Yicnom prisi Anasi minigaci bami, Kaifasi na Yoni na Aleksenda na yicnom prisin ankun kinke macde minigaci bano. <sup>7</sup>Yeni Pita nuc Yoni nuc ye yicbanac kim mandan deni, indaeno, "Iyenec eran poyafi haca iyen avic kinaci mána anecne uvaregafono?" <sup>8</sup>Afo Pita, Ayo Inta ben kin uvikaimi, beni siyimemi, "Yigeni banta anasiu yic acnam baintauc namac yicnom baintauci bamino, <sup>9</sup>Afo mage mana nurane, bende koc kac ukukaunai, avoguc avucavac ac bainta uankarec, inkenic urenaci mana bainta ayofan marenafino sirc yigena inda ane. <sup>10</sup>Ecanaci yige macde Israeriuc inimbaintauc yigeni yic indintim bino, mana bainta yigen yugampac ac bac iye duken ukukagane, beni Jisas kraisi Nasareti kena bainta avic kimi ayofan mandemi ukukagemino, bemi yigeni dunkin yasac iyemponi aruman fudiami, afo fukan kinke Koti bemi ukuka ankemino. <sup>11</sup>Mana mini onacbam Jisas Kraisi mini onacbam baci yigeni mac uvaram baintauci yicnaenic urami, bemi apurintinkena onacbanici ugemino. <sup>12</sup>Iye kipan yaum marani ena bainta vac iyem bemino, nevaraino, inarun agantim ena yivic bac iyem bemino." <sup>13</sup>Afo Yeni yonani Pita nuc Yoni nuc iye fegani eran namaci baya seno, yeni fayam baintauci beni, siguru vac iye sigmauni bami yeni mini van indemi, yemi yigan dani, Pita nuc Yoni nuc yonani bani Jisasi namaci bageno. <sup>14</sup>Nevarai, yeni yonani ayofan mandukam bainta yenamac ukukagani, yeni mini van a sinayonic iyen uyinkemi. <sup>15</sup>Afo yeni kansoro bagusinke yekanda siyinkareni, ye yiran baya seno. <sup>16</sup>Yeni seni, "Ne anecne mána bainta ganda uvanyinkanuno? nevaraino, yeni enac ugan avucavaci uvadani macde Yerusalem magusinke onarukenone, afo yigeunamac amankac iyen ayofantecumpe. <sup>17</sup>Afo mini baya banta anasiuc kim ben yen iye ino vani, yicya yigeunamac yen yiman yimic dana mini avic kac sire banta anasiuc iye siyimego." <sup>18</sup>Afo yekanda yaraman deni Jisasin avic kim banta anasiuc iye siyimegovani yiman yimeno. <sup>19</sup>Afo Pita nuc Yoni nuc yemi yevege siyimeno, "Yigenafo daindec onago. Koti ogan kac amankagigac intenafino yigen yivava avakundec Kotin avaya ecanane? <sup>20</sup>Yenamac onarec induna anecneu gana siyimenuna asapac amankac iyen ecantecumpe." <sup>21</sup>Ena yacbac Pita nuc Yoni nuc yiman yimicdeni, ecani yeni beno. Yeni mána anecne mandaic urukanayon afakare uman yimirani indemifo iyen afakeno, nevarai, Pita nuc Yoni nuc mini avucavac uvaranani macden inimbaintauc Kotin avic yanice evano. <sup>22</sup>Ayofana maram bainta beni 40 orande vaci yankagarem bami. <sup>23</sup>Pita nuc Yoni nuc utuc dati yeyic bantauc kimi oraeni yicnom prisiuc namac yicnom baintauc macden baya yema siyimenuci yemi maro siyimeno. <sup>24</sup>Yeni mini bayauc indireni, managimi yivan deni Kotin aren, Iyeno o, eni inaruna, magava, nona, macden anecne minigim banuc bac uvaranamino. <sup>25</sup>Eni Ayo Inta gimi eyic yogam bainta Devitim mayau sifon avantaic senamino, "Nevaraci mapac baintauc yiran anecne mareyafono, afo banta anasiuc manda anecneugan indeyafono?" <sup>26</sup>Eni senamino, 'Mana magagakena kinuc namac yicnom baintauc Iyelon nuc Kraisi nuc namac yiruirani managim baguyeno. <sup>27</sup>Fuga ugamino, Heroti nuc Pontius Pailatin nuc namac mapac inimbaintauc namac Israeri inimbaintauc mana taoni gimi baguyenone. Yeni enic anteckan yogam bainta, ben anon kac basafem bacyirukano, Jisasi namac yiruirani. <sup>28</sup>Ena acnантапаc eyic eran po eyic indintim macden anecne micnogo vana uvandukana uvararani managin ye baguyenone. <sup>29</sup>Afo Iyeno o, yeni yiman yimem bayauc naroc onare eyic yogam baintauc eran yimina en avaya siyimago. <sup>30</sup>Ey ayan yiyofanovan agucdanam bevana, enac ugan avucavaguc enic anteckan yogam bainta Jisasin avic kim yimino." <sup>31</sup>Afo yeni yugam mukure kiparami, yena baguyugam magugac magun dimi, masicden kimi Ayo Inta uvikani, yeni eram baya ginke Kotin avaya siyimeno. <sup>32</sup>Amucna birivican inimbaintauc mána indintac bac mána yirakaci bano. <sup>33</sup>Mayavac bena dukan anecneugani beyindave iyen semi, afo yeni macden anecneuc managim bàguyuren, dainde mána mararic manan eno. Aposoriuc onama Iyeno Jisasi fukagen kinke ukukaninani yeni anon eramponi siyimemi, afo benic anon avacbac macden inimbaintauc kimi uvikemi. <sup>34</sup>Macden inimbainta mana mana anecne vandac iroc iyen eno, nevarai, macdem magava maguc sarin ureni mini anecneuc kakena monoc <sup>35</sup>mare aposoriuc yigantimi dani, yeni monoc mandeni dainde macden birivi inimbaintauc iyeuyafi yena amankagic iye ugauni yimimani amankagic uyinkeno. <sup>36</sup>Mána bainta Yosepi, aposoriuc benani Banabasi nen sire avic devano (mini baecdanami Eran Indin Yimevam Baintai), beni Livai ankun kinkenom bemi, Saiprusi magusapaci bagemi, <sup>37</sup>beyic maga sarin uremi monoc mare aposoriuc yigantimi demi.

## Chapter 5

<sup>1</sup>Mána bainta ben avic Ananaiasi bami, ben anac Safira namaci, mána maga ayac ogovani dani, ayaceno. <sup>2</sup>Beni daindemi manaca beyan fakamanaremi, (mini vani, ben anac bani indigami) manaca aposoriuc yigantimi maro remi.<sup>3</sup>Afo Pita bemi samemi, "Ananaiasi o, nagac enaci bananon en arakin uvikaiyaci, Ayo Inta umac siankareci magagakena monoc dainde manaca eyani fakefono. <sup>4</sup>Mini maga ayac iye ugami, eninda bagemino, icnaen ayac uraya marana mono kac enafo daftageonamino. Nagac iyaci mini indin ey anduntim mini avucavac uvararan defono? Eni banta va umac siankananaino, Kotimino." <sup>5</sup>Mini bayar indemi, Ananaiasi minigac yandemi fugemi, mini ampaminan inden inimbaintauc anon yaci gemi. <sup>6</sup>Fumarauc ben o davarave ukureni, doye maro masiceno. <sup>7</sup>Igona amun kandac manavac yankagaimi, ben anac ne anecnefi ampameninan, iye indini, minigin yefegemi. <sup>8</sup>Pita bemi samemi, "eni sisimeno, magagac micnumaraci ayac eyafono?" Beni samemi, "Eyo, minicnan kacino."<sup>9</sup>Afo Pita bemi samemi, "Yige kanda, nagac egaci baya uyuregaci Iyenonic Ayo Inta amam macankegafono? Onano, en avafum maro masicam baintauc mini onagaci yeraenone, embaci doye bintenone."

<sup>10</sup>Eseci minigac yandemi ben agantim fugemi. Fumarauc naun umpece onami fukani, yeni doye ben avafun acnagaci maro masiceno. <sup>11</sup>Man kim ban inimbaintauc baga inden inimbaintauc mini anecneuc ampaminan indemi anon yaci gemi.<sup>12</sup>Aposoriuc yiyankinke amucna mirikori va enac ugān avucavaguci banta anasiuc yicbanac kin ampamevami. Yeni Soromoninic rumu gimi baguyuge bano. <sup>13</sup>Amucna birivic an inimbaintauc yenamac yevarani fegevano, yeni micnenofo, yemi yonaman yanici evano. <sup>14</sup>Amucna inimbaintauc Iyenon kim birivic eni yeni yiric anan eni, iye yandan inimbaintauci ye uvike amucaic eno. <sup>15</sup>Micnam poni, yic inimbaintauc baci yivige anon ay avafac ban sagoc ana va, iyena siauc ginkaci yinkani bano. Pita mini ayana yankagem binam ben amaman amankac yenkar davacino vani micnevano. <sup>16</sup>Amucna inimbaintauc baci Yerusaremi magu adecanagena taoni ginkake yic inimbaintauga manda spiritiuc mandaic uyinkarukan inimbaintauc baci yivige ye baguyugano, macden yiyo fan maren. <sup>17</sup>Afo yicnom prisi ukukemi, benamac bageyou (Sadusiuc); namac yenkim manda indiruc uvikaini, <sup>18</sup>aposoriuc manda indiric uyinkareni, yemi umacden inimbaintau yic karavusi mac kimi fakaman deno. <sup>19</sup>Micnam Iyenonic enyoro ayufumi karavusi mac onauc diremi mapac yivigen kundaemi, yemi siyimemi, <sup>20</sup>"Oraec, mam mackin ukukaegaci banta anasiuc iye kipan yaum maranayom baya vaci siyimego." <sup>21</sup>Yeni mini baya indireni kagarar acdekagic evani mam mackin umpeceni mini baya siyimeno. Afo yicnom prisi benamac bageyon baintauc namac macden Israeri dafisim baintauc namac baguyuge baya sirani, karavusi mac kinke aposoriuc yivige yego vani sondiauc siyinkani beno. <sup>22</sup>Sondiauc orae karavusi mac kin iye vani, yeni yevege oraeni siyimeno, <sup>23</sup>"Yenamac karavusi mackin oarec onaunami macden onauc uyakami sondiauc onagac ukukagaci, yenamac ona direc onaunami, maya vac minigin iyem bami." <sup>24</sup>Afo mam mac kinkena sondiau yic dafisin namac yinom prisiuc mini bayauc indireni, yeni amucna indirici eni, mini acnaemi ne anecne ampamintenafino indirici eno. <sup>25</sup>Icnaem mana bainta yeraemi yemi siyimemi, "Karavusi mac kin dana bageyom baintauc mam mac kugu gimi ukukage banta anasi mam baya tisin enone." <sup>26</sup>Afo sondiau yic dafisin beyic sondiauc namac oareni yivige yeno, banta anasi onacban yirinayon agani fecdeni, iyen yireno. <sup>27</sup>Yeni yivige mare reni, macde yugampaci ukuka yinkeno. Yicnom prisiuc yemi indaeni, <sup>28</sup>"seno, "Yenamac yigemi eram baya sirci mini avic kac mam baya iye siyimego vani umoc duyinkaunac, iye indini yigeyic mam baya siyimiman Yerusaremi magusin uvikaman deci, mini baintaic fugin yenamac simofin irani yigemi yiyemino."<sup>29</sup>Afo, Pita aposoriuc namac yevege yemi siyimeno, "Yenamac Kotin avayan avakurontecumpe banta iyeino." <sup>30</sup>Yenamac sifo unan yic Koti beni Jisasin ukuka ankemino, yigena dunkin yasac iyem pona aruman fugom bainta. <sup>31</sup>Koti bemi onaman yanic uremi, bey ayan ugampaci dami ben acnagaci bemino, beni kin agagic ugemi yenamac siyayintemino. Beni Israeri inimbaintauc yindun baec yinkaremi yenyic manda andauc ugic yinkantemino.

<sup>32</sup>Yenamaci mini anecneuyic witnasi becyamumpe, Ayo Inta vacino, Koti ben avaya indauni bemi yimic dukemino."<sup>33</sup>Kanisorouc mini baya indireni, yeni anon yiran anecne mandeni aposoriuc yiruman fugirani indeno. <sup>34</sup>Afo mana Farisi bainta ben avic Gamarieri bemi, beni lo gimi tisaic ugam bani, umacden inimbaintauc bemi onaman yanici evano, beni kanisorouc yicbanac kin ukukaemi eram baya ginke mini baintauc yivige mapac marogun da sito kac bago vani siyimemi. <sup>35</sup>Mini acnaemi, beni siyimemi, "Israeri inimbaintaugo, kapinagegac indego, ne anecnefi yigena mana baintauc uvayinkarana bayauc uvarac none." <sup>36</sup>Bani manaca nuran yankagaimi, Teudasi ukukemi beyarani sivic dukauno becumpe sirani, manaca inimbaintauc amankac 400 amami benamac ye vanone. Bemi aruman fucdam, ben avakurageyon inimbaintauc dakacdeni iyaye mana mana uom, mana anecnevac iyen ampamemino. <sup>37</sup>Afo Teudasin acnaemi Yudas Gariri magusinkeno yivic marevayon yamuc kinkaci ukukemi manaca baintauc yiviman besapac demi. Be yacbaci fucini, ben avakurageyo inimbaintauc yerereni mana mana eno. <sup>38</sup>Afo yigemi mage siyimentecumpe, mana baintauc kake nenkac begaci iyevac yiruogo, nevaraino, yena uvararana indeyon indirafi yogarafi bantaic indintac ampamevanami,

yandintemino.<sup>39</sup>Afo Kotin inda banaci, yigeni amankac iyen aruman fuginagomino. Yigeni onanagomino, Kotin namaci yiruamino." Afo yeni mini baya indireni maro minigaci eceno.<sup>40</sup>Mini yankayaini yeni aposoriuc yaraman deni Jisasin avic kac sire iye siyimego vani umoc duyinkareni, ecani beno.<sup>41</sup>Yeni kanisorouc baguginke yerere beno. Yeni Jisasin Avic kim yinavisic maranani Koti yemi yandaman danani yimusin marani beno, Jisasin Avic kim yinavisic maranani yimusimi mara beno.<sup>42</sup>Mini yankagaimi macden nuram mam mac kina ena ena baintauc yimac kinkac yeukeni avoguc baya Kraisinani Jisasi ino siren i siyimevano.

## Chapter 6

<sup>1</sup>Mana nuran acbanac kinkac, disaiporiuc amucnaic o urami, Griki magusapatena Yudauci Hibru uc amucna baya siyinkeno, nevarai, yeni macden yac yunanuc dainde yime beni yenyic kentoc ininanuc iyen yimevano.<sup>2</sup><sup>12</sup> disaiporiuc amucna birivi inimbaintauci yaraman deni siyimeno, "Yenamac Kotin avaya siyimin yogan yere ecec yunanuc daindec yimiran bonami iyen antegantemino. <sup>3</sup>Afac ava unano, yigeni amankaci afac kantan omandan baintauc yige yicbanac kinkake yuman danagomino, avoguc yivic dukena, yenkin Ayo Inta uvikagana avoguc indin dukam baintauc yivicdagaci yenamac yivic danayaci mini yogantac dafisego. <sup>4</sup>Afo yenamac yugam mukin yogan marac beci Kotin avaya siyimin yogandac marantecumpe."<sup>5</sup>Umacde mini baya indireni yimusimi maren. Afo yeni Stivenimi avigeno, beni eran birivic evam baintan bami, Ayo Inta benkimi uvikagami, afo Filipi na Prokorusi na Nikano na Timoni na Parmenasi na Nikolausi Atioki magusapate Yudau yic man kin andun baedukam bainta vaci avigeno. <sup>6</sup>Birivi inimbaintauc mini baintauc yivigeni aposoriuc yugampac maro rani, yiyan yenkac deni yugam muku yinkeno.<sup>7</sup>Micnami Kotin avaya anonic emi ben yen imi, birivi inimbaintauc Yerusaremi magusimi amucnaic eno, amucna prisiuc baci oyam baya gim birivic eno.<sup>8</sup>Afo Stiveni, benkim avacob namac eran dac uvikagami, beni enac ugan anecneuc baga mirikoriuc anasi banta yicbanac kin uvarevami. <sup>9</sup>Afo manaca fayan yogan inimbaintauc utuc yinkarukam mam mac fridmani ve sire avic dan kinke, Sairini magusinke namac Alexandria magusinkena mam mac kinkake namaca Silisia magusinke namac Esia mam mac kinkake ukukeno. Yeni Stivenin namaci amucna bayauci sevano.<sup>10</sup>Afo Ayo Inta Stivenin indina amima senin bayauc yeni yevege bemi siankanayon amankagic iyen emi. <sup>11</sup>Micnini yeni manaca baintauc kac kuntanuc urani yeni seno, "Yenamac indegunami Stiveni Kotin namac Mosasin namaci manda bayauc siyinkevamino"<sup>12</sup>Yeni banta anasiu ga, yicnom baintau ga, lo gin tisaic ugam baintauc yirac ukukarani, Stivenin ye fakareni kansorouc yugampac maro ukuka ankeno. <sup>13</sup>Yeni umac witnasiuc yivige mare rani, yeni seno, "Mana bainta mana anteckam magu namac lo namagani manda baya sirani, avantac iyen fakemino. <sup>14</sup>Nevavarino, yenamac indegunami beni semi Jissasi mana magu anankaremi Mosasi yenamac kin dan kumin avucavac baegarani semino." <sup>15</sup>Macde kansoro gin kumantageyon inimbaintauc yugam ben kac ana duke onami ben oni enyoro ontanaci emi.

## Chapter 7

<sup>1</sup>Yicnom prisi bemi indaemi, "Mana bayauc fugac seyafono?" <sup>2</sup>Stiveni yemi siyimemi, sifactiva unan namac sentifo unan, kapinagegaci sen tivaya indego: Kotinic erani yigeunamac sifo, Abrahemin kaci afotagic emino, beni Mesopotamiac bemi, Harani magusapac iye ovami. <sup>3</sup>Koti bemi samemi, 'ey ankunuc namac eyic maga namac yere ece sena yocaganuna magafagac bono. <sup>4</sup>"Icnaemi beni Kaldia magafac yere ecemi Harani magusimi ovami, minigac bami, ben afo fucimi, Koti bemi avigemi managac yemino, mage yigena bam magagage. <sup>5</sup>Koti bemi mini maga iyen amemino, iyeino, sitoc maga aravac agan dananinic ugam bac iyen amemino. Abrahemi am bac iye dukami, Kotin bemi promasic uankemino micnuremi, bemi mini maga ben namac ben anvasinuc icnaen yinayou yiminan yen yindaic ino vani samemi. <sup>6</sup>Koti bemi macni siremi samemi, ben anavasinuc sito kac ena magafac sito kac ovami, mini magafateno yemi karavusic urani fayan yogam baintaic ugami 400 orandegaci mandaic uyinke bantenone. <sup>7</sup>Afo Israeriuc yenyic yogaric uyinkeyon magafatenoni koci yimentecumpe, 'Koti micni semi, 'afo icnaemi yeni miniginke fasapac yeraeni mana magugimi sen kac man sintenone.' <sup>8</sup>Afo icnaemi Koti yife yinda akecyan lo Abrahemin amemini, micnurami Abrahemi Aisakin afoic uemi 8 nuran yankagaimi ben afe anda akecyemi, Aisaki Yekopin afoic imi afo Yekopi 12 yicnom baintauc yifoic emi. <sup>9</sup>Nevarai, yicnom baintauc manda indiric Yosepin uankareni, bemi Isipi magafac fayan yogam baintaic ino vani ayac urani, sankami bemi, micnenofo Kotin benamaci bemi <sup>10</sup>benic macden umantinke ayayemi. Beni Yosepin avacbac namac avuguc indin namac Fero, Isipiu yic kin ogampac, amicdam, bemi Isipi magafaci kavanaic uankaremi, umacdrem beyinda anecneuc kaci dafic ankemi. <sup>11</sup>Afo umacden Isipi magafac namac Kenani magafac anon yarani yimi, anon manda ampamimi, mayau sifo unam amankac yunan afakanayon ayac iyen bami. <sup>12</sup>Afo Yekopi indimi Isipic witi va raisi va antiviriuc bami, beni yenamac sifo unami siyinkani beno. <sup>13</sup>Afo yevege bon kimi, Yosepi bey afacava unam facbaruremi beni iyec benafi siyimemi, Yosepi ankunani Feron agankac bimi indemi. <sup>14</sup>Yosepi bey afacava unami siyinkani yevege orae Yegopin maro samina, macdem bey ankunuc, 75 inimbaintauc namac Isipic bino vani siyinkani beno. <sup>15</sup>Afo Yekopin namac mayau sifo unan namac Isipi kumbeni fugeno. <sup>16</sup>Yemi kandauye Sekemic, Abrahemi silva monoc po Hamonin agafandaupate ayac uram bamasic kimi maron masic eno. <sup>17</sup>"Afo promasic uranin yamuc yevami, mini promasi Koti Abrahemin uvar ankarukagenimi, Isipi magusim banta anasi anon uvikaric eni amucnaic eno. <sup>18</sup>Micne vami ena kin ukukemi, Isipi magusin dafisemi, mini kin Yosepi nandac iyen indigami. <sup>19</sup>Beni mayausic banta anasi umac siyinkemi, mayau sifo unan yirure mandaic uyinkemi, mage macdukan inta agaguc mandan afotagic urana yiruman fugirani yivankevami. <sup>20</sup>"Mini yamuc kimi Mosasim magemi. Beni Kotin organ kac anon avogugic ugam bami ben afon amac kimi kandac manavac igona gaci dafisevano. <sup>21</sup>Afo bemi doye mapac marogun dami, Feron aramum mandemi bey agagic uremi dafisevami anonic emi. <sup>22</sup>Mosasi masicden Isipi magusinkena avoguc indirukimi siguru maremi, afo benic yogantim bac ben avaya gim bac anon erani dukami. <sup>23</sup>Afo beni 40 orandeic uimi, bey afacava unam, Israerin anavasinuc yonananin indini ben andutim yemi. <sup>24</sup>Beni onevami Israeri bainta arurem mandaic uankevami, Mosasi ben kafaruremi Isipi bainta aruman fugemi. <sup>25</sup>Beni indimani ben afacava unan omare indintenone Koti, ben ayan kimi, yemi yiyyayevani, yeni omare iyen indeno. <sup>26</sup>Mini nuran yankagaimi ena nurami Israeriuc vapac oraen onani ye yiran yiruami, beni yekanda managim bago vani macni siremi siyimemi, 'Mana baintaugo, yige untavani bamiento, ne gafaraci yige yiran mandaic egafono?' <sup>27</sup>Afo agona mandaic uankenim bainta Mosasi avekaman nenkac demi samemi, 'Iyec emi dafisiric uankarenaci bendegac yasi ic ono siankarukaya fono?' <sup>28</sup>Eni nuran Isipi bainta aruman fugoniac ure sem bac siruman fugirara fono? <sup>29</sup>Mosasi mini baya indiremi dakacden iyayemi, beni Midia magafaci maro anamuruic ugagemi, minifaci kantar intauc yifoic emi. <sup>30</sup>"40 orande yankagaimi Sainai Anuic fayan magafaci, uc iga gen oyarevan kimi mana enyoro benkac ye afotagic emi. <sup>31</sup>Mini iga Mosasi onarami, bemi agan dami, acdekar oraen onaran bevami mana ameni Iyenon ofenke yemi, semi, <sup>32</sup>Seni enafo unanyic Kotim beci, Abrahemi na Aisaki na Yegopi uyic Kotim becumpe.' Mosasi mini baya indirami anon andiremi ouc dundun imi ena yacbac onananinic iyen emi. <sup>33</sup>Iyeno bemi samemi, 'Ey agantinke sendori ayucman fasapac dano, ena banagaci anteckan magagac ukukaganamino. <sup>34</sup>Isipi magusim sentic banta anasi umana marami seni fuga sirc onecumpe. Seni yenyic ifici indireci, yen yiyyayirani kumecumpe, mage yeno, seni sankana eni Isipici binonamino. <sup>35</sup>"Mana Mosasimi yeni yicnaen amenone, yeni macni siren, 'Iyec emi dafisiric uankarenaci yasi ic ono sirukaya fono?' Mini Mosasim manan Koti dafisiric uankaremi yevegen yivigan baintaic urami Isipic karavusi ginke yivigen yemino. Koti bemi uc agac kin Mosasin kac afotagicin enyoro ayan kimi demi sankami bemino. <sup>36</sup>Mosasi amucna mirikoriuga, ena ugan avucavaguc Isipi ga Koran non kina fayam magafac 40 orandegac uvaragen demi Isipi magusinke yivigemi mapac acden yemino. <sup>37</sup>Mini Mosasi manan Israeri inimbaintauc siyimemino, 'Kotin mana profetin yigen yifacyiva unan kinke, sen kacnac ugami ukukaman dantemino.' <sup>38</sup>Mana bainta manan afac kacmapac Sainai Anugac enyoro benamac a semino, beni yigeunamac sifo

unan namac bagemino, beni ayum fa van baya yigeunamac simirani maremino.<sup>39</sup>"Afo mayau sifo unam ben avaya indirani, bemi avekaman nenkac deni, Isipigani yevege indenone.<sup>40</sup>Mini yamu kimi yeni Eronin sameno, 'Mana kotin acnaric uen yenamac sivigem binanin uvan sinkano. Nevaraino, mini Mosasin Isipi magusinke yenamac sivigem mapac acden yemino, yenamac iyen indigecumpe, ne anecne benkac ampankenafino.<sup>41</sup>Micnugami yeni mana burimaka agac aman uvandeni ofa mini aman amicdeni, yeni yimoyeno, nevarai, ye siyampo uvantan anecne vani.<sup>42</sup>Afo Koti acnaen yimicdemi, ecani inarunkakena bayo gac man siankeno, micni siremi profetin yic yo gin santemi, 'Israeri inimbaintaugo, yigeni 40 orande gac afac magafac nogegon kinkac ofa mare simevaga fono?<sup>43</sup>Yigeni mana yirac kaci deci Morekin namac kot Refaninic bayoic seri gac mam maga, amanuc yige yuyampo uvandukanuc man siyinkarani maramino, micnugaci seni yigemi doyec Bebironi vac yankageci maro yinkantecumpe.<sup>44</sup>Yenamac sifo unami serigac mam maci fayam magafac dukagenone, organic ugan Kotin Mosasin eram baya ginke samenimi, beni afan dac amam bac oneninic ugan uvarano vani samemi.<sup>45</sup>Mini seri mac mayau sifo unam manaren Yosua namac mini maga mande yeyindaic ureni Kenani magagin umpegeno. "Afo mayau sifo unam yugan kaci, mandemi anecne mini inimbaintauc yenyic maga ginke yivakundemi, mayau sifo unami yenyindaic ureni yimemi. Mini seri mam mac fananan bagemi Devit banin kaci yeraemi.<sup>46</sup>Afo beni Kotini ayini afakemi, beni amankac mana magu Yegopinic Koti bananin mac uvarankarani indaemi.<sup>47</sup>Afo Soromonin Kotin amac uvaranim bainta bemino.<sup>48</sup>"Micnurami, Iyeno beni yanic ugan Koti bemi beni banta yiyampo uvandam mac kinkac iyem bemino, micni siremi profeti sirukamino,<sup>49</sup>Iyeno micni semi, inarum magui, sentic kinic sia ino, afo magai seni sigan deguna gac ino. Inkenic ugam magac yigeni ugan sinkararaci segafono?<sup>50</sup>Sen siyam macdem mana anecneuc iye uvarenafino?<sup>51</sup>Yigeni baya aran inimbaintam bamino, yigeni yige yindura yaganuc kackena yindaic iyen akecyarukamino, yigeni ecami Ayo Inta beyic yogan iye maremino, mini avucavaguc yigena uvarami, feyugam yigen yifo unam uvarageyonic ugami amino.<sup>52</sup>Inkenic profetiugaci yigen yifo unam mandaic iye uyunkeyafono? Yigen yifo unami acnantapac bana yageyon profetiuc yirevanone, mana Anteckam Bainta iye yigani, micnugaci mage yige yachaci bantauc yivcman namugouc yiyan kin damino, minifoni yigayaci bemi aruman fugamino,<sup>53</sup>yigemi enyorouc lo mandan yimeci maramifo, yigeni mini lo iyen fakamino.<sup>54</sup>Afo kansorouc mini bayauc indirami yirac ampicrarani Stivenin anon yiran anecne marankeno,<sup>55</sup>micnami Stiveni Ayo Inta, benkin uvikagami, beni inarumpac maron onemi, beni Kotini erani onemi, Jisasi Kotin ayan ugampaci ukukagami beni onemi.<sup>56</sup>Stiveni semi, 'Onago, seni onaunami inarum ona diyimi, Banta Ayac kotin ayan ugampaci ukukagemino.<sup>57</sup>Minigac kansorouc yagan kac yiyan uyac deni erarure bacdureni, umacde iyaye manacyaci Stiveni bankac oraeno.<sup>58</sup>Stivenin fakareni difite taoni ginke mapaci marogun deni onacban arami banta anasi minigac ukukage onageni, yeni yeyic yagetiuc ayucdeni mana fumara agantimi yere reno, ben avici Sori i.<sup>59</sup>Afo Stivenin onacban arami beni Iyelon araremi semi, "Iyeno Jisasi o, sentic ayo inta marano."<sup>60</sup>Beni agon noyan kac kundaemi bacdureni semi, "Iyeno o, yenyic mana anda yenkac. iyevac fakano. "Beni micni siremi, fugemi.

## Chapter 8

<sup>1</sup>Bena fuginani Sori avoguc araci maremi. Micnuremi Sori kugandemi Yerusaremi maguginkac bagenim mam maguc anankayomi bemi. Macdem birivican inimbaintauc Yudia baga Samaria maguginkaci dakacde iyayoni aposoriuc mánan minigac bano. <sup>2</sup>Kotin kim yindun munkugam baintauc Stiveninan anon yigun anecne mandeni, kunic ure masiceno. <sup>3</sup>Sori mam mac anankayirani emi. Beni mana mana mac kinkac umpecemi banta anasi difitaman mapa demi, yivigem maro karavusigin demi. <sup>4</sup>Micnevani minivar iye indini Obirivican inimbaintauc miniginkac yeukeni mam baya siyimevano. <sup>5</sup>Filipi mana taoni gimi, Samaria kumbemi Jisas Kraisinan siyimemi. <sup>6</sup>Amucna inimbaintauci Filipi siyimevam bayauc avogugic ureni indeno. Mána indintaci beni indeni, yeni enacugan anecneuc uvarevani oneno. <sup>7</sup>Amucna inimbaintauc Manda spiritiuc amucna inimbaintau kim bageninuc bacdureni fasapac acdeno, amucno yigan yiyan fukan inimbaintauc baci yiyofo yinkemi. <sup>8</sup>Micnini, mini taoni gin anon yimusimi maren. <sup>9</sup>Afo mána bainta bami, beni Saimoni bemi, beni acnантapac manda spiriti gimi erar avucavaguc uvarevami, mini anecneuc uvarevami Samaria inimbaintauc yigan dani, benani avic dukam baintaino sevano. <sup>10</sup>Amucno, yivic iye dukan inimbaintauc bac yivic dukan inimbaintauc bac ben kimi yeyic indin dukeni, seni, "Maná bainta i Kotinic anon erani dukemino." <sup>11</sup>Beni mini erar anecneuc iyakaci uvarevami, yemi yigan devani, ben avaya indevano. <sup>12</sup>Afo Filipi avoguc baya Kotinic inarum magu namac Jisas Kraisin avic namagani banta anasi siyimini indire birivic ureni, nom maren. <sup>13</sup>Saimoni beyac baci birivic emi, nom maremi, beni Filipi namaci bagemi. Filipin onami enacugan avucavaguc uvarevami, bemi anon agami demi. <sup>14</sup>Afo Yerusaremi magusinkena aposoriuc indeni Samaria inimbaintauc Kotinic baya mandani, yeni Pita nuc Yoninuc siyinkani yena vapaci kumeno. <sup>15</sup>Yeni kundaeni, Ayo Inta marago vani yugam muku yinkeno. <sup>16</sup>Yeni Iyeno Jisas Kraisin avic kimi nom mána manyinkarami, Ayo Inta yen naroc iyen yevami. <sup>17</sup>Afo Pita nuc Yoninuc nuc yen naroc yiyan deni yugam muku yinkarani Ayo Inta maren. <sup>18</sup>Afo Saimoni yonani aposoriuc banta anasiuc kac yiyan dan kinke Ayo Inta marami, beni monoc yimemi. <sup>19</sup>Beni semi, "Mini eran sembac simego, seyandac micnurec iyen inimbaintauc kagafi siyan dana amankac Ayo Inta marago." <sup>20</sup>Afo Pita bemi samemi, "Ecanan enic monoc enamac oyogano, nevaraino, eni Kotinic gifti monoc po ayac irani indanamino. <sup>21</sup>Eni mána yogandac managin iyen duke, mána anecne managin eninda vac iyem bemono, nevaraino, en anduni Kotin namaci iyen anteckemino. <sup>22</sup>Minugemifo, en anduntim benim manda avucavagan andun baecdevaci, Iyenompac ogam mukurananaci beni en andun mararan ayeninuc manda indiruc amankac utuc ankano. <sup>23</sup>Emi onaunami en anduntim manda indiruc uvikagaya, iye anteckan anda gimi karavusic uganamino. <sup>24</sup>Saimoni bemi yevegen samemi, "Iyenompac ogam muku sinkaranaci, ena sena anecneuc senkac iye ampamino." <sup>25</sup>Pita nuc Yoninuc nuc Iyenonic baya afotagic ure siyimicdeni, Yerusaremi magusapac yevege beni, mam baya Samaria maguginkac siyime beno. <sup>26</sup>Afo Iyenonic enyoro Filipin samemi, "Ukuke sautifac, Yerusaremi fate Gasa kumban asapagaci bono." (Mini ani kacmac magafaci bemi.) <sup>27</sup>Beni ukukem oraen onami, mána Itiopia bainta kuinic yogaric emi, beni kuin agagtumi bemi, anon avic dukemi kuinic monokac dafita minigac bami, Yerusaremi magusimi man sirani yevagemi. <sup>28</sup>Beni beyic karisi gimi kumantemi yevegem bemi, profetiuc Asaianic yoginken yandevami. <sup>29</sup>Ayo Inta filipimi samemi, "Mini karisi acdekac orae ukukano." <sup>30</sup>Afo Filipi iyayen minigac oraen, indevami profet Asaianic yoginken yandevami, bemi indaemi semi, "Era yandana eni indi igac efono?" <sup>31</sup>Bemi yevegen samemi, "Mána bainta iye sisimimage, inkenic uregaci seni indi ic onuno?" Beni Filipin araman dami, benamac karisi gin un kumandemi. <sup>32</sup>Mini Itiopia bainta afan yogim mánán yandevamino, "Bemi sipisipi gacnaci arirani avige benone, beni sipisipi gacnaci ayo akecyevam bainta ogampaci nanayugemi bemi, micnami beni avandac iyen osafemino. <sup>33</sup>Bemi onaman mandaic uankareni iye anteckan koci siankeno. Ben anavasinanuc icnaen yinayouni iyeci benani siyimintenafino? Nevarai, bemi mána magagakena bena ayum fa bani sipaci marenone." <sup>34</sup>Afo mini Itiopia bainta Filipimi indaemi, "Seni en indairare, eni sisimeno, iyenaraci mini profeti senafino, beyararaci senafino, haca enonaraci senafino?" <sup>35</sup>Filipi bemi kugandemi Jisas Kraisinic avoguc baya gaken samem bemi. <sup>36</sup>Yekanda ayana bageni, nom bankaci yeraomi mini Itiopia bainta semi, "Onano, mána minin nomi bemono. Sena nom maranami, ne anecneci semi uyagantenafino?" <sup>37</sup>(Feyan afan yogim mánágac iyem bemono.) <sup>38</sup>Afo mini Itiopia bainta beyic karisi minigac maro fakemi. Yekanda nonkin kundaeni, Filipi bemi nom marankemi. <sup>39</sup>Yekanda non kinke fasapac acde undaomi, Iyenonic Ayo Inta Filipin enafac yo avigem bemi. Mini Itiopia bainta bem bac iyen onemi, ececi anon amusin kimi beyic asapac bemi. <sup>40</sup>Afo Filipi Asotus magusac oraemi mini gacke mini magafac yeukemi mam baya macden iyena taoni ginkac siyimen yagemi Sisariaci yeraemi.

## Chapter 9

<sup>1</sup>Afo Sori, fani eram bayauc siyinkemi Iyenonic disaiporiuc bac yiruman fugirani sevami. Beni yicnom prisi bankac oraemi <sup>2</sup>afan yo Damaskasic mam mac kinkac kena uvandan amino vani indaemi. Beni iyenafi onanama Iyenonic ana avakurevan, anasifi haca bantafi fakaren yivigen Yerusaremi yirani indaemi.<sup>3</sup>Beni ayana bagemi, Damaskasic acdekac oraimi anducdimi mána on inarumpate eran karic em bemi yeukemi. <sup>4</sup>Beni magagac yanden kumben indimi mána ameni bemi samemi, "Sori o, Sori o, eni nagac eci semi mandaic usinkefono?"<sup>5</sup>Afo Sori bemi yevegen samemi, "Iyeno o eni iyec befono?" Iyenonic bemi samemi, "Seni Jisasi bauna, eni semi mandaic usinkanamino,<sup>6</sup>ece eni ukuke iyena taoni gin umpegano, minigimi emi ne anecnefi uvaranovani samintemino."<sup>7</sup>Benamac bom baintauc ukukagami ayac iye sinayonic imi, amenanan indeno, mayam bac iye onani.<sup>8</sup>Sori magagake ukukemi, beni ogam magemifo, mána anecne vac iye onani, yeni ayam bacna fakareni avige Damaskasic beno. <sup>9</sup>Beni kandac mánavac nurami ogam bac iye onani bemi, beni yunana nonuc iyen nemi.<sup>10</sup>Mána disaipori ben avic Ananaiasi bami beni Damaskasi magugimi bami. Bemi Iyeno kaikaci samemi, "Ananaiasi o!" Beni semi, "Iyeno o, seni máná minin becumpe."<sup>11</sup>Iyeno bemi samemi, "Ukuke, Anteckane sire avic dan a sac, Yudasin amakac oraevaci mána Tarsusi kena bainta ben avic Sori narac indaono, beni ogami mukem bemino.

<sup>12</sup>Beni kaikaci onevami mána bainta ben avic Ananaiasi yeraemi benkac ayan demi, amankac beni yevegen onano vani micnemi.<sup>13</sup>Ecemi Ananaiasi bemi yevegen samemi, "Iyeno o, mini bainta vani amucno fate indecumpe, beni Yerusaremi magusin enkac birivic an inimbaintauc yiruremi mandaici uyinkevamino. <sup>14</sup>Beni yicnom prisiuc pate eran mandemi en avic dan inimbaintauc karavusic irani fakaman devamino." <sup>15</sup>Afo Iyeno bemi samemi, "Bono, nevaraino, sentic yogam baintaic ino vani bemi avigecumpe, mapac inimbaintauga, kinuga, Israeri inimbaintauc kinkaci beni senani siyimen yeukintemino.<sup>16</sup>Nevaraino, sen sivigan nacuman anavisigafi marananimi seni bemi yocagantecumpe."<sup>17</sup>Afo Ananaiasi yereren oraemi mini mac afakaremi, beni mini mackim umpegemi. Bey ayam benkac demi bemi samemi, "Sifactiva Sori o, Iyeno Jiasasi, asapac yanama enkac ye afotagic eni, eni amankac yevege organ onevanana enkin Ayo Inta uvikano vani semi sisinkac yecumpe."<sup>18</sup>Micni sevami eseci Sorin ogampenke noyac anda gacnac ugan anecne kugufami yevegen onemi, beni ukukemi nom maremi.

<sup>19</sup>Beni disaiporiuc namac manaca nurami Damaskasi magugim bagemi.<sup>20</sup>Eseci beni kungandemi Jisasinan Kotin agage siremi Yudauyic mam mac kim siyimemi.<sup>21</sup>Iyeuyafi inden inimbaintauc yigan dani, yeni seno, "Mana baintaci mini avic dan inimbaintauci Yerusaremi magusin yirurem mandaic uyinkagenifino? Beni managac yenimi banta anasi fakaren yivigen yicnom prisiuc pac birani yemino.<sup>22</sup>Micni sami Sori mam baya siyimintim anon erani maram bemi, Jisasinan Kraisi ino siremi siyimevani Damaskasic ban Yudauc yirac arevano.<sup>23</sup>Icnaemi amucna nuran yankagaimi, Yudauc ben arirani baya uyeno.<sup>24</sup>Micni sire opac uvaram baya Sori bani indemi. Yeni ben arirani bayankona namac ayufun namac anon kugu onagac dafisevano.<sup>25</sup>Micnami benic disaiporiuc ayufumi avige anon kugugac maro reni basgeti gimi ugicdami magapac kumemi.<sup>26</sup>Beni Yerusaremi magusin yeraemi, Sori disaiporiuc namac managinic irarini, yeni ben agani fegeni, bema disaipori ic uganani iye birivic eno.<sup>27</sup>Afo Banabasi bemi avigemi aposoriuc bankac maro remi, siyimemi, inkenic urenaci Sori asapac Iyelon onaranaci, Iyeno benamac asenafi, beni inkecnic urenaci Damaskasic Jisasin avic kim iye fegan eran namac siyimageninu gani siyimemi.<sup>28</sup>Beni yenamac bemi, Yerusaremi maguana umpecen acduen evami. Beni eran namaci Iyeno Jisasin avic kimi siyimemi,<sup>29</sup>Griki baya san Yudauc namaci baya foni aruevani, micnevani ben aruman fugirani aniyogevano.<sup>30</sup>Afacava unam mini van indireni, bemi avige Sisariac marogun deni sankami Tarsusic bemi.<sup>31</sup>Mini anecne ampamini, macdem mam maguc Yudiaga, Gaririga, Samaria maguginkac nanayin baric ugeni maro erar eno. Yeni Iyelon agan fegeni Ayo Intaic avacbac kim bami, amucna inimbaintauc yindun bageno.<sup>32</sup>Mini yamuc kinkaci Pita macdem mini amampac yeukagemi, beni Lida taoni gim baci Kotin kim birivic an inimbaintauc yonarani kumumi.<sup>33</sup>Minigimi beni mána bainta ben avic Aeneasin onemi, beni afac kandac manavac omandan orande gaci beyic sagoc kin dugem bami, beni agar ayam fukami bagemi.<sup>34</sup>Pita bemi samemi, "Ainiasi o, Jisasi emi ayofemino. Ukuke eyic sagoc uvarano," micni sevami eseci ukukemi.<sup>35</sup>Micnini, amucna inimbaintauc Lida magusim bac Saron magusinke mini bainta onareni yeni Iyelon kin yindun baegeno.<sup>36</sup>Afo Yopa magusimi mána disaipori inini bami ben avic Tabita (mini avic Griki baya fac baecdanimi "Dokasi" nen sinteno) bagemi. Mini inini avogucavucava benkin uvikagami, irocan inimbaintauc yivacbuc uyinkevami.<sup>37</sup>Mini yamuc kinkaci beni ac anecne maremi fucini, yeni ben o sesecuankareni, yan amugapac ban rumu gimi maron dami bami.<sup>38</sup>Lida magu Yopa magu acdekaci bami, disaiporiuc indemi Pita minifac bani, yeni kantan bainta ganda siyinkani orae, ben avankeni seno, "Iyakac iye beva yenamac baunafac agagae yeno."<sup>39</sup>Pita ukukemi yenamac bemi. Beni minigac oraini, yeni avigeni yam ban rumu gimi ureno, kentoc ininanuc ben acnagac ukukageni ific deni, Dokasi yenamac ayum fa ben andukuman dagenim bacdouc bemi yocageno.<sup>40</sup>Pita mini rumu ginke macde siyinkani mapac kundaomi, beni agon noyankac kundaemi, ogam mukemi, ben o vapac yo baegemi, beni semi, "Tabita o,

ukukano." Afo beni ogam macdemi, Pitan onemi beni ukukaman kumandemi.<sup>41</sup>Pita ben ayan kac fakaremi ayanocman yanic uman demi, beni Kotin kim birivican inimbaintauc namac kentoc ininanuc namac yaraman dani undaomi, bemi ayum fa bami yemi yimem. <sup>42</sup>Mana mini bay Yopa magusinkac ben yen ini, amucna inimbaintauc Iyenon kaci birivic eno. <sup>43</sup>Afo Pita amucna nurami Yopa magusim Saimoni namac bagemi, beni safura andauc kac anecneuc uvarevam bainta bagemi.

## Chapter 18

<sup>1</sup>Mini anecneuc ánaempaci Poli Atensi yereremi Korinic bemi. <sup>2</sup>Mini avafac beni mana Juda bainta onemino, ben avic Akuilai, beni Pontusi magafateno bemi, beni bey anac Prisira namac Itali magu yereremi yemi. Klaudiusi masiden Judauc Romi magafac yere ece bogo vani siyinkemi. Poli yen yonarani bemi, <sup>3</sup>beni yena yogan yogaric eva bemi, beni yenamaci bemi seri andukevami, yenyic yogani seri andukin yogani bami. <sup>4</sup>Poli masiden sabati nuram baya siyimemi, beni yenyic indin kaga yinkevami, Yudauc namac Grikiuc namaci. <sup>5</sup>Afo mini ginkaci Sailasi Timotin namac Masedonia magu yerereni kundaomi, Poli mam baya siyimevami, Iyenonic Ayo Inta bemi eran baya siremi samimi beni Yuda inimbaintauc Jisas nari Kraisi bemino siremi siyimemi. <sup>6</sup>Afo Yuda inimbaintauc mana yirakac beni bemi mandaic siankarami, Poli beyic bacdouc yen yugampemi dundun uman demi, yemi siyimemi, "Ecanaci yigen yic koran yigen yicnon naroc bano. Senkim mana umanda iyem bemino. Mage mana nuran kake kugandeci mapac inimbaintauc paci bontecumpe." <sup>7</sup>Afo inaemi, beni yereremi mana bainta ben avic Taitius Jastusin amapaci bemi, beni Koctin kac man sevam bainta bami. Ben amac mam mac adekaci vami.

<sup>8</sup>Krispusi, mam makim anaric ugam bainta bemi, beni Iyenon kim birivic evani, ben amac kim ban inimbaintauc baci birivic evano. Amucna Korini inimbaintauc Polin avaya indireni, yeni birivic eni nom maren. <sup>9</sup>Iyeno ayufumi kainkac Polin samemi, "Eni iyevac fegano, baya siyimevac, kapinage iyevac bano. <sup>10</sup>Seni enamaci becumpe, mana bainta vac emi mandaic iyen uankantenone, seni amucna inimbaintauci mana taoni gim dukaunani benone. <sup>11</sup>Poli minigim mana orande sikisi igona gaci bemi Kocti avaya banta anasiuc siguru yimevami. <sup>12</sup>Afo Galio Akaia magusapac gavanaic uini Yuda inimbaintauc Polin avigeni ko kac yeno. <sup>13</sup>Yeni seno, "Mana bainta yirac mandani loc haya ugacdareni enac ugan ásapaci Kotin kac man senone." <sup>14</sup>Micni sirami, Poli a sirar imi, Galio Yudauc siyimemi, "Yigeni Yudauge, manai fuga siren iye anteckan anda benafi, haca, lo ugacdaganimi, amankaci yigeni mandan ukukanagomino. <sup>15</sup>Afo mana i bayauga, yiviguga, yigen yic lo banaci yigenafo vaci simar antegago. Seni mana andau kac yasi ic iyen ontecumpe." <sup>16</sup>Galio indir uwandemi ko magusake siyinkarani beno. <sup>17</sup>Micnuini, yeni Sostenesim fakeno, beni mam mac kimi yinonic ugam bainta bani, koc magusac bemi manda yandaci aren. Afo Galio yena mini uvaranan umar indiric iyen emi. <sup>18</sup>Poli mini gim amucna nuram bagemi inaemi bey afacava unam yere yinkaremi sipi yemandaremi Siria magusapaci Prisila nuc Akuila nuc namac beno. Beni Senkria oraemi un non avafac bey acnon yo akecyemi, beni poromasic uvandukagemi, micnemi. <sup>19</sup>Yeni Efesasi yeraeni, Poli minigaci Prisila nuc Akuila nuc yere yinkaremi, beyakaci mam mac kin umpecemi Yuda inimbaintauc namaci a semi. <sup>20</sup>Yeni Poli yenamac iyakac bano vani indaurami, beni ece. <sup>21</sup>Afo beni yere yinkarem birar emi beni semi, "Afo Kotinic ayina banaci, seni yige banagompac ovaeg yentecumpe." Afo icnaemi beni sipi mandaremi Efesasi yereremi bemi. <sup>22</sup>Poli Siseria magusin oraemi beni Jerusalemi fatena mam mac kin undaemi, birvic an inimbaintauc a yindiremi, icnaemi Antioki kumemi. <sup>23</sup>Poli manaca nuram minifac bagemi, beni yereremi Galesia namac Frigia magusinkac bemi macden disaiporiuc eraruyinkemi. <sup>24</sup>Afo mana Yuda bainta, ben avic Apolosi beni Aleksandria magufatenom bemi, beni Efesasi faci yemi. Beni ayogugic uremi baya semi beni Kocti avaya indigaraci ugami. <sup>25</sup>Apolosi Iyenon avaya gim siguru avogugic uremi maremi. Beni Ayo Inta gin amusin kim bemi, beni a semi antecdemi Jisasinan siguru yimevami, afo beni Yoni nom manyinkevam manan onagami. <sup>26</sup>Apolosi kugandemi mam mac kim eran namaci siyimevami. Afo Prisilanuc Akuilanuc sera sevan indireni, yeni ben avicman avafac deni avogugic ureni sameni, avoguc ure Kotin avakurinayon ayani sameno. <sup>27</sup>Beni Akaia maguginkac birani ayimi, afacava unam baya siren erar amicdeni, ben avogugic ure avigago vani afan sandegeni Akaia maguginkac kena disaipoiuc yimeno. Beni yeraemi avogugic uremi iyeuyafi Kotinic avacbac kim birivican inimbaintauc anonic uremi yiyayemi. <sup>28</sup>Apolosi anon eran namaci Yudauc, banta anasi yugan kac yen siman, mandaic uyinkaremi, yemi Koti avaya ginke Jisasinan Kraisi ino siremi siyimemi.

## Chapter 19

<sup>1</sup>Mini anecneuc Apolosi Korinic bami ampamemi, Poli yampac magafac yankagen yemi Efesasi taoni gin yeraemi, manaca disaipori minigim bami yonemi. <sup>2</sup>Poli yemi indaemi, "yigeni birivic omi, Ayo Inta marega fono?" Afo bemi yevege sameno, "Iye ino, yenamac Ayo Inta van iyevaci indigecyamumpe."<sup>3</sup>Poli semi, "Neginac yigeni nom maregafono?" Yeni seno, "Yonicic nom manyinkantimino." <sup>4</sup>Poli yevegen siyimemi, "Yoni banta anasi nom manyinkami, yindun baecdce Kotin avakurogo vani nom manyinkemino. Beni banta anasi siyimemi, yeni amankac icnaen yinanin kac birivic ogo, beni, Jisasi ino."<sup>5</sup>Banta anasi mini indireni, yeni Iyeno Jisasin avic kim nom maren. <sup>6</sup>Afo icnaemi, Poli yen yicnon kac ayan demi ogam mukurami, Ayo Inta yen naroc yeraini yeni ena ena baya ginke a seni, profeti bayauc sevano. <sup>7</sup>Amankac 12 baintauci nom maren. <sup>8</sup>Poli kandac mana vac igonagaci mam mac kin umpecemi eran namaci siguru banta anasi fuga baya namac Kotinic inarum magu namagani siyimevami. <sup>9</sup>Afo manaca Yudauc yirac erarureni baya iye indini, yeni Jisasin avakuran andaugani manda bayauc banta anasi yugampac sevano. Micnami, Poli yemi yere yinkaremi, disaiporiuc yivicmanaremi Tairanusi siguru yimevan rumu gim maro rukemi birivi ic anda ucbacdemi siyimevami. <sup>10</sup>Mini kantan orande gimi micnom bevami, micnvani maside Esia magusim ban inimbaintauc Yudauc namac Grikiuc namac Iyenon avaya indeno. <sup>11</sup>Koti enac ugan avucavaguc Polin ayan kaci uvarevami, <sup>12</sup>micnimi ankisipi namac yimuc patena badouc Polin ayogaurani maro yic inimbaintauc kac dani yiyo fan marami, manda spiritiuc baci yenkinke acdevami. <sup>13</sup>Afo manaca Yudauc manda spiritiuc siyinkaman karucdauni mini ginkac yeukevano. Yeni Iyeno Jisasin avic darana, yenkin eran yeraina manda spiritiuc siyinkarani yeni, macni seno, "Mini Jisasin avic Poli daremi semi, Seni emi samecumpe, fasapac acdono." <sup>14</sup>Mana yicnom prisi ben avic Skiva, beni afac kantan omandan intauc dukani yeni micnevano. <sup>15</sup>Mana manda spiriti yemi yevegen siyimemi, "Seni Jisasin onageci, seni Polin onagecumpe, afo yigeni iyeuga fono?" <sup>16</sup>Manda spiriti mini bainta ginke karusacem mini baintauc naropac oraemi yenyic eran davacuremi manda yandaci yiremi. Yeni mini mac kinke bacdo yigec iye vani, yirugan yifuruc namac mapac accueni, dakacde iyayeno. <sup>17</sup>Mini anda ampaminani masiden Yudauc namac Grikiuc, Efesasi magusapac ban inimbaintauc mini baya indeno. Yenkin anom fegan yini, Iyeno Jisasin avic anan yani eno. <sup>18</sup>Amucna birivi inimbaintau baci manda andauc namac yena manda avucavac uvarageyonuc siman facbareno. <sup>19</sup>Amucno ban yogaric ageyon inimbaintauc baci yeyic afan youc mandareni mare managin baguyureni, macden inimbaintauc yugam kaci iga sareno. Yeni benic uman yandare onami 50 tauseni silva monoci bami. <sup>20</sup>Micnimi, Koctin avaya eran namaci masidempac benyen emi. <sup>21</sup>Icnaemi, Poli beyic yogan Efesasi magusim kiparemi, Ayo Intaic eran poni Masedonia magusin oraen Akaia magusinke yankagen Yerusalem birani indemi, beni semi, "Seni Yerusaeremi magugim bageci icnaemi Romi magafac biric anan ontecumpe. <sup>22</sup>Poli kantan yogam bainta ganda, Timoti nuc Erastusi nuc siyinkani Masedonia beno. Afo beni yevegemni manaca nurami Esia magafac bantem. <sup>23</sup>Mini gake yemi sitoc umandac Efesasi magusin Jisasin avakurin avucavagan iyem bami. <sup>24</sup>Mana bainta ben avic Dimitriusi, beni silvau kac aneneuc uvareva bemi, beni yenyic Koti Atemisin aman uvaremi, monoc uvaran yogan mini anecneuc uvaran baintauc mare yimemi. <sup>25</sup>Minugami, beni masidem mini yogaricam baintauc mandan managim baguyuremi siyimemi, "Bantaugo, yigeni indigamino, mana yogan tinken yigeunamac anom monoc uvarecumpe." Yigeni onareci indemino, Efesasi magafac ànavaino, macden Esia magafaci mana Poli amucna inimbaintauc yirac baecman ena asapac demino. Beni semi, mana koti vac yiyam po uvandukan koti iyem bemino. <sup>27</sup>Yigeunamac monoc uvareguna asapac anava uyagantena ino, yigeunamac koti Atemisin avic bac erar iye vanami, benic iyena onaman fayar anecneici intenone. Yigeunamac masicden Esia magafac bac mana magagac bac ben kac manan man senone. <sup>28</sup>Yeni mini baya indirami, yiran anecne uvikani, bacduman acnureni seni, "Atemisi, Efesasiu yic Iyeno ino." <sup>29</sup>Masiden mini taoni ginkena inimbaintauc amucna indiric ureni, yeni mana indintac ana beni managin iyayeni iyaran mac kim manan umpegeno. Yeni Poli namac yoga nom bainta ganda fakaman deno Gaiyusi nuc Aritakusi nuc, yeni Masedonia fate yevano. <sup>30</sup>Poli mini inimbaintauc yicbanac kin umpegarar imi disaiporiuc umocduankeno. <sup>31</sup>Afo Esia magafate manaca ofisauc yeni ben agandauc afan yo gim baya uvanden bemi sameno, mini iyaram mac kin iye umpegano vani umocduankeno. <sup>32</sup>Manaca inimbaintauc mana anecne van bacdure sami, manaca ena anecne van semi, mini foni anasi banta yicnonuc anana ini, amucna indiric eno. Amucna inimbaintauc nevarac ye baguyeyafo yeni iyen indigano. <sup>33</sup>Manaca inimbaintauc Aleksandan indir ameno, bemi Yudauc aveke baguyugam baintauc yugampac beno. Micnami Aleksenda ayan yanic uremi avavec emi, mini inimbaintauc kapinagana macni siren siyimiman amandarani. <sup>34</sup>Afo yeni ben onami, Yuda bainta vani, macden inimbaintauc bacduman acnureni seni, "Atemisi Efesasiu yic Iyeno ino" mana yimentac deni micni se vami, igona amun kantar awa yankagemi. <sup>35</sup>Taoni ginkena kuskusi mini inimbaintauc mandan nanayuman demi, siyimemi, "Yigeni Efesasi bantaugo, inkenic baintac iye indirukenafino Efesasi taoni iyena Atemisinic mam mac banare, afo ben aman onacban inarumpate yanden

kumbeninare?"<sup>36</sup>Yigeni mini anecneu gani indigamifo, yigeni agagaurec mana manda anecne iyevac yemi uvanyinkago.<sup>37</sup>Yigeni mana baintauc koc kac yivigec mare dukamino, yeni mam mac kinke mana anecne umor iye mareni, yigen yic anasi kotim manda bay a iyen siankenone.<sup>38</sup>Micnugami Demetriusi namac silva gac anasi koti Atemisin uvaram baintauc namac yeni iye namagaci umaruc dukeyafo, koc onauc digami kamanin avantac koc indam baintauc minigim benone. Ecayaci yenafo yeyic umaruc koc kin antegago.<sup>39</sup>Afo yigena ena anecneugana siman anteganteci, yige yic yicnom baintauc yonaregac siman antegago.<sup>40</sup>Fuga ugane yigeunamac mage mana baguy uvandaunama yiran anecne ampameminani yigeunamac bay a dukantecumpe." Beni micni siremi banta anasi siyinkani beno.

## Chapter 20

<sup>1</sup>Icnaemi umaruc kipaimi, Poli beyic disaiporiuc ye onago vani yaremi. Afo beni baya siyimiman iraru yinkaremi Masedonia magafac bemi. <sup>2</sup>Afo beni mini magugin kac bemi eraruyinkam bayauc siyimiremi, Grisi magafac bemi. <sup>3</sup>Minifac bami kandac manavac igona yankagaimi, beni Siria magafac sipi marem birar evami Yudauc beni umar amirani baya uyeno. Micnimi beni Masedonia magaginkac oraen yevegem birani indin uvaremi. <sup>4</sup>Afo benamac yageyom baintauci Sopata ben afo Firusin agaci, beni Berea maguginkenoi, Aristakusi nuc Sekundusi, Tesalonia maguginkena birvi bainta ganda, Gaiyusi beni Debe maguginke, Timoti, Tikikusi, Trofimasi yeni Esia magafateno bano. <sup>5</sup>Mini baintauc yenare Troasi magugin oveni yenama kac dafisevano. <sup>6</sup>Yisi iye vam breti van indin nuran yankagaici yenamac Filipai maguginke sipi gimi yereret begunami mana yacman nuran yankagaici, yevankac Troasic oraecyamu. Minigac yenamac afac kantan omandan nurami bagecyamu. <sup>7</sup>Mini wiki acnan nurami, yenamac breti kicdire narani ye managim baguyuanami, Poli birivican inimbaintauc mam baya siyimemi iyakac bevami maro nurampagic emi. Beni ena banuran yererem birani indir uvandukami. <sup>8</sup>Yenamac baguyugauna mac amugapac ban rumu gim amucna ramu uci bami. <sup>9</sup>Minigim mana fumara ben avic Eutikusi undua gaci kumantami, ogam mukimi mucdaron emi onkac baremi. Poli iyakac sam bevami, kandac manavac mac amugapate mini fumara yandem magapac kumini, kun donde onami, beni fukami. <sup>10</sup>Afo Poli magapac kundaemi ben amugapac yafauremi baremi. Afo beni semi, "Yigeni umar indiric iyevac ogo, beni fani ayum bemino." <sup>11</sup>Afo inaemi Poli yevegen amugac rumu gin undaemi breti dakacden nemi. Yenamanac iyakac a sam bevami maro banuranic imi, beni yereremi bemi. <sup>12</sup>Yemi yirac avogugic ini anon yimoyeno mini fumara ayum fa vani. <sup>13</sup>Poli yere ankarecyami yenamac acnaric ureci sipi gin Asosi oraeci, minigafi Poli yenamac bauna sipi gin urintemi. Mini i Polinic indinino, nevarai beni magagac birani indir uvaremi. <sup>14</sup>Beni Asosi magusin oraici, yenamac bemi avicman sipi gin deci, Mitilene magusapac becyamu. <sup>15</sup>Yenamac minifaci sipi gin undaeci gake non kim becyami ena banurami Kiosi ailani mecyan avafac bami mana avafac oraecyamu. Afo ena nurami yenamac Samosi ailani gac oraeci, minigake becyami ena nurami Miletusi taoni gin oraecyamu. <sup>16</sup>Poli sipi gim mana bemi Efesasi magu yankagem birani indemi, nevarai beni Esia magafac manaca nuram bac iye barani micnemi. Nevarai, amankagicma inam beni Pentikosi onarani, beni Yerusaremi magusapac agagem birani indemi. <sup>17</sup>Afo Miletusi magugim bemi, manaca baintauc Efesasi magusapac mam mac kim yicnomic ugam baintauc siyimina ben yerae onago vani siyinkemi. <sup>18</sup>Yeni yeraomi beni semi, "Yigenafoni indigamino, sena Esia magafac oraec sigan dauna nuran kake, seni yigenamac inkenic barigaci evagafu, yigeni onarukamino. <sup>19</sup>Seni sesic indin magapac deci Iyenonic yogan suvanom namaci mareci, amucna umani afakagecu, nevarai Yudauc semi mandaic usinkarani sevanone" <sup>20</sup>Yigeni indigamino seni mana anecne yigen amankac avoguc anecneuc yiyayinaninan siyimirani yevegec iyem fakevacumpe. Afo ne anecnaugaraifi yigemi umacde bayuyankagafi, maya maya yimac kinkac siyimevacumpe, <sup>21</sup>yigeni indigamino, Yudauc namac Grikiuc namac Kotimpac yindun baecdyea yigeunamasic Iyeno Jisas kim birivic ogo vani siyimevacumpe. <sup>22</sup>Afo mage indego, Ayo Inta beni sirac mandaci seni Yerusaremi magufac bontecumpe, afo minifac ne anecnefi senkac ampamintenafi seni iyen indigecumpe, <sup>23</sup>Ayo Inta semi sankarono vani sisimemino, masiden iyena taoni ginkac seni namac uman namaci senka dafitemino. <sup>24</sup>Afo seni seyarani iyena anecne ino indiric iyen ecumpe, afo sena iyayeguna erarurec maro kipareci, afo Iyeno Jisasimpate mandukauna yogandac maro kipantecumpe, mini yogani, Kotin avacbagani siyimentecumpe. <sup>25</sup>Afo mage indego, seni indigecumpe macde yigen yicbanac kinkac beci Koti kinic uganananana siyimageguno, yigeni enayacobac sen soni iyen onanagomino. <sup>26</sup>Micnugaci, seni mage yigemi facbarurec siyimentecumpe, mana bainta yigen yicbanac kinke oyoganami, mini i sentic umar ino. <sup>27</sup>Neveraino, seni mana baya vac yevegec iyem fakecumpe, macdem baya Kotinic ayirani yigemi siyimecumpe. <sup>28</sup>Micnugemifo, yigesagac dafiman ayogugic egaci, Ayo Inta yigen uyac yinkarukan inimbaintauc bagaci dafisego. Yigeni avogugic uregaci Kotinic man mac kim ban inimbaintauc kac dafisego, yemi bey agagic koram poni ayac urukemino. <sup>29</sup>Seni indigecumpe sena yereret buonami afasan iyanuc yigen yicbanapac yeraeni yemi yere iyen ecantenone. <sup>30</sup>Seni indigecumpe yigen yicbanac kinke manaca baintauc ukukaeni iye antekam bayauci siren banta anasi indin anana uyinkarani yemi yivakurintenone. <sup>31</sup>Micnugemifo yigesagac dafisego. Yigeni mana vac omare indego, kandac manavac orande anduntimi, ayufum bac bayankon namac saum bac iye rani suvanon kim macden anecneugani siguru yimevacumpe. <sup>32</sup>Afo seni mage Kotin namac benic avacbac kimi yinkekumpe, mana minifoni yigemi eraruyinkaremi, amankac Koti uyacdukan inimbaintauc yicbanakin anecneuc yimintemino. <sup>33</sup>Semi silva namac kori namac bacdou gandac iyen siyemino. <sup>34</sup>Afo yigeni indigamino, mana siyami yogan mandami semi siyayemino. <sup>35</sup>Masicden anecne gimi seni uvareci yigemi yocygiccumpe inkenic uregaci yogan mandegaci erar iye dukan inimbaintauc yiyayintegafo, inkenic uregaci Iyeno Jisasi avaya omare yakac inac indintegafe, mini bayauc benafo senimi, 'yimi anda avoguci maranonamino, maran andai avoguc iyen maranonamino." <sup>36</sup>Beni mini avucavagugan bayauc siyimicdemi, beni acnom magapac

demi macde yenamac ogam mukemi.<sup>37</sup> Yeni anonic ure ific deni Polin ye yafaure umac neno.<sup>38</sup> Yeni anon yigun anecne marenō, bena macni siranani, bemi enayacbaci ben or iyen onantenone. Icnaemi banamac aveye beni sipi bankac maro ankeno.

## Chapter 28

<sup>1</sup>Mini nurama yigeunama ayokuki ureyama oraeyane,yigeunama onamam ayokuki ureyami mana mini ailani abici Malta. <sup>2</sup>Yeni anasibanta mana makusike yira yimideni ayoku bayyu mayauyan siren afo ika mayau sadantikeno,nebra anon aci demi afo mana makusimi iyol ukami eno.<sup>34</sup>

<sup>31</sup>/v30 Poli katan orandekaci bakemino beyana aya uram makine,afu beni ecani yeni anasibanta yebanone bera benipake./v31Afu beni Koctini magu iye kipam magubani siyimidemi afo Iyena Jisas sinan siyimemi semi afo maya iyeba ana manabainta bemi fakankomino.

## Romans

## Chapter 1

<sup>1</sup>Seni Poli, Jisas Kraisinic yogam bainta, aposoloic ono vani sararukemi, Koctinic mam baya siyimeno vani uyacman dukemi. <sup>2</sup>Mana mini mam baya vani beni acnантапаc beyic profetiuc kac anteckam afantim poromasic urukami. <sup>3</sup>Bey Agagani sirukemi, beni Devitin ankunkinke mana magagakena ogimi ampankemino.<sup>4</sup>Fugin tinke ukukam poni, anteckan Ayo Intan bemi eran dukan Koctin Agagic ino vani facbar emi—mayausic Iyeno Jisas Kraisi. <sup>5</sup>Ben kinken yenamac avacba namac aposolo yogan be siran avackundeci sindun munkuna foni mana magagakeno yicbanac kinke ben avigaro sirci mandukecupe. <sup>6</sup>Mana magagac kenu yicbanac kinke, embaci Jisas Kraisin indaic ono vani ararukemino.<sup>7</sup>Mana afani umacde iyeuyafo Romic begon inimbaintauc yinda ino, Koctinic avacbакими bamino, anteckan inimbainta bagovani yararukemino. Avoguc yigen yindaino, afo Koctinuc Jisas Kraisinuc pate nanayin yigen kim bano.<sup>8</sup>Anantapac, sesic Koctim Jisas Kraisin kimi umacde yigemi susu siyinkego, nevaraino yigen yindun munkir anda vani umacden magafac ben yeninare. <sup>9</sup>Kohti sentic (wtnasim) bemino, sesic ayo inta foni ben Agagic mam baya gim yogecumpe, yigenani sec mana becumpe. <sup>10</sup>Seni macden yac give vapac yirani sugam mukecumpe, inken asapagafi Koctinic ayina amankagic inage.<sup>11</sup>Nevaraino, seni yigen yonarani siyemino, amankac manaca Ayo Intaic gifti yigen yimenac, amankac eran maragogare. <sup>12</sup>Sema siyenimi sena sindun munkugeguna fo yigen eran yimenac yigena yindun munkugampo sem bac eran simegovare.

<sup>13</sup>Sifactiva unano, mage yinduc iye dogo vare, seni yige vapac yirani indegunami, (ani uyackagemi mage amankagici emino), mapac inimbaintauc kinke unaфegunaic ureci amankac yigen kinke yunan unafontecumpe.

<sup>14</sup>Grikiuc kina anamuru uc kina, ayoguc indin dukeyou gina, oecen indin dukeyou gim yogani dukecumpe. <sup>15</sup>Afo, seni Romic ban inimbainta mam baya siyimirani ukukagecumpe.<sup>16</sup>Afo seni mam baya vani sigaye anecne iyen marecumpe, nevaraino mam bayai Koctinic erani bemino, umacde iyeuyafo yindun munkugeyou yevegen yiviganino, Judauc yinda acnari inami Grikiuc minigacino. <sup>17</sup>Nevaraino, yindun munkintake yindun munkintimi Koctinic anteckan anda afotagic ugemoni, yindun munkintake yindun munkintim, micni siren santamino, "anteckan andagim beyouni yindun munkin anda foni fa ayum bantenone."<sup>18</sup>Afo Koctin aran anecne inarumpate umacden manda anda vac iye anteckan inimbaintauc yigeci afotagic intemino, yeni iye anteckan anda foni fuga sigam baya asapac uyagenone. <sup>19</sup>Mana mini nevaraino, Koctinan indigeyomi yen yugankai bemino. Nevaraino, Kohti yemi kaga yinkarukemino.<sup>20</sup>Nevaraino, benic opac ban avoguguc, mini aviguci, iye kipan erandac Koctinic yankagan anecneuc, afotaci onenone, mana maga uvaraninkake, uvaran anecneuc kimi onarukenone. Koc yinanin yamuc ayac iyen sintenone.<sup>21</sup>Nevaraino, yeni Koctinan indirukenofo, ben onaman yanic iyen eni, susu iyen siankenone. Eceni, yenyic indin anana uini, yen yinduntim avoguc bac iyem bami, ayufumi kagemi.<sup>22</sup>Yeni yeyaran avoguc indini dukecumpen senofo, iyeino yenkim ocemi bemino.<sup>23</sup>Yeni fanana van Koctinic avoguc kagan onaman fukam bainta amana, nuna, er iyevan agan dukan safurauga, amuc anac nin anecneuc yiman kacnaci enone.<sup>24</sup>Micnugami Kohti yemi yimicman yen yindun yiienin ampin anda va, ye yiran monkoc ogo vani siyinkemi.<sup>25</sup>Koctinic fuga mandar umac kin deni, yen Uvarenin eceni be uvandan anecneuc kac mam seni yenyic yogaric eni, ben avic iye kipan yac yanic enone. Fugai.<sup>26</sup>Nevaraino, mini andaugani Kohti iye anteckan yen yiienin monkoc anda gim demi, nevaraino yen yinac mac ye yivafu namac eyon anda eceni iye anteckan monkoc anda uvarenone.<sup>27</sup>Baintauc bac organici enone, ye yinac mac namac eyon anda eceni yeyirani yigona baintau gani iga yigemi. Mini baintauc yigaye andaic yigona baintauc namac ageyon anda foni yen yiogenin andagaic áyac mande benone.<sup>28</sup>Nevaraino, Koctinan indinayon indindac iyen dukanone, beni iye anteckan andaic ogo vani yeyic indin fasapac mandan dani, yenyic indintim irandac iye vana monkoc indiruc yenkim uvikagenin yenkac dafisino vani ugc yinkemi.<sup>29</sup>Yenkim umacden iye anteckan andava, manda anda va, ena inda anecneugan yiyir anda va, enon mandaic uankare arir indin uvarar anda uvikagemino. Yenkim ena inda anecneuc mararan eran yiyini dukeni, ena namac arue asie ir anda va umac sire ena inda marar anda va mandaic ir indiruc yenkin

uvikagemino.<sup>30</sup>Yenkim yicnaem bay a sir anda va, ena avic mandaic ir anda va, Koctinan iye yiyir andauc uvikagemino. Yeni oyam manda andauc uvanan deni, ye yino yifon yivaya iyen indeno.<sup>31</sup>Yeni indin mareyon iye dukeno; yenkim yindun iye munkeno, ye yinduntinke ena ayir anda iye vani, ena avacbuc uankar anda iyen dukeno.<sup>32</sup>Yeni Koctinic lo indintin dukenone, yena mini andauc uvareyouni fugin mararani yiymino. Afo mini manda andauc uvararanna va eyaone, eno mini andauc uvareyou yacbaci siman erar uyinkenone.

## Chapter 2

<sup>1</sup>Micnugemifo, yigeni ayác iyen sinagomino, máná magagac baintauc koc yimegom poni yige yacbac koc kimi ukukagamino. Nevaraino, enama koc yimegouge, yige yacbac mini avucavac uvaramino. <sup>2</sup>Afo Kohti mini avucavc eyou koc yiminanimi yigeunamac indigecumpe, benic koc, fuga sigan kaci avackuremino. <sup>3</sup>Afo mana omarec indego, yige bantauge, yigena mini avuavc eyouna koc yimege yige yacbac mini avucavac amino. Yigeni amakagac Koctimnic koc kin yankagantegafono? <sup>4</sup>Yigeni Koctinic avoguc avucavagu gani sito anecne idirigac egafono, bena agagaurem umar iye yimema, nanayugem benine? Yigeni iyec onegafono benic avoguc avucavaci, yofainaci yindum baegago vanino? <sup>5</sup>Afo yigeni yindun fakaman erarurec iye baegamino, yigeyani umaruc baguyoc bamino umaruc ma yinanin yamuc kena, mana mini i, Koctinic antekan koc opac ma bam afotagic inanin nuram. <sup>6</sup>Ne avucavac ma uwarageyogka i Kohti mini avucvac kaci ayac ini yimintem. <sup>7</sup>Afo iyeuyafo amankac erarure, avoguc avucavac uvaram ponan yivic marena manda avucavac kim iye bauni Kohti iye kipam yaum yimintem. <sup>8</sup>Afo iyeuyafo yeyaranana indiyouyac bac, iyeuyafo fuga sigam baya indireni iyen avakuremi, benic umandac anon aran anecne vaci yintemi. <sup>9</sup>Kohti anon umanda bac anon ac anecne yimintem umacden inimbainta manda anecneuc uvarageyon ayac, Judauc acnaric uimi Griki minigac maranteno. <sup>10</sup>Afo yivic yanic emi, yonaman yanic uremi, afo nanayini ymintem avoguc uvarayon inimbainta Judauc acnaric uimi minigac Grikiuc maranteno. <sup>11</sup>Nevaraino Kohti umacden inimbainta mana yonaric manan emi. <sup>12</sup>Umacden inimbainta lo iye vana manda anda uvarageyou yacbac oyogantenone, afo umacden inimbainta manda anda lo yevana uvarageyuoni yemi lo foni koc yimintem. <sup>13</sup>Afo lo baya indauya Koctin ogankac antekeya one, afo lo avakurauni antekantenone. <sup>14</sup>Nevaraino mapac inimbainta lo iye dukeyouni, yeni yeyic indintac lo sigan avakure none. Yenkim lo iye baya vaci, yeni yenafoni lo ici ugenone. <sup>15</sup>Minic avuavac guc foni yeni yoyivic manic andadac uvaranac yomi magec marara nonec lo uginiec. Minic uponic yen yindun tai agam temino yen yiyyigarac inanomi agam magemi enoukim siyimemino yekine, yenyic umac indin nano yemi madani <sup>16</sup>Kotin oganga i uyac yinkemino. Mini nuram yinami Kotic opac ma bananum andadauc kac bac i banta anasi koc yimintemino, Krais Jisasin gine sesivayafoye <sup>17</sup>Afo eyaranac sema seni jus ukami bego sirema lo kimmac banteva Kotin avic bakai yanic ono, <sup>18</sup>Afo ben avuavaguc ona karac ekai benic avogugu karac omare indegai madekai avogu uganikac oko nevaraino avagurono vanic lo kimi demino, <sup>19</sup>Afo eni omare indeno okama dusin demma yeavimana danave eanana i omano vai ayufukimi sakano, iye unac manda andac uvarena anteyin kauye sitoc intaukem benic yoyiviken none, <sup>20</sup>eni mini i lo kimi dukemic indika naminoc fukasikane, ikenurena enic bantim umani amenafi. <sup>21</sup>Enac enoc una umorana siyimanove, eni eyan dobagni iyec sefonu enic umoric auyannac sevateve, eni umorefono? <sup>22</sup>Eni siyimema semac mayac bayivac monkoc andavac iye bakac uvarako, eni monkoc andac uvare fono? enac umac Kohti nanac afo kevantevu, eni mam makim efono? <sup>23</sup>Yikeni yanic ugam egai yimoyoko lo kine, eni Kohti avoguc onaric eyic emi lo ugadanac mino? <sup>24</sup>Afo "Kohti avikimi avoguc onarici mapac enim bantac enone nevaraino enanino," minic sigami agantemino. <sup>25</sup>Afo enac afe anda akec yantim ugama bateve enic lo, avagura namino, minu ganamac ena lo, ukadeve enic afe anda akec yanayomi onamanic fayaric mintenone. <sup>26</sup>Afo, minuc kanama, afe anda iye akec yaru kananum bantamac lo kimac simana erarintene, benic fukava afe anda akeyenaino afe anda akeyako vani simani erare mino? <sup>27</sup>Afo iyefi mayac bayi afe anda iye akec yarukema simana erarene benic lo kimic bemino? nevaraino enic duka namino lo akantane yife anda akec yare, minuc kayami enic lo ukac danamino. <sup>28</sup>Afo beni jus iyem bemi mapac uganac benaino; minukami afe akec yan onamani fayarec urami akeyemino. <sup>29</sup>Afo beni jus bema fuka ukamac benec, afe anda anduntinke ukami akeyan temino beyic Ayo inta kimba, afan yokinaino. anom avimac yanic amam banta uke bantanasi kinkeva yenac inoc Koctin kinke ino.

## Chapter 3

<sup>1</sup>Micnugemifo nec avoguc abuabac gac Jusi inin acbasi dugeyafo? Ne anecne mandan facbar inteyafa yife anda ackec yagam avucavac fo? <sup>2</sup>Anon anecne i no masicdem asapake. Acnarugame Jusi ininacbasi gaci Kocti bey avaya gac dafisegovani demi.<sup>3</sup>Afo nacintenafi manac a Jusi inin acbasi ma erarure Koctin kim indigaracin avucavac ma iye dukeni? Amanac yerylic bayararin acbasi gac Kocti mayau nana indigarac evam avucava yomanda fasac dantenafi? <sup>4</sup>Amagac iye vac mana ino. Ecananac Kocti mana fuga siga, Nevaraino masicdem mano umac mana sigmauni benone. Bani yo kimi agantemi, "Eni eyavaya foni seni antekeumpe sinonam, afo mini avucavac gani masicde yogan kac koc amintenone."<sup>5</sup>Afo nacintenafi Koctinic antegam avucava manoma mayausic manda avucavac ma mandan facbarinam, nevec sentegafu? Amanac Koctinan macni sentegafu beyic aran anene ma myausac ma devami iyen antegemino? (Seni mana magagac kena ininacbasi ma indena seyonani sego.) <sup>6</sup>Mini avucavac iyevac mana bantemi! Ingkenuc urenac i Kocti mana magagac kena ininacbasi koc yimintenafi?<sup>7</sup>Afo senti umac bayararin Koctinic antegam bayararin afofotac dema bema anon avic amene, nevaraci semi sonamam iye antegaunoc eyafo? <sup>8</sup>Senana manac a mano ma sena, macni seno sire na sane. Maracyam manda anda uwarananac avuguc avucavac facbarino ma sane. Micni bayar sauye Kocti beyic aran anecne yenkimy danten.<sup>9</sup>Afo nacugenafi? Yeunamac Jusi innin acbasi ena inin acbasi yesagkakegafu? Iyeino. Aci yeunamac Jusi vac Griki umac den nani simam mandac ecyamu. Yeunamac kumic anda mano yeunamac umacdem i davac em. Koctinic yo kimi ba agantankac i sigemi:<sup>10</sup>Manac magagac manac bayi iye vac manan antegem, iyevac mana ino.<sup>11</sup>Manac bayi avoguc indin iyevac mana dukemi. Koctinan manac bayi beyandun tinke iyen afakemino. <sup>12</sup>Umac demano Koctimi gicnainic uamenone. Umacde mano manac ugenone Koctin ogankac iyen antekagenone. Manac bayi avoguc avucavac uwarevayi iyen bemi, iye ino, manac bayi iyevac mana bem.<sup>13</sup>Yimer aini matic aingken ugemi. Yen yinayin tac i umac bayararin alicebi. Yen yivar ana i memanic uwac kem bemi.<sup>14</sup> Yen yivan tac i banta simam mandacim bayar vac yiran anecne yimim bayar mana uwekagem. Yen yigan dare bompac i nare bacyem.<sup>16</sup> Yena nompac i andanda mandan mandac ini mini yenyic avucavac ino.<sup>17</sup> Yenkimy banta avacbac in avucavac iye bemi.<sup>18</sup>Yeni Koctin nani iyen fegenone.<sup>19</sup>Mage indigec yamumpe nec lo mano sigenafi, mini i lo avagurau yani sigemi. Micnugami lo mano maside uyic yivam mandan makakintem, afo masicden ininacbasi Koctin ogankac ukukeni yena uwarageyon avucavac guc Koctin sasamintenone.<sup>20</sup> Micnugami lo avagurau avucavac po iyevac mana manacbagi seni kumic anda iye ducke Koctin ogankac anteckego iyen sinonam. Iyeino. Lo ma bami mayausic kumic anda mandan afotagic urem yotivigarani.<sup>21</sup>Afo mage lo bemifo Koctinic amtekam avucavac mano yeunamac facbare. Mana bayar i lo kim baga Koctinic yogam bantauk yic yokim mi agantemi,<sup>22</sup>afo mini i Jisasin kac ma mugkena begkima indigarac auni Kocti yenani antekam ininacbasive sintem. Ena ani iyevac mana bemi.<sup>23</sup>Umacde mano kumic anda uwandeni Kocti namac iye bantone,<sup>24</sup>afo beyic agun anecne foni Jisas Kraisin kimi mayauni avachac usinkaremi antekam inin acbasi uge sintemino.<sup>25</sup>Kocti Kraisin Jisas fucinan benic nare mano iyefi begkima indigarac auyic kumic anda sesec ino vani Kraisin Jisasin ugagemi. Kocti mayaunan antekam ininacbasive sirani mini avucavac uwademyocyivigem, nevaraino feni Kocti beyic aran anecne banta anasi gac agagem iyan devammino.<sup>26</sup> Afo mage mana nurum Kocti magausac beyaram mandan fabaremi mayau yotivigem beni antegarac ugem, micnugami iye uyafo Jisasin kimma yenyindun dena avakurinayo-u nani Kocti antekam ininacbasi uge sintemino.<sup>27</sup>Micnugami iye beyavic maren urintenafi? Manac bayi micni iyevac mana intem. Ne avuguc avucavac foye? Yogam maran foye? Iye ino, afo Koctin kim indigarac-e ben ugorin avucavac fonana i.<sup>28</sup> Nevaraino mage omareyam indentec yam Koctin ogankac ma antegasuana i begkima omare indec yamma ugorasuana avucavac mano i. Lo avakurin avucavac mano vaino.<sup>29</sup>Afo Kocti i Jusi ininacbasi yic Kocti manaf? Afo ena ininacbasi yic Kocti iyec benaf? Iyeino, beni ena ininacbasi yic Kocti bac i bemi.<sup>30</sup> Micnugami, Kocti mana Kocti mana bemi, beni yo akegam baintauc bac yo iye akegam baintauc ma Koctin kim indigarac ena bem ukorin avucavac foni yenani antekam baintauc ge sintem.<sup>31</sup>Afo yeunamac Koctin kim omare indigarac avucavac ma mandan anonic ege afo lo i onac manni sampi anecne ontecgafu? Iyeino, mini avucavac foni lo mandan erar ontencyamupe.

## Chapter 4

<sup>1</sup>Abrahami beni mayau kacnac ugemi, beni mana magagac mayau sinac-u bemi. Micnugemifo, benani navec sentecyarafu? <sup>2</sup>Afo fuga siremma Abrahami antekam avucavac ma uwandanam ma mini avucavac manoma bemma mandan antekam baintac ene, afo amagkac bey avic maren urintemifo Koctin ogankac mini avucavac fo bemi mandan antekam baintac iyen intem.<sup>3</sup> Nevec Koctin avaya kim sigenafi? "Abrahami Koctin kimi indigarac evami Kocti benani antegarac ugam bainta ven semi."<sup>4</sup>Banta ma yogam yocdem meyam marevane, mini andanda fa maran avucavac ga ino. Iyeino. Yogam yocde ma maragkac ino.<sup>5</sup> Afo iyefi bena yogam iye marem ma Koctinan beyanduntinke indigarac ema Kocti nana kumi anda uware yoyic kumic i yomandan acnintemino sire indigarac inami Kocti enani antekam bainta ve sintem.<sup>6</sup>Deviti vaci macni semi, iyeuyafi Koctin ogankac ma anteckauni avoguc avucavac uware yafo iyece uware yafo yeni avoguc kac beni yimoyin tenone.<sup>7</sup>Deviti macni vac i semi, yimoyin tenone iyeyaufi Kocti ma yenyic manda anda eca yigkarem ma yenyic kumic anda ma yomandan fasac dananim baintauc.<sup>8</sup> Afo iyen inin bainta nic kumic anda ma Kocti yomandan fasac ma dananive yeni avoguc kac beni yimoyin tenone.<sup>9</sup>Yo akagam baintauc manac avoguc kac beyac yimoyin teyafo, yo iye akagam baintauc bagafi? Bani macni secyamumpe, "Arahami Koctinan omarem indigarac emma bem avagurin avucavac foni Kocti benani antegam bainta ve semi."<sup>10</sup>Abrahami nebarigac uganac i Kocti benani antekam banteve senafi? Abrahami be yo akecyaru kanafi, iye akecyarukam? Be yo iye akecyarukami Kocti benani antegam bainta ve semi.

<sup>11</sup>Abrahami o iye akarukemi Koctin kac andun dunkuremi Kocti nan indigarec imi Kocti benani antegam bainta ve semi. Micnugami Abrahami masicde yo iye akarukena Koctin kimma yindun dunkure na Kocti nan indigarac hau yifom bemi. Afo mini avucavac foni Kocti yenani antekan ininacbasi uge sintem.<sup>12</sup> Abrahami manac a yo iye akagau yifo vac i bemi, mini i fana yo akarugau yaraino. Iyeino, yo akarena mayau sinac Arahaminic avucavac ma avakun dena Koctin kac yindun dunkure na indigarac im,mini i Arahami ma o iye akaruke ma uwaram avucavac ino.<sup>13</sup>Feyugami Kocti Abrahamic bac ben agingkunuc umacdem mana maga yimirani semi. Afo Abrahami lo avakurin foya Kocti minic sena ino. Iyeino, Koctin ma anteckam avucavac fona ugorenim fo.<sup>14</sup> Afo iyen ininacbasiu gacfi lo avakurau nana masicde andandauc lo manoma mandan yimene, afo Koctin nan ugore omare inidigarac in avucavac i fayar anecne mintem. Kocti ma siru kam baya vac i maro oyogantem.<sup>15</sup> Lo ma bananna banta anasi ma iye avakuromi umami yimemi. Afo lo ma iye banane, banta anasi lo ugacdenone iye sentecyamu.<sup>16</sup>Arahami Kocti nan indigarac in avucavac foni Kocti Abrahami bac ben anavasim mana baya yiylimemi beyic agun anecne kim, moc mini andandauc i lo ma avakurau yinda manavaino. Iyeino. Masicden inin bainta Abrahami kacnac ma Kocti nan indigarac auyacobac i mini andandauc marantenone. Abrahami beni umacde mayau sinac bemoni,<sup>17</sup> Koctinic yo kimma sigangac i sigem, "Seni emi mandan masicden ininacbasiuc yifo ecumpe." Abrahami Koctin ogankac i bagem beni beyandum Koctin kac dungkuru kagemmi, mini i oyam yaum iyeuyafo fukau yimicdem, iyevas andandauc yevegem mandan devam Kocti.<sup>18</sup>Masicden anecne ma Kocti uwararan sirukage nimi, Abrahami mini vam erarurem omarem indigrac emi Koctin kac davisevami. Mini avucavac foni beni amucna innin baintauc yifoc emi, Kocti ma sirukagenin gagic emi. En anavasiuni amucnac eni umacden mana maga uwikantenone, siren Kocti samemino.<sup>19</sup>Afo mini yamuc i Abrahami mana handreti orandec ukagem. Micnugami beyaram omarerm indemi semi, seni amagkac erarurec an iye magantec umpen semi. Ben anac Sera vac ayogum kagem amagkac am magaric iyen ugagem. Micnugemifo Abrahami Koctin kim omarem indigarac em ugorin avucavac i erar ugami ugagem.<sup>20</sup>Kocti mini andandauc uwararan sirukami, Abrahami mini vam kar indiric iye em Koctin kim indigarac urem ugorin avucavac iyen ecem. Iyeino, Koctin kim indigarac urem ugorin avucavac mano bemi mandan erar uangkami Koctin avic mandan yanic emi.<sup>21</sup>Afo Abrahami beni omarem indigagem mino, Kocti ma sirugagenim baya i beni uwararic mana intem.<sup>22</sup>Micnugami Kocti mini avucavac guc onemi Abrahami nan antekarac ugam bainta ve semino.<sup>23</sup>Mana baya i Koctinic yo kimi agantemi, Kocti benana antekam bainta vema sirukane, Arahamin nandem manavara sirugenina ino. Iyeino.<sup>24</sup>Yeunamac kandem bagani sirukemi. Yeunamac bacma Kocti nandecmac indigarac urecma ugorege, afo Kocti Jisasi mayausic iyo fukintinke mandan ukukemi.<sup>25</sup> Bemi avicmam namugo-uc yiylagkim denone mayausic kumic andagac fuginovam, micnurem mayausic kumic anda yomadam fasac daram. Afo Kocti Jisasisim fugintinge mandan ukugaram mayaunan antegam ininacbasive siran.

## Chapter 5

<sup>1</sup>Koctin ogankac ma yeunamac ma sonac mam antegauc ane, mini i mayauna Koctin kim sindun dec ma benan indigarac in avucavac foni. Afo micnugami mayausic Iyeno Jisas Kraisi yeunamac Koctin kac mandan mana yirakac yinkemi. <sup>2</sup>Mayauna sindun bengkim dec ma benan indigarac in avucavac foni Krais ani disinganac yami Koctinic agun anecne kim undec yami bantecyamu. Afo Kocti siviganovani dafisasuanami sivicdac yami benamac Inarum magusac avoguc kac umbantec yamu, mini avucavac mano mayauni amusin anecne simintem.

<sup>3</sup>Minivanana simoy iye osuano, umana mayausac bac yinani nandac bagac simoyosuano, navaraino umaruc mano mayau ma Koctin kim ugorasuana avucavac mandan erar usingkantem. <sup>4</sup>Umantima ugukaman erar ege afo umaruc ma yinanine amagac mana yomandan fasac dantecyamu, mini avoguc avucavac foni mayauni mandan erar usingkanac i Koctin kac dafisanami ovegem sivigantem. <sup>5</sup>Koctinic ofaim kac ma dafisasuanave, faya davisev yaraune, iye ino. Nevaraino aci Kocti beyic Ayo Inta mayausim dukemino, beni banta avabac in avucavac mayau sirakac mandan anonic urem dantemino. <sup>6</sup>Mini yamuckima mayau seyarana sofaonuna eran na iye dukausuanami, Kocti mana nuram ugacdem Kraism dam kum fuc emi mayausic mandan anda kingke ovegem sivigemi. <sup>7</sup>Fugaugane amangkac manacbaya antecgam bainta vare sirem iyen fugintem. Afo igkecnivafi inane amangkac i mana bayi be yarac mandan erar urukemi avoguc banta bam fugintem. <sup>8</sup>Fanana yeunamac kumic anda uwarasuanami Kraisi yofairam mayausic kumic anda kac kum pugemi. Mini avucavac foni Kocti mayau nana ayigarac evam avacbac i yotivigem. <sup>9</sup>Anon anecne ugane, Kraisi ma kum fucima benic nare ma mayausic kumic anda ma sesecim foni Koctinic aran anecne kumic andau uwaran inni acbasi gac ma dananim arani yesankantec yamu. <sup>10</sup>Yeunamac fa Koctinic namugoc ugasuanami, Koctin aga Kraisi kum fuc emi mini namugo avucavac yomandan fasac demi yeunamac mandan Koctin namac mana aracka demi. Afo Kocti namac ma mana yiracka basuanave omarec yam indesuano, Krasinic ban toni Kocti mayau owegem sivigemi. <sup>11</sup>Mana avucavac mana baino, mayausi Iyeno Jisas Kraisi, yeunamac mandan Koctin kac mana arac dacyami mage Koctinan simusin anecne marec yamupe. <sup>12</sup>Indigec yamumpe, mana bainta mano kumic anda uwandami, mini kumic anda uwaran foni manda anda mana magagac facbaremino. Afo mini manda anda mano fugini marenymemi. Afo fugin nano masicden inin bainta kinic emi, nevaraino masicden inin bainta mano kumic anda unawarenone. <sup>13</sup>Lo iye facbarugami manda anda mini yamuc kimi bani bagem. Afo lo ma iye bagene, Kocti mana mana kumic anda ma anasi banta ma uwaran nani omaren iye indirarimmi. <sup>14</sup>Afo Adamin kake kugandem Mosesin kac ma yigami, fugin nano masicden inin acbasi mandan magapac i devami. Manaca inin bainta Adami ma baya aruren iye indin anda gacnac gac aware yaune, iyeino. Afo fugin nano micnugam inin baintauc bac i mandan magapac demino. Adami icnaim ma yinanim bainta kanac i ugagem. <sup>15</sup>Afo Adaminic kumi anda vaga Koctinic agun anecne manaigac ugagenaino, iyeino. Manac bayinic kumic anda mano fugini umacdeugac facbaremi. Anonic ugam ma enimi, Kocti beyic agun necne fona manac bayim, Jisas Kraism ma mayau simenim. Benic agunn anecne foni Kocti mayauni mandan antegan inin abasic em. <sup>16</sup>Micnugami, Koctinic amin avucavac bac mana bainta nic kumic anda mano mayausac i manacugam avucavac gac facbareaino, iyeino. Mana baintanic kumic anda gac i Kocti masicden inin acbasi koc yimic dem macni siyingkem, umacdem mano anon umantimi banakomino. Afo Koctinic amin avucavac ge manic mugemino, anasi banta ma fa amucna kumic anda uwarami Kocti avacbac uyinkaremi yenani antegam inin bainta ve semin. <sup>17</sup>Mana bainta mano a arurem baya iye indimi mini baintanic kumic anda gac i fugin nano mana magagac iyenoc emi masicdem inin bainta mandan magaginic emi. Micnugami iyefi Koctinic agun anecne ma maraniyinani Kocti yenani anteckan irinbaintave sintemi, yeni iye kipam yaun mandeni iyeno intenone, mini meyami mana bainta mano ma manden yocdan kac i. Mini bainta i Jisas Kraisi i. <sup>18</sup>Micnugami mana bainta mano Koctinic age baya ugadarami mini kumic anda kac i Kocti umacdem inin acbasi koc yimintem. Micnugam mana bainta mano antekam avucavac uwandami, Kocti mini avoguc avucavac kan omarem indiremi mayau masic de nani antekam inin acbasi ve semi. <sup>19</sup>Mana bainta mano a arurem baya iye indimi mini avucavac mano masicdem inin acbasi mandan kumic anda uwaran inin acbasi emi. Micnugemifo mana bainta mano baya indirem baya avakundami mini avucavac kac i masicdem inin acbasi antekam inin acbasic intenone. <sup>20</sup>Age baya ma anasi banta mandeni, mini age baya iye avagurenone. Mini avucavac foni anasi bantayic kumic anda anonic ugami emino. Micni ma omi Koctinic agun anecne yenkac bac i maro anonic ugami emi. <sup>21</sup>Mana avucavac facbrin foni kumic anda mano fukini mandan iyenac em. Micnugemifo mageve Koctinic agun anecne anonic ugemi, mayausic Iyeno Jisas Kraisinic yogam po Kocti mayau agun anecne usingaremi antegam inin acbasive sisinkanac yami iye kipam aum, banana aum marantecyam.

## Chapter 6

<sup>1</sup>Afo mage nevec sentecyara funo? Amanac kumic anda mana uwarec ya bananaci beni mayau nanan agun anecne marem mana bantennafi? <sup>2</sup>Iyevac mana ino. Yeunamac i fugam bainta kacnac i ugeyaramumpe, ingkecnic ureyarac i mini kumic anda kim bantecyarafu? <sup>3</sup>Yeunamac i Krais Jisasi namac agacec yarami nomi marec yaramumpe, mini avucavac foni Kraisinic fugintim umacde maro ofegec yaramumpe. Yigeni mini vam oimarec iye indegac?<sup>4</sup>Nom maran avucavac foni Kraisi namac fucusuanami matikim masic enone. Afo beyic anon eran foni ben Afo Kraisim matikinge mandan ukukemino. Micnuranac yami yeunamac bac oyam aum maratec yamu.<sup>5</sup> Yeunamac Kraisi namac agac ecyarami bena fuginic ecyarami fugeyamumpe. Manac mana ugemino benamac agac ecyarami yevegec fugintinke ukukantec yamumpe bena yevegem ukukanic urecyam.<sup>6</sup>Yeunamac i indin kec yamumpe, feyankena avucavac i ac i Kraisi namac maripo sasac i fukemino, micnugami manda anda mayau sinduntim ma eran yogaric evami yomandani kipantemi. Micnugacyami kumic andaic yogam baintac iyen onteyamu.<sup>7</sup>Neveraino, iyen bainta fi benic manda andauc ma fukanane beni manda anda gim iyen agackantem.<sup>8</sup>Afo yeunamac ac i Kraisi namac fugeyamumpe, micnugac yami yeunamac i erar indiric ugami ecyamumpe, iyevac kipan aumi benamaci maranteyamumpe. <sup>9</sup>Yeunamac indin kec yamumpe, Kraisi ac i matikinge ukukemino, yevegem iyen fugintemino. Fugini bemma mandan magapac davac inanim erar iyen dukemi.<sup>10</sup>Ac i mana yac mana fugemino, mini avucavac foni fugin andaic erar mandan nonic emi. Afo mage iye kipam aumi dukemino, mage banana ban bantimi Kocti manac bemino. <sup>11</sup>Yige yacob manac ugam indin mana vac i marago, yige yacob i aci fuc eci kumic andaic eran kukusim iyen bamino, iyeino. Yigeni Krais Jisasi kim agac eci Kocti namac iyevac kipam bantim banagomi.<sup>12</sup>Manda anda ecam iyen yo bunan kac iyevac dafisino, mana yo bunami fugevam yo bunami bemi, micnagem kumic anda mano yicnom mandan anana uranaga mana yo buanic manda ayin avakurivec.<sup>13</sup>Yigen iyan yiyanakac kumic anda mano iyevac dafisi kumic anda uwarao. Yigeni fukauna matiginko ma ukukagen fa bau kacnac i ugami, micnugemifo iyen yindun nac Koctin amicdegac antecgam avucavac uwaragi.<sup>14</sup>Kumic anda mano iyen yinduntac iyenoc urem yigenic bantac iyen davisintem. Neveraino, yigeni mage loic dafisintaga banaino, Koctinic agun anecne gimi bamino.<sup>15</sup>Loic dafisintim iyen becyaramumpe, afo ingkenigac ontencyarafu? Mage Koctina agun anecne gimi becyaramumpe, micnugac yami amankac i kumic andauc uwarantec yamumpe? Iyevac manaino.<sup>16</sup>Yigeni iyen indigamino, yigena mana bainta ma yirac amicde ma bema avakurege, afo benic yogam baintac i inagomino. Fugaugane yigena kumic andaic yogam baintac ma ege, mini anda mano yigemi yiruman fugintem. Afo yigena Koctin avaya indirec ma avakurecge yigeni antegam ininacbasic inagomi.<sup>17</sup>Fugave, feni yigeni kumuc andaic yogam bainta bagegomino, afo icnami Kocti yivicmam bey avaya kim dac i mini bayani fuga sircavakuromino. Mini vam Kocti nan susu sesuano.<sup>18</sup>Yigeni kumic andaic dumin bainta gacnac i bagegomino, afo Kocti beni yivic demi mandan antegam avucavac gic yogam baintac emino.<sup>19</sup>Seni begam baya ginke mini avucavac guc ma onec uwaranani secgo, neveraino yigeyic indiruc i kapanagac i sena sevauna baya yuc i agankarec iyen indamino. Feni yigeni yige yo bunam ecam i manda andaic yogam baintac ugagom, afo yigeni anom manda anda uwaragegomino. Afo mage ecanac i yigeni yo bunami antegam avucavac gic yogam baintac i, micnurec i Koctinic anasi bantac eci antekam ininacbasic inagom.<sup>20</sup>Yigena kumic andaic yogam bainta ma bege, antegam avucavac gic yogam bainta iye banagomno.<sup>21</sup>Afo ne avoguc anecne maregafe mini avucavac gucma fena uwaragegom, mini avucavac guc kacmana mage yiyorimi maramino. Mini avucavac kuc mano banta aruman fugemino.<sup>22</sup>Micnugami Kocti yigemi aci kumic andaic kukusingke yivigemino, afo micnuremi yigemi mandan beyic yogam baintac emi. Micnuranac i bengkinko avoguc anecne maranagomino. Mini ayacini iye kipan aumi maranagomino.<sup>23</sup>Kumic anda ma beyic yogam baintauc ma meyam yimevami fugin nanaino. Afo Kocti ma fayugam yimevam meyani, iyevac kipan aum fanana ban aum. Mini aum ma marasuana i Krais Jisasi mayausi Iyeno ma yogam maran fo.

## Chapter 7

<sup>1</sup>Yigeni iye indirukega fono, sifactiva unano (nevararino, seni lo gin indin dukeyon inimbaintauci siyimego), lo banta gac daftantemino bena ayum fa banane? <sup>2</sup>Afo banta mantan inini lo agantimi bemino ben avafu fana ayum banane, afo ben avafu fuginami, bay ininabagic ugan lo ginke utufemino. <sup>3</sup>Afo, ben avafu ayum fana banama ena bainta namac sayen ovanami, benani monkoc ininen sintenone. Afo ben avafu fuginami, beni lo ginke utufemino, ena bainta namac sayen ovanani monkoc inine iyen sintenone. <sup>4</sup>Micnugemifo, sen sifactiva unano, yige yacobac lo gimi Kraisin o gimi dunkin yasac fukagegomino. Mana micnina Micninanimplo yige yacobac benkac agackago vanino, bena fugintinke ukukageninkage, micnonunafoni yigeunamac Koctin kin avoguc agan irantecumpe. <sup>5</sup>Afo yigeunamac mana magaic anda gim baunami, manda andaic ayiruc lo gimi ukukagemi, yigeunamac kim fugiric agan iranovani yogeavamino. <sup>6</sup>Afo yigeunamac mage lo ginke utuci kecumpe. Yigeunamac lo gimi fakaman daci fukagecumpe. Micnugam poni amankac loic feyan anda fasapac deci, Ayo Intaci oyan anda gim yogantecumpe. <sup>7</sup>Nevec yigeunamac sentegafu? Lo i manda andac benafino? Amankac iye micnugemino. Lo iye bageninac, seni amankac manda anda iyen onararunaino. Nevaraino, seni ena inda anecneuc mararan iyen indirarunaino, afo lo semi, "Ena inda anecneuc mararan iyevac indeno," sirukam ponino. <sup>8</sup>Afo Mosesinic logimi ay uvicdemi macdem manda andaic ono vana siyenimi afotagic usinkemino. Nevaraino, lo iye vanami, manda anda fukemino. <sup>9</sup>Bani lo iyevac seni ayumi bagecumpe, afo Mosesinic lo yeraimi, manda anda yevegen aum maraci, afo seni fugecumpe. <sup>10</sup>Mosesinic lo fa van maren yemino sunami, baecdemi fugini semi mare simemino. <sup>11</sup>Nevaraino, Mosesinic lo fo ay uvic inkaci manda anda semi makasemino. Mosesinic lo gimi semi siruman fugemino. <sup>12</sup>Afo lo holi ic ugamino, Mosesinic lovac holi ic uem, antec kara uimi, afo avogugici ugemino. <sup>13</sup>Afo avoguc bam poyac, fugir ampan sinkenafino? Amankac iye ino. Afo manda anda ve, beni amankac avoguc anda gim manda anda ino siren yotigarare semifo, semi fugono vani ay ugic sinkemino. Mana mini i Mosesinic lo gim benkagic uinami, manda anda anon uvikaric inami amankac yandaric bac iyen intemino. <sup>14</sup>Nevaraino, yigeunamac indigecumpe lo i Ayo Inta gimi bemino, afo seni mana magagac anda gimi becumpe. Semi ayackaci fayan yogan baintaic manda anda agantimi dumuman demino. <sup>15</sup>Afo nec uvaregafu, seni anufarec indintim iyen marcumpeo. Afo nefi sena uvararan indeguna iyen uvarecumpe, nefi sema sifogenim, uvarecumpe. <sup>16</sup>Afo seni nefi iye uvarare seguna uvareci, lo namac mana indintaci becumpe, lo i avoguci bemino. <sup>17</sup>Afo mage uvareguna seja uvaregaune, manda anda senkim benin uvaremimo. <sup>18</sup>Afo senkim benin indegunai, iye antekan anecneuci senkim bemino. Avogu gan siyenimi senkimi bemino, afo seni amankac iyen uvarantecumpe. <sup>19</sup>Avoguc uvarare seguna iyen uvarecumpe, manda anda iye uvarare sunan uvarecumpe. <sup>20</sup>Afo sena iye uvarare suna uvareci seja uvaregaune, afo senkim manda anda benin uvaremimo. <sup>21</sup>Seni onaunami, anon indin senkim benimi, avoguc uvararani siyemino, afo mage manda anda fuga sirem senkimi bemino. <sup>22</sup>Afo Koctinic lo gimi seni anon simusin anecne sindur inta ginke marcumpe. <sup>23</sup>Afo ena andan sen sogim benimi onecumpe. Beni oyan anda sentic indintim ban namaci aruemino. Manda anda senkim benim poni fakarem dumuman dukemino. <sup>24</sup>Seni iye antekam bainta becumpe! Iyec semi fugin buginke utuc sinkantenafino? <sup>25</sup>Koctimi, Jisas Kraisi mayausic Iyenon kimi susu siankecumpe! Afo Koctinic lo seni indintinken avakurecumpe. Afo se sogimi manda anda avakurecumpe.

## Chapter 8

<sup>1</sup>Micnugemifo iyen ininbaintafi Jisas Kraisin kim mage beyouni, yenkim koc iyem bemino. <sup>2</sup>Nevaraino, ayum ban Ayo Inta Jisas Kraisin kim beni semi manda anda ginke vac fugintinke vac utuc sinkarukemino.<sup>3</sup>Afo nefi lo amankac iye uvaranimi nevaraino, mana magagac anda gim erar iyen dukami, afo Koctin uvaremino. Beni bey Agac mana magagakena ogimi manda anda gac ayac ino vani sankami kumemino, afo beni mana magagakena manda anda koc kimi dukemino. <sup>4</sup>Beni micnuranami lo gim siganuc yigeunamac kim amankagic intemi, mana magagac anda gim iye avakurecma, Ayo Inta gim beguna foni. <sup>5</sup>Afo iyeuyafo mana magagakena anda gim beni mana magagakena adan avakurenone, afo iyeuyafo Ayo Inta gima beni Ayo Inta sevanuci avakurenone.

<sup>6</sup>Nevaraino, mana magagac anda gim indin munkuruksi, fuginino, afo Ayo Inta gim indin munkuruksi, ayum fa banda nanayim bandac bac ino. <sup>7</sup>Mana magagac anda indini Koctin namugoic uankar indinino, Koctinic lo gin iyem bemi, amankac bac iyem bantemino. <sup>8</sup>Afo mana magagac anda gim ban inimbaintauc amankac Koctin amusin iyen amintenone. <sup>9</sup>Micnugemifo, mana magagac andagim iyem banamino, afo Ayo Inta gimi banamino, fuga sirema Koctinic Ayo Inta enkim banave. Afo iyefi Kraisinic Ayo Inta benkim iye vanami, beni benindava benaino. <sup>10</sup>Afo Kraisi enkim banami, en oi manda andaic avacbac kimi fukemino, afo Ayo Intai, anteckan andaic avacbac kimi ayum fani bemino. <sup>11</sup>Koctinic Ayo Inta Jisasin fugintinke ukuka ankeni enkima banami, Kraisin fugintinke ukuka ankeni embaci ayum fa van beyic Ayo Inta gim magagac ogim amintemino, enkim ayum benine. <sup>12</sup>Afo, sifac tiva unano, yigeunamac yogani dukecumpe, afo mana magagac yogantin amankac mana magagac bantina ino. <sup>13</sup>Nevaraino, ena mana magagac anda gim bei, enic fugin acdekaci yevemino, afo ena Ayo Inta gima bei, eyic manda andauc aruman fucde, fani ayum banonamino. <sup>14</sup>Amucna inimbaintauc Koctinic Ayo Inta yenkaci acnaric ugemino, yeni Koctin agafandauci benone. <sup>15</sup>Nevaraino, yigeni dumu yinkevan ayo inta yevegec iye maramino feganagonani. Ececi ayun ayo intan maramino, mini foni yigeunamac badurec, "Abba, sen Tifo'o secumpe. <sup>16</sup>Koctinic Ayo Inta benafoni witnasic yigeunamac sic ayo inta gim usinkaraci yigeunamac Koctin agafandauc becumpe. <sup>17</sup>Afo yigeunamac ben agafandauc ma becyami, yigeunamac bac Kocti bey agafandauc yimiran dukan ondauc yigeunamac sinda bemino yigeunamac Jisas Kraisi namac managici ugeci mini onda afoic ontec yamumpe, amankac yigeunamac ma fuga sirc benamac sinavisic mandeci, avogukac bantec yamumpe. <sup>18</sup>Afo sena omarec indegunai, mage mana yamuc mareyon yinavisic benic erani amankagic iyen ugemino mini avoguc yigenamac afotagic usinkananin namac onaunane. <sup>19</sup>Kocti uvandan anecneuc Koctin agafandauc afotagic inayon yamuc yonarani dafisemino. <sup>20</sup>Kocti uvandukan anecneuc yenyic avoguc iyem bemino, yenyic yiyyintagaino, Kocti micnugano vani uvan dukemino, minigac dafisami mini yamuc yinami <sup>21</sup>Kocti uvandan anecneuc fugintim dumugage fasapagic ueni Koctin agafandauiyic ayoguc kimi bantenone. <sup>22</sup>Nevaraino, yigeunamac indigecumpe magevac umacden anecneuc bacdeni anon yic anecne gimi benone. <sup>23</sup>Mini anecneuc manava bacdeyaone, yigeunamac Ayo Intaic acnantapatena yunan agan dukauno vaci sirakim bacdecumpe, Kocti ye dakacman bey agagic usinkanovani dafisecumpe, fugin bu yevegem sivigantemino. <sup>24</sup>Mini erar indin dukauna foni yigeunamac yevegem sivigemino. Afo mini erar indin dukauni foni iye onarukauna yintemino, iyec erar indiric uren ba oneninan dafisenafino? <sup>25</sup>Afo yigeunamac iye onarukauna van erar indiric urec dafiseci, amankac sirac ocyac ureci mini van dafisentecumpe. <sup>26</sup>Mini ananan Ayo Inta avakundem yigeunamac erar iye dukaunagim sofaemino. Nevaraino, yigeunamac yugam mukeyon iye indirukaunami Koctinic Ayo Inta yeraemi sofa uremi anduntinke ific demi ogam muku sinkemino. <sup>27</sup>Beni mini baintan yigeunamac sinduntin afakaman afotagic evam bemi beni Ayo Intaic indir onarukemino, nevaraino, beni Koctinic ayini avakuremi benkac munkugeyou yivantaci yofa uremi ogam munku yinkemino. <sup>28</sup>Yigeunamac indigecumpe iyeuyafo Koctin avacbac eyouyani, beni umacden anecne managin uvarenimi avogugani uvaremino, Kocti beyic yogantac yaraman dukeniu yindaino. <sup>29</sup>Nevaraino, beni bana yonarukeniuni bani antecman dukemino, beni ben Agac kacnac ugago vani bani yemi yuman dukemino, mini foni beni amucna afac avaunkinke yen yivaic ugantemino. <sup>30</sup>Kocti yema yuren antecman dukauni, beni yembaci yararukemino. Yema yararukeniuni, yemi antecmani dukemino. Afo bena yen antecman yinkarukeniuni yem baci beyic ayoguc uvika yinkarukemino. <sup>31</sup>Nevec mini anecneugani sentegafu? Afo yigeunamac sinda Kocti banami iyec mandaic usinkatenafifi? <sup>32</sup>Beni bey Agac iyen fakemino, yigeunamac umacde varo siremi avicman yimemino, inkecnic inanac yigeunamac bac umacden anecne fa iye simintenafifi? <sup>33</sup>Iyec Kocti yivic dukan ininbaintauc koc yimintenafino? Koctim beni yenkaraf uren antec yinke vaino. <sup>34</sup>Iyec beni koc yimicdem dumu yinkantenafino? Kraisi yigeunamagan benanan fukemino, afo mini vac yankagaremi, beni fugintinke ukukagemino. Beni Koctin namac acnaric uren dafitemi, afo beni yigeunamasic magu mandukemi sofaemino. <sup>35</sup>Iyec yigeunamac Kraisinic ayintinke fasapac daiman sinkatenafino? Mana andauc kinke, umam mararafi, amucna indirafi, ena umar amirafi, yaran fugevanafi, bacdo yigekac iye dukarafi, uman yinaninafi, yiruin soparogafino? <sup>36</sup>Micnin siren santemino, "Enic avogugani umacden nuram yenamac siruman

fugec nana benone. Yenamac sonamani arogovan dukan sipi pipi gacnaci ugecumpe.<sup>37</sup> Mana mini umaruc kinke yigeunamac sivacbuc evam baintaic eran poni mandukauno becyamumpe. <sup>38</sup> Nevaraino sentic indindac se sinduntinke erani evaci macni onarici ecumpe, fugindac ayum fa vandac, ensorova, kamaniuga, mage benin anecneuga inaan yinanin anecneuga erandaga <sup>39</sup> yanic ugafni macmempa kumbanafi ena anecneuc Kocti uvandukanafi mini anecneuc Koctic ayin Jisas Kraisi mayausic Iyenon kim benin kinke amankac yigeunamac sivekaman nenkac iyen dantemino.

## Chapter 9

<sup>1</sup>Kraisin kimi seni fogan sireci sego, umac iyen sego, afo sentic indinano Ayo Inta gimi sentic witnasi bemino,  
<sup>2</sup>seni anon sigun anecnem marevaunami afo sen sinduntim sic emanam bemino.<sup>3</sup>Nevaraino, sema Kraisin kinke magakena sinkun kinkena sifativa unan naro sirema uman simicdem fasapac sisinkaman danami amankagici intemino.<sup>4</sup>Yeni Sen sinkunuc, Israeliuci benone. Yeni Koctin agafandaic ugeni, eran kagara, lo va, Koctinkac man sira, poromasiuc mandukenone. <sup>5</sup>Kraisi yen yinayfun kinken mana bu gim ampankemino-beni umacdempac yankagagan Kocti bemino. Ben avic iye kipan yac yanik imi amankagic intemi. Fugai.<sup>6</sup>Afo Koctinic promasic uranin iyen yandugemino. Umacde Israeliic beyon inimbainta Israelin ankunkinkeno mana va beyaone,<sup>7</sup>Umacde Abrahemin agafandauc anavasina fuga sire beyaone. Afo, "Aisakin kinken yigen yinavasinuc yarantenone."<sup>8</sup>Mana bu gin kena intauc Koctin agafandauga beyaone. Afo promisi maranayon intauci ben anavasinic ugenone.  
<sup>9</sup>Nevaraino manai poromasic ugam bayanino: "Inaem mana yamuci seni yentecumpe, afo Seran afonintant amentecumpe." <sup>10</sup>Mána mána vaino, afo Rebeka vaci mana bainta gake ám mácdukemino, mayau sifone Aisakim—<sup>11</sup>nevaraino, mini intauc iye macdukami afo avoguc bac manda vac iyen uvandukenone, mini foni Koctinic yogantac yuman dukan kaci amankac ukukantemi, afo bena uvarenin poya ino beni yarenin ponino—<sup>12</sup>benani micnini sigemi, "Ben ava bey afagic yogar intaci ugantemi"<sup>13</sup>Micnni siren santan kaci ampankemi: "Jekopin avacobac eci, afo Esaumi manda sirac amecumpe."<sup>14</sup>Ne vec sirc yigeunamac sentegafu? Koctim kim iye antekan anda benafino? Amankac iyevac ino.<sup>15</sup>Nevaraino, beni Mosasimi samemino, "Seni iyenafi avacobac uankanunan avacobac uankantecumpe, afo iyenafi sigun aru ankanunan sigun aru ankantecumpe." <sup>16</sup>Mini nevaraino, ben ayeni vaino, afo nevaraino, bena iyayeva vaino, afo Nevaraino, Kocti-ino, beni avacobac yocyigenvaino.<sup>17</sup>Nevaraino, afan yo kinke Fereomi Kocti samemi, "mana mini anda gaci emi mandan ukuka ankecumpe, micnurec amankac sesic eran enkim yocyigarani ukuka ankecumpe, micnonuna foni amankac sen tivic umacden magafac siyime bintenone.<sup>18</sup>Micnugami, Kocti iyenafi ben ayinanimi avacobac uankantemino, afo iyenafi ben ayinanimi, indintim onacbanic uankantemino.<sup>19</sup>Yigeni senani icnaemi sinagomino, "Nagac enac mayau gim fanana umaruc afakenafino? Afo iyc benic ayintim eraruren ukukenafino?"<sup>20</sup>Ena asapate, banta o, iyc eni bec Kocti sevan avar arafe fono? Amanka gac uvandanarin anecne uvarananiyim samintenafi, "Nagac iyac semi macni uvararic efono?<sup>21</sup>Kave uvarevam bainta yo gac eran iyc dukenac mána yo fonána daindem avoguc anecneuc dananim kave uvanan denaci, ena kave macden yamuc aneneuc dananin uvanan dantenaafino?<sup>22</sup>Inkenigac intenafi, Kocti beyic aran anecne yocyigarema, benic eran onago vana, ben aran anecne uvikagan kurauc anan kayiran randagem bempate sesac uman dukenine?<sup>23</sup>Nagac intenafi, bena micninanimplo amankac yocyigarana beyic amucna avocabac kurauc naropac sesac umanbeyic avoguc kagaran dukenine?<sup>24</sup>Iyenac beni ararukenafi, Judauc kinke mana varase, mapac inimbaintauc kinke yigeunamac bac, micnu sinkanami inkecnigac intenafi?<sup>25</sup>Beni Oseanic yogim baci sirukemi: " Sentic banta anasi iye bageyou yani sentic banta anasiven sentecumpe, afo iye siyagenin ininani sen tivacbagen sentecumpe.<sup>26</sup>Bana yenana sirukagenim micnintemino, 'Yigeni sentic banta anasi iyen bamino,' minigaci yenani fanana van Koctin 'agafandaauge sintemino.'"<sup>27</sup>Asaia Israeliuc gani bacduremi semino, " Israelin agafanda amucna ugami beni un nompatena eyu gacnaci ugenofo, manaca manan yevegec yivigantecumpe,<sup>28</sup>nevaraino Iyeno beyic koc mana magagac siremi, umacden yogan agaga uremi kagicanemino."<sup>29</sup>Asaia bana sirukagenimi, "Afo Iyeno umacden anecneuc beninda beni mayau sinavasin yere iye sinkarukagemi yigeunamac Sodom Gomorauc marayon uman kacnaci marararunaino.<sup>30</sup>Mapac inimbaintauc anteckan andavan iyen avakurevanone, afo yeni yindun munkir anda foni anteckan anda marenone. Minivan yigeunamac nevec sentegafu?<sup>31</sup>Afo Israeliuc loic anteckan anda avakurevanofo, mini gac iyen oraenone.<sup>32</sup>Ne anda varafino? Nevaraino yeni yindun munkir anda fo iyen avakurevanone, yogar anda foni avakurevanone. Yeni yandeyon on naroci yandenone,<sup>33</sup>micni siren santamino, "Onago, seni Saioni anu naroc yandeyon onacbam bac umar andaic onabami dunkuman dukecumpe. Iyefi bena minigin andun munkurukemi agaye anecne iyen marantemino."

## Chapter 10

<sup>1</sup>Sifactiva unano, sen sindun siyelim bac koctimpac yenan inantegunai, yevegen yivigano vanumpe. <sup>2</sup>Nevaraino, seni yenana siyimunai yeni anon yiini Koctinan dukenone, afo yena indin dukeyom poyaino. <sup>3</sup> Nevaraino, yeni Koctinic anteckan andavan iyen indigeni, yenafoni yeyic anteckan andan uvarenone. Yeni Koctinic anteckan andagim iyem benone. <sup>4</sup>Nevaraino, Kraisi beni lo amankagic uman demino. Micnim poni umacde iyeuyafo yindun munkugeyou antekantenone. <sup>5</sup>Mosasi sandukemino anteckan anda lo ginke yevanan: " Banta lo anteckan anda fona avakuremi mini anteckan anda foni fani ayum bantemino. <sup>6</sup>Afo yindun munkugeyon anda fona anteckan anda yigenimi macnin semi, " Ey anduntim iyevac seno, 'Iyec inarumpac urintenino? '(Mini foni, Kraisin un avige kuminonami); <sup>7</sup>afo iyevac seno, 'Iyec fukeyou yiman benin masic kim kumintenafi?" (mini foni, Kraisin fugintinke ukuka ankanonami). <sup>8</sup>Afo nevec mini sigenafi? "Mini bay a en acnagaci bemino, en avantim bac en anduntim baci bemino." Mini i yindun munkim bayanino, minin yigeunamac siyimecumpe. <sup>9</sup>Afo ey avantinke Jisasinan Iyenone sintefi, ey andun munkuruke, Kocti Jisasin fugintinke ukuka ankemino sintei, eni fani ayun banonamino. <sup>10</sup>Nevaraino, banta bey anduntinken anteckan andavan andun munkurukemino, afo bey avantinken yevegen yivigananin siyimemino. <sup>11</sup>Nevaraino, afan yogim sigemino, " Umacde iyeuyafo benkac yindun munkugen, yemi yigaye iyen yimintemino." <sup>12</sup>Nevaraino, Judauc bac Grikiuc enac iyen ugenone. Nevaraino, mana Iyeno manan umacdeyic Iyeno bemino, afo beni ben avic deyou gimi, uvikagemino. <sup>13</sup>Afo umacde iyeuyafo Iyenon avic deyouuni, fani ayum bantenone. <sup>14</sup>Afo benkim yindun iye munkugen, inkecnic ureyaci ben avic danteyafono? Afo benan iye indirukeni inkenic ureyac yeni benkim yindun munkinteyafono? Mam bay a siyimin bainta iye banami inkecnic ureyac indintenafono? <sup>15</sup>Afo, iye siyinkane, inkenic ureyac yeni mam bay a siyiminteya fono?— Micni siren santemino, "Inken avogugigac ugenafi, avoguc anecneugan yimusim maram báya siyimeyou yigani!"<sup>16</sup>Afo yeni umacde mam bay a gim iyen indenone. Nevaraino, Asaia semino, "Iyeno o, iyeuyac mayau siyimuna bay a gim yindun mukeyafono?" <sup>17</sup>Afo yindun munkir anda yenimi Kraisinic bay a indena indeyom ponino. <sup>18</sup>Afo seni secumpe, "Yeni iyec indeyafono?" Eyo, fugaino. Yena siram bayani bani umacden magafaci benyen ugemino, yen yivaya umacden maga arasapaci ovemino. <sup>19</sup>Seni ena yacbac samecumpe, "Israelic iyec indirukeya fono?" Bani Mosasi sirukemino, "Seni yigen yirac ukukaranaci sitoc magu uc yivic dukeyou manda indiric uyinkanagomino. Seni yiran anecne ukukaranaci indir iye dukeyou yiran anecne man yinkanagomino. <sup>20</sup>Asaia eraruremi beni semino," Senan iye sifikageyouni sifakenone. Senan iye inda ageyou gaci ye afotagic ecumpe." <sup>21</sup>Afo Israiliugani beni semino, "Baya arurena yirac erar urukeyou gaci umacden nuram siyan daunam bemino."

## Chapter 11

<sup>1</sup>Seni macni sirc yinda irare, Kocti beyic anasi banta acnainic uyimena? Iyevac mana ino. Seyacbac i Israeliic bainta becumpe. Abrahamin ana vac Bejameninic nantingke. <sup>2</sup>Kocti beyic anasi banta acnainic iye uyimintemino. Feugami yenani inde vamino. O yigeni iye indirukegac Ilaisa nana Koctin avaya kim ma sigam. Ilaisa ma ogam mungkintim ma Koctim pac Israeli inin acbasi ma koc ma siyingkenimi. <sup>3</sup>Macnin sirem sem, "Iyeno o yeni enic yogam baintauc yirumam fucdeni, enic kanda yauc ugacda vagacdac enone. Mage seyagac i baunani sirirani sifakanonone."<sup>4</sup>Afo nevec sirenac i Kocti Ilaisam sasamenafi? Macnin sirem sasamemi, seni bani seven tauseni bainta seyaran dec ugacdaunam beno yeni iyen yigonoyam angkare umac kocti bali kac mam iyen senone."

<sup>5</sup>Micnugami, magevage manac a inin bainta Kocti beyic agun anecne foni ugac demi mandam beyindac em.<sup>6</sup>Afo beyic agun anecne foni yevegem yivigemi, yena yogam maran foya ino. Iyeino. Afo yena yogam maram fona yivigene, benic agun anecneve fayar anecne intem. <sup>7</sup>Nevec sentecyarafu. Mini avucavac gani Jusi inin acbasi afagevanofo, iyevac mana marenone. Afo Kocti ma ugacdukagenim inin bainta mana mini avucavac yengkim facbaremi. Umacde mano yenyindumi erar ugami ugagem. <sup>8</sup>Koctic yogim ma agantangkac i sigemi: "Kocti yemi mandan banta ma ongkac ma duganic urem, yogam mandan ayufun nannan urani andanda iyen onantenone, yagam mandan korani baya iyen indintenone, mage mana nuram bac manaic ugemin."<sup>9</sup>Afo Deviti vaci macni semino, "yena yeuyuena yunam narar inayom nurami mini yunam mano yenyic bam buemi safura ma areninic intem. <sup>10</sup>Mini i yenyic manda avucavac kac i mini umani yengkac facbarintem, afo yogam bac mandan ayufun nannan uranayac i anecne iye onac, yigoum bac mandan ugacdaranyac i iye ukukago. Micni bantac mana sipac pago."<sup>11</sup>Mage seni macni sirc yindairare, "yena umantim yandone, sipagac yandonac i mini uman nano yemi mandan magapac davacenafi? Iyevac mana ino. Yena yadon foni Kocti mapackena inin acbasi yivicmam besacpa demi. Micnuranaya Israeli inin acbasi mini avoguc avucavac onacdeya yiyandanaya yiran anecne maragovani.

<sup>12</sup>Afo Israeliic inin acbasi ma Koctin acnan amin foni Kocti umacdem mana magagac kena inin acbasi avoguguc uyingkemi, afo yena Koctic yogim ma ecam foni Kocti mapackena inin acbasi avoguguc uyingkemi. Micnugami Israeli inin acbasi ma ovegema Koctim pacma yeye Kocti umademanomi avoguguc uyingkantemino.

<sup>13</sup>Afo mapakena inin acbasi yigenani mage seni sego, seni Koctic yogam bainta yigen yicbanapac ma yoge bauno, seni mini yogam ma marebouna vani anon simoni ego.<sup>14</sup>Neveraino micnuranayac i sentigonougic indin mandan ugukarana yac i yiganda mini avoguc avucvac gam. Micni avucavac uvwande i manac a ovegec yivigantec u.<sup>15</sup>Kocti ma Israeliic inin acbasi ma yiyingkaman dam foni mana magagac kena inin acbasi mandan besac ipandaman demi. Micnugami Kocti ma Israeliic inin acbasi ma ovegema yivigene, yeunamac omarecyam indigec yamupe fukena matikim ban inin acbasi mandan oyanic uyinkantem. <sup>16</sup>Afo nacintenafi acnarugama yunankinkena witi agam ma mande Koctin amimi, mini i macsicdem faruam upiaganuc bac i benindac intem. Afo yayanuc ma anteckanami yay ayamanuc bac i antekantem.<sup>17</sup>Afo manaca avoguc yay ayaman akecyareni acnenone, afo yigeni upagena afasam olifi yay ayamanuc, avoguc olifi yay ayaman kim maro agakemi avoguc yunam maranamino avoguc olifi yay anuc kinke,<sup>18</sup>iyevac eyarani avoguc yay ayamane sire eyavic mare yanic o. Afo ena eyavic mare ureve, eni yay ayamam manova yay anuci mandan erara ananaino, iyeino yay anuc manon emi ayamani fakaman erar uankemino.<sup>19</sup>Afo yigeni macni sinagomi, "avoguc yay ayama ma ugacdem kumin foni seni minigim maro agagec umpe."<sup>20</sup>Mini i fugaugamino. Neveraino yena erar ure Koctin iye ugorom foni yay ayamana ugacdem kumeni an denone, "afo eni ukukamani erar onamino eyic erar ugorin foni. Eyavic mare yanugam iyavac uro, feganovacdec.<sup>21</sup>Omarec indego, Kocti basegena olifi yay ayaman ugam anon kac ecam iyen bagemino, embac i micnintenino.<sup>22</sup>Omarec onegac indigarac ogo, Kocti avoguc avucavac bac erar avucavac bac i unawaremino. Micnugami, Jusi inin acbasi ma yicnainic uamem foni beni aran anecne yenkac facbaremino, afo Koctic avoguc avucavac yigen kac facbarintem, fana benic avoguc avucavac kima bami. Afo micnima iye ugeve embac i yay ayaman kacnac i akecyaman acnintem.<sup>23</sup>Afo bana akecyarukakenim yay ayamanuc ma ovegce avoguc avucavac kima yefekami, mandani avoguc yay anogku kac i agagantem. Kocti benana amagkac mandan agacying kantem.<sup>24</sup>Micnugami, indin kamino, yigeni afasam olifi yay ayaman kacna bami Kocti mandemi avoguc olifi yasac agac mandem. Afo Jusi uge yeni avoguc yay ayamani bami sefo, yevegem mini ayamanuc mandan avoguc olifi yasac agagantem.<sup>25</sup>Sifactiva ugo, ananigim iye vagovare, seni yigempac mana opac baya siman facbarirare, micnagec yigeyarani anon indini dukecyamumpe sinagonani mini opac baya siman facbarirare. Mini opac baya i manac a Israeliic inin baintauc yindun i erar ugagem. Micni bantac bami Kocti mapac kena inin bainta bera ugac dukagenin denden yivic danami benic anasi banta kim yefegantenone.<sup>26</sup>Mini asapake Kocti umacdan Israeli inin acbasi yivigantem, ben avaya kima sigankagic intem: "Yofaim bainta Saionike yintemino, Yegopin angunkinke ma Koctin avaya ma iye avakure na ben avaya ma aran acnami beni yofaurem mini avucava guc yomandan acnintemino."<sup>27</sup>Afo mana baya mage yenamac i undandec umpe, umacden yamuc mini baya gac mana ugukaec i

yenyic kumic andauc yomandan fasac acnontec umpe.<sup>28</sup>Jusi inin acbasi amucno Koctin avaya vani namugoc enone, afo Kocti yige mapoakena inin acbasi yivigarani mini avucavac yengkim ecam facbaremino. Micnugemifo bayugami Kocti yemi ugacdaman demi avacbac uyingkemino nevaraino,Kocti yenyinacu unam nan omaren indemi mini avucavac uwaremino.<sup>29</sup>Koctima banta anasi ma yararemma avoguc andadauc yimin avucavac i iyevac mana kipatem.<sup>30</sup>Bani yigeni Koctin avaya arin inin acbasi bagegomi, afo mage Jusi inin acbasi ma Koctin avaya indire iye avakurin foni yigenkim Koctinic avacbac facbarem.<sup>31</sup>Micni asapake mana Jusi inin acbasi Koctin avaya indire iye avakurevanone. Afo yigena mini agun anecne marane mage yeyacbac i Koctinic agun anecne marantenone.<sup>32</sup>Kocti baya arin avucavac ecami banta anasi yigankac oraime yeraime emi nevaraino, beyic agun anecne umacden inin acbasi kac mandan facbariranino.<sup>33</sup>Fugaugane, Koctinic avoguc avucavac bac benic avoguc kumandin bac benic anon indire uwikagarac ugami ugem. Mini avucavac kugam omareyam agankarecyam indentec yamumpo mayausi indiruc i maro afafagic intemino. Koctin avakurin a yacbaga avoguc indin anuc agankare afakam avucavac gam maro afafagic iric mana otec yamu.<sup>34</sup>Afo iyec i Koctinic indini onacman kakagenac i bemi indir amenafi?<sup>35</sup>O iye i acnantapac Koctim andandauc amicdukanac i, Kocti mini ayac bemi yevegem andandauc amintenafi?"<sup>36</sup>Bevapake vac bengkinke mana masicden anecne facbarugemino. Ben avic mana masicden nuram yanic (ec bano) osuano. Fugai.

## Chapter 12

<sup>1</sup>Seni enani indecumpe mana mini,sifatibaugo,ayogu aranama,fabenim bunami emi eyosirei masidepai ameupe, anteckami, Kocti eyosemi.mana eni amami ayogu ofaini maranonami. <sup>2</sup>Eyo iyeba seno mana magakena aneneukare,eyi indini senisi urebai uwandan oyani ono.mana mini ma ena uwarei omare indinonami ayokui,amakagi intemi ,Koctini ayini antekemi.<sup>3</sup>Mana seni sego,nevara sema ababa a simeninare,masideu iyeuya enacma beyafono mana mini amaka iye indirani yeni indimam yeyivi yaniuren ieyeran antedei anene uwareumpe indirieno.minuremi, yeni amaka indimam ayokuasapa dakami,amaka maya maya Kocti yimemi andum munkiranda.<sup>4</sup>Yigeunama manabunami dukeyami amuna aneneui mayau soka bemi,afu mana mana bunami mana iyenukemi. <sup>5</sup>Mana mini mana ukana asapai, yigeunama iyefi amunofi manabunami Kraisi kim beyamu, maya maya manabunakai dafieyamu.<sup>6</sup>Yigeunamai mage ena ena eraru simidemi awacwabaci maiyau simemi. Afo mana erana amidema mam baya siyimeno sinonave, eanana mana mini fabarurena siaminana beni andum munki. <sup>7</sup>Mana erana ofainave, eanana beni fabano.Afo mayama banta siyimim erana dukene,eanana beni baya siyimino. Afo mana erana ayogu anene vani eni mana acuni siyimenami,eanana beni siyimino. <sup>8</sup>Afo mana erana amidukanafi, eanana beni manamini amino. Afo mana erana anarieve,eanana manamini ayoguki urena mandan fabarino.Afo mana erana manakima banama onema ayogu indinama aranama bei eanana manamini amoynama mandan fabarino.<sup>9</sup>Ecanam ababa irandakim umatire anonabi iyemarano.Uma iyeseno bananoka; fakamam erarono neanene ayogu benafi. <sup>10</sup>Ayogu indiriono ababa irandave sifatibauko,mayanafi enafi ababa ono. anon indiri eupe sindutike anon siyiri emino, andutike mayanafi enafi ayirandai.<sup>11</sup>Amuna indiri iye ono man abikim, iye fegano. Ayoitabraci anon indiri ono,erara ono. Anon indirika ono iyenonan, bem abimam eyandutim dano. <sup>12</sup>Amoyono eni andum munkuremi anon indiri iye ini onamani anari onamino. Sandake beva eni umani iye afakanonami. faya ogamukono. <sup>13</sup>Baya yiyliminani indireya abakurirani yiyece. Amuna ani bemifo afakareva ena afa abami ofa ono.<sup>14</sup>Ayogukika uyikano yena iyeuya emi manda uakanteyafa;ayoguki uakareva manda baya siakano. <sup>15</sup>Amoyono yena iyenamaka amoysteyafa; ifi dano yena iye namaka ifi decenafi. <sup>16</sup>Amoyebai ayogu indin dukebai onamam ena ayokuki ono. indimam eyabi yanicasapa iyeva inde, afo indicna iye dugeyom inim bacintaba yibikano. Acgackace anene iye uwararai sandakeba eni indeno.<sup>17</sup>Mayamba iyebaka ayaono bananoni bananomifo.Ayogu aneneuka uwarano maside anasi banta beyon abatifa. <sup>18</sup>Mana amagaki iyecina,ena indinona amakai, ayogu bariono maside anasi bantanama.<sup>19</sup>Iyeva aran anene marano enanacosake,ayoguki uakano,afu mana mini asapai Koctini umanino.mini siken,""Senana osake mana mini umani maranteko; seni umani yebaek amenteko,Kocti mini semi."<sup>20</sup>Afo eni namugoma asebanave,ayoguki uakano.Afo bera nonare sinave,yacaminacna nano.Afo ena mana mini uwarebe,eni anon umani onabami ikana baram ben anoncka danami."<sup>21</sup>Ecanam bananom enka iye dafisino, ayogu indinama banana bananomi fekano.

## Chapter 13

<sup>1</sup>Ecanan umacden ininbainta yicnonic ugeyon baintauc sinayon indire avakurogo, nevaraino yicnonic ir anda iyem bemino, Koctimpate yinanim manan ino. Yicnonic uge beyouni Koctin dani benone. <sup>2</sup>Nevaraino, iyefi yicnonic ugeyou sinayon iye indeni, Koctin avayan arintenone; iyeuyafo Koctin avaya arinayouni, umani ye yigec manan dantenone.<sup>3</sup>Nevaraino dafisiruc avoguc avucavac uvareyouni fegan yimintenone, afo manda avucavac uvareyouni fegan yimintenone. Eni dafisiruc yigar iye fegarar ayenafi? Nefi avoguc bananinac uvarano, micne vanona foni avoguc avic amintemino. <sup>4</sup>Nevaraino beni Koctinic yogam baintan enic avogugani bemino. Afo ena manda anda uvarevante, ankarac ono; beni yireyon soparoc fa iyen manden nomino. Nevaraino beni Koctinic yogam baintam bemi iyefi manda anda uvare vananin agec umani dantemino. <sup>5</sup>Micnugemifo sinayonac indire avakurono, umar aminanim agan nanavaino, afo avoguc anda indinino.<sup>6</sup>Nevaraino, mini anda foni takisi ayac anamino. Dafisiruc Koctinic yogam baintauci beni, masicdem nuram yeni miniuc kaci yukan dukenone. <sup>7</sup>Iyen indac mandukante ayagac ono: iyenac takisi benafi benac ayac ono: iyeninda benafi: iyeninda ayac benafi benac ayac ono; iyen agarac fege fono ben agarac fegano; iyenac avic yanisin benafi ben avigac yanis ono.<sup>8</sup>Eno yinda anecneuc icaen amirare sirecn iyeva marago, ecegac ena enavac yivacbuc uyinkago. Nevaraino, iyefi acnagac bananim avacbuc emi beni lo sigami avakundami amankagic emino. <sup>9</sup>Lo macnin sigemino: "En inin aginta namac monkoc iyevac ono, banta arumar iyeva fugono, umor iyevac ono, anasi onare iyevac manda indiric ono," afo ena ena louc ma banami umacden managim manan bagu yugemino: "En acnagac bananin eyar avacbuc eonaic urevac avacbuc uankano."<sup>10</sup>Avacbuc anda mayan acnagac bananiyim mandaic iyen uankemino; micnugemifo, avacbuc andai lo sigami amankagic ugemino.<sup>11</sup>Maná mini foni, mana yamuc onanamino, micnugemifo, máná nurám aci yankagemino, yon dugan ginke ukukago. Nevaraino, yigeunamac ye sivigananin acdekaci yevemino, acnантапac yigeunamac sindun munkoguna yamuc baci yankagaremi.<sup>12</sup>Ayufun yankagaimi kagar acdekaci yevemino. Micugemifo, yigeunamac yicya ayufun kinkena yogaruc fasapac degaci, kagac kena unambaco sigec ono.<sup>13</sup>Yicya kagagan avucavac kim banic urec avoguc biric ono, mana magagac kena omac andava eran non nare ocenic ir anda vac ecano; yicya monkoc andagin iye bono, anasi namac monkoc iran anon indiric iye ono, namugoic ir anda va ena manda indiric uankar andauc ecano.<sup>14</sup>Iyenon Jisas Kraisin avicman sesindaic uregaci yigeunamac so manda andauc iye amegaci, benic ayir erar iye uankano.

## Chapter 14

<sup>1</sup>Iyeuyafi Koctin ugoringkim ma erar iye ugauye, yivicmam yacnagac degac i erar uyingkagi. Iye onac dukanagon andandau gani yenamac eran haya iyevac segi. <sup>2</sup>Iyefi erar ugoriric evayi, umacdем yunami nantem, afo iyefi benic ugorinna erar iye ugayi i saguc yunam mana nantem.<sup>3</sup>Afo iyefi masiden yunam ma nevayi i, saguc yunam mana nevayi nani iyevac manda indirec uwangkac. Afo saguc yunam mana nevayi, umacdем yunam ma nevayi nani iye antekam avucavac i uwaremino micni iyevac si. Kocti benbac i ugacdем avigemi. <sup>4</sup>Eni iyec be enonic yogam banta mandan antegefona? Bena beyic yogam mandan erar enafi mandan fafasenafi, mini umani benic Iyenonic umanana bantem. Afo erar uremi ukukantemino, nevaraino, Iyeno mana mandan erar uangkarem mandan ukuka angkantem.<sup>5</sup>Mana bainta mana nuran nani ena nuranuc bac i arugemino indiric intem. Afo ena bainta masicdem nuran nani manaic ugemino indiric intem. Micnugami, masicde maya maya mano omare agankare yac i indigarac ogi ne indirac dukeyafo. <sup>6</sup>Banta mana nuram ugacdем Yananom indave siren mini nuram ugac damandem, afo iyefi masicdem yunam ma nevayi i, miyi i Yan Anom nani omare indemi nemi, nevaraino, Kocti nan susu siremi mandem nem. Afo iyefi masicden yunama iye nevayive, Yan Anon nam omaren indemi manac a yunanuc agoremi. Beyacbaci Koctim pac sususem.<sup>7</sup>Mayau sicbanapake manac bayi iyevac mana beyic barani benida mana ino sintem. Afo manabayi beyic fugiranisentc uman nana ino iyen sintem.<sup>8</sup>Fana saum marec bege, mini i Yan Anon inda mana ino, afo fugec yare, minivac i Yan Anon inda mana ino. Micnugami fugec yarafu, fa becyarafu, Yan Anon inda mana becyamumpe. <sup>9</sup>Afo Kraisi bac i fucem yevegem fugintinke ukukemino, micnuem beni fukauyic Iyeno bac fa bauyic Iyenoc iram.<sup>10</sup>Afo eye, neverac i eyafac avanic avucavac dainde mandac siangkeve? Nevarac i eyafac avam simam mandaic uangkeve? Umacde mano indinkamino, Yeunamac umacdем mano Koctinic kokac ukukantec yamumpe. <sup>11</sup>Koctinic yo gima agantangkac i sigemino, "seni Iyeno macnin sego, masidem mana magagac kena inin acbasi senka mana yigonoyan mare angkantenone. Umacde mano Koctin avic mana mandan yanic intenone."<sup>12</sup>Micnugac yami, umacdем mana mana mano masicdem avucavac ma uwaragesuana Koctimi mini masicden avucavac sasamentec yamumpe. <sup>13</sup>Micnugemifo, ena sifactifanic avucavac daindec mandac iye siangkano. Afo micni iye ecyara macnono, enon uman iye amesua nanac i kumic anda gim iyevac ufegacno.<sup>14</sup>Anonac Jisasi mano sentic indin mandan dirac i, mage onagarac ecumpe, iyen mana anecne beyagic fairic ugemino. Iyefi mana anecne vana fairic ugeno sene, afo miyinic bantine mini anecne fairic ugemino.<sup>15</sup>Afo fairic ugam yunam ma mande nanam ma en afac ava ma mini avucavac gam umar afakanave, omarevac indeno, eni eyafac avam avacbac iyen uangkanami. Kraisinic fugin nano bemi aci ayac urukemino, yunanare sire eyafac avan arac mandan mandaic iyevac uangka.<sup>16</sup>Yigena mana anecne vana omarec indima avoguguc uganage, mini avucava kagac dafic man avoguguc ogo, micnagec mini avucavac iye dafisina eno-u mini vani manda anecne ve sive.<sup>17</sup>Koctinic bare yunam bac non naraino. Iyeino. Antegam avucavac baga nanayugem bam avucavac baga yimusin anecne maran avucavac Koctinic Ayo Inta mano ma yimevam.<sup>18</sup>Iyefi mini avucavac ma avakundema Kraisinic yogam ma maren, Kocti benic avucavac kani amoyintem, afo banta anasi mini avucvac onac deni emi amoyu angkantenone.<sup>19</sup>Micnugemifo, mana yirackac be uwaran avucavac mana avakurosua, afo masicden avucavac i Koctin ugorin avucavac eno-u madan eraru yinkan avucavac mana uwarasuwa.<sup>20</sup>Yunanare sire Koctinic yogam mandan mandaic iyevac o. Fugave, masicden yunami naranecne mana bemi. Afo mana yunam ma nanamma mini yunam manoma enom ma mandan yanduangkene, afo eni mini manda avucavac i uwaranami.<sup>21</sup>Afo eni safurac nefo manda non nac nefo o ena avucavac gac uwarefo, mini avucavac mano ma en afacavam ma mandan yanduangkene, afo avoguguc mana intenino mini avucavac ma iye uwareve.<sup>22</sup>Enic ugorin nano ne indirac i mini andandauc gani mandan facbar uangkantenafi, mini i Kocti bac yigekada yic andanda mana ino. Manac bayi ma mana anecne bana avoguge siren omaren indi nama ben arac ma mini anecne vana umaric iye ene, beni amoyintemino.<sup>23</sup>Afo iyefi mini avucavac uwadukan nana kar indin dukem safura nene, umani dukemi, nevaraino, beni iyen indigemino, benic ugorini mini avucavac kac amangkagic ugenafi iyefi. Afo mana avucavac ma mayausi ugorin avucava ma amangkagic iye ugac ma uwarege, mini i kumic anda i.

## Chapter 15

<sup>1</sup>Mage yiunama iye eran indin dukena yibimam ernou eran iye dukeyou anantapa dukeya eran iye eya,yikeunama senana osake simoni iyen ontneyamupe afo anenema iye uwareyane. <sup>2</sup>Mare yiyanaya maya maya yikeunama simoyeyanaci ben adebeyocu ayokuki uyikano, afo bemi eram mandena ukukano.<sup>3</sup>Kraisi beyi anon abikani iyen indemi, Nevara,mana bayani bani santakemi,Iyeuya manda baya sejafo yeni mana mini manda bayau enani sirenai senaropa mandan deno. <sup>4</sup>Mana neanene uka bani yeracea akareya mini agarenoni mayausi inditai, simam antedeba eyara danam kuminava afo antekan indin amideba mana mini mam baya yigeunama indekuna amamino.<sup>5</sup>Mage Kocti bemi ayogu indiri uremi mana arakademii emi amidemi afo mana ukam indin daba enouyaba indireya kukandeya abakuroko Jisas Kraisine. <sup>6</sup>Mage beni mana mini uwandemi mandan antedemi mana indita deba eni mage sususire mana avatikebaci seba Kocti mayau sifo iyeno Jisas Kraisi. <sup>7</sup>Minukemifo mana a uyabaka yibikano, Kraisima ema abikenini ure, Koctimi iyena abi ameno.<sup>8</sup>Seni macni sego, Kraisi Jusi yuc fayam yogam baintac u-emi yofa urem yocivigemi Koctin avaya fugal sigemi. Micnurem masicdem baya ma Kocti yen yinac-u unayimic dukageninkac i ampamemi. <sup>9</sup>Afo eno-uyachac benic agun anecne one ben avic mare yanice ogovam. Koctin avaya ma sigankac, "Micnugac i ena ininacbasi kim en avic mandan yanice ec i ic darec bac i en avic mandan yanice ontac."<sup>10</sup>Yebaekem semi, "Amoyono, eye Jentaliuke, beyi anasi bantanamake." <sup>11</sup>Afo enabake, Kocti abi yaniono, ena masideuna beonouke Jenyalu; eanaya masiden inim baitau ben abi yanioko.<sup>12</sup>Yemana baekemi Aisaya semi, "Mana mini Jessi anukukamino, afo mana benana ukukaekemi masideuka yinoni uemi dafisitemino Jentaliuka.Afo Jentalicui ayogu indim mandeni benani inditenoni."<sup>13</sup>Mage Kocti ayogu indin emi amidemi indiru uwikacakaremi amoyebaci ayogu aranama bebaci abakurono bani, afo Ayoitai erantaci bano bani.<sup>14</sup>Seni senana osake emi sameko, sentifa tibacuko. Seni sameko mana eni enanaosake ayoguku utikarukacnano, masde indiru uwikakemino. Seni emi sameko enouyabaka siyimeno.<sup>15</sup>Afo Seni mana afani sandei anon indiri eci emi mana a aneneu mandan antedei emi yebaekem i indini amenteko, nevarai mana erani Kocti sememino. <sup>16</sup>Mana erani mage Sena amaka beni yogambaitai okami Jisas Kraisi siakami Jentaili.mana yokani prisu ayoku bayani Koctipa denoni. Seni amaka mana mini uwandaunani afo ayoku ofaimi jentailiu marenoni, mandan afota demino ayoita.<sup>17</sup>Afo seni anon simoni Jisas Kraisi nani ecupe afo Kocticni yokarukare. <sup>18</sup>Afo seni make iyebaci bayani senteko mana a aneneukara eyosirena neanenebara kraisi mage amoyurena mini nurami seni indeko Jentaili ukare. Mana mini aneneu uwantenimi bani bayasirami uwandukami. <sup>19</sup>Afo mana erana farenin unamake, afo mana mini ayoitai eranama. mana mini Jerusalemi keino, afo meya enafate yemi Illyricumi yeraemci, seni amakai masidem baya maro yiyimenteko Kraisi abayaye.<sup>20</sup>Mana mini asapate senti indini ukukarai mam baya siyimeko, mana iyebai kraisi abi iye indikauni yiyimeko, mana mini indunai seni amaka iye mai uwarateko ena baitau makakuma dafedanatokake. <sup>21</sup>Mini sirenai mini sire sandukami; "Yena iyeuya iye indinteyafu benani mage bemi onaten, afo yena iyefi magema iye indeni mage inditeno."<sup>22</sup>Minukaci sefo seni mage amuna yokani mareci emi yemam iye oneumpe. <sup>23</sup>Afo mageve, Seni iyen iyaka bei mana makusim yofaeko, afo seni mage beci amuna orande mandeci emi onarandeci indeko.<sup>24</sup>Afo ikeni avaфа Sena beke Spain, Sena indekunai emi yemam onarei inaemi bonteko, mage yekumandue enama bakei bonteko, inaemi Seni yikenama bei kipa nurami manakini ukeyami simoyonteyano. <sup>25</sup>Afo mage Seni beko Jerusalemi Koctima abakurau maro yofairare.<sup>26</sup>Mage ayoku indiri uremi mesidonia namaka Achaia nama ayoku indim mandeni manakim deni anene iyerukena Koctima mam siakena abakureouni yimenoni Jerusalemi. <sup>27</sup>Eyo, yeni ayoku indiri eno, afo, fukaukane, yeni yeyi inditai moni yimenoni. Minu remi Jentiliu mage yofauren yeni Ayo inta kinkemi ofaim maremi, yenke yofaikem manukemi afo yebaekem yemi yofairani mini aneneuke.<sup>28</sup>Minukemifo, Nandefi Sena macke mana yokana afo makema mandanama indekuna ecke yena macke indeye mini antekatemono, munkin Sena mage Spaini bei emi yera onarei bonteupe asapai. <sup>29</sup>Seni indeupe nandefi sena ebanafa yekunave seni mage Kraisi senkim bai simoyeko beni yokarare.<sup>30</sup>Mage Seni sameko emi, sifatibao, mayausi iyenobe jisas kraisi, afo Ayoitaci ababanama, minuremi makatanda mandan manakin demi semi okam muku sikaremi semi koctipa mandan danami. <sup>31</sup>Okam mukusikaranaci seni mage ana iye indeyom makusike ve Judia, afo semi yokam simidemi Jerusalemi mage ayoku yokari urena Koctima abakure younama. <sup>32</sup>Okam mukusikek banakai Seni mage ebanafa yeraekai Koctini amoyini mandan fabari, minu ranaci seni mage manakini ureci enamaci sandake banteko.<sup>33</sup>Avacbac Kocti yikenamaci bantemi. Fugave.

## Chapter 16

<sup>1</sup>Seni emi sameko mayau sonana Phoebe beni, iye mage mam makim yokam baita benafi Cenchrea, <sup>2</sup>Mana emi samidei mage sonannami abimanci iyecompaci dego. Mana uwande ayogu indi mande ofaure abagurono, afo ukukaebaci onana necanene uwaratenafi onanai eni ofacirandabai inde bantemi. Mage onanai beyarani omare indimam ayoguckiuremi mage yeracemi amuno yofaemi, afo sembai.<sup>3</sup>Ayogu nurane Prisela nu Aquila nugo, senti manayogam baintauke Jisas Kraisinkim, <sup>4</sup>Iye fugenacfino sena yenama fabanocbani mage. Seni mage susu seko yenani, senana bacune, afo mana maside mam makika seceyouye Jentaili uke. <sup>5</sup>Ayoguc nurane Koctini anasi banta yikeyi mam makima bekouke. Ayogu nurane sentifatiba unane Epaenetusi bekocuko, iyeci anari urena andum baekenafino Kraisi kine Esia.<sup>6</sup>Ayogu nurane Anasio, iye enani eran yokari enafino. <sup>7</sup>Ayogu nurane Andronicusicnu juniasi. seni ecni umai siakeko, afo senti mana yokantim dumuckeyom baitauke. Yeni iyena yinoni ukauni Jisasicni yokam baitau yibanapaci beyo, yeni bani Kraisi kim anariurenai baci seni icnaemi yeko. <sup>8</sup>Ayogu nurane Ampliatus, senti ayogu sifatibacugane iyenonckin.<sup>9</sup>Ayogu nurane Urbanus, yike unamatii mana yokam baitave Kraisi, afo Stakisi senti ayogu sifatiba. <sup>10</sup>Ayogu nurane Apeles, ayoguki onamino Kraisi kine. Ayogu nurane iyeuyafi mana mini makima iyebane Aristobulus. <sup>11</sup>Ayogu nurane Herodion, sensigukikena baitaino. Ayogu nurane iyeuya Narcissus amakim beyafo, yena Iyenokim bauno. <sup>12</sup>Ayogu nurane Trifina nu Trifosa, iye eran yogari enafin iyenoka. Ayogu nurane sentifatiba ugane, bena eran yogari akenive iyenonan. <sup>13</sup>Ayogu nurane Rufus, iyeno ukadukeni, afo benanoi sentinobai. <sup>14</sup>Atogu nurane Asinkritus, Phlegon, Hermes, Patrobas, Hermas, afo afa abau iye benama bakenafi. <sup>15</sup>Ayogu nurane Filologusi nu Julia, Nereusi nama afo beyayofinamai, afo Olipasi, afo iyeuya Kocti abakureyafo benamai bakeno. <sup>16</sup>Ayogu nurane enama manacauyabai antekam umai siyikeko. Maside inim bainta Kraisi kim bauni ayogu nurane senoni enani. <sup>17</sup>Mage seni emi erambaya sameko, sifatibao, indimam ayogu ono iyeuya yeni mage ena ena bayacuka siyimenoni nevarai ena bana indeona baya kanackaka ukenaino. Anacem yimeno yene. <sup>18</sup>Mana mini inim baita yeni erarure mayausi Iyena Kocti abimam ye yindutim iyen denoni, afo ye yindun anana indeno. Yena ayogu bariukei ena onamam ayokuki uremi bayau siyimidemi yeyani indimam yindutim deni anene iyen uwarenoni. <sup>19</sup>Mana yena yankena bayana senaci iyen yeni indeno masideu. Seni simusimi mareu, mini ukemifo, embai yakakemi, afo senti enani sei ayogu indita be ayogu bariono, mana anene iyen uwareko bananoni anda. <sup>20</sup>Kocti nanayin yimevayi acdekaci ban anon aruremi en agar agumpo dasacnantemi. Ecanana mayausic Iyeno Jisas Kraisinic avacbac enama bano. <sup>21</sup>Timoti, senti mana yogam bainta, eni ayogu nuramino, Lusius sinu Jesan, Sosipater, senti umaci siyikeupe. <sup>22</sup>Seni Tertus, mana afani sandandeupe, emi ayogu nurane siakeumpe iyeno abikine. <sup>23</sup>Gaius, semi ayogugi usinkemino saiden inimbaintauc namage mam makine, enani ayogu nurane siakeko. Erastus, korigac uwantam makusinke, ayogu nurane siakeko ene, Kuatusinic afac avaunan namacino. <sup>24</sup>Amankac Iyeno Jisas Kraisinic avacbac umacde yigenamac bano. <sup>25</sup>Mage enabi yani ureci emi mage mandan ukukarei sena sirectuna bayani binami Jisas Kraisi abaya siyimitenoni, sirectuna bayani feyukami mana mini opa ayofakakenimi feyugam, <sup>26</sup>afo mage mana mini ba opa baya sirukakeyom, mana Kocticni yogam baintau sandeni mana mini mandekeba masidem magusim dano, ba siruka kenimi ena samidemi mana uwarano iyeva kipam aumi dukam Kocti ino, afo uwararani indeumpo manaca uni seni eni uwarano namino. <sup>27</sup>Jisas Kraisin kim Kocti ayoguc indin dukayi, ben avicmanan umacden nurami anonic ukantemino. Fugave.

## Galatians

## Chapter 1

<sup>1</sup>Poli yogam bainta ino, mini yogam banitai mana magac kena baitauc kinge baino, Jisas Kraisi Kocti mayau sifo beni fugin tike mandan ukuckeno. <sup>2</sup>Sen tifac tiva unam senamac, mankingac beyou Galesiac:<sup>3</sup>Avacbac namac nanayinamac mayau sifo Koctin namac Jisas Kraisim pate. <sup>4</sup>Kocti yikeunamasic manda anda kinge sivigarani Kocticnic ayini avakuremi beyani amemino. <sup>5</sup>Umacden yamuc ben avic yanic ugano. Fukave. <sup>6</sup>Kraisi nic avacbac kin aragenic akaga ugami yevekec boci sinduc i recumpe. Anon sinduc recumpe ena ena mam bayayuc kinkac yevekekon nare. <sup>7</sup>Ena mam bayani benova segauno, Mana bantauc Jisasin avaya ena sirci uraga umam maranagonani secumpe. <sup>8</sup>Mayauyafi, inarumpatena ensorifi bani mam bayi siyimeguna bayani sinaniyi ecanam beni mandaigac ino. <sup>9</sup>Feni siyimi rukeci, mage yevegec siyimego, "bani maregom bayana maya siyimemi ecanam beni mandaigac ino." <sup>10</sup>Seni mage koctim pate eyo sini maregafu banta fate fi? Banta arac manar ayokugic iraraga funo? Fanana banta arac manar ayokugic ec be ci, Kraisinic yogar inta iyem becumpe. <sup>11</sup>Mage omare indego vare, sifac siva unano, mana bayana siruke kuna bantaic baya baino. <sup>12</sup>Seni banta fate va mare gaune, maya sisimenafi,

Jisasi kraisin kin ayofagam bayani afotagic emino.<sup>13</sup>Yigeni indemino seni bani Judaisimi mankimi bageguna, bani koctinic anasi banta uman yimeci anagayirani agekuna ve.<sup>14</sup>Amucnon senti magusinke sen yacnonuc bano fo, Judaisimi mam bayasimi seni acnaric mugac umpe. Micnin mukanici sen sifo unanyic mam bayayu kani anonic muren sikan ukami revamino.<sup>15</sup>Sesinon arac kim baunam, Kocti beyic avacobac kinka sarenim,<sup>16</sup>ben arac i ayogugim memino Mapac ini yacbari kim benan siyimeno bare, Seni agaga urec anasi banta kin iyen yindaec umpe.<sup>17</sup>Bani acnari uge yogeyom baintauc bampa Jerusaremi iyen urecu. Ecec ci Arabiac oreci ovekeci Damaskasi ci yecumpe.<sup>18</sup>Kandac manavac orande acnaim paci Jerusaremic undeci Cifasin onaic urec benama fitini nurami bageumpe.<sup>19</sup>Seni ena yogam baintauc iyen yoneumpe Jemisim manai, Iyeno afac ava.<sup>20</sup>Seni nec e banafa agaregafu, Koctin ogankac fugin sireci samego, seni minigim umac iyen sego.<sup>21</sup>Micnu reci seni mini magusin kac Siriac namac Cilisiac magusinkac be ucmpe.<sup>22</sup>Judia Jisasin kac mam seyouni sonaic iyen ugeno.<sup>23</sup>Micnic sikamanan yeni indeno, "Iyec beni yigeunamac mandaic usingebanafi beni mage yindum mukir anda bani siyimeno bani beni ankayirani agenin uge."<sup>24</sup>Ne seni uwarekafu Koctin avci yani enone.

## Chapter 2

<sup>1</sup>Fotini orande acnayempaci Banabasinuc Taitasinuc yivic manarec Jerusalemic yeveke ureuc. <sup>2</sup>Sena urekunai, ayofaganim bayakaci, yenamac manar antekaran emam bayaya mapac iniya baintauc kimi sekunave. Seyakaci acnonic ugeyou namac secumpe, macnem indic ogobare seni sesic siyintac bayabam iyen iyayeci iyen iyayonte umpe.<sup>3</sup>Afo Taitusivage beni Krikim bemi senamac bani o akecyano bani erarukami eno. <sup>4</sup>Umac baintauc emami yefece soneno, yike unamac Kraisi Jisasinic ayin dukekuna. Yemi yiyyikarac mevami ikeunamac manam fayan yokam baintaic irani, <sup>5</sup>afó yeunamac yen yirafim make iyen bego, macnem fugasigam mam baya iken namac banovare. <sup>6</sup>Afo iyeuyac acnonic ukau beyafo (yení nec beyafo senkaci anon anecne baino, Kocti yempagic iyen intemino) - yenana acnoni ukause sekunouni, senkaci mana anecne ba beyaone. <sup>7</sup>Ena asapaci, yeni sonaci yu iye akecyage youni mam bayakim dafic yinkage umpe, macnem Pita ma yu akecyage youna mam bayakim dafic yinkageninic urege. <sup>8</sup>Kocti beni Pita kinkaci yu akecyage yousimi yokemi, senkin kacbací mapac iniya baintauc kimi yokemi.<sup>9</sup>Jems va Cifasi va Joniu, mam mac uvarana yonaic ugeyouni, onaic meno mini avacobac sen simikenimi, benkim munkir anda yey yiyan ugan namaci Banabasin de simeno. Mapac iniya baintauc kim bono vani mana uvareno, micnureni yeni yu akecyage yo bampaci binteno. <sup>10</sup>Andanda iye duke you yan nana indeno bani yeni indaeno, ma mini andanda ugan uvararan siyevane. <sup>11</sup>Afo Cifasi Antiokic yeraci, ben organ kaci secu, nevarafi beni iyen antegaci. <sup>12</sup>Icnayemi manaca baintauc Jemsi bampate yeno fo, Cifasi mapac baintauc namaci nem bami. Afo ma mini bayintauc yeraomi, beni ececi mapac iniya baintauc namac iyem bami. Yu akecyago ban seyou yigani fegemino. <sup>13</sup>Afo umacden Ju'uc ma kantan yivan dukeyo usimi agackano. Yenyic kantan yivan tinkena bayayuc manom Banabasim baci mandan yenamac minigin deno. <sup>14</sup>Afo sena yonekunai yenyic avucavac mano fugasiren mam baya sigenima iye avakuroci, umacden yen Yugankaci Cifasinan secumpe, "Ena Ju bema mapac iniya baintauc kacna be Juc kege iye bei, inkenic ure erarina yaci mapatena iniya bainta Ju kege bante yafo?"<sup>15</sup>Mayauni mactin karaci Jium becumpe mapac iniya baintauc manda kim beyouyaono; <sup>16</sup>Yeunamac omaren indecu loic yokantac maya iyen anteckantemifo andun Jisas Kraisin kin munkuinam manai. Mayau yabac yunai Kraisin kin sindun munkuinaci anteckantecu Kraisin kin sindun munkurec manai loic yogaruc mano bai. Loic yogaruc mano mana bu iyen anteckantemino.<sup>17</sup>Afo ikeunama Kraisin kin anteckara ir afakeci, ikeunamac baci, sonaman manda iniya baintaic ugecumpe, mini i Kraisi manda andac manam yanic enafi? Iyeukamino!<sup>18</sup>Afo sena mini anecneuc anankare gunauc yevekec uvareci, seyani manam yoyivigeci lo ukare baunom becu. <sup>19</sup>Mini'i lo kinke seni lo kimi fuckego, micnureci seni Koctin kim bantec umpe.<sup>20</sup>Seni Kraisin namaci fuckeumpe. Seni ba bageguno ba begaune, Kraisin senkim bemino Mage mana bani mana bugim begunai Koctin Agac kimi sindun munkurec becumpe, iyefi senar ayiren beyar simiyine. <sup>21</sup>Seni Koctinic avacobac manar avafac iyen decumpe, logima anteckenin anda manar iyenac inami, afo Kraisinic fugini fayaric mintemino!

## Chapter 3

<sup>1</sup>Galesiaugo, indiruc anana ugeniuge! Iyec yigemi umocdu yinkarukagafono? umacde yigen yugankaci Jisasi Kraisin mandar afotaci iyinayonic emi. <sup>2</sup>Mana anece mana yigempate indin marare: Yigena Ayo Inta marami lo yogaric ompoyac maregafono, haca! indirec yindum munkegompoya fino? <sup>3</sup>Yigeni indiruc ananac ugenafino? Ayo Intaic yogantac kugandeci, acka mage mana bugim maro kiparagafono. <sup>4</sup>Yigeni umani amucna anecneukimi fayande ugam maramino\_fugama sirenbanami fayande uganafino? <sup>5</sup>Yigema Ayo Inta yimicdem amin yogani uvarenimi lo yogam marampoyafino, haca, yindun munkurec indempoyafino? <sup>6</sup>Abrahami Koctin "kaci andun munkim poni anteckam avic maremi." <sup>7</sup>Organic ure indeno, micnure yindun munkugeyouni Abrahamin agafandauci beno. <sup>8</sup>Mam bayagimi onanami iyec mapacteno andun munkinami Kocti antec ankantemino, micnugami acnантапас mam baya Abrahami amemi semi, "Enkinken mana magagackena iniya baintauc avacbac <sup>9</sup>marantenone." Yindun munkugauni avoguc avacbac marantenone Abrahamin namac, andun munkugarac evam bainta. <sup>10</sup>Umacde iyeuyafo loic yogantac yogauni "umam maran sifanankimi benone; aflo micn siren santemino, umacde iyeuyafo lo yogin santam iye avakunde uvareni umam maran sifanankimi benone." minin uvarantenone. <sup>11</sup>Afo mage afotagici ugemino mayavac lo gimi Koctin ogankac iyen anteckec umpe, nevarafi, anteckauni yindun munkin anda gimi bantenone. <sup>12</sup>Afo loic yindun munkir andava benaino, "Enai banta loic yogaric evanani lo ginac bano" <sup>13</sup>Kraisi yigeunamac loic uman maran sifanankinen utuc sinkarukemino, micni siremi agantemino umam maran sifananci ugagemino\_nevaraino, yogim santemino, "umacde iyeuyafo yasac iyeyouni umam maran sifanankimi benone." <sup>14</sup>Kraisi Jisasin kinkemi mapateno gaci Abrahaminic ayoguc yintemino mapatenu Jisasi Kraisin kinke yintemi, micnugami yindun munkir andafoni Kocti yimiran sirukan Ayo Inta igeunamac marantego. <sup>15</sup>Sifactiva unano, ecanagaci banta seyon asapac seno. Bantama uwandem simar erarugam baya, maya mandar avafac iyen dantemi, ena baya vac mini naroc mandar iyen dantemi, lo fona uwantananim. <sup>16</sup>Afo mage Kocti andandauc yimiran sirugam baya Abrahamim namac ben "anavasim nani sirukemi." Amucno vara sirukena, iye ino. "ben kigke ampaminaniyi nani sigem," Beni Kraisi ino. <sup>17</sup>Afo mage seni mage manavani secumpe: lo ve 430 orande yankagaimi yemino. Kocti acnантапас uwandanin lo mandan fasapac iyen demi. <sup>18</sup>Afo marananin anecne lo fate yigenin andandauci bana sigenim pateva yigenai. Kocti bani sirukageninuci amemi. <sup>19</sup>Afo, nevaraci lo benafi? Mini naroc enavac amugac dami, nevaraino, manda andauc fonino micnuganami inaem Abrahamin ana iye bapagafi yino bana Kocti yimiran sirukanici intemi. Acbanac bainta mano ensoroc kimi loi manar eraremi. <sup>20</sup>Afo mage amucno ban kinke acbanac bainta mayanar iyen semi, Kocti manai. <sup>21</sup>Loi Kocti yimiran sirukan andandauc kimi acao sigenafi? Iye ugamino! Afo lo yimic dukam pona fanana bam bani yimic dukagemi anteckarac uge beyon andai fuga siren lo ginken yigemino. <sup>22</sup>Mam baya mano manda anda dumuegem arafin demi. Kocti sivicman besapac darare sirema yimiran sirukan anda yindu munkir anda foni Jisasi Kraisin kinke mandan yindun munkugauni yimintemino. <sup>23</sup>Yindun munkir anda yirarugami lo yigeunamac dumuman dukami inaem yindun munkir anda afotagic emi. <sup>24</sup>Afo lo yigeunamasic dafisirici uganimi Kraisi yemino, micnugami yindun munkir anda foni antec sinkantemino. <sup>25</sup>Afo mage yindun munkir anda yenin poni lo yigeunamsic dafisiric iyen ugemi. <sup>26</sup>Yigeni Koctin agafandauci bamino Jasa Kraisin kim yindun munkir anda foye. <sup>27</sup>Afo yige amucno Kraisin kim nom mandugauc Kraisimi avicman yinduntin damino. <sup>28</sup>Jiu namac Griki namac iyeve, fayan yogam bainta namac fana benim bainta namac iyeve, banta namac anasi namac iyeve, yigeni umacde Kraisin kimi bamino. <sup>29</sup>Afo micnugaci yigena Kraisin indama beci Abrahamin anabasinami beci, Kocti yimiran sirukam maranagouci bamino.

## Chapter 4

<sup>1</sup>Sena segunai mini andanda afoi, bema aninta bemi, bema fayan yogaric eyounamac enaic iyen ugemi, masicden maga dukembage. <sup>2</sup>Afo benkac dafitau namac benindagac dafiteyou yigantim banami bemafo ugacdanin yamugic intemi.<sup>3</sup>Afo minivagi-i ugemi, yigeunamac aninta bagunami mana magagakenaic andauc poni dumuman dukagemi. <sup>4</sup>Afo mini yamuc yeraimi Kocti bey agac sankemi, anasiginke macimi, lo aragimi magemi. <sup>5</sup>Afo bema micnimponi lo arafim bauni utuc yinkemi, mini foni manam be yagagic emi.<sup>6</sup>Afo nevaraino, yigeni ben agafandauc bami Kocti beyagagic Ayo Inta sankarami yigeunamac sinduntim bemi, ararem semi "Aba Sentifo'o"<sup>7</sup>Afo micnu gayami eni enavac fayan yogar inta iyem banami.<sup>8</sup>Mesac mini yamuc Koctim bac iye onarukec mana magagakena eram foyac bac iyevan koctinuc kacbac fayan yogar intaic ugagegomi. <sup>9</sup>Afo mage yigeni Koctin onarani yemino yigembaci Kocti yonaic memino, inkenigac yevegec iye antekem benic eranda iye vam lo andauc kim begafono?<sup>10</sup>Onano kugagenina oyan igona yenina ockac yenina orande yeninuge! <sup>11</sup>Yigenamac yogauna yogaruc fayaric inaninani semi saci gemino.<sup>12</sup>Sensifactiva unano seni yigemi indaego, senkanac ogo, seyac bac yigen kacnaci ugego, semi mana andavac iyen uwantikam mino. <sup>13</sup>Yigeni sonamino, sugimi sicim poni seni anantapac kugandeci mam bayani siyimecumpe. <sup>14</sup>Sen sugin kena umanano yigemi amam magantimi yinkaci semi yifo iyenkeci ec iyen damino. Iyeino Kocticnic ensoro sonaric murec saramino. Kraisi Jisasin benafon kege.<sup>15</sup>Yigenyic avoguc yimigami nafagac mage benafino? Afo seni yigemi siyimuna mini amankagicma emi, yigeni yige yukan durucdec se mana sonago. <sup>16</sup>Micnugemifo, fuga baya siyimuna foyac ikenyic namukoic egafu?<sup>17</sup>Mana ayoguc kara emi manan yesapac darani erarugan eya ono. Emi mapac uyacman dukaya yentin erarukano bano.<sup>18</sup>Ayoguc anda barac umacden nurami erarugan ure amoyono, enamac banuna nuram mana bara seno.<sup>19</sup>Sentika fandauko, seni yevekec yikenani am mage yom sinavisikimi baunami Kraisi yiken kin yefekemi no. <sup>20</sup>Seni mage ikenamac bec sesic baru manam bayecman antekarar ugami siyemino, nevarafi seni ikenani anon indiric kugamego.<sup>21</sup>Sisimego, iye ugac lo arafim barar indeka, ikeni lo bayani iyec indeka?<sup>22</sup>Abrami kar inta kanda dukanani akantemino, manan fayan yokar aginta kac kena ifo manan avic inin kac kenai.<sup>23</sup>Mana buci ayini ampamimi fayan yokar aginta kac mana magemifo, afo ba sikanckaci avic ininano ena inta magemi.<sup>24</sup>Amam magaruc kegem anecneuci bayec kantemi, ma mini inikandai mana yirackaci de anecne uwareyon kacnaci bano. Maya i Sinai Anufateno bemi anuc macyinkenimi fayan yokar intauc mo. Mini i Hagai.<sup>25</sup>Agai i Arabia ic Sinai Anum bemi mage i Jerusalemim bemi, bema mage fayan yokar inini beyaga fandauc namac bemi.<sup>26</sup>Afo yampaci bemi Jerusalemi<sup>27</sup>i beyani bemi, bema mayau sinom bemino. Micnin siren akantemino, "Amoyono an iye mageono an iye mageona vare. Ific damar acnure bacde amoyono, eni iyeci am mageyom anavisic iye mareonove. Nevafi beyavafumi dukenin iniyacbaci yeankaremi ben avafum yere ecenin ini nano amucna intau kugami dukemino."<sup>28</sup>Afo ikeni, sifac siva unano, bani sikanic mureci Aisaki kacna i bamino.<sup>29</sup>Mesac mini yamuci mana buci ayini ampami mageniyim mano mi Spiritic ayini ampamiyimi mandaic uankemino. Mage baci micnim memino.<sup>30</sup>Afo mam baya kimi neveci sigenafi? Fayan yokar aginta namac ben akac namac sankanam bino. Fayan yokar aginta akac mano avic ini yakac namac beninda andandauc iyen daimintemino.<sup>31</sup>Micnin mugemifo, sivac siva unano, ikeunamaci fayan yokar iniyakafanda iyem bec umpe, avic iniyaka fandam becumpe.

## Chapter 5

<sup>1</sup>Kraisi damukage kuna kinken utuc sinkemino. Erarure ukukevac fayan yokam bainta uman mareninic ure mini umar arafim iyec bano. <sup>2</sup>Seni Poli, sego, enafo amundanonawе Kraisi mano emi iyeukami ofaintemino.<sup>3</sup>Umacden baintuaci siyimeko yenafo yimunde yonuni lobaci awakuroko. <sup>4</sup>Kraisin namac iyem banamino, iyec eni micnin tefono, lo emi antekanami Kotinic avacbaci iyen onanonami.<sup>5</sup>Spiriti kim sindun munkuinami, sikandevanaci anteckan anda bani dafisente umpe. <sup>6</sup>Jisasin kine yimunde yonafi iye yimunde yonafi ena anecneucino, andun munkini avacbac kimi yokemino. <sup>7</sup>Awokuc biric makeonamifo, iyec emi aosinge bayaci fuka sikenin anda iye awakurefono? <sup>8</sup>Mana arani iyenon arayan yeona fate baino. <sup>9</sup>Sitoc yisim farawankimi dami famemino. <sup>10</sup>Koctic kimi sentic indini bemifo eyacobac micnono. Iyec emi mandaic uankantenafi beni mini ayaci marantemino.<sup>11</sup>Sifac siva unano yimunde yonani secumpo, nakac eyaci umani siminteyafono? Micnin toni kekac yani ani uyackenimi amanda kemi. <sup>12</sup>Iyeuyaci enic asapac uyakanteyafo yenafoni yenyic anda akami amankagic intemino.<sup>13</sup>Sivac sivac unano, awokuc bantimi yewamino, mini awokuc bantoni manda andaic iyewaci ono, ecewaci ayinamakac benofaim benofaim ecbano. <sup>14</sup>Umacden lowe mana bayasim manam bemino, emi ayeninic mana baci urec enawani ayino. <sup>15</sup>Afo ike yirani yiruec yisiec inakomponi umani maranakomi.<sup>16</sup>Spiriti kim banonafoni manda andaic iye inonami. <sup>17</sup>Manda anda ayikarac enim Spiritic namukom bemi, mini amankac manan Spiriti i manda andaic namukom bemino. Ben umarami ben umarami inakomponi mana anecnevac iyen inakomino. <sup>18</sup>Spiritic indintac bewe, lo arafinic iyen inonamino.<sup>19</sup>Umacden manda yokaruke aci afotagic mukemino: anasi namaci bantan barenine anom manda andan uwarenone, <sup>20</sup>umac kotinka mantira, uwac anene dukeyono, namukoc iyona, sampi indini benina, enaic anecne onami yikandenina, yiran anene mareyona, yindur umani yimeyona, daimir andam benina, <sup>21</sup>enaic anecne vani indeonava, eran nomi namandeni anana mayonamac ena ena andauc namake. Mi sekunac ure akec ono, mini audauic inayouni Kotinic makusimi benin aneneuc iye maranteno.

<sup>22</sup>Spiritic akami benimi ayir andava, yimoyeyona, nanayuke beyona, nanayuken dafisir andava, ena amir andava, awokuc bara, andun munkinra, <sup>23</sup>nanayukan eyon namac yenacu yeyic bam manar anteke, aneneukimi mana lowac iyem bemino. <sup>24</sup>Kraisin indaic mukeyouye yenyic manda andauci kekac yani marem bemino.<sup>25</sup>Spiriti namac beke, yic Spiritic namac bec yec ono. <sup>26</sup>Iyewaci ena aran amir andafi, umantin ankar andafi, enaic bani onanami iye baci siyino.

## Chapter 6

<sup>1</sup>Sifac siva unano, iyeci manda andakin yandinte nafi, spiritic nanayin namakaci ofaurananaci yeveken ukukano. Ayokugic ure daficdevaci bano, eyandac amam makantin yandinone. <sup>2</sup>Enaic umani ofaure kaci, Kraisin awayani awakurogo. <sup>3</sup>Maya beyarani amoyinanive, beyani umaci sintemi. <sup>4</sup>Maya beyic yokarani amoyemi iyewaci ena samino. <sup>5</sup>Maya maya beyic umani benafuni marantemino. <sup>6</sup>Iyeci ayokuc baric ukano bani samintenafi, ben namakaci ayokuc baraci marano. <sup>7</sup>Eyani umac iyevaci seno, Koctimi iye baci umac siankanonam mino. Banta beni ne yunan ayunaci yokantenafi, mini yunan akam manan koyintemino. <sup>8</sup>Manda anda uwandei manda ayaci anankayini banami maranonam mino. Iyeci Spritic indintac anecne intenafi, beni Spiriti kim banana bam bani marantemino. <sup>9</sup>Ayokuc anda uwararani iyewakaci afokano, beni ovekem yinaninan nurami minic anomni koyinona mino. <sup>10</sup>Mage igeunamac yoken duckeguna, umacden inim bainta ayogugic uyinkano, mi ma yindum munkin tima beyouye. <sup>11</sup>Siyamponi mana iyena afaruci sarec umpe. <sup>12</sup>Mana bukac yimoyeyouni o ackecyano bani samintenone. Mini andan uwareyomi, Jisasin avitac umar iye mararani mini uwarantenone. <sup>13</sup>Yu akecyeyouni lo iyevaci awakurenone, ike yu akec yaraya mini ban yimoyiranone. <sup>14</sup>Seni iyewaci simoyontec umpe, seni simoyonunai Jisasinic pukirani simoyontec umpe, micnenim poni mana makakackena manda andauci sinduntimi beninuc kipasinkem mino. <sup>15</sup>Yu akecyante kafe iyec akecyante kafe mini anon onaric iyebakac ogo. Banta bey anduni baecdemi oyam bani afakananim, minin anon andandaino. <sup>16</sup>Mini andandauci yinduntinken avakureyouni, avacbaci namac akun anecne yen namaci bantemino. Yeni fuka Israiriuci beni Koctin indam bantenone. <sup>17</sup>Mage ecanam maya umar iye simino, se sukaci Jisasinic afuruci mandec nocumpe. <sup>18</sup>Sifac sivac unano avacbaci iken namaci bantemino. Fukave.

## Ephesians

## Chapter 1

<sup>1</sup>Poli, Kraisinic yogam bainta Koctic ayintac, Koctic antekam ininabasi bam Efesesic magusim, iyefi Krais Jisasin kima erarugauni. <sup>2</sup>Ayoguc avacbaci bac arac iyorin avucavac yigenkinici Kocti mayau sifo bac Iyeno Jisas Krasin pake. <sup>3</sup>Ecananac Kocti mayausic Iyeno Jisa Kraisin Afon avic yanik i, beni mayau ayogugic usingkem Ayo Intaic masicdem ayoguc kim inarum magusim Kraisin kimi. <sup>4</sup>Kocti bani mayauni ugacdukem beyaran fena mana maga iye ampangkankac, micnuranacyam antekcyam bac manda avucava gan mayau simam mandaic iye ogoban ben ogankac. <sup>5</sup>Kocti mayau feyugam ugaman beyagagic emi Jisas Krasin kim, beyic ayoguc amusin anene kim beyic ayinkac. <sup>6</sup>Mayau sivicman beyagagic ini benavic yanicimpo benic ayoguc avacbaci kima mayau fayugam simim Mana ugama avabac ebayim. <sup>7</sup>Jisas Kraisin kimi yeunamac mandan utuc sinkarem beyic nare fo masicdem kumicanda yomadam fasacdem, benic anon agun anecne fo. <sup>8</sup>Beyic anon agun anecne mayau naropac dem beyic masicdem anon indin bac indigaracim bac. <sup>9</sup>Kocti mayausac mandan fabacrem opac ocman dugam yogan beyic ayim, benkacma neverafi ayigarac evam, afo mini beni Kraisin kac yocyivigem, <sup>10</sup>fena onem ma indimam dukagenim masidem anene vam, masidem anene mandan manakinicim, masicdem anene inarunkim bac mana maga naroc, umadem mandan mana acnon kac dem, Kraisi bac. <sup>11</sup>Kraisin kimi mayau ugacdaman amangkakiem. Yeunamac bani indiman decyam benic indiram masidem anene ma afotakic enim benic ayinkac. <sup>12</sup>Kocti mayauni ugadaman amangkaki uranayam acnaric eyam erar indini marantecyam Kraisin kim, afo yeunamac amagac ben avic yanicini benic avogugam. <sup>13</sup>Kraisin kimi, eyacbaci, omarema indena fuga baya, Koctin abaya gima ema obagema avicdukanam, bekim indigarac inami emi ugagantem bana sirukacgenikac Ayo Intafo, <sup>14</sup>beni simam facbarintem mayausic ampamiram amagkac yeunamac masidem anene ma fakarecyami, benavic yanik ontayam benic avogugam. <sup>15</sup>Afo mana andavani, bana sena induna enic eran ukorinan Iyeno Kraisin kim bac enic avabac masicde Koctic antekam iniyacbasi gac, <sup>16</sup>seni saun iye dego Koctin pac sususec enam sesic sogam mukintim. <sup>17</sup>Seni sogam mugkego mayausic Iyeno Jisas Kraisinic Kocti masidem ayogugu yifo, beni aminteno Ayo Intaic ayoguc indim bac ayogu indin mandan afotakicim indin beni omare onagarac inkim. <sup>18</sup>Seni sogam mugkego en adun ogam kaganovam, micnuina eni omare indenovare erar indin pona bona en aram baga benic amucna g turn onim benic avogu andanda maranteyam umacde Koctic antekan ininacbasi. <sup>19</sup>Sentic sokam mugkintim seni enani indauankego eni omare onano vani iyevac yandan anon andanda benic erantin mayau iyefi benana indigarac asuwana, benic anon eran yoganto. <sup>20</sup>Mini i manac yom eran fona Kocti Kraisin fukintinkema ukukaman beyayanc ugam pac kumanduankemi inarum magusim. <sup>21</sup>Kocti Kraisin kumanduankem umacden naroc dem daficdem beyic eranco yogam yimem, bac masicde yivicma ragam. Kraisi i masicden anenegac dafisintem, mage mana nuram mana baino, afo icnaim bac yinaninkim. <sup>22</sup>Kocti umacden anecne Krasin

## Chapter 1

agantin dem bemi beyic man namungkim yimem masicden anecne gac yincnoni inobam.<sup>23</sup> Man namumi ben oi, benic uwikani umacden anecne gimi uwikagarac ugami ugem.

## Chapter 2

<sup>1</sup>Afo eye, eyic manda anda baga enonic andada dafire maran anda foni fukagonami.<sup>2</sup> Mini anda baga enonic andada dafire maran anda foni emi mandegem mana magaic avuava kim daya bagonami. Enic bare yambam banic eran ayintac i nogonam, mini banic yogani bantaic baya yomandan fasacdем baya arim bami.<sup>3</sup> Bani micni banta ban ininabasi yicbanapac i bagecyamu, mana maga gakena avucava kim becyam sinduntac indintac ma siyebam avuava i uwarageyam. Mayauna mana maga gakena avuava kima bagesuanai Kotinic, eran aran anecne mayaugac i bagem, masicdem mana maga gakena inimbantauc kacnac.<sup>4</sup> Afo Kocti beyic agun anene kim uwikagemi nevarafino beyic anon avabac foni mayauni avabac usinkemi.<sup>5</sup> Mayauna enaic andada dafire maran anda kima fukasuanam, mayau madam Jisasin kim oyam aum simicdem ukukasigkarem beyic agun anene avuava foni mayau obegem sivigem.<sup>6</sup> Kocti mayauni Jisasin kim mandem ukokasinkem, afo Kocti mayau madam inarum magusim Jisasi namac kumandusinkem,<sup>7</sup> micnugami icnaima yinanim kimi beni amangkac mayauni iye vac yandanuna andada beyic agun anecne kim yotivicdem mayau Jisasin kim beyic avarim anda madan fabarintem.<sup>8</sup> Minukami benic agun avucava foyacbac mayausic eran avakurintoni obegem sivigem, afo mana evapakeva ino, Koctic amintoni.<sup>9</sup> Agun anecne i yokantoya ino iyeino, micnugami mana bayi mini bani baya iyebac i sintem.<sup>10</sup> Nevarafino yeunamac Koctic yogam baintauc, Jisasin kim avoguc yogama Kocti fena magau nandema dukagenim, micnugami minin avakurontecyam.<sup>11</sup> Micnugami omare indeno bani mapac inimbainta namac maga gackena ogac i bagonam. Emi macni avic i reno "o iye akeyageniyi onaric meno" o akeyam avucavac fo "yeyokima mana magagakena avucavacma ye yiyampo uvaran anda."<sup>12</sup> Mini yamuc ugami nempac i Jisasin kim bagonam. Eni anamuru gacnac Isreali inimbaintauc kac ugageonam. Eni ena inimbaintauc kacna i baya unde dam bayagagic i onam. Eni mana indini icnain nani iyen indenam. Eni Koctin kim iye bagonami mana magakac.<sup>13</sup> Afo mage Jisasin kim iyefi iyapacma Koctin kim bageono Jisasinic nare foni avicma beyacdekac demi.<sup>14</sup> Beni mayausic avacbaci Kantano mandegem manai im. Ben o ma dakacdakac imponi enom daimin avucavac ma bam madan acnem.<sup>15</sup> Mini i age bayama sigam mandam fasacdем besim banta mandan oyanic urem begic avabac uvararan.<sup>16</sup> Kraisim dukam inimbaintauc yivicmam mana bunanic Koctin kinic em Jisasinic fuginto, namugoi ir avucavac arumam fugem.<sup>17</sup> Jisasin yeremi beyic avacbaci empac simam facbaremi iyefi iyapac bau vaga iyefi acdekac bau vac.<sup>18</sup> Afo Jisasin kimi ikeunamac macde Koctic Ayo Inta manam manaic umam mayau sifon kim demi.<sup>19</sup> Afo mageve yigeni mapac baintauc eno gacnac iye banagomi. Iyeino, yigeni Kotinic antekam inimbainta baya Kotin amackinkena inimbaintaic inagomi.<sup>20</sup> Eni profetiuc bac Jisasinic yogam bainta agun angkaram naroi uvantagonam, afo jisasi beni osac onabanke bagem.<sup>21</sup> Benkimi mini masidem maci madam managinic uranami Koctin amac kanaci Yan Anonkim urem anonic intem.<sup>22</sup> Bekim mana eyabac i uwandegemi manakini uremi Kotinic aum maram maguic inonam Ayo Intakim.

## Chapter 3

<sup>1</sup>Minivani seni Poli, yige mapackena baintauc kacnaci seni Jisasin kim dumim baintaic ugecu.<sup>2</sup> Seni yikemi fuga siyinkego yigeni indin kamino ofaima Koctini avacbac kima yigenani simigam.<sup>3</sup> Manama agare gunai opac bayama senkac ma mandem afotagicim. Mini i ocmandugem fuga sigam haya sitokac simam facbarurec i yige vampie agarego.<sup>4</sup> Afo ena mana haya yandeve, eni amangkac omare indigarac e senti anocna onagarac inni opac ocmandu fuga sigam haya Jisasin nare. Feni<sup>5</sup> mana fugama sigam bayai mana magagackena bainta gac simam facbar iyen ugagem. Afo mageve Goctini Ayo Inta mano Koctinic yogam baintauc bac benic avam baintauc kaci simam facbarem, yeni Kocti beyic yogantac ugacdukage you.<sup>6</sup> Mana i opac fuga sigam bayai mapac kena baintauc baci mandegem Jisasin kim mana angkunic memi, afo yeni Koctin avaya gima Jisasin nana sigam omare inde.<sup>7</sup> Seni Kocti avayaic yogam bainta ec Koctinic agun anecne foma simigam benic eran yogam fo.<sup>8</sup> Kocti mana yogam simidukem, minivac sena arasapac ugama masicde Koctinic antekam ininabasima banayon kim ma banam. Mini yogami seni mapackena inninbaintauc kim simam facbam Koctin avaya gim iyevac afakaric ugam andadauc uwikagem Jisasin kim.<sup>9</sup> Koctinic yogama senkim dukami kagani marec mascneed Anika to go toidem inimbainta kimi bonte mini i Koctinic indini. Mini indini Kocti feni amucna orandegac i mandan ayofarukagem, beni umadem anecne uvarayi.<sup>10</sup> Mini indini mam namumi simam facbareno nevaraino Inarum magusim ma anon eran duke dafisau ma yerainde amucna gima fena beyougi bam Koctinic avoguc eran indin kim.<sup>11</sup> Mana avucavac ma ampamenimi iyevac kipam indin Jisas Kraisi mayausic Iyeno gimi beni mandan kipemi.<sup>12</sup> Afo Kraisin kimi yeunama eran baga mayausic siyinkac bac mayau seyaran indimam erarec nevaraino mayausic indin bac bani benkimi erarugami emi.<sup>13</sup> Micnugaci seni emi indaego iyevac amucna indiric ono nevaraino sena enana umam mareguna, mini i enic abogugare.<sup>14</sup> Momini bani Sesifo bacpa sikon noyan ankeko,<sup>15</sup> bengkike masidem agkum inarum bac mana magagackena yivic dagemi.<sup>16</sup> Seni sogam mungeko beni en amangkagic uankanovam, beyic anon avickim, mandam erarem beyic erampo Ayo Inta gim, iyefi engkima bam.<sup>17</sup> Seni sogam u munkego Kraisi en anduntim banovam enic indimam kingkuyim mano, micni foni agam damam erar inonami benic avacbac kim.<sup>18</sup> Amangkac mini eran duke eyic indintac indimam kage, maside ininabasi namac Koctin kim indimam kingkuyau namac, nec benic anona fi, nec benic iyaga fi, nec benic yana fi, bac nec benic macmem,<sup>19</sup> afo micnugami eni inde onanonano avabaga Kraisi kim, indintac obicdam maro anonic ukamem, bac eni Koctinic uwikantim uwikagarac i inonam.<sup>20</sup> Make bengkim beni amangkac uwandan iyakagic ini maside ma yeunamac inda egafu indevauna, masidem andada ma facbarevami beni erama magausim ma yogevoampo,<sup>21</sup> beni anon avic bantanasi kimbac Jisas Kraisi kimbac inam apaminayou kimbac fanana fanana bantem iyevac kipantem. Fugave.

## Chapter 4

<sup>1</sup>Seni micnugaci, Iyenonic dumim bainta ma bauno emi furefure siankego antedeugam avakurono mini aranna aragag kim.<sup>2</sup> Seni furefure siankeko sadakeukam be, mandan enon avabakin da.<sup>3</sup> Erarukanac io mandan manakinicin abuavac Ayo Inta kim mandan erari agun anene fo.<sup>4</sup> Mana obac mana Ayo Inta hemi, manaugami ugem ema aragam fuga sigam kakugam indin po enic arantim.<sup>5</sup> Afo mana Iyeno bem, mana indigaracim, mana nom maran,<sup>6</sup> bac mana Kocti umacde yifo, beni umacde yicnokac bem umacde kimbac umacden anene kim.

<sup>7</sup>Yeunama maya maya agun anene simicdukemi benic makagac Kraisinic aminto. Micniugami ugem Koctin avaya ma sigankac:<sup>8</sup> "Bena ukukem inarumpa urene, beni dumin ininabasi yivicmam mapac dem, afo beni aboguc andanda mini ininabasi yimintem."<sup>9</sup> Nec mana baya anuc benafi, "Bena yeukukenim," bena yeukukam manavaino iyeino bena yemarem maga anduntim kumenin?<sup>10</sup> Bena yemarem mana magagac kumeniyi mana yeukukem yanugam masidem inarun agun bac yesangkem yanugam urem, yanukudemisicden anecne madan uvikem.

<sup>11</sup>Kraisi yimemi manaca benic yogam baintaic ogovan, manaca ben avam baintaic ogovani, manaca ben avaya mare ena magufa maro yiylimin yogam bainta ogovam, mana a pasta bac tisanic ogovam.<sup>12</sup> Beni mini yogaruc yimicmam eraru yingkarani beyic anteckam ininachasiuc momini yogaruc po, Kraisin o mandan uvarantim.<sup>13</sup> Be yo fanana uvaram bema yeunamac masicde maro mana ukorintac bac omare indigaracim Koctin agagam, afo yeunamac omare kakuecyami mini magagac oronteyamu Kraisinic uvikantim.<sup>14</sup> Kraisi mandan eraru sinkanacyam anagagucke iye banteyam un nom mano ma karando karando ema andandauc avekaman marore marere evanic, bac mayauni sivicmam iye acnintem yeyic sisova bayakim bac yeyic makasintim yeyic umac bayauc po.<sup>15</sup> Micnugemi fo fuga baya mana senteyam avacbac kim, yeunamac yeampamec uronteyam benkim umacden asapake iyefi mayau siconic ugayi, beni Kraisi i.<sup>16</sup> Kraisi mandan umacdem bunam eraruranam, afo madan agacdem manakinic urem afo masicdem anunaruc po mandan erar intem, afo masicdem bunam ma yoganane, mini i oi ampamem uremi mandani erarintem avabac kim.<sup>17</sup> Micnugaci eran siric ego manavam Yan Anonkim, enic bare mapakena ininbainta ma bam bantim iyevac bago, yenyic umac indiruc kim.<sup>18</sup> Yenyic indini ayufunic ugemi, yenyic namugo avucavac po Koctinic bantimi iyem beno nevaraino yenyic manda avucavac gani omare iyen indenone, yen yinduni erarugami ugemi.<sup>19</sup> Yeni yiyorini iyen dukeno, yenafosaken yemandani yeyo yimusin anecne gima banana uvareyom masicdem iye anteckam avucavaguc.<sup>20</sup> Afo mini asapake Kraisin omare onagarac onam.<sup>21</sup> Seni yevegec sego aci benani indirukaunami, benkim onagaunami, fuga baya Jisasin kimi hemi.

<sup>22</sup> Emi aci sasamic dukenone yomandan fasacda feyam avucavac ma engkim bam, feyam bainta yomandan fasac daran. Mini feyam bainta yogaruci mandan mandaic em beyic umac sigam avucavaguc po.<sup>23</sup> Emi yoagarukenone yeveke oyanic icni enic indintac Ayointakimi,<sup>24</sup> afo oyam bainta vac mandan dani mini i Koctinic indintac uvantam bainta--- fugasigam anteckam faindabac iyevam avucavac kim.<sup>25</sup> Micnugemifo, umac baya yomandam fasacdano, afo mayamaya fuga manavaci se agononamac, nevaraino yeunamac mana ankumi becumpe.<sup>26</sup> Aran kanonamifo manda anda iyevac uvara. Ecanam ac iyevac kumpega enaran anecne naroc.<sup>27</sup> Iye vagac ban anom kakacuanka.<sup>28</sup> Iyefi umore vananiyi yevegem iyevagac umori. Beni erarac urem yoga, bey ayampo, micnuremi andanda dukem enom ofaintem iyefi andanda vana maro afafagic inaniyi namac.<sup>29</sup> Iyevac ecanam manda bayauc enavantike yi. Avoguc baya manavaci se enoma abuguvuc urem era uyinkananim baya, omare yenyic yiyintac, enavaya mano yofa intemi iyefi indinanimi.<sup>30</sup> Iyevac Koctinic Ayo Inta umar ame, bem poni emi ugac dukemi icnama Inarum magufac urinona.<sup>31</sup> Masicdem ikac avucavac gac yomandan fasagac da, aran anecne, enonnamac asur abuavac, bac enom siman mandacim, umadem manda avuavaguc bac.<sup>32</sup> Ena avacbac uanke, arac ame, enaic kumic anda earanke, fayugami Kocti Kraisi kim enic kumi anda earankeni nigac o.

## Chapter 5

<sup>1</sup>Micnugemifo Koctin avaya indire avakurin intaigaci o, avoguc avacbac an agaguc.<sup>2</sup> Avabac kinac no, afo Kraisi mayau avacbac urem beyam mayau simem, aboguc unda evam ofa vac agonke Koctin ameno.<sup>3</sup>Afo yigen yicbanapake iye vagac mana baya sego mongkoc anda varafi iye antekam anda varafi yunanan uvaruruin anda, mini avucavacguci iyevac manan antekemi Koctinic antekam ininbaintaukac.<sup>4</sup>Ecanam ampin avucavac iye vano, ecanam ocem bayavac iye vano, iye antekam amam bayauc--- masicden manda andauc iyevac ma anteckenim. Micnugemifo susu mana vaci sego.<sup>5</sup>Mo manavan omare indeno, iyevac mongkoc anda, ampin anda bac yunanan uwaruruim bainta- mini i umac koctin kac man sau- mini avucavac guci bantenafi Kraisinuc Koctinuyic magusimi.<sup>6</sup> Ecanam maya umac bayayupo makac iye siankano, nevarafino momini avucavaguc poni Koctinic aran anecne a iye indin ininabasigac mandan facbarintem.<sup>7</sup> Minugemifo, yenkim iye bac agagac.<sup>8</sup>Bani ayufungkinic mugageomino, afo mage kagani iyenon kim banamino. Kakakena inimbainta kacnagac nono,<sup>9</sup> [ kakakena yunan agami aboguc anene, antekam abuavac, baga fugasini]<sup>10</sup> afo afakamarac facbaro nec Koctin ogankac abogugu enafi.<sup>11</sup> Iyebac indigarac o agam bac iye irebam ayufum kinkena yogarugam, afo simarac facbaro.<sup>12</sup> Mini i ayorin abuabac i opac uwaram andadauc simam facbarirani.<sup>13</sup>Micnukemifo mana andanda ma kagan nano mandan afotakic ene, mini amagac i onanonam.<sup>14</sup> Masiden anene ma onanonave mini i kakan. Micnugami macnin sigem, "Ukukano, dugano, yeukukano fukau yicbanapake, Kraisi en naro i beyic kakan dantem."<sup>15</sup>Onamara ayoguguo eni igkeni barigac ukefe- iyebac indin iye dukau kacnac o afo indin dukau kacnakaci o.<sup>16</sup> Manda anda kinic iyebao nevaraino mage mana nurami manda yamui.<sup>17</sup> Micnugemifo, iyevac oem bantac ba, afo omare bac inde neci Yananonic ayini benafi.<sup>18</sup>Afo iyebac manda non namande sipakico, mini i avic mani iye indinona umantimi dantem. Minugemifo, uwikagarac kac Ayo Inta kim o,<sup>19</sup> enonamac ben samin samin antekam ic kingke bac lotu ic kingke bac Ayo Intanic ic kingke bac,ic degac i aboguc musiki bac Yananom bampac unawaregac yike yinduntinke ukam,<sup>20</sup> masidem nuram susu manavac ise masidem andada vam, mayausic Yananom Jisas Kraisin avickim Kocti mayau Sifo vapac,<sup>21</sup> yigeyiram enoeno nan mandan facbaro Kraisinic abokugam.<sup>22</sup>Anasiuko, yike yibamac yikantini kac oki, Yananom kima inonac.<sup>23</sup> Bantauc i yeyinac yicnonuc ukeno afo Kraisi bac i beyic anasibanta kac yicnomic ugem, afo Kraisi benaco yebegem yibikani.<sup>24</sup> Minugami Kraisinic anasibanta ben akantic onigac, anasiuc yeyivafun akantinigac masiden anene kin oc.<sup>25</sup>Bantauc, yibacbagac yike yinacmaguc oc, Kraisima beyic anasibanta yibacba urdem be yauma yimem.<sup>26</sup>Kraisima be yaumma yimenim beyic anasibanta bam micnurem yemi mandan antec yinkarem, mandan antec yinkaram nom pona sese eyonic urem be yabayofo,<sup>27</sup> micnurem yemi mandan besac damam aboguc andada kacnac item, iyebac i pipiagafi anangayugayu andadauc bantem, afo anteckarac ukemi manda vac iye bantem.<sup>28</sup>Micni asapake mana bac bantauc yeyinacmac yibabac o yeyoma avabac onicure. Iyefi be yanac avabac evayi be yo bac i avabac intem.<sup>29</sup> Iyevac i mana bayi be yo bam afokantem, iyeino aboguc yunam amicdem aboguc dafisiric intem, Kraisima aboguc yonam yimicdem aboguguc uyickarem ma beyic anasibanta kacma daficyinkenim,<sup>30</sup> nevaraino yeunamac begkimi mandan mana bunanic ugeyamu.<sup>31</sup>"Momini anda foni banta beyanoaf yere e-em beyanakac maro agagantem, afo makantandano mandan mana bunanic item."<sup>32</sup> Mana ocmantugam fuga sigam baya i anon anene i---af o sena sebaunave Kraisin dachac benic anasibanta bam.<sup>33</sup> Micnugemifo masidem mano yike yinacmac gac avabac oc yike yo ma avabac onicurec, afo anasiuc yike yibacmac ma sinayom baya bac indirec avakuroc.

## Chapter 6

<sup>1</sup>Anakakuko, yike yinoyifon aveya bai indeko Iyeno kinne, mini i antekam abuava ino.<sup>2</sup> Yike yinoyifo ma sinayom baya bac avakoroko [ meni i Koctinic acnантапаc sigam baya ino],<sup>3</sup> "micnинами emi avogugu uagkanami mana magakac iyakac banonamino."<sup>4</sup> Anuc yifouke, anuc yiran anene iyevac yimeko. Afo fayai avoguc mam indin baya baga Iyenonic abuabakan sigiminaya abakuroko.<sup>5</sup> Dumin yogam ininbaintauko, yikeyic mana magakakena iyenon yibaya inde gac fekantinke bac indikarao, eyanduntinkee fukasire. Yen yibaya ma indeve Kraisin avaya bac i indinonam.<sup>6</sup> Yikeyic iyenoc yivaya bac indirec avakuroc yena iye banayon nuram bac mini abuava foni yenyic indini mandan abogukuc uyinkanakom. Micnugami Kraisin ic ainddim dumin yogam bainta kacnakaiom, iyefi Koctinic ayim yogam beyanduntike ma maranayi.<sup>7</sup> Eyanduntinkee bac yoga, omare kac indiko yikeni Iyenokac i yogam mana maga kackena ininbaintauc kaga yukanai ino,<sup>8</sup> nevarafino yeunamac indikeko nec aboguc yogana maya maya ma maranagone, mini yoganic ayac ini Iyeno vabake maranakom mini ayacina maranayi i dumin yogam bainta bac iye dumin yogam bainta bac.<sup>9</sup> Iyenouko, yikeyic dumin yogam inimbantauc manac yom abuaba fokekac i yogam yimec. Mandac iye bac uyinkac. Eni indin kanamino iye yigekandyic Iyeno ma bayi i Inarumpac i bem, afo benkimi mayanan amukarac evam abuava iyebem<sup>10</sup> Kipantapaci, erarukanac Iyenokim o benic erantim bac benic anon erantim.<sup>11</sup> Koctinic aruin andanda bac made ogac o, micnure eni amagkac ukukamam erarugami inonami bananonic opac umac sigam indiram.<sup>12</sup> Afo mayausic aruire yo bac nare kinaino. Iyeino, mana maga kackena gabmani bac banuyic eran dacbac mana magagac dafitauyc manda ayufom abuava, bac inarum agunkac dafitam banuc.<sup>13</sup> Micnugami Koctinic masidem aruin andada bai o, nevaraino ukukamani erar inonam momana manda nuramkine, inam masidem anene uwandademi ukukaman erar inonam.<sup>14</sup> Ukuke, eyic amuc nan mandan ono mini i fugasigam bayaino afo amimim kackena eran sota bac mandan o mini i anteka abuava.<sup>15</sup> Afo su agarinda, mandan u're maro yiime Koctin avaya kim benic avabagam.<sup>16</sup> Masiden umantim eyic sangko Koctinan indikarac inac fakaman eraro, mini foni amagkac masiden iga namac yevam fago bananoninda yomandam fasac danonam.<sup>17</sup> Afo Kocti ma avicdukanarac madan indintim de madan acnokac atakio afo Ayo Intanic bainati i mini Koctin avaya.<sup>18</sup> Masidem ogam mukintin bac indainkim, masidem nuram Ayo Inta kina ogam mugko. Mini indin namac masidem nuram daficmam abokukuco, micne vac eyic ogam mugkini masidem Koctinic antekam ininbainta bam mugku yinka.<sup>19</sup> Senande baga ogam mugko, baya siminovam sena sivam osafonam. Ogam munke banagac i seni Koctin avaya fuga sigam opac ma bam mandan afotakio.<sup>20</sup> Koctin avaya bani seni ena magufakena dafisim bainta dumuke, micnukai seni amagkac iyen feganamac simam fabanotec, seni amagkac i sentec.<sup>21</sup> Tyikasi sentic aboguc sifactiva Iyenokim erar abakuriri evam yogam bainta, masidem andada bam yigemi siyimintem, siyiminac i yikeni indinakom seni inkecni yokarigaci ekafu.<sup>22</sup> Seni yikeyampac mini yogankac i sasagkeu, afo yikeni omarec indinakom yeunamac inkecni barikac ukekafu, micnugami beni yiien yindum simam erar uyinkanovam.<sup>23</sup> Sadagebam abuavac sifativa kinic i, ababac bac indikaracim mayau Sifo Kocti bampake bac Iyeno Jisas Kraisim pakevac.<sup>24</sup> Eananac agun anecne masideugim bac iyefi mayausic Iyeno Jisas Krasin ma avabac inaniyi iyefac kipanananim avabac fo.

## Colossians

## Chapter 1

<sup>1</sup>Poli, Koctinic ayinta Kraisi Jisasi nic yokam bainta namac, Timoty ikeunamac sivactiva, <sup>2</sup>Kolosic Kraisin kim yindum munkuruke avakureyon afacava unam beyou. Koctinic avacbac namac nanayin namac yikenamaci bantemino. <sup>3</sup>Kocti, Mayausic Iyeno Kraisi Jisasin Afomi susu siankeci mayauni umacdem yamuci sugami munku yinkec umpe. <sup>4</sup>Yikena Kraisi Jisasin kim yindum munkegon namac Koctinic banta avacbac egonani mayauni indec umpe.

<sup>6</sup>Mini bayanano akami iremi umacdepac mana magagac anonic mom bemono. Mini indirec Koctinic avacbac onaicom i yikenkimbac micnimemino. <sup>7</sup>Yikeunamatsic mana yokam bainta, Epafrasin kimi mini avacbac onamino, Kraisin ic yokam baintam bemi afoiyegam yikeunama kandac bakani yokemino. <sup>8</sup>Avacbac Spriti kim yimikeninani beni mayau sisimemino. <sup>9</sup>Mini avacba kar induna nuranke, mayauni saumbac iyen dec sugami munkuyinke umpe. Benic ayir onaic ir ayoguc indiruc Spiritikin uwikayinkano vani inan tiyinkec umpe. <sup>10</sup>Iyenon ogankac ayoguc biric evan ikenyic bantin ayoguc andauc ampaminac Koctinar indir andagin anonic ogo vani inantiyinkec umpe. <sup>11</sup>Benic kagantim erar ugeve dafisir indiruc manar eraruyinkano bani sugami munkuyinke umpe. <sup>12</sup>Sugami munku yinkec umpe, yimusin uwikaganac yikeunamac sifon susu siankago vani, benic kagantim be avakureyon iniya bainta maragovan sirukan andanda maragovani micnemino. <sup>13</sup>Anom manda anda ginge beni sivic egem

beAgagic magusim demino.<sup>14</sup>Ben Agac kimi yikeunamac utuc sinkarem mandauc yomanam acnir anda bemino.<sup>15</sup>Koctin Agaci opac bam Koctimi amamackemino. Umacden andanda uwarantim beni acnaric mukemino.<sup>16</sup>Benkimi umaden andanda inarumpac namac mana magagac namac uwantemino, afotac oneyon andandava opatena namaci. Kinuc beyon maguva anon eranamac bana, yicnom baintava dafisiruc, umacdem beni uwandami benindam bemino.<sup>17</sup>Beni acnантапаги ukami, benkimi umacden andanda fakagemino.<sup>18</sup>Mana buic acnom beninic emi, beni anasi banta yicnonic mugemi. Beni okegeugam bemi oc intaino fuckeyon iniya baintaukim, micnimugami umacden andandagin acnaric mugemi.<sup>19</sup>Umacdem Kocti benim Jisasin kim bano bani Kocti arac ayokugic memi,<sup>20</sup>Be Agac namac manam managinic uem unmacden andanda manam beyindac irani. Mana makagackena andandaukafi inarumpatena andandauc, Jisasinic nare maripo yasa bacyimponi Kocti umacden andanda manam managin demi manam beyindaic emino.<sup>21</sup>Ikeyacbaci, bani Koctin acnakac iyem bec ikeyic manda andagin namac indintim benic namukom bakegomi.<sup>22</sup>Mage benic fukintoni manam managinic emino. Micnurem yigem manar antecyinkanac, mana mandavac yikenkin iye banac benic indintac bago vani,<sup>23</sup>Koctin kim eandun munkure be, manar erare, mam baya indeona yere ece iye beve. Ma mini bayani umacdem mana makagac kena iniya bayinta siyimeno. Mana mam baya foni seni, Poli, yokam baintaic ec umpe.<sup>24</sup>Mage yikenan sinavisic mareguna simone umpe, Kraisin kim bauna foni mini sinavisic ampamemino, benic anasi banta baron sirci se sikeci manan decumpe.<sup>25</sup>Koctin avaya amankagic ino bani anasi banta beyon, yenani Koctim pate mini yukan yici mandeci seni yokam baitac ukecumpe.<sup>26</sup>Mana opatena bayani mana iniya baintauc yinda amucna orandekaci ayofagami. Mage benkac yindun munkeyo usaci afotagi emi.<sup>27</sup>Mapac iniya baintauc ban yicbanac, yenkaci Koctini andanda opac bayagim benim onaic ogo bam Kocticnic indin bami. Macnem Kraisi yigenkim banaci erarugec icnayem Koctin namac banagomi.<sup>28</sup>Mayauni benani secumpe. Ayoguc indiruc namaci umacden iniya baintauc yeylekec daficde be Kraisin kim amankagic ugac Koctin ogankac yivikec birani siyimecumpe.<sup>29</sup>Benic eranano senkim eran yokaric ici anicyocde minivani eran yokaric ec umpe.

## Chapter 2

<sup>1</sup>Yike Laodisia bekoc indego, mam baya maragovani anon aniciyokec umpe, amucnon suntin iyen sonagenone.

<sup>2</sup>Avacbac kim managim be yinduntim eran bana Koctinic opactena baya, Kraisin kim beninuc onaic ogo bani seni yokecumpe. <sup>3</sup>Benkimi anon ayoguc indira, onaic iruc ayofagemino. <sup>4</sup>Macni sirukanayac ena ena bayayuc po iye makasego. <sup>5</sup>Mana bugin yikenamac iyem beci, spiriti kim yikenamac becumpe. Kraisin kim manar antekc erarurec yindum munkurukac onec simonec umpe. <sup>6</sup>Kraisi Iyenon avikante, be kacnaga bano. <sup>7</sup>Benkac eandum munkurec anuc dafemar erarure, sameyonic ure sususevaci umacden andandagim benkaga andum munko.

<sup>8</sup>Micnimugemifo ecam maya yemandegem yenyinafu unamyic umac anda, mana anecneva facban iye ugan andagin iye dano, mana magakackena spiritiuc namaci beni, Kraisin namac iyem benone. <sup>9</sup>Ben akec mana bugimi Koctinic umacden andanda bemono. <sup>10</sup>Yikeyachbac benkimi bamino. Beni umacdem erar ra anecneuc yicnonic mugemino. <sup>11</sup>Benkimi yikeyacbuc yu aranda mana bugac akefare ukacman deyonicure Kraisin kim sesec ukamino. <sup>12</sup>Benamaci nomarar andakimi masicaeci Koctinic erantimi yindum munkir andafoni ukukagamino, beni fukeyousinke bemi ukukankemino. <sup>13</sup>Yikeyic manda andaukim namac yu iye akefeyon andagim fucimi, yikemi benamac manar ukukayinkaremi yikeunamatic manda andauc manan karucdemino. <sup>14</sup>Beni yikeunamac uwareguna manda andauc yomanam fasac demi umacdem manam maripo yasaci iyemino. <sup>15</sup>Kohti manom spiriti kim erarugan en dafitan andandauc aruman anankaremi maripo yasoni mini aruini benindac emino.

<sup>16</sup>Micnimugemifo, ecam maya nona naruc negonuc iye daimino, o omac nurana oyan ikona va yaundan nuranuge. <sup>17</sup>Mana yinanim amanucifo, anom Kraisi ino. <sup>18</sup>Seyani manam makagim deko sire enjoroukac mantevanayou ecana yikenyic andandaginke yomandeke fasapac yikemi iye dago. Micnugan iniya bainta andanda onaremi manam beyic indintin dukemi miniugani sintemino. <sup>19</sup>Beni acnonkac iyem fakagemino. Acnon kinken umacden anunaruc oginkac benyen emi managin fakagemino; mini inoke anonic ogovan Kohti dukamino.

<sup>20</sup>Ena Kraisin namac mana makagackena spiriti andandauc kim fukei, nevarac mana makagakena anecne ugorefono: <sup>21</sup>"Iye fakevac, avantac iye devaci, aruaru iye ono"? <sup>22</sup>Umadem mini andandauci bantauyic indintac bayasaci manda yonkantim manam bintemino. <sup>23</sup>Yenafu manar ukukarukeyon mana seyani manam makaginic ego sire mana bugac mini louc dukeyonukaci ayoguc indini bemono. Micnugami miniuc mana bu mano ayirem marenin andandagim iyen ofaintemino.

## Chapter 3

<sup>1</sup>Micnimugami Kraisin namaci Kocti yikemi manar ukuckayinkemifo, yanafac Kraisi Koctin ayan agumpac kumantenim magufatena andandauc karac afackago. <sup>2</sup>Makagac kena andandauc ecekaci yanafac benin andandauc Kar indego. <sup>3</sup>Nevarafi yikeni fucikami, yikenyc bani Kraisi namaci Koctin kimi ayofagemino. <sup>4</sup>Kraisi yikenyc banino, icnayem afotagic inaci yikeyacbaci benamaci anon kagantim afotagic inagomino. <sup>5</sup>Yikeni mana makaga bec miniuc kinkagac fukogo\_anasi fi banta fi ena avafunafi ena anackafi mareyona, iye anteckar andau ka, Mana makagackena yiyira, mandauc uwararan yiernenina, yeeyarananan indeyonuci ena Koctinkac manteyomino. <sup>6</sup>Ma mini anecneuc poni bayayareyon intauc kaci Koctinic arami yintemino. <sup>7</sup>Bani yikeyacbaci mini andauc kimi beci uwarakekomino. <sup>8</sup>Afo make mini anecne ukac ecako- yiran anene va yisuegona, mandauc uwararan indegona, ena mandaic siankara, manda avucavac bayayuc yike yofenke sekonuke. <sup>9</sup>Ena umac iye siankano, bani feyankena bainta benic umac andauc namaci yomanam fasapac demi, <sup>10</sup>make oyan andandauc onaic muremi miniuci manar uremi miniuci uwareniyi kacnagic monamino. <sup>11</sup>Ma minigimi Griki va Jiuc beyon kinkenavaino, yu aranda akefeyon anda va iye akefeyon anda, enafate yevem magusinkena avucavakuc iye onaga, Skiti magusinkena, fayan yokam bainta, beyam fabam bainta, micnimugemifo Kraisi beni umacden andandam bemi, umacden andandagimi bemino. <sup>12</sup>Micnimugemifo Kocti ukacdukan iniya baintauc manauc ogo, anteckan andakim Koctin acnakac be, avacbac ce arackac ena ame, avarure ena ame, eyam manam makagin ukon de be, sacdakackeve dafiseno. <sup>13</sup>Umacde ayokug andauc uwarec managinac bako. Afo Mayacbayi mayan namac uman dukei, Iyenon enic mandauc ecankenic ureveci benic mandauc ecankano. <sup>14</sup>Umacdem ma mini andandauc naropac avacbac andavac dukago, mini umacde anteckan andagimi banagomino. <sup>15</sup>Susu ukon sego, mana nanayintoni mana bugim mana yiken umacdem yaragemino, afo ecanaci Kraisinic nanayinano yiken yinduntac ben yokano. <sup>16</sup>Ecanac Kraisin avaya yikenkin uwickaganagac umacden ayogu indinamagac ena samiregac manar eraruankago, ic yogim benin icguc namac Spiritikin dagenin igucdevanac yinduntin sususir anda uwickaganagac Koctimpac icdago. <sup>17</sup>Yikeni baya sinagongin namac andanda uwaranagongin namac umacden Iyenon Jisasin avickim manavac uwarago. Micnimugemio Jisasin kinkagac mayau Sifom Koctimi susu siankago. <sup>18</sup>Anasiugo, yiken yiwafu unam yirafinikac ogo mini Iyenonkimi amankagugam mugemino. <sup>19</sup>Afo bantauc, yiken yinamacgugac mandaic iye uyinkegac yike yirackac yimego. <sup>20</sup>Afo anugo, umacden andandakina yiken yinoyifo sinayomi indirec avackurogo, nevarafi mini anda Iyenon araci amankagic memino.

<sup>21</sup>Yenyifounam, anuc yeeyirac arogo mandauc iye uwayinkani anuci erarugen bantenone. <sup>22</sup>Yokar iniya baintaugo, yikenyc anon sinaninac indirec avackurogo, migac ben onevana ben ogankac uwandec ben arac amankagic irar iyeva ogo, Iyenon akam fekegaci ayoguc yindun namagac uwarago. <sup>23</sup>Uwaranagon andandauc, anasi bantauc kara uwaranagona ino, Iyenonan uwaranagomifo yiken yinduntim benin avucavacguc poyac uwarago. <sup>24</sup>Yikeni indinkamino Iyenom paten yikeyic ayaci maranagomino. Mini Iyenon Kraisin dukegomino. <sup>25</sup>Micnimugami mayampagic iyemintemi umaden andandagimi mana daimiric mintemino, iye anteckan andanda uwarevananiyi minic ayaci marantemino.

## Chapter 4

<sup>1</sup>Dafisiruge, yikenyic yokam baintauci antecken ayogfic ugan andavaci uwanyinkago.<sup>2</sup>Yugam munkir andaginac eraroc bogo. Inantec susu sinagonkim mini andaginac ayogukic urec dafisego. <sup>3</sup>Managim mayau yandakacbac munkusinke vanaci Koctim ben avaya sir ona diranagaci emankena baya Kraisinan siyimeno. Neverafi mini baya siyimuna kaci seni damukec becumpe. <sup>4</sup>Yugam munkusinke vanaci sena siyimenuna vayayuci amankagic om bino.<sup>5</sup>Mapac iniya baintauci yugankaci ayogukuc indintakac bano, mini yafomi ayokugic kac urec bano.

<sup>6</sup>Ecananac umaden nurami en avayayuc avacbac namac benaci aseyino, micnuganami eni ayokugic ure ayindinona mino. <sup>7</sup>Afo senkac ampamenin andandauci Tikikusin siyiminac indinakomino. Beni mayau sifactiva ugami bemi ayoguc yogam bainta ino, Iyenon kin senamac mana yokam bainta ino. <sup>8</sup>Mayausic andaucgan siyiminac indevam yiken yindundacbac manar eraruyinken ino vani yike vampaci bemi sankec umpe. <sup>9</sup>Onimus yikeunamac sifactiva ugami yikenkinnenon bemi ayoguc yokam baintam baci benamaci sankecumpe. Umacden andanda manakac ampameninuc yeni yikemi siyimintenone.<sup>10</sup>Aristakusi, senamac dumuman dam bayim bemi, yindur ayokugic uyinkam bayani siyinkemisino. Maki vacino, Banabasin afacava (benani yikeni bayani maramino; beni yinac avikago), <sup>11</sup>aflo Jisasi vacino, Justusinen sire bemi arenone. Ma mini rende yu akefar andagin beyouni sen sikona yokam baintauci Koctinic yokam marenayokugic usinkauni benone.<sup>12</sup>Epaprasni Jisas Kraisinic yokar inta yikenyic magusinkenom bemi ayokugici siyinkemisino. Kotinic ayintin umacden yike yindun namac erarurec ukukagako vani beni anonic uren inan tiyinkemino. <sup>13</sup>Bemi onevaunami yiken namac Laodisiac beyouyan namac Irapolisic beyouyan namakani beni eran yokarukami maremino. <sup>14</sup>Luki Koctin avayakin eraruka namac Demasi kandan yikemi yindur ayokugic uyinkam bayani siyinkeniseno.<sup>15</sup>Laodisia beyon afacava unam namac Nipan namac ben amac man seyou bampakaci yindur ayokugic ino bayani siyinkago. Mana<sup>16</sup> yoginkena baya yandanteci Laodisiac mam mackim vac yandarec ovekec mifatena vakaci mare yandanago. <sup>17</sup>Iyenon kinkem man yokani mareona kagakac ogan dec mini yokarac uwarano," serekaci Akipusin samego<sup>18</sup>Mana bayani seni Poli sensiyan kinkena ino. Sentic siyanarukarac omare indego. Koctinic avacbac yikenamaci bantemino.

## 1 Thessalonians

## Chapter 1

<sup>1</sup>Pol, Silvenesima bac Timoti Tesalonia Kocti yiuenama sifo, iyeno Jisasi Kraisini ababanama yindu paruyinka. <sup>2</sup>Masewden yamu kotinka susuve seyamu,yikenani sujam muku yinke yanamu. <sup>3</sup>Yikeni ayoku yokarani Kotinka sujam munku yinkec yamu,Kotini yokam ara amire rerure ukukeona Iyeno Jisas Krasinka. <sup>4</sup>Afa ava Koctini abavakim bamino, mayau i inde onec Koctic beni ikem manda ukukarukemi. <sup>5</sup>Kocti abaya yikenkim yemi anana iyesemi, Ayo Intai erantac mandan afotaki emi. Aiyo Inta mayausim bemi, beni yikeunamatim ayoku andau emi. <sup>6</sup>Yikeni mayau namac Jisasin ammi damino. <sup>7</sup>Mini andabani Masadonia namac Akaia namac abanampa ena avuava ukanamino.<sup>8</sup>Enkike iyeno abaya ben yemi Masadonia Akaia mana iyem bamino, masiden am mampai bemino. <sup>9</sup>Yeni seni, mayau sibanampa yeonave ena mukemino. uma Kocti ana eni ure fuka eran amam beni Kotinka yeona vare. <sup>10</sup>Yeni seni eni ben aka inarupa tena bani dafisanami.Bani fukeyou yibanampate ukukemi. Mini Jisasim beni aran anene kike ututinkem mino. Yeni ben aka inarumpa temi dafiseyo.Mini Jisasi yike unam manda kinke sivikeno.Koctini era aran anene yinanimi iye marante-umpe.

## Chapter 2

<sup>1</sup>Eni indeno sifativao yenama ebanafa yeguna mada baino. <sup>2</sup>Eni indeno yenama mana-a umambac siyormi Philipai mareko. Yenama Koctic erantimi sameteko emi Koctini baya sinaviseno.<sup>3</sup>Mayausi erankinke sini, mini i mandava ino fainana vaino bac umakaino. <sup>4</sup>micnugami, yioyeunamac Kocti ogankac atekeyami Kocti, avaya sente yamo. mayau sevana, banta anon avic marano varaino, Kocti anon avic marano bam.<sup>5</sup>Minukayami, yeunama umacbaya vaino, yikeni indikamino, mini bayafu simam seyaran nana indim avu ava simam iye davacote, koctic beni idinkemi. <sup>6</sup>Mayauni banta nasi anom yivic yimeko baraino, yigeyabakafi ena ininbainta, mayauni Jisasi kim beni yokam bainta irana mayausi abogui.<sup>7</sup>Micnugami yeunamac yigemi aboguguc yekemi, ugenkec yara, anuc yinama beagafand abogugu uwakemi amirac. <sup>8</sup>Mana asabacke yikenan omarrec indeyam. Mayauni Kocti avaya manava yikem yiyimirande yarauno, mayau sesi ban dabac. Yigeni mayausa anom andada omi. <sup>9</sup>Omare indeko, sifactivao, mayausiu anom kayoc yokari. ayufunkim bac kagac bac yoke Yam, miniure yikemdec, Koctin kim duckim baintau.<sup>10</sup>Eni onaganami Kocti bac onagem, ayokuku ugem, antekem. Umari iye ukam avuava mauyauni yikemdec, Koctin kim duckim baintau. <sup>11</sup>mana asapake yikeni onagemi, mayauni yikemi onac mam yeyifoc ma beyaga fanda yonenim amakac. <sup>12</sup>Minugami en innatiakec, erauankec sameyam Koctini abokuc antekam asac bono, beni emi aramam beyic abogu magumakusim dantemi.<sup>13</sup>Minukami Kocti avi umadem nuram yanionteyamu. Afo ena mayau bampake Kocti avaya made ma indire, mandarac kukunyo iye bac banta yibaya kacna inde. Kocti avaya ifo fokaukam sire bai mara. Mana baya nama iyefi Koctin ka indikarac ano yeyibanapac yokantem.<sup>14</sup>Sivactifao, Judia mac Koctini mam makim bacma Jisasi avakurauko. Manaukam umani maram yike yikono ma marananiukam, Jusi banta ma onic.<sup>15</sup> Jusi inim baintauc namac Jisasi bac Koctini yokam baintau yireno. Jusi manomana mayauni sivakundam mapac deno. Yeni Kocti ogankac iye antekam abuava i unawareno, afo yeni asidem inim bainta namuko ugakeno.<sup>16</sup> Yeni enou iye siyieko vani acaoseno eno inraum magu iye marako bam. Nevarafino yeyic manda uwikara ugami emi. Icnaimi yekim yeremi kipactemi.<sup>17</sup>Sifactivao, bagac yamuc kaci dainkake yamuc, sinduntinke bacino sogacke. Mayauna yikeugam yontim onarani ao idiriugam eyaro.<sup>18</sup>Mayauni siyini yeke vapac yirani indinko. Seni poric manayabac yike bapac yirani indemko minugamifo bananom mano mayausic ani uyakemi. <sup>19</sup>Neci mayausic indim bac amusin bac iyenoni atakac eyaona anukami enonan sikem?<sup>20</sup>Eni mayausic avogu bac amusi bac.

## Chapter 3

<sup>1</sup>Amankaino,mayauni amuna indiri eyamupe avokukukami intemino yebike etens obanteyamupe.<sup>2</sup>mayauni Timotimi ,sankeumpe,mayau sifativa Gotini yokariemi Jisasi ivavani siyimitemino yikemi eraruyikanai nanayurei be indinakomino<sup>3</sup>Mayauni minekunai uman iyemarakovare.yikeni indikamino minonovani mayauni dafisir usinkamino,<sup>4</sup>Fukave, mayauna yekenomabei, bani anantai siyimeumbe, mayauni umani maranteumpe, sirer sirukakekunai, make minem mino.<sup>5</sup>Mini bani, seni amanka iyem dafisebanteumpe, sena sankekuna yikeni amankakai erarukekai bekafunbo. Umateni umatiranaka yandukantei, mayausi erani iraramemino.<sup>6</sup>Timoti yikemi yonaremi avoku bayani maremi mayauni maresisimemi yikenyi eranampa avabanama. Mayauyani yikena indeindeci ekonare mayaubai yikenadabai omare indeyamupe. Benonam benonam indini erani emino.<sup>7</sup> Sifa tivao minomponi ikenyi eran indini mayausi umani oyausinkemino.<sup>8</sup>Ikeni, yananokima erarure bekom poni make mayauni ayum paveumpe.<sup>9</sup> Mana simoyini Gotin okanka dukekunai ikeniurekai yekenani Gotin okanka susu senuno?<sup>10</sup>Ayufunama bayakonamai eran inani inanteupe mayau iken yuntim yuneka yofairare.<sup>11</sup>Mayau sifo kotinama mayausi iyeno Jisasi nama, aca yotikanai yike bampai bonteumpe.<sup>12</sup> Ieynoni avavai yikekim utikarakaino ben ava ava ekai enabandavakai avavaoko Mayauni ikemi yivava ekunakaino.<sup>13</sup>Kocti beyi erani yiken yinduntimi dantemmino mayausifo Koctin okankai antekaraka ukako. Mayausi iyeno Jisasima umbekem kuminanim nurami antekeyounana Iyeno. Jisasi nama bantenone.

## Chapter 4

<sup>1</sup> Arasapa, sivitava, senama emi earn senate Iyeno Jisasi Kim banobam. Ena yenama kike marina ikenure Kocti abakure bemi amusing smite, mlnukame abakurenona amuna uvaran Noam.<sup>2</sup> Afo eni indikanam inkeni Indira mayauni am amigafu Iyeno Jisasi Kim.<sup>3</sup> Mini i Koctin ayini, inkeniure monko andauc ouke yeuke intefo. <sup>4</sup> Afo beni ayimino yike mayamaya yikeni indike, yike yinanama fuka sire bago aboku abuabakim yikeni Koctin okaka kumi anda iye ubaranakom. <sup>5</sup> Mapac kena raini yeni Koctim iyeindikem beni eran iyeonakeno. <sup>6</sup> mana umantim enanam enafacaba manuma iyeami eacnana Iyeno mana mini aruin uvaranke emi eran baya samemu. <sup>7</sup> Kocti yikeunamac madakim iye banobani saremi af antekackim banobam. <sup>8</sup> Af iyefi mana baya madem iye abukurem Kocti beyi Ayointa amemi. <sup>9</sup> Sifatiba ni ababa e-eyam ano indikara eyamu, eni maya afan yo ebanafa saranoba iye indinonam, Kocti em yoakem enaba ababa ono. <sup>10</sup> Fukaukane eni ubarano umade Mesedonia beyom sifatibau. Yeunamac erare mini yokam marako bani secyano. <sup>11</sup> Yenunama emi eraruanke ananaeba eyi yokaruc en agankike marano en samenuna urebe. <sup>12</sup> Mini ukemifo eyic antekam bira bantoni mapa baintau yindu maranonami, minemi mayanka iye munkinonami. <sup>13</sup> Afacaba yeunama emi iye samena, maya-a yum babe yoyac minukana akuanene iye marama iye dafintauc. <sup>14</sup> Afo yikeunamac sinduntim inde Jisasi fuem ukukemi, Kocti Jisasi nama yikbikem yintemi iyefi una rugau. <sup>15</sup> Mimu minukam yeunama Iyeno abayakim samirare yumdukau yesanke iyem binteno. <sup>16</sup> Beni Iyeno benafoni inarumpake kumintemi. Bemi eran banamaic yino ensoro ameraunama, koctini ufenu nama, Afo yikeunama fana baunoyou nare anantapa ukukante. <sup>17</sup> Inaem yikeunama aka basu bauno, iyefi yererau, umade yenama konakim yanafa udobado ontewaymu. Minemi yikeunama Iyeno nama bantemi. <sup>18</sup> Mini mukeno, mini bayafo ena aboguki.

## Chapter 5

<sup>1</sup>Anon indiri evanama mana nuram mana ockakena sifativa,emi amanka mana afar empa akandaek daric iyemukem. <sup>2</sup>Yikenafoni indikaranukam,Yananoma yinanim nuram ,umom baint ken aiyufumi yintemi. <sup>3</sup>Yena sena,"make avoku nuramino sevami,"anom umani yenkim yintem.Amucbac inim am makarana anavisi marenic mintem.Yeni iyevac oc mandinteyo.<sup>4</sup>Afo, eye,sifativaunam,ayufunkim iyevano,mini nurama,umom baintake yina iyen anducdinonam. <sup>5</sup>Yikeni kagakena agafanda bami, yikenama ayufum kinkena baintakaka bekau.

<sup>6</sup>Afo,yukonamac iye dukecbano enoma eyoni urecyukonama ukukakek dafitec bano. <sup>7</sup>Ayufuma bareyou,bareno,afu non neyou ayufumi nomi neno .<sup>8</sup>Afo, yekeonama kakakeno ma bantek,yikeunamac dafise eran indim nama avabanama mandeke simukusakena sankoyic urec,indin iye kipan aum maram mandeke sicnon kakena atakio. <sup>9</sup>Kotin yikeunamac uman marano vara enai,yikeunama iye kipam aum Jisasinkinke maranovani emi. <sup>10</sup>Beni Kotin Akai yikeunamac kani fukemi,amankac yikeunama fabekuno namac fuke yonama,benamac manakim banovani. <sup>11</sup>Micnimukami sefo ena ayokufic uanke,ena eraruanke,bani eonac ure.

<sup>12</sup>Sifativa,Gotini yokam mareyo namac,Kotinic yokantim acnaric ena enka dafiseyo kaka ayoku dafisirikao. <sup>13</sup>Yikemi indaeko,yenac ayoku dafisiric ekai,Anon avacbacka yimeko,yena mareyom yokarukac.Yikeyiran ayokukaka bako. <sup>14</sup>Sifatifa,mayauni yikemi eram baiyani siyimeko,anana varic ukeyo indirac yimec,indin iye dukanani,eran iye dukanani ofaeva,macdenamac ayokuc bario. <sup>15</sup>Maya em mandac uakeni,yeveke mandaic iyevac uanka,ayokukiika mayamaya uyinkeva macdeu yacbaka avokufiuyinka. <sup>16</sup>Amoyac ono macnen nurane. <sup>17</sup>Macden nuram okam munko. <sup>18</sup>Macden anenevam susu manavate,mini Kotini ayinino,Kras Jisasinkim. <sup>19</sup>Ayo Inta mandac iye sianka. <sup>20</sup>Mandaic iyevate Kotini yokam bainta siram bayau. <sup>21</sup>Macden anene abacmade onare,ayokuki inanim facka. <sup>22</sup>Anayena ameno manda baitave. <sup>23</sup>Avacbac yimenin Koti,emi mandem antekra nintem,amanka emi macden indim nama onama,Jisasini yintac ayokukac banam yintem. <sup>24</sup>Ema hareniyi antekukami kakemi,miyin uwarantem. <sup>25</sup>Sifativa,maya yandacbagai yukam munkusinkako. <sup>26</sup>Eyafac avam ayogu avikarikao. <sup>27</sup>Yananom avikim emi sameko,mana yokim sikam baiya beva eyafac avam same. <sup>28</sup>Iyeno Krais Jisasic avacbac enamac bantemi.

## 2 Thessalonians

## Chapter 1

<sup>1</sup>Porie ,Sairasi,Timoti, namac tesalonikau kocti kim yiunamac sifo namac jisasm kim. <sup>2</sup>Benic avacb namac arac amini mayau sifo Koctim bemi Jisasi kim baci. <sup>3</sup>Madem nuram yikenani Koctim susu siakeyam yeu namac sifakvanare. Antekan andam bemi bekim indikara emi anona ukanami ena avbac inona anocna etemi.<sup>4</sup>yeu namac senao simo yic yami seyacmi Koctinic banta nasi ukare sadake beni adekac beni anom yinavisic mareni avakureno. <sup>5</sup>Koctini antekam koi beni andac banic avokuc bebenim maku sinavisic simenafi. <sup>6</sup>Minic i Koctini antekam anavisci emi yeni aminteno. <sup>7</sup>emmi oyani uremi yeu namac sinavisic sime temic benimini uwaran temi. <sup>8</sup>iyefi Kocti avaya iye ideyou namakac Jisasin avaya edenofo iye avakure younama mandam afac ikakimi dantem. <sup>9</sup>Yeni Koctini bantinke bac benic erantike bac yomandani iye bac gipam umantimi dantem. <sup>10</sup>benac yemi mini uwaranani benana indi keyom inin abasi benavic yaniure yimo yinteno. minugami yeunamac testamoni eyarame yemi kunkun uyinkante yamuc. <sup>11</sup>Minukayami yikenani sokam mukuyic yinkante yamu yeunamsic sokam mukini Koctini aranni ekim bam Kocti onacman avokuki ino . <sup>12</sup>yeunamac sogam mukimtimi Kocti beyic umadem indim bac avoku bac eran foni begin kukuure yemi yokam maranteyam yeunamac Jisasi avikimi sogam muka suvan onadem Koctin avic yanic ogovam. Mayauna yani item nevara ino Koctini avabac Jisasinkim bem.

## Chapter 2

<sup>1</sup>Iyeno Krais Jisasini kumintacma benamac managinic onuna sifatifa ,yigemi indaego, <sup>2</sup>yikenyic indim mandam amucna indiric inagonam,bam patefi,bayasinkefi,o afan sandam mayau sinke yintenafi,nec ampamintenafi.Jisasin yinanim yamuc aci yereno.<sup>3</sup>Maya emi iyevaka makacsi ena asapate.Mini iye yevanami mandac eyom afotagi intem. <sup>4</sup>Miyim bem beyavic yanic em beyo marem.Kotine seyom mandasiankem ,ben avakureyou mandasiyinkem.Micni mukami,Kotin amackim kumanten beyani kotini emi.<sup>5</sup>Iyec indefono,enamac bec mini anecnevan samunave?<sup>6</sup>Macke bemi nec uyakenafi,onanamino,mini nuram yinami afotagic intem.<sup>7</sup>Anom mandaic eyomi make yokemino.Maya ukam benkac uyackem mandam fasapakic intemino.<sup>8</sup>Afo mandaic eyou afotagic inteno; Jisasi beyavayafo yirinaniu.Yan Anom be kuminanim bayaso mandan bem fayaric intem.<sup>9</sup>Baiya iye indeyou bananonic eranamac yeremi umac sigam anecne uwaranteno. <sup>10</sup>Macden umacga mandaugan namac.Mana andandave iyec mandaugam marenafi,nevaraino,yeni fugaic avacbaci favanayom iyem marenone.<sup>11</sup>Mini ayaci Koti anana-ogo yokani yimintemino. <sup>12</sup>Nevaraino, ye micnuranayon-ka yiyc intemi.Yena fuga yinduntapate iye marena mandaucma mandan yimukusin mandan deyouni.<sup>13</sup>Afo sifativa Kotin sususiankano,macden yamuc Koti enani sirukem.Acnaric ugan ya yaganie iye kipan aum mara.Ayo Inta ofainama fugasire indigarao. <sup>14</sup>Anom Krais Jisasi en kagan maranovani Koti emi aramani demi ben avayafoni.<sup>15</sup>Micni mukemifo,sifativao ,ukukaman erare fakaman kikiteno nec emi samigenafi,baiya samunavac yokinke samegunave.<sup>16</sup>Mayausi iyeno Jisas Kraisi benafu,Koti mayau Sifo mayau avacbaem,iye kipan avogu simem erarindim avacbaki sime, <sup>17</sup>avogugiem anduntiken sikeni yokara baiyava mandan afotagi item.

## Chapter 3

<sup>1</sup>Mage,sen sifactivauc, mayauyaraci yukam munku sinkako, Iyenon avaya agagaem binan yanic inayom, enkim beninic urene. <sup>2</sup>Yenamackarac yukam munkec vanac manda baintauc namac ayufunkin beyon baintauc kinke mayau sivika. Umacdeva indirukeya ono. <sup>3</sup>Afo Iyeno sirenimi uvararic ana emi, yikem mana mana eran yimicdemci mandaucka ayogukic urem dafic yinkantemi. <sup>4</sup>Iyenonkimi yikenani indembec yaramumpe, yeunamac yigenkanda siyimuna uwararic manabac mini andandauc ogo. <sup>5</sup>Amankaci Iyeno yiken yindun mandekem Kotinic avachakim beci Jisasin erarure avakuro binagomi. <sup>6</sup>Make mayauni emi samego sifactivaunam, Jisasi Kraisi mayausic Iyeno ben avitim, yikeni yicnainic mayau sifactivauiyic bantim benafi miyiu banayompac iyen banonami, nec mayauni emi samegafu,minigaci banagomi. <sup>7</sup>Enafuni onanonami anteckam abucabac yeunamac uwarekuna. Baiya iyen indinayom baintauc namac yiken namac bantecu. <sup>8</sup>Mana iniya baintauc bampate yunam fa iyem mandec necu. Micnin mukaci, yeunamac ayufun namac bayankom namac enac ukam yokani yeunamac eramarari mecyaramu. <sup>9</sup>Mana yeunamac uwarekuna indini iye dukega. Micnimukaci, yeunamac mana uwarekuna onare eyabac uwarano. <sup>10</sup>Mayau yikeunamac beci, yeunamac yikemi siyimeko. Iyec iye yokantenafi, yunam iyevac nano. <sup>11</sup>Yeunamac indunami manaca bani seni yiken yicnaimpac mandaic eyou yacbaci beno. Iyevaci yokeni eno yogampaci uyacyinkeno. <sup>12</sup>Micneyou yani yeunamac siyimireci seci Iyeno Jisasi Kraisin iyevakac ecako, sacdagake yogam mareyaci yeyic yunam nako. <sup>13</sup>Afo ikeye sifactiva unam, iyevakaci ikeyindum ananaci ayokufic. <sup>14</sup>Mayama yogim sirukana baya iye abakurem mini onarevacu banamaac iyevac ba. Minim onarem ayorintem. <sup>15</sup>Bemi onamam namuko onaric iyevaco, afo eyafacavan onarikaco. <sup>16</sup>Iyeno beni yirac iyorini bemi benafuni yirac iyorin anda yikemi masicden yamuci namac masicde asapate yimintemi. <sup>17</sup>Mana sentic a yindini, seni Poli sesiyamkinke umacden afandecu mana agararic mecu. <sup>18</sup>Iyeno Jisasi Kraisinic avacbac ikeunamaci bantemi.

## Titus

## Chapter 1

<sup>1</sup>Pori, Kocti namac Jisasi Kraisinic yokarintam bemi, Koctinic anasi banta yindum munkir andakin eraruyinkan namac Koctin awaya indiren ben ukorir andakin amankagic ukani nani semi, <sup>2</sup>iye kipar aum maranakon andakin namaci ukuckmar erarinakomi, bani ockeukeukami Kocti beni umac iye siyim bemi, yimirani sirukemi. <sup>3</sup>Be indiran yamuc yoraimi, siyimenovan senkim beyic indira baruc den simim wayasimi beawayani manar afotakigemi. Mana andanda uwaranunai Kocti mayausic sofaim baintaic awayakimi sickaci mana andanda uwarecumpe. <sup>4</sup>Tatusi, fugasiren sentikagic ugayi yikeunamac namac manaicuren erar indiric evayimpaci. Avacobac namac nanayin namac Koctim mayau Sifom pate namac Kraisi Jisasi yikeunamatsic sofaim baiyinta fate namac. <sup>5</sup>Mana anda vani emi Kretic yere ankecumpe, amankac eni andandauc iye kipageninuc manar antege vaci umacdem magusinkac sena samenunaic ure mam mackinkac acnaric inayou ugacman dano. <sup>6</sup>Mankin acnaric inaniyi benkimi mana umandac iyevac vano, beni mana ininnanavac dukano, ben agafandauc ayokugic ure man inde vanayou beyaci manda andakinnafi vayayarir andagin yimofin iye inayouyac vago. <sup>7</sup>Mini amankagic mintemino yokarukac dafisric ugeniyi, beni Koctin amackinkena yogarukac dafisric inami, mana umandac iyem bantemino. Beni eram vayaya asuir andauc iyevacino. Akaga aran iye marenaci, nonuc namande anana eyon andauc kin iye venaci, aruir andauc kin iye venaci, afo beyaranana iyevakac indino. <sup>8</sup>Minic iye enaci, banta benamacpac yimi yivicman den ayokugikac uyinkenaci, nec ayoguc benafi mini akonoikac ino. Ayoguc indiruc dukenaci, anteckem Koctin avakurem, beyic indintac namac bantin namac dafisino. <sup>9</sup>Fugasigen anteckenim veya indeninkagac fakamar erarino, micnugemi beni ayoguc indiruc enou siyimicmar eraruyinkaremi bem mandaic uankeyouni manar antegantemino. <sup>10</sup>Neverafi amuncnom veya arim vayayuc seyon iniya baintauc benone, macnem yuaranda akefeyon andakim beyouye . Yenyic vayayuci iye anteckam vayayucanam bemino. Yeni anasi banta makacdeni manda asac anan yivige benone. <sup>11</sup>Amankaci mini andauc acao siyinkanteno. Iye siyimiric ukanci siyimireni yiyor andauc yimiege umacden ankunuci ukara yinkenone. <sup>12</sup>Maya indin dukam baiyinta yenkinke semi, "Kretaniuc umac vayayukgan se, mandaic kugan en yirevam safurauc mone, mana anecnevac iye uwaran yunam mana namanan kipeyounone. <sup>13</sup>Mana fuga vayayugamifo, erarugan urec mandaic mano siyaci fugaugan sireyac anteckago. <sup>14</sup>Jiuc yic umac bayauc iye indekaci, fugasigan vayayan yifogare ece beyon baintauc andandauc uwaragovan sic iyevac uwarago. <sup>15</sup>Antecke beyousaci, umacden anecnekimi antecikantemino. Afo fain namac be yindur iye munkuruke youni, mana anecnekimvac iyen anteckemino. Neverafi yenyic indintin namac ye indeyonic namaci mandauci bemino. <sup>16</sup>Yeni seni Koctimi

## Chapter 1

onanke indinkego sintenofo, ye uwareyon andauc manon semi Koctimi onaic iyenugeyon sintemino. Yeni yifougami kare vayani arenone. Yeni Mana ayoguc anecnevac uwarevayavac iyen yonanonamino.

## Chapter 2

<sup>1</sup>Afo eye, anteckananim bayayukaci seno. <sup>2</sup>Anonic ugam bayintauc nanayunde yeyan manam makagin de veyaci, ye indinnayonkim anteckan yindun namac beyaci, avacbackin namac eraruge bago.<sup>3</sup>Anonic ukeyon ininnanuc baci mini amankagaci yeyani manam makaginic ureyaci umacden nurami bago, manda vayayuc enavar iyevac sego. Waini nonuc amucna ugan neyon andakim micnuwac iye keyaci, awoguc avucavacguc mage oyan iniyaginta siyimire yocyivikayaci <sup>4</sup>yeyivafu unan namac yeyikafandauc namac ayoguc indin namac yivacbackin dukago. <sup>5</sup>Anteckan indira varuc siyimire yocyivikayaci mac banayonkin ayokugic ure beyaci yenyivafu unam sinayonuc agokugic ure indire awakundeyac bago. Amankac yeni mana andandauc uwandani Koctin avaya iye arintenone.<sup>6</sup>Mini amankagaci fumara bayintauc baci erar uyinkana yaci ye indinnayonkin anteckan indin namac bago. <sup>7</sup>Umacden andanda uwaranonagimi emi onaege awokuc yogaric evaino onarika ogo; afo andanda siyiminonakimi, eyam manam makaginic ure fugasigan ayokuc avucavackac yocyivikano. <sup>8</sup>Antecken umandac iye vananim bayayaci seno, micnintoni namukoic irarinaniyi ayorintemmino, nevarafi beni yikeunamakan sinanimi mana manda bayayacbac iyen dukemmino.<sup>9</sup>Yogam baintauci umacden anecnekimi yenyic anon awayavac indire awakurogo. Yenamac yisiu iye eyaci yen yirakac manar amankagic uyinkago. <sup>10</sup>Umor andauc iye ee eceyaci, anteckan andaukaci yocyivikago, micnimi Kocti mayausic sofaim bayintaic vaya siyimuna umacden anecne uwaranayon kimi yikamirantem mino.<sup>11</sup>Nevarafi, Kocticnic avacbaci umacden iniya baintauc kimi afotakic emino. <sup>12</sup>Mana makagackena indira varuckin namac Koctin ogankac iye anteckan andauc kin namac iye vani sisimemmino. Anteckan indin namac Koctin ogankac anteckec bec ayokuc avucavac kac mage mana makagac banovani sisimemmino <sup>13</sup>yikeunamac onarani erar indini dukegunai, iyena Koctin namac Sofaim bayinta Jisasi Kraisinic kagani afotagic intemmino.Jisasi beyani simicden kun fukintoni yikeunamac manda kinke sivicmar antecsinkaremi yikeunamac manam beyindaic emino. Awokugickugan uren dukan iniya bayintan erar indini namaci ayokuc yokaruc marantenone.<sup>15</sup>Mini andandauc siyimicmar eraruyinkana yaci miniuc uwarako. Umacden eran namaci antecke bago vani siyimeno. Afo maya en avaya afoiyevac kano.

## Chapter 3

<sup>1</sup>Yicnonkac dafisiric ukeyom bayintauc yirafinic ogovarac yeveke siyimeno, ayokugic ureyac yokaruc marakovan sina indireyac awakunde uwarako. <sup>2</sup>Enavan manda vayayuc iye siyinkeyac, yisiurir andauc eceyaci, ena iniya baintauc ayokuc anda uwarani mifac ecyinkayac micnogo. Afo ayokugic uren umacden iniya baintauc yirafinic ir andavaci yocyivikago. <sup>3</sup>Neverafi, yikeunamaci bani occenicmukeci bayani arewacumpe. Mana makagackena indira varuckin siyikarac ir andakim damukec mini andakimi bevacumpe. Manda andakim beci enaic andanda mandec dukarani siyikarac evacumpe. Enou sonaege yifokagoic ecci ben ena ayir anda iyen dukacumpe.

<sup>4</sup>Micnugami Kocti yikeunamac tsic sofaim bayintaic avar anda namac benic avacbac anda anasibanta kimi afotagic enim, <sup>5</sup>anteckan andauc yikeunamac uwaranauc manovaifo, benic agun anecne foni yikeunamac oveken sivikemino. Ayo Intaic erantaci yikeunamac sivicdem sesec usinkaremi manar oyanic usinkemino.

<sup>6</sup>Mayausic sofaim bayinta Jisasi Kraisin kimi Kocti Ayo Inta yikeunamac uwikasinkemino. <sup>7</sup>Beni mini anda uwarenim, benic agun anecne andafo yikeunamac antecsinkanaci bananavam ban dukanuna indintoni yikeunamac Kocti beya kafandauc yindave siren dukenim andanda maram baintaic ontecumpe. <sup>8</sup>Mana fugasiren anteckam bayanino. Mini andandauc kar erarure senovani semi siyemino, micninati Koctin kim beyouni ayoguc yokaruc yenkin dukeninuc afakareni uwarantenone. Mana andandauc anasi banta kimi ayokuc namaci amucna intemino. <sup>9</sup>Afo kipa andandaucan yisiue yisiue iye ekaci, inken nantinkec be miniukani bacduvacduec eran bayayuc yisiuum bayayuc lovani iyevac seko. Mini andandauci mana anecnevac iyem bemi mini naroc ena anecnevac iyen uwarantemino. <sup>10</sup>Yiken yiran daimir anda uwarananimi mifikac ekacdako, manafi kantayac samirante, <sup>11</sup>onarac onano, beni miyin ayokuc anda ecemi manda anda uwaremi beni minikimi bemino.

<sup>12</sup>Iyorevan okac Nikopolisi barani indirukecumpo, Atemasin nafi Taikikusi nafi siyinkana ena banonafac biyai, akevac Nikopolosic sena banonafac yeno. <sup>13</sup>Akevac Jenasi beni lo onaic ukayi namac Apolosi namac siyinkanayac yego, micnimi mana anecva yenyigec iyen ampamintemino. <sup>14</sup>Anasibanta ayokuc yokaric ure andanda dukarar indinayon yokaruc mararac indego, micneni yeni amucna andanda dukantenone. <sup>15</sup>Senamac beyouni yikemi ayokugici siyinkenone. Yindum munkir andakin yikeunamac namac beyouyac ayokugic uyinkago. Koctic avacbaci yike umacden namaci bantemino.

## Philemon

## Chapter 1

<sup>1</sup>Seni Pori Jisasi Kraisin avigani karavusim becumpe. Seni yigeunamac sifactiva Timotin namaci beci mana afan e vananafaci sanan decumpe Filimoni o, eni yenamac sigono, sigona yogam bainta banamino. <sup>2</sup>Yenamac siyofi Apia baci afan sarankecumpe, yigeunamac sigona sondia Akipusi baci sarankecumpe. Afo yigen yimac kim man sirana yeyon inimbaintaupac baci afan san yinkecumpe. <sup>3</sup>Yigeunamac Kotin namac Iyeno Jisas Karaisi nic avacbac namac yirac ocyac ir avucavac bagac yigen kim bano. <sup>4</sup>Seni macden yac sena sesic suga mukintim yigen yivic deci, sesic Kotimi Susu siankecumpe, <sup>5</sup>neveraino, eni Iyeno Jisasin kin eran birivic ana vandac, Kotinic banta anasi yivacbac uyinkana vani seni indecumpe. <sup>6</sup>Seni eyic birivi dainde yimana avoguc ampamino vani sugam mukecumpe, minifoni macden avoguc anecneuc yigeunamac Kraisin kin dukaunaugan vani eni indigarac inonamino. <sup>7</sup>Sifactiva o, enic avacbac poni senkin simusin uvikaimi sirac avogugic emino, neveraino, eni Kotinic banta anasi yivacbac uyinkana foni yen yirac eraru yinkanamino. <sup>8</sup>Micnagi, Seni macden erani Kraisin Kim dukeci emi amankaci ne anecnefi uvarano vani eran baya sirci samirarunaifo, <sup>9</sup>eni ena avacbac uankan avucavac dukana foni semi uyac sinkemino. Seni Pori, ayogun bainta beci, mage Jisasi Kraisinic Karavusim becumpe. <sup>10</sup>Seni se sigac Onesmusi nani anon indiric eci emi indaontecumpe, seni karavusi gim beci bemi Kraisi nan samagecumpe. <sup>11</sup>Afo beni bani emi avoguc yogaric iyen uankevamino, afo beni mage ende beni avoguc yogarici usinkemino. <sup>12</sup>Seni bemi sankunami evanafaci bemino, seni se sindun tinke bemi sivabac uankecumpe. <sup>13</sup>Seni bem fakaranan senamac bemi enic yogan maremi sena Karavusi gim mam baya siyimanami beni siyayintemino. <sup>14</sup>Afo seni enic ayin iye indaurukec mana anecne iyen uvarantecumpe. Seni avoguc anecneic iye usinkano, eyic ayin avakurinami amankagic intemino. <sup>15</sup>Seni indunami mini and foni Onemusi sito kac emi yere ankemino. Sena indunami mini anecne ampamina eni yevevge bemi sipac avic danari enamac bantemino. <sup>16</sup>Beni mage enic fayan yogam bainta iyem bemino, beni enic avoguc afacavam bantemino. Seni bemi anon avacbac uankecumpe, afo seni indigecumpe, eni yankagare anon avacbac uankanonamino, ben o gim bac Iyenonic kim bac. <sup>17</sup>Micnintemino, ena sen sivicman ey agonaic intei, emac sema sivigeonaic ono. <sup>18</sup>Afo bena ema manadaic uankarukanafi mana anecne eninda manden iye ayac urukanai, sisiminagaci eninda anecneuc kac ayac ono.

<sup>19</sup>Seni Pori, se siyan kinke mana afan sarecumpe. Seni senafoni yevegec ayac ontecumpe. Macnin sirarunaino, eni senkin dina dukanamino, mini anecne senkin dina dukanamino. Afo seni enani micni sirani iyen siyemino.

<sup>20</sup>Fuga ugane sifactiva o, amankaci eni mana anecne Iyenonic avic kim uvansinkanonamino. Ende Kraisin kimi munkugecumpe, micnugaci mini avucavac poni semi sirac avogugic usinkanonamino.<sup>21</sup>Seni indigecumpe, eni mana baya avakurinonamino, micnugaci mana afan evanafac sarecumpe. Seni indigecumpe, sena uvarano seguna anecneuc baci yankagare amucna anecnen uvaranonamino.<sup>22</sup>Afo seni mana baya vaci emi samentecumpe, ey amackim mana rumu vaci baranuna sesac usinkano. Seni biriviic ecumpe yigenyic yugam mukin Koti indiremi amankagic usinkanaci yigena vapac ovevegec yentecumpe.<sup>23</sup>Epafrasi, sen sigono bemi beyacbaci Jisas Kraisnic karavusi ic ugemi, avoguc bayankonen yigemi siyinkemino.<sup>24</sup>Organic ana siyinkecumpe Maki na Aristakusi na Demasi na Luki, yeni sigona yogam baintauci beni yeyacbaci avoguc bayankone siyinkenone.<sup>25</sup>Iyeno Jisas Kraisnic avacbac enic ayo inta namagac bano. Fugai.

## 1 Peter

### Chapter 1

<sup>1</sup>Pita, Jisas Kraisnic aposoli yogam bainta, yige Koctinic anasibanta ma Pontus magusina, Galasia magusina, Kapadosia magusina, Esia magusina, Bitinia magusinkac yerere manamana ugecma anamuruke baugani semino,<sup>2</sup> Iyeuyaifi Kocti mayau Sifonic indintac ma ugackauni, Ayo Intanic antecgam yogamfo antekec Jisas Kraisin avaya indec avakurinagom. Afo Jisas Kraisnic nare mano yigemi sesecuyinkanac i Koctinic avacbac bac nanayin avucavac yigenkim uwikagaracintem.<sup>3</sup>Kocti yigeunamasic iyено Jisas Kraisi Afon avicgac yanic-uga. Beyic anon agun anecne kimi oyam aun yimicdem avuguc bantim mandan singkemi Jisas Kraisim ma fugitingke ukukamfo.<sup>4</sup>Afo beyic oyam aum ma yimicdukami mandac iye-evam iyevac kipananim aumi. Mini oyam aumi Inarumpac i yikarukami bemi.<sup>5</sup> Iyeuyaifi Koctinkim erar indiruganauni Koctinic eran yemi davac uyinkarukanami ovegema yivigananiyi sesecuremi bemi mana maga ma kipananim nurami facbarintem.<sup>6</sup>Mini avucavackugarac anonic urec yimoyogo. Micnugemifo, sitoc yamuckama umana maranagonkim bagac yimoyoyi.<sup>7</sup> Umana yevami yigenyic erar indir ugorin avucavac i fogasiregac ugoregafe mini onarani umani ecam yemi. Mayausic erar indircure ugorin avucavac i korivac i arugemi. Nveraino, gori i igagac ukarambac i maro mandac emi, afo yigeyic erar indircure ugorin avucavac foni Koctin anon avic aminagomino, Jisas Kraisi ma yinanin nuram.<sup>8</sup>Yigeni bemi iye onacdukec i benani yyigarac emi. Magevac ben iye onacdukec i benkimi yindun mungkamino. Afo anon amusin anecne yigenkimi uwikaci amangac asinagonic iyen-em.<sup>9</sup> Yigeni aci mage maramino yigenacosake yigena erar indirim foni, mini i ovegem ma yigen yivicdukanan.<sup>10</sup> Profetiuc afakamani avoguguc i enone ovegem yivigan avucavac kan, mini avabac ma yigenindac i naninan.<sup>11</sup>Nenuranac yintenafi neavucavacgac facbarintenafi Kraisnic Ayo Inta yekima bayi mano yiyimevami Jisas Kraisma marananin umaruc. Afo icnama anon avic marananin nandembaci yiyimemi.<sup>12</sup> Mana bayai profetiuc kaci facbaremifo yeyaran yofairara seyaune, iyeino, yiyen yofairani senone. Mini anecnegugan sirukama mage yigemma Koctin avaya siyimauna siyimicdukane Inarumpake Ayo Inta ma kumenin foni. Ejoruc baci mini anecneuc onarani yyigarac emi.<sup>13</sup>Micnugemifo ecananac yigenyic idini anauganagac i dafisegac yigeyic nirugac mandan antegagi. Mini avucavacfo yiyyeyic erar indir mandan iyakagicurec dafisevami yigenkac mini avacbac iyi, Jisas Kraisma afotagicuem aovegem yinanin nuram.<sup>14</sup> Anagaguc ma ana indanic uregac ani indirec bago. Iyevac o-ic manda ayiruc avakuro. Feni oc-em bantim beci avakuragegom.<sup>15</sup>Afo yigema yararukayi i antekaracugam Koctin bemi, micnugemifo masicden anecne uwaranonagimi antegaciga.<sup>16</sup> Yokimi santemino, "antegaragac ugano neveraino seni antegarac iugecumpe."<sup>17</sup>Yigeni yigen "Yifove" sirec arayive beni mayamayanic yogam dainden onagarac evagin bemino. Micnugemifo magema yigena bane enafakena ininacbasima enafac birana fegantinke anon indiric ugama onigac ogi.<sup>18</sup>Fena yigeyic yinifu-unana yeyic manda baruc yereyimicde bugacma avaguram avucavagugan. Yigeni indigamino korivac silva kacnac maro mandac evam anecne foya yigemi yyiac-ugenaino. Iyeino.<sup>19</sup>Krasinic avoguc nare fonino. Beni namom ben ogac iyevam avoguc sipisipi.<sup>20</sup>Mana maga iyevam yamuckimi Kocti acnarugami bemi ugacdukagem. Afo mayauna basuana yamukim maga maro kiparar evankimi Kraisi yigeunamacgare sirem facbarem yofairam.<sup>21</sup> Bena facbaruem yofaim foni yiyeunamac Koctin kim indigarac ecyamu. Kocti bemi fugau yicbanapake ukukangkaremi anon avic amemi. Micnugac i yigenyic erar indin bac indintim bam ayini Kontin kimi dukami.<sup>22</sup>Fuga bayama avakuron foni antegarac-omi. Afo fuga sigam ayin foni agona aiyangkanonami. Ena ayiankarare amugukingeve aiyangka.<sup>23</sup> Yigeni aci yevegec oyanic ugamino, yunanyuma maro mandac emac kipevam yunanyum foyaino, iyeino, afo fa avoguckac bam yunanyum fonino. mini yunayumi Koctin avayai. Mini bayai aun dukemi fanana bananim baya.<sup>24</sup>Nevaraino, "masicden ininbaintave yenyic bani atayagacnaci ugemi, afo yenyic anon yivic i yunankingena farawam kacnac i ugemi. Atani

## Chapter 1

acyankanami farawami fafasintemino,<sup>25</sup> afo Iyenon avaya iyevaci kipantem. Mana i Koctin avaya yiyema yiyimic-dugam.

## Chapter 2

<sup>1</sup>Micnugemifo masicden manda avucavaguc, ena umac siangkanafi, ena umar amin avucavacgugac ecago.

<sup>2</sup>Anagac ma innamumpac ma macdukama nanan ayenin, manacugemi ayo inta nananin nan narac ayigaraci, mini avucavac foni ovegen avigan avucavac kimi anonic inonam.<sup>3</sup> Afo ena nare oneve Iyeno i avogugucugami ugemi<sup>4</sup>Kraisi vapac yego beni favam fayaman evan onacbami bemino. Banta-anasi yicnanic uamicdukaiyifo mini onacbami Kocti avoguc oyugane siren ugacdukemi.<sup>5</sup> Yigeyacbaci favam fayaman evam onacban kacnac i bami. Kraisi vmpac ma yenafoni Ayo Intagim mam sinona mac i mandan uwaranami. Micnureci Koctic antegam yogam baintac u-eci Jisas Kraisin avickim yigeyic avoguc baruc Koctin ma ayigarac evami aminagomi.<sup>6</sup>Koctic yogimi mini bayi vani macnin sigem, "Onano, Seni mana erar onacbami Saionic decumpe, ugacdukam avoguc erar ugam onacbami. Iyeuyafi bengkim yindun mungkure na avakurinayo-uni yiyorin iye marantenone."<sup>7</sup>Iyeuyafi yeyindum benkim mungkouni yenkaci avoguc onacbanic emi. Mini onacbama mac uwaran baintaucma yifogem onacbamanu mandan avoguc erar onacbanic emino"<sup>8</sup>af, "mini onabami asa bami banta-anasi yofi dupameno. Yena yandone nevaraino, yena baya indire iye avakuron fonino, mini onacbam kaci afacne yandenone."Afacne yandinayonani bani Kocti sirukageninkac ino.<sup>9</sup>Afo yigeni Kocti ugacdukam ininacbasim bamino, yigeni kinic prisiuc i bamino, yigeni antegam ininabasi bamino, yigeni Kocti beyarare siren ugacdukam ininacbasim bamino. Micnugami mini avoguc avuavacgugan simam facbarar inagomino bera ayufunkingke yararem yivicman beyic avoguc kagacma dukanan.<sup>10</sup> Feni yivic iye dukam ininbainta bagegomino, afo mage Koctic anasibanta bamino. Feni yigeni Koctic agunanecne iyen mandukagegomino, afo mage aci benic agunanecne maramino.<sup>11</sup>Sentigonougo, yigeni anamurucke beci fayar afoca kimi nomino. Afo yicnanicgacogi yigeyic manda avucavacguc, mini avucavacguc mano yigenic ayo inta namac anon aruini mandan facbarintem.<sup>12</sup> Mapac ininacbasin yicbanapac avoguc avucavac gac uwandec bago. Afo yena mandaic siangkeye, icnaimi yigeyic avoguc avucavac onacdeni Koctin avic yanicintenone bera yinanum nuram.<sup>13</sup>Iyenon avayavam omarec indeci masicden mana magagackena yivam baintauc yivaya indinagomi. Kimi yanugam bayin bac<sup>14</sup> manamana magusingke gavmanin avam baintan avayavac gac indirec avagurogo, manda avucavac uwara mandac uyinkare avoguc avucavac uwara avoguguc uyinkagovani yemi yiyingkamandenone.<sup>15</sup> Kotinic ayinino avoguc avucavac uwaranu, mini avucavac foni avoguc indinma iye rukena yigema mandac siyingkauni yivam mandan uyaganagomi.<sup>16</sup> Avoguc kacma bana ininacbasin gevac i ba, mini avoguc avucavacfo eyic manda avucavac iyevac davaco. Koctic fayam yogam bainta vac i ba.<sup>17</sup>Avoguc avucavac gac masicden ininacbasin gac uwanyinkac ena ininacbasin ma Koctin kim bau bagac yiyyinkagi. Koctinan fegegac i kin anon avic amegi.<sup>18</sup>Yogar inin baintago yigeyic yieno yigenkac dafitauyic yivayavac indego. Nanayuge avoguguc uyinkam davisin baintauc yivaya manava indinagonaino, iyeino, afo mandac uyinkevam dafisin baintauc yivaya vagac indego.<sup>19</sup> Koctin avaya indirec avakurinagon nana fayugama uman yimic ma marege, mini i avoguc avucavac ugamin.<sup>20</sup> Afo yigena manda avucavac ma uwandama mini avucavac gana yan yiricma mini uman marege, ne avoguc anecne marantege mini avucavac gani? Afo yigena avoguc avucavac ma uwandama mini avucavac gare sire mandac uyinkare na yirige, Kocti mini avucavac gani anon ayirc ugami-emi.<sup>21</sup>Mini avucavac avagurogo vani Kocti yararukemi, nevaraino Kraisi vaci mini uman maremi yofairam. Kraisi ben onacdec avakurinagon ani yocivigemi.<sup>22</sup> Manda avucavac beni iyevac i awaremi, umac sigam baya ben avantenke iyevac i sigemi.<sup>23</sup>Bema mandac siangkane, yemi yevegem mandac iyen siginkemi. Anon umani maremifo yemi yivegem mandac iye uyinkem. Afo beyic bani Koctin ayangkimi demi beni antegam yasi antegam asapake bantayic uman daindem indevayi.<sup>24</sup>Yigeunamacsic masicden manda anda Kraisi umacden mandan beyamugac demi maripo yasac fugemi. Micnuranacgam manda anda uwarsuana sipac ec-anovan. Afo avoguguc becyam antegam avucavac avaguronovam. Bema arure afunana omfoni yigemi mandan avoguguc uyingkemino.<sup>25</sup> Yige umacdemanu sipisipi ma yerere manmanin amankac yerrerec bomi. Afo mage ovegeci avoguc Sipisipi Dafisin Bainta vmpac iyemino, beni yigeyic ayo intagac avoguc dafisiric evayi.

## Chapter 3

<sup>1</sup> Mini ayipike emose anasi wate enawafu amenapaga wano. Minurate mana'a waita a'mose. Iyintewanu yeninama yi antaga abusitem. <sup>2</sup> E'ana fawari eni awogu anta yu. <sup>3</sup> E'ana Mana magagakena eyage mante burano. <sup>4</sup> Au wunam mante avogu anene mose iyaka wananim mante aupem dano. <sup>5</sup> Wafa ateka anasiu Gotipim intidukam. Mini wafakem awafu amenapa wam. <sup>6</sup> Mini ayimi Serami awakurem awafu amenapa bem awafu nanti seti anonave sem. Magemi banaga'i wamino emose awogu anta mose awakureve bu fegate. <sup>7</sup> Mini awafakem yige wata yu yige yinama nampa manafim ba. Awogu anta uwarano. Minuran mana anene yigenti auga mukinti bu uyagatem. <sup>8</sup> Kipanta made yu, mana intika ana wanagom, awagaraem, eno ayiranta watem, eno agunari inonam. <sup>9</sup> Yigemose sawi uyike wagana, yigemi yewagege mini buyogo. Savi waya yiyike wagana, ami isego, yige mini anta nako ami isego. Goti wapa yuga mukure sina yofaino. Goti yigem yarem minurage asumi marago. <sup>10</sup> Iyemose mana magagakena anene ayigara ewate, awuru uyade savi waya yu buseno. <sup>11</sup> Savi anta yu yerarena awogu anta awakurino. E'ana awogu anta afakarem awakurino. <sup>12</sup> Gotini augami awogu anta ewam ininabaga bem, ben agagam yeka bem. Bem bu awakurewam ininawa'i Gotimi yeka augam bumagevemi. <sup>13</sup> Emose awogu anta mose ewate, iye emi savi uwakatene. <sup>14</sup> Emose awogu antafike umamare wate, amoyonam. Mana anenega fege waya bu fegano.. <sup>15</sup> E'ana anonami enarapim wano. Made nuram rafide bega mana wayi mose yerave intaem naugaya Gotipim amakukum dukeve. Avogu anta nampa uwarago. <sup>16</sup> Awogu inti nampa wagana enomose en savi uwake wayim agayeya ritem. Naye yara mini enanti sawi anta ewana intiri item. <sup>17</sup> Awogu item, Gotini ayika umamareve avogu anta ewate. <sup>18</sup> Jisasimi seyuyani kumi mante fubuga. Bemi mana kumi wa iwam waita seyuyani kumi mantem fubem seyuya sivigem Goti adeka yem. Wata yimaka bem fubem, Aiyo agagi urem itavem. <sup>19</sup> Awogu awamu nampa bem Goti nami sawi awamu wapim maru yiyimem. <sup>20</sup> Noani kanaga Gotina mose iyinte'e yom. Noami sipi uwarewa kanafim, Gotimi eiti'a ininaba yofaem. <sup>21</sup> Manami wayegam wayamino. Minugami Gotimi awamupim yivigemi. Nom mara anta mano senuti kumi manta buratem. Minugami Jisasimi kumipim yema fubem senu aya urem afo'e ayan ugapa bem. <sup>22</sup> Jisasimi Gotini ayan ugapa bem. Inarufa untavem Ankero yu, yogaru nampa eranti bem manta amitem.

## Chapter 4

<sup>1</sup>Minuka, Jisasi benaunapa maremi bemananireya seyuwa marateya. Iyewafi benaunapa umam maremote kumi,i yagatem. <sup>2</sup>Mini watamanoni au,ama aumano wamatare binanim, watayi intika buwanonamifo,Gotini intika ayika binonam.<sup>3</sup>Emi wamatare binona kana mapawam wita anasi awuawa bu awakurofa, awogu intika wafa, saviawuawa, nonarante, nonage kasamaremo, afa waitamano awuawa umare amuna Gotika yigoyaum rade yemi anona,avi amirante emo. <sup>4</sup>Yeintami auwem uwareveyare semo mini awuawa, minukami yemi savisawa waya sakemo. <sup>5</sup>Yemi yeyi wayayu manawayi wita anasi nampa fawam wita anasi yeyi umam mare Gotini yoga itavitemo. <sup>6</sup>Minugami yaumaram waya fukam wita anasi yiyimem.<sup>7</sup>Masiden aneni kiparantem adekagiem, minukafo awogu intiti mareveya afiseya sukama mukuma intiti erarofane. <sup>8</sup>Masiden anenemanoni yanafa, awogu intiri,ono uakewayi yiyeno. <sup>9</sup>Avim nampa ofaim maranayire mana enom awosire enom ofao. <sup>10</sup>Manamana wayi eyi amoanene maranakomi, mana,a enom yofaono,atede Gotini yogaka maremaro fawarogo. <sup>11</sup>Iyewafi asitemote, ranana Goti asino, iyewafi rafisem, ranana Goti beyi eranako yimino, mini anene uwaratemote Gotini Jisasi avipim anom avipim watem,watem bitemi, fukave.<sup>12</sup>Setika,ano ranana mini anenemanoni igamo again buyino emi, mana,a antudin anene yepim fawarem. <sup>13</sup>Antudim itemiure Jisasi amuna umam maraniure marateya, amoyono semi simoyeve beni erantano auweniusikem. <sup>14</sup>Emo Jisasi avipim watemote, emi asumi rukanonam, Minukam anona awamuan Gotini erantano senampa watem.<sup>15</sup>Ranam watayirim waitamano akurini buyofa, umam wita, savianta ewayi asuse anta. <sup>16</sup>Iyewafi mono wita anasi umanto mraratemote buakaye buyo, atede, Ranam Goti be anomavi marano.<sup>17</sup>Gotini koano beni mono mapike agoyaratem. Senupikem agoyarem,Gotini waya wawakurewa yepike Nate aneni yitenafi? <sup>18</sup>Afo"yemi awoguwaita anasi aupa yaumarami itepaka mono waya buyintewayi wateye? <sup>19</sup>Minukamifo ranana iyewafi Gotini ayika umanto maremo benaunapa wogo amakukuga bemi.

## Chapter 5

<sup>1</sup>Anon rafisiru yigenti ami makaunave, sem, iyemano Jisasini fugim waya maro siteye. <sup>2</sup>Seyu Gotini watanasi rafisefa, minugafo eno intayika emi, ugamifo eyi ayika, Gotini emi ofaugafu bu agayeno intintano intagana wa. <sup>3</sup>Anom waita yi ure Gotini watanasi mante mempapa irano. Minugagana amani ono. <sup>4</sup>Minugami anom waitayu sima fawarem, emi ikipam awa- awa maranonam. <sup>5</sup>Manugam ayipim, yige fumara wata anoniurega yideka wago. Madeyu unamwado yigeure yira nampa ben ofa ofa ogo. Nayeyara avi yani evayi mante magapa ratem. Magapa en auranonam manta yani item. <sup>6</sup>Minugami eyau rana magafim kumina, Gotini abogu ayamano manta yani-i. <sup>7</sup>Eni umanti beka marora, nayeyara eka rafiakekewemo. <sup>8</sup>Rafiseve amona! eni namugo, wanonomi afa iyananta en arure narantemino. <sup>9</sup>Amakukupim erarure be manta magafim da. Emi amakukum watanasi manayom umanti marevemono. <sup>10</sup>Sitoka au abisi-i maranona, Gotini maside awa-awa, bemi Gotini awa-awa nako arem, bemi eranti amem aboguakem. <sup>11</sup>Bepimi bantano eranti. Fugave. <sup>12</sup>Semi amonaman Sairasi atekan afa aware, minugami agaragem dem semi ake nampa sasameupo fuga Gotini awa-awa. <sup>13</sup>Babiloni kena inim, Goti avidukam, avogu waya Maki nampa siyikem. <sup>14</sup>Enon ayir anta mano yigepim ba. Ara faru yige nampa watene Gotini watanasi.

## 1 John

## Chapter 2

<sup>1</sup>Iya'ontano semi waiyami agante se'i, emi kuni buyono. Afo iyemo kumi'item mana yofaim waita Jisasi Goti aga awana waita bemi yofaitem. <sup>2</sup>Jisasi kumpike yividuka yewa yegem masidem mana magafim wam waita nasi. <sup>3</sup>Seyu bewapa beyami benati iteya beni ake waya fakafa. <sup>4</sup>Mana wayi semi Goti nanti intevege sevemi beni waya bu awakurem beni munatirem fuga bepim buvem. <sup>5</sup>Iyemo fuga waya fakanayimi fugafua sirem i Goti benampa watemi. <sup>6</sup>Semo Gotipim wate'i beni sagaga anta kaga nofa bemo wan antaganofano. <sup>7</sup>Inta auwem akewaya agante ame'u, wafa waya samuna emi intaga. <sup>8</sup>Ena auwem ake waya agate'i ame'u fuga jisasi yige nampawa, aiyufumano bewami, sagatano yiga. <sup>9</sup>Mana waita bemo oka bege sevemi beyafa wam bu ayievem bemi ayufupim fabemi. <sup>10</sup>Iyemo beyafa awam ayinaniyi bemi oka wanani mana anene bu ya'akatemi. <sup>11</sup>Iyemo beyafa awam ara umanti ame wayi bemi ayufupimi novem naugane, ayufumano augam futituga, anene yui bu amonatem. <sup>12</sup>Semi emi iyotano suno naugane yigenti kumi'i anonamanoni avipim, yiranano. <sup>13</sup>Semi aganta watayupi rauno, emi inta anata agoyaraga sunave, fumara waita satani eranti yakagaga. <sup>14</sup>Yige watayu intaga. Fumara wata eranti ruka. Gotinami yigeyirapi wanonomi eranti araruparuka. <sup>15</sup>Buwa mana magafimba aneneyu aye, iyemo mana magafike anenemo ayitemi bemi Gotini buayitemi. <sup>16</sup>Maside mana magafike yiga, aumi buamite Goti pagibuyiga. <sup>17</sup>Mana mini maside manamagafike ayiru, iyauvittem Gotini ayiga wayi Goti nampa bugipa aum maratem. <sup>18</sup>Iyaontano araganonafim intanami muna kasi nampa waitayu yiteye. <sup>19</sup>Yemi senupike bugam waita yu yago fega senu nampa buwa yentago fega. Yemi muna waita mono. <sup>20</sup>Emi ayomi mantaga emi fuga waya inta epimwa. <sup>21</sup>Semi emi yuaga fuga waya yu intarukana minugami muna wayamano fuga waya item. <sup>22</sup>Iyewafi muna waita, Jisasi nanti semi buwane sewayi yemi muna waita yumono. Item waita mano semi wata aka buwane <sup>23</sup>sinaniyi. Goti benampa buwatem. <sup>24</sup>Emo anata intana e's ana epimiwa. mini wata aka Goti amonaga. <sup>25</sup>Mini kaga waya siga bemi bukipa aumi yimiduka. <sup>26</sup>Waya agantem semi iyemi abigena iya ayipim bitenafi. <sup>27</sup>Emi asumi amemi marana Gotini ayo e'ana epim bena ofaurem agatitem. <sup>28</sup>Bepim erarurega wago beyi kanaga yinanim simoyeveveya ageya uroteya bepim bubeya sigayeya marateya. <sup>29</sup>Emo intanam bemi ategana masidem seuba atekam antafim auweni uegya wafa.

## Chapter 3

<sup>1</sup>Amonago na'uga ayira yigen yifoe yimidukene, minimi Gotin agafatave sireya sefanu, mini seyuya mino. Minugamo mana maga mano seyuyani bu amonagam, nayeyara magamanomi Gotimi bu amonarukam.<sup>2</sup> Ayigaraugami mage seyuyami Goti agafanta mino, manawayi amakagi buyugane seyuyapim. Jisasi fawarinanim amoneya inteya ugafu seyuyami ben amaka bafanu, minugapimi bemi amonama beyi umareya.<sup>3</sup> Masideyu beka amakuk rukayi, nampa beka eraru wayimi atekarauma Jisasi waka wa.<sup>4</sup> Masideyu mose savi anta ewayi nampa umowa baya romugewayi minim kumi'ino<sup>5</sup>. Amone inteuga, Jisasi mose mare fabarubem kumigu manta fafa ruka, bemi atekara ugam aga.<sup>6</sup> Manawayi mose bepim wanoram kumi'i bu uwarano. Inenega kumi ose ewayimi Jisasimi bu intem amonaga.<sup>7</sup> Abogu iyaoru, emi rana manawayi abigem savi ayipa bubino. Atekan anta mose ewayimi bemi atekem, minuma Jisasi mose atekaniuga.<sup>8</sup> Manawayi mose kumi uwarewami minimi wanaroni anta eve, mempe agoyantake wanonomano kumi uwantuka. Minugamo Gotin aga ano mare fawarugam, yema fawaruwemi wanonomi manta savi uruka.<sup>9</sup> Iye mose Gotipikem rakano, kumi'i inenega buyono nayeyara Gotini anayumi epim ba. Bemi kumi inenega bu inanim nayeyara Goti kakem ram buga.<sup>10</sup> Manafimi Goti agafanta nampa wanonom agafanta manta fakagi uga: Mana'a wayi mose ateka anta buyevem minim Gotipikenaye, mana mose eyafa awa bu ayirukate minimi kumi'i.<sup>11</sup> Mana wawa mi anta fakem agoyantem intaga. Seyuya mose ena watanasi ayefanuna waya.<sup>12</sup> Keni amakagi buyofane, wanaroni awuwa mantem beyafa aya aruruka. Naugana bemi arene? Nayeyara wanaroni anta emino, afo ben afa awa atekan anta ugam.<sup>13</sup> Setifa awa, bu amoyono, mana maga mano mose afoga'akana.<sup>14</sup> Seyuya intagafo, fugintike mose yakagama aum mantukafu, nayeyara seyuyam yifa awa ayiga ugafuna. Manawayi mose bu ayikayimi fa fugintim wa.<sup>15</sup> Iyewafi eyafa awa bu ayewate ai mini aruma fugewana. Emose wata aruma fuginona, bu gipa aum epim buwem.<sup>16</sup> Managakemi ayinti amone inteyare nayeyara anonamano be aum seyuyaka kiparuka. Minugami seyuya aumba sifa awaka kiparafanunave.<sup>17</sup> Minugamifo manawayi mose mana magagakena anene utu makem mifo, ben agun anene eno nanti bu makananim, minimi nau rena Gotini ayinti bepim fawaritene.<sup>18</sup> Seti awogu iyaoruge, a nako ayiranta eve mote eyi awu awa nampa fuga anta ono.<sup>19</sup> Mineve yami, Gotini atekan anta nampa wafu, yimafopikem ben nampa wama sokeugafo.<sup>20</sup> Seyuya yira ano mose uman dugana, Goti bemi anonayi uga yira amonama sito aneneyi item maside anene amonama kara uga.<sup>21</sup> Ayigara ugafo seyuya yira ano mose bu umanduga mini Gotipim erarure wafu.<sup>22</sup> Naye arene yugantose inta iyami, ese marateyare, nayeyara beni gagadukam baya awakunteya, ben ayikana anta mana ewa.<sup>23</sup> Minimi beyi kagadukam baya: Goti aga Jisasika masideyu yimakuku evega, ena watanasi ayeno, minuma beyi kagadukam waya mose yiyyidukam.<sup>24</sup> Mana wayi mose Gotini kagadukam waya rafisemi bepim erarurem bananiyi, mini Goti bepim ba wananim. Mineveya amonama Goti bemi seyuyapim ba, minuma ayo aga ose seyuyapim bayi yoyivigem.

## Chapter 4

<sup>1</sup>A-yeno, masidem awamu amakukum bu-on. Minugami mini awamu au-made amona, Goti wapakenafi, nayeyara amuna muna kasanampa waita-u mana maga-ga bugane. <sup>2</sup>Minigakem, Goti-ni a-wamu amonanonam-masidem awamu amoyeu emi mini Jisasi mana magafikem au mantem yene. Goti wapakem. <sup>3</sup>Minugami masidem awamu Jisasi ka yimo bu ewayi, mini Goti wapakem waye. Minimi muna Goti pikem awamuino, wafa intana rukanave yewane, a-ii mana magaga yigane.<sup>4</sup>Emi koti wapakenamono iya ontano eymi yakagano, nayeyara iye epim wayimi be mana magagakem be ke uga yi iwane. <sup>5</sup>Yemi magagakemono; minugami naye yesinayomi magakemanamino, minugami magami yenta intewane. <sup>6</sup>Seyu ya Goti ninta wafunave. Iyewa be Goti amonagayi seyu ya intatem. Be iye Goti ninta buvenafi, be se yu ya bu intanani. Minigakem seyuya fuga awamu nampa saui awamu amonama faware yamuno.<sup>7</sup>Ayeno maraya eno ayefa, mini antami Goti ninta mino, minugami masidem iye ayairanta rukayim. Bemi Goti pim fawarurem Goti amonem. <sup>8</sup>Nanayayi iye ayiranta bu evenafi, be Goti ninta buvemino.<sup>9</sup>Mini antagakem Goti ni ayinti seyu yimuga yeradem magem. Minugami Goti beni mana iya-om sasakama manamagaga dem. Mayeyara be wami seyuya wafunave. <sup>10</sup>Mini fimi ayintina, seyuya Goti bu ayeyamuna, benarem seyuyami ayimino, minuremi bemi benaga sasakami seyuyami kumi manta fafadem.<sup>11</sup>A-yeno minure Goti syuya ayimi, seyuya enowa ayefano. <sup>12</sup>Imi manawayiwa Goti bu amonagam. Minure seyuya eno ayeya, Goti seyupim bem, afo beni ayinti seyuyapim avogugi em. <sup>13</sup>Mini gakem seyu amone inteya seyu bepim wafunave, afo bemi seyuyapim bemino, nayeyara bemi mana-a awamu seyu yimikane. <sup>14</sup>Mii-nii-mii, seyuya amoneya minigakem fawarure seja Goti benaga sasakama mana magagakem, yofaintino.<sup>15</sup>Iwewa amoyevem sem Jisasi Gotin aga. Goti bepim bemino afo bemi Goti bim bemino. <sup>16</sup>Mii-nii-mii, seyuyaintareya amakukun e-yare, mini ayinti Goti senuntita rukane. Goti mi ayintino, minugami mana wayi iye mini ayintim wate. Goti pim ba wanona, Goti bepim wane.<sup>17</sup>Minigakem, mini ayinti seyuya amuga uwantama soke-em, minure seyuya ko kanaga erarusikatem, nayeyara be wami, minugami seyuya mana magaga beyamuno. <sup>18</sup>Feganti ayintim buvene. Minugami, avogu ayinti feganti fafa itafevem, nayeyara feganti ami romugewa yi nampa uware-wayim. Afo manawayi iye fegayim. Be avogu urem ayintim bu uwakagam.<sup>19</sup>Seyuya ayewaveyare, nayeyara Goti seyu nare ayimino. <sup>20</sup>Minure manawayi sem, "Semi Goti ayevege" afo bema wa-e ayiranta bu rukam, be mi muna waita. Maure manawayi iye ena wa-e bu ayevewafi iye be amonenafi, Goti bu a-yitem. Iyewa be bu amonenafi.<sup>21</sup>Minugami, mini kaga waya seyuya be wapakem marafuna: iyewa Goti ayevenafi minurena bema wa-e wa a-yino.

## Chapter 5

<sup>1</sup>Iyemose amakukum Jisasi Gotin aga, iyewa ben afoe ayem inaniyim be anim ba ayitemono. <sup>2</sup>Nayeyara seyu intage seyuya enom yiyyeteyare Goti agafanta. Goti ayeya beni kagadukam waya awakurofa. <sup>3</sup>Minimi Gotini aiyintino: Minugami beni kagadukam waya rafima soke ofa. Mini kagadukam waya mano umanti enom bu ameno<sup>4</sup>Madeyu iye fawarugano Gotipike mana maga manoni eranti aruga. Gotipim agabeya yimakukum eya beni eran nampa mana magani eranti yakagaruka.<sup>5</sup> Iyewa mana maga manoni eranti yakagagene? Yemo yimakukm emi semi Jisasimi Gotin aga ino.<sup>6</sup>Mini mana iyantano yiga nopim ba narefim: Jisasim nopim mana bu yiga, nopim ba narefim yiga. <sup>7</sup>Miniga kamoreea waita bemi bema siga.<sup>8</sup>Ayomi, nomi, naremi.Mini kamoreea mano mana yirakauga. mini kamoreea mano mana waiya mana siga.<sup>9</sup>Seyuya wata semwaiya inteya, Goti sinanim waiyami wata awa yakagatem. Nayera benanim manoka ana sitem. Iyewa amakukum Gotin agapim ugayi benanim bepim wa. <sup>10</sup>Iyemo amakukum buinaniyi Goti muna waitave siga, nayeyare bepim amakukum buem ben anipim sim waiya.<sup>11</sup>Waiya sima fawarewayi manamino. Goti yimiduka avoguka bam aumi. Mini aumi benagapim Jisasipi ba. Iyejisasi rukayi aumi maratew. <sup>12</sup>Afo iye Jisasi burukayi aumi bumaratemono.<sup>13</sup>Mana waiya agante yigepa dege amakukum Jisasin avipim ugayi, yige omanta inte mareuno iyaka wanuna. <sup>14</sup>Minugam Gotini ayinti awakureya mana anene yanti intanim beyi ayika intarem amitem.<sup>15</sup> Minugami, seyuya omare amone Goti seyuya nanti intevem- Nayeyanti intainam amone inteya naye wafi intaina ofanami marateya. <sup>16</sup>Iyemose amonanam en afa kumi uwantukagana mini kumi ano fugika buakem, bemi augam mukinam, Goti aumi amino. Kumi ewayika sire sewauno, benam augam mukino busewau. <sup>17</sup>Masidem savi antami kumi ino, mini kumiano fuginta bukipatemu. <sup>18</sup>Seyuya intaga madem watanasi Gotipim watanasi raka, yemi kumi anta bu awakurevemono. Ive. Goti rafima soke emino benaga wami, Wanano ayam buratem.<sup>19</sup> Seyu intagafu seyu Goti agawafu, minugam mana maga wanano amamenapa.<sup>20</sup>Seyu intagafu, Gotin aga, aiyiga intinti seyuya simewa. Minigaya Goti amonama sokeofa. Goti nampa agabega Gotin anim Jisasi. Jisasi fuga Goti, bemi aum bama anantare banaum afoe. <sup>21</sup>Setigantao masidem muna Gotika nepa wago.

## 2 John

## Chapter 1

<sup>1</sup>Seni mam mackim acnaric ugeguno samenavaci eni Kocti ukacdanin iniyo enagafandaunamac indeno, seni fuga sigenim bayayani segunai seyackagac segaune. <sup>2</sup>Neverafi, fuga sigenim bayani, mayau sindutimi benimi masicden nurami bananam bantemi. <sup>3</sup>Kocti yikeunamac Sifo namac Jisasi Kraisi ben Akac nama fuga andagim namac ayiranda namaci. Afo avabac namac, agun acnecne namac nanayin namaci, mayaunamac bantemino. <sup>4</sup>Afo seni anonic murec simoyecupe. Enagafandauc kinke yonaunani fuga sigam bayani avakurennone. Kocti uwarano sigam bayani yikeunamac simenine. <sup>5</sup>Seni mage anasio emi samego, oyan baya uwarano sigana sandar amegauno. Afo, acnantapac yigunamac indeguna bayani semi, ben ayin ben ayin onon sigemi. <sup>6</sup>Afo man Kocini ayinino, bayani awackurono sigankac uguke avakuron. Manai avakurono sigam bayani acnantapac indena bayanino, mini sigeninkac munkue bono.<sup>7</sup>Neverafi amucno mackasim baintauci magacmagac benono, yeri Jisasi Kraisi mana makagackena bugim yenim bayani ayompenono. Miyi makasim bainta namac umac Kraisi namaci bemino. <sup>8</sup>Esac dafiseno, yikeunamac yokeguna andandauc eni micnage oyogenone, afo eni minigac anon ayaci maranonamino.<sup>9</sup>Iye o'anariure bu kipantano waya. yemi Gotimi yen yirapim buwa. <sup>10</sup>Jisasin awaya iye sevanani en amapac yina, avicman naumpa iyevacde a iyevac andeno. <sup>11</sup>Iyec bemi ayandintenafi, benic manda yogani ofaemi.<sup>12</sup>Seni amucnabayani dukeci avanafac afan sararani indec upo. Afantilm iydantego. Iye indeno evanafac yerec en ontin aneci enama anisentecu,<sup>13</sup>ugackam onanan akafandauci, emi ayandeyo.

## 3 John

## Chapter 1

<sup>1</sup>Seni Yoni, mam mac kim yicnomic ugauno beci mana afan avoguc sifactiva Gaiyusi avoguc sifactiva vapaci sarecumpe, fuga sirem benkimi sen tivacbac bemino. <sup>2</sup>Avoguc sifactiva o, seni enani macden anecne gim avogukac be, ac bac iye maran, eyic ayo inta gim avoguc biric ono vani sugam mukecumpe. <sup>3</sup>Sifactiva unam ena anteckan avucavac kim bana vana mare sisimec indireci enani anon simoniecumpe. <sup>4</sup>Sena simoyegunai, ena anecneugana simoyegunai simoyiriga egaune, sen tigafandauc anteckan avucava kima baci.<sup>5</sup>Avoguc sifativa o,

eni fuga sire ey araci amicde afacava unan yiyyate enafateno vaci yiyyayanamino,<sup>6</sup> yeni avoguc avucavac uyinkana vani mam mackin enani siyimenone. Eni avoguc avucavac ure siyinkanani Kotin ayevan asaci benone,<sup>7</sup> nevaraino, yeni Iyenonic avic kimi benone, mapatena inimaintau pate mana anecne vac iye marenone.<sup>8</sup> Yigeunamac mini avucavac micnugan inimbaintauc uvanyinkanuna foni, yigeunamac bac fuga bayaic yogam bainta bantecumpe.<sup>9</sup> Seni afan sandaunami mam mac kinkena inimbaintau pac bimi, Diotrefesi, yenkac acnaric ugaranana ayeva bemi, yenamac iyen sivigemino.<sup>10</sup> Afo sena yeraeci, bera macden uvaragenin avucavaguc avogugic urec oneci, yenama gana manda bayauc sageninuc bac onantecumpe. Bera uvarenin avucavaguc amankagic iyen uankami, bera afacava unam yivicman den avogugic iyen uyinkemino. Beni yivigarana on inimbaintauc umocdu yinkaremi mam mac kinke siyinkamani mapaci demi.<sup>11</sup> Avoguc sifactiva o, manda anda iyevac avakurono, avogugac avakurono. Iyefi avoguc anda uvarevanani i, bera Kotin indam bemino, afo manda anda uvarevanani, Kotinan iyen indigemino.<sup>12</sup> Macden birivic an inimbaintauc Demetriasi nani avoguc bayauci siankenone, yeni benani senone, bera fuga baya gin avoguc bainta bemino. Yenamac baci benani secumpe, micnugemifo, eni indaganamino yenamac segunai fugin bayan secumpe.<sup>13</sup> Seni amucna anecneugan emi sandan amirani indecumpe, afo amankac yogin iyen sarantecumpe.<sup>14</sup> Afo seni acdekac en onarani indecumpe, en onana sen sonevanac a sirani siyimino. Iyenonic avacbac enamac bano.<sup>15</sup> Afacava unam baci avoguc bayankone siankenone. Seni mana mana afacavauc baci avoguc bayankone siyinkecumpe.

## Jude

### Chapter 1

<sup>1</sup>Juti, Jisasini yogam wata, Jemsi afa awa yemo yararukam, Gotini aiyika, Jisasini yogaka dukami.<sup>2</sup> E' ana awa awa nampa faru'anene mano nampa agintano anoni ino emi.<sup>3</sup>Sifatiwa rafiseve yigemi aganyikeu, Goti yiviganami, minugai mage ena waya aganyikeu, erarugega yogege yigeyi yimakukumi fakama ake ega Goti ayuye namugo watayu yakagago.<sup>4</sup> Mana'a watami monopimi afiuge wane, feyapa Goti semi ma mi'ni na'ni watami Gotini koka'i afiugane, Gotini awa awa mante fayantagi ewane. minuremi Jisasi avi yeyivege wane.<sup>5</sup>Magemi emi sasamirare, Ano'namano beyi watanasi egipikem yivigem marerem, abuyintam watayu yiruma fudukane.<sup>6</sup>Eyo ankeroyu yenyi yogam manta burasukemi yewam magu ifade kukane, Goti fakarem eram nanako antaumaka, Gotini koga itavinayo.<sup>7</sup>sodomu, gomorayu Gotini augaka'i buatekam anta aware wami yemba'i yenyi magu wa'i iganako katayikem, mini savi antayu ewayi bukipam igafim bayi, awame i uyikemi.<sup>8</sup>Minugami, kaimi amonewayi yeyugane muku yirugami sefo, Inarufakena ankero yu yanti sima savi emono.<sup>9</sup>Minugami ankero Maikori Mosesini auyanti wanonom nampa asiburem , savi waya busemi, e'ana ano namano asibu aka.<sup>10</sup>Mani watayu intama soke buyinti savi waya yem yamano yeyi intinti manta savi uruka.<sup>11</sup> Ma'e ategago keni bim ayipim bewane, Mageyanti intare'i yoge wane, minuremi balamiyu savi marare emo.<sup>12</sup>Minugai yegemi ayofare aupa'i mini yunami yukare eno nampa ayewanami, ma'am watayui Goti augaka i ye yarantana itemo, yemi ai burewa konami, ma'e susuwa mano avige yigagana eva, ma'e mana yamano akam burakana ugane.<sup>13</sup> Yemi bun nom fegana ram susuwa yanta yegaye maremo,yemi buge yige ewam ofumi. Minugami ayufukam magufim wantana watemo.<sup>14</sup>Enoki, Adami yogam waita, kasa nampa ure semi amonago. Ano namano amuna,amuna Ankerogu nampa yitemi.<sup>15</sup>Bemi owayegem yinanim mana mana watami ko'i yigikatmi. Bemi yinanimi, iyewa savi anta emo, savi bu atekam waya sinayoyim wa yeyi savi antaka amonatemo.<sup>16</sup> Ma mini watayu'i yira uma nampa, amum waya nampa,savisawa awu awa nampa enomi savi uwakewa.<sup>17</sup>Sifatiwa intago mana waya mose Jisasi kato aga'ano sigimiduka.<sup>18</sup> Mani sire semo enanti, arafagi inami savi waya siagare awakuritemo.<sup>19</sup> Yemi savi waya yunako dakadak a emo, yemi mana magagakena yui vemi ayo aga burukemo.<sup>20</sup>Afo emi atekam amakuku ono ,Ayo aga nampa augami mukono.<sup>21</sup> Gotini awa awapim wano, e 'anana jisasini faru anenemano avigena wanta na aumi marano.<sup>22</sup>Yofa'ega awa awa uyikago yeyin amakukum eram burukayim eran uyikago.<sup>23</sup> Yofa urukeya mana'a igafim wami, yivi ege'ga igafike fafadago, enomi feganampa awa awa ure ofa ono.<sup>24</sup>Madem anonamno rafiakanami Gotini augakai itavinonane, atekam anta nampa amoyeve.<sup>25</sup> Mamini mana Goti senuyam sividukam waita Jisasi senuyani Anona enavi yanafa urina, rafisinanonami, eyi era nampa, inaemwa, makewa, masidem nuram. Fugave.